

重修郟城縣志序

郟之見於春秋也尙矣溯所自出郟子爲少皞氏苗裔武王
分封茅胙爲魯附庸由來最古夫自古迄今時勢遞遷罷侯
置邑變更不可紀極矣卽郟亦嘗革於唐宋間久之乃得仍
舊君子見其名而興復古之思是究是圖則必於志乎取法
焉考諸原書作自前明殊乖義例甚至典祀溷入釋老選舉
雜以蠲貲春秋謹嚴之謂何古聖賢問官傾蓋之遺風又安
在歟前令深澤王君慨然釐正旣屬草藁未付梓人渤海張
君嗣宰是邑百務畢興修水利築河防舉節孝育英才念茲
十餘年來可述而志者甚多定用重修竣事烏虜公吏日校

簿書鮮從事於文教寧復問志之得失哉若張君者可謂知所重矣漢書循吏傳有言儒者通於世務明習文法以經術潤飾吏事輒有治理效君之謂歟余以觀察二東兼攝藩篆適觀新志告成深幸復古之有人也於是乎書

萬壽恩科揀撰特用刑部郎中誥授中憲大夫分守濟東秦武兼管水利通省驛傳道署理山東承宣布政使司布政使加三級紀錄十七次尹嘉銓撰

乾隆二十九年四月初五日

重修郟城縣志序

郟城古郟子國也周封少皞氏之後於郟爲魯附庸春秋魯昭公十七年郟子來朝昭子從而問官焉郟子數典而述其祖以對孔子聞之見郟子而學之而嘉其克守先緒不失舊物其崇德象賢秉禮惇信所積習然也秦漢以來割隸分轄遞有沿革載在前史明初改縣爲郟城領於沂州尋又屬兗屬濟國朝因之雍正二年分沂州爲直隸州十二年陞州爲府而郟遂爲沂專屬附邑矣邑介南北之衝自漢迄明疊遭兵燹地濱河海水潦頻仍一遇災眚民居蕩析以致文獻凋殘典籍闕如聖朝御宇休息恬養百有餘年欽惟皇上軫念

民瘼慎重河防賑卹䟽濬藐茲郟邑不惜帑金十餘萬之多
翠華臨幸指視規畫省方問俗惠澤有加焉太和洋溢百穀
順成三時不害凡茲士庶熙熙然如遊光風化日中所以咏
盛德而矢弗諉者詎安可以不志哉按郟志昉於萬歷之十
有三年世紀遼遠外訛罣漏舊帙散失同於杞宋之無徵直
至康熙十二年郟令張君三俊同前令馮君可參纂訂成書
距今又八十餘禩矣列聖相承重熙累洽制度文章日新月
盛孝義節烈比戶可風不加採輯其何以訓方俗而備咨諏
乎余受命典郡巡歷屬邑至郟而辨山川之險易視土田之
肥瘠觀風俗之澆淳因以景仰前猷訪求古蹟其縣西十里

爲傾蓋亭孔子與程子之路遇交談處也去縣西北七十里
爲磨山曾子之遊學地也緬至人之警欬證一貫之心傳音
徽雖渺遺址猶存爲翠然遠望者久之旣而邑大尹張君以
所輯縣志凡例見示而請其序於余余披閱條例蓋前令王
君楠所創定張君蒞事後同邑紳王庶常考訂以成帙一本
春秋謹嚴之義年經月緯微顯闡幽不支不蔓有綸有要誠
哉爲一邑之信史矣夫比事屬辭春秋教也春秋左傳紀郟
子之言曰吾祖少皞氏之立也鳳鳥適至故爲鳥師而鳥官
五鳩鳩民者也五雉夷民者也九扈爲農正扈民無淫者也
縣令一官有鳩民夷民扈民之責焉郟雖蕞爾邑乎遵斯志

也率由舊章進斯民而復於古異日者政成報最鵬搏鶴舉
攀鳳翼而贊鴻猷以上佐聖天子邛隆之化余與張君有厚
望焉遂不辭固陋而爲之序

誥授中憲大夫知山東沂州府事加一級紀錄十八次又軍
功加一級紀錄二次前廣西桂林鎮安平樂三府知府長洲
宋敞靜山氏撰

時乾隆貳拾捌年歲在癸未陽月吉日

序

孔子言夏殷之禮致憾於杞宋無徵而推其故曰文獻不足是知文獻所關綦重也今郡邑之志其文獻之寄乎古者國皆有史龍門始彙萃爲史記而志居史體之一後此如華陽國志之類實兼表志論贊之體與史相埒故志之爲事無論缺略鄙僿者不足行遠卽操觚之家不難以文章飾吏治而或浮豔無實藻績足以揜眞義例弗嚴名器浸以多假又或體裁不明紀載繁而未規於正綱維莫舉部署雜而未就其班其距儉陋者亦復幾何余初調茲邑披閱故牒有未免如前之所云者顧地居瘠敝之區重以積歉之後荒饉滿目仰

屋棘心方爲民請命之不暇而何暇以文事爲幸值聖天子
照臨所至無微不燭蕞爾一邑時切軫念旣賑救遞加復允
撫臣之請興修水利以謀永久兩載以還饑者甦流者復沂
河築墨河疏訟獄漸清民氣恬適意亦徵文考獻之一會乎
余迺得假簿書餘閒芟蕪益簡眷別嚴核且於大目中補編
年附餘兩帙復於細目中詳河渠倉儲諸務其說略具於例
言而余所瞿然勿釋於懷者郟民災變遞經子遺幸免之餘
生皆余所目擊而神怵其歷世以來所有傷危困厄之已事
又余所披卷而心悉故是書取以爲文者逞逞多危語日以
爲獻者逞逞多憂思而不敢使郟子遺黎僭擬齊魯名勝之

蹟一涉鋪揚凡以志其實也雖然官與禮一也二代之近其
後竟無傳皇初之遠郊子能言之郊固聖人所嘗取裁也以
今天子之所厯念與古聖人之所諮詢皆在是邑其亦將化
瘠區爲樂國講禮教於邊隅而勿以褊小自闕乎是非司牧
之責而誰與歸

乾隆十有四年夏五深澤王植撰

郟城縣志序

縣之有志所以備一代之參考而昭法戒於來茲也故周官有外史之職以掌四方之志郟雖彈丸末邑卽古之郟國也問官傾蓋聖賢之模範垂示於不朽者昭昭可攷其間之名臣碩儒以及節義孝友之士代不乏人顧可使之世遠年湮泯沒而不彰歟况我朝政成化洽淪骨浹髓百餘年來因革之周詳民物之繁衍風俗之淳厚人文之蔚起與夫學校政令之廣盛尤不可略而無所稽耶斯志之修成於明季萬曆十有三年邑令顏公已時代更易遞變各殊矣本朝邑令王公諱植者宰治斯邑睹編簡之歷年已久慨然有軼缺之歎

爲之蒐羅往古博採群議筆削愈嚴紀載益悉迄丁卯暨庚
午斯志始爲告成乃未發梓而賦歸去焉歲之辛巳余來茲
土檢閱遺稿見其起例發凡分門以聚類絜綱以統目猗與
休哉何其詳歟因繼其後而續成之間有未備如我朝巡幸
慶典黎庶蒙惠澤之普憲恩周遍閭閻獲溝洫之利以及十
餘年中之未及載錄者商之司鐸王君復加探輯周訪謬爲
補焉邑之紳士大夫樂觀厥成余遂請諸郡伯爲之序而竟
其功庶後之賢者覽斯志以識王公之苦心而藉以有所參
考也歟是爲序

時乾隆二十八年歲次癸未冬月郟城縣知縣張金城撰

序

志卽史也重黎司正由來尙矣春秋史而經也龍門職掌水
平與校以其官史者也盧陵五代紫陽綱目以其學史者也
非識與筆則書不成卽成亦不傳史顧不重哉郟古名區也
郟子系傳少皞雲官烏紀聖人擇焉其地附於魯禮教信義
之邦也名賢傾蓋宗聖講學炳炳烺烺蹟不沒也以故名流
之文學節義愚夫婦之疾風勁草所宜表而彰之者代不乏
人舊志始於前明萬歷續於國朝之康熙十二年癸丑歷八
十餘歲至乾隆十四年邑父母深澤王公慮其久而缺略也
爰取舊志增而修之公廉明剛果有政績事在本傳語中其

義例詳見自序屬稿未竟而去士民惜之又十餘年乾隆辛巳渤海張父母蒞任茲土清廉惠義寓精明於慈祥惻怛之中聽斷平允案無留牘開水利則躬親區畫興學校則不惜俸廉利興弊除士民懷德胥隸畏威詩曰愷悌君子父母之謂也比歲年豐政成民和遂於公餘取深澤未竟稿而纂成之心輯手訂懷鉛握槩而不以爲勞博採延訪詢及芻蕘而不以爲瀆徵覈必確褒揚務寔蓋本其生平之學一邑之政以爲今日之識與筆也恆於是歲告養在籍猥叨延譽重以下帷覃思論道屬書之任稿定因不棄昧愚而就之商確自分弁鄙愧莫能贊間有傳聞異詞者本一得以叅訂焉俾附

桂林一枝之列亦不讓土壤不擇細流之意與夫一邑乘也
更二鉅公之手而成宜其大目宏綱舉標體製卮言寸簡罔
非珠璣其章如日其麗如星其涵如海其和如春書則有典
有則事皆信今垂後用以備聖天子之採擇而編諸觀風問
俗之帙史也未嘗不有助於經矣恒欣逢盛事爰紀其始末
於來茲以爲桑梓慶也

時乾隆癸未歲嘉平月邑人方湖王恆書於郟之一貫書院

炎 身 果 元

原序

明邑人張世則

郟城不佞祖邱也往不佞過家上冢吊古尋幽慨然歎曰郟
彈丸地耳乃尼父儼然而臨之問官傾蓋是獲益友曾子躡
屣負簞來學於茲則所從遊亦必郟子程子類也郟固稱多
賢哉夫鳳一毛豹一班上林一鬮且足以誇美標異郟多賢
如是是丹穴南山之叢藪而大官庖也顧學士大夫罔艷談
之則以誌典久缺無所攷鏡之故不佞從仕南北不得執管
爲役而私心惋惜久之今歲秋杪邑大夫顏使君械一書致
不佞則哀然郟誌兩巨帙千百年寂寥之典故一旦修明使
君大夫哉誌纂於博士邱君而創體命意則使君也不佞詳

味其中諄諄乎軫念民隱策勵人士思進之古先以勉副今
邳隆之會其大較已彼郊子熟官職建置之名是能讀八索
九邱墳典者述舊章而爲政必無愆忘富時之膏澤於民可
想見矣故瑣尾流離之狀不概見於日尋兵戈之時今使君
之措注業已播之民謠卽誌甲所譚大都肉骨我窮氓噓幽
谷而春之卽所稱郊子奚讓焉夫世之鼓篋而遊挾册而呻
吟者質以里中故實則后氏之訓話諸徐之華藻籀氏之博
洽若不足多者緩頰而談豈不曰鄉有爲尼父友爲曾子師
者其芳躅具在而使君乃鯁鯁憂勉以兔園之册博龍標之
名非卑之乎毋爲高論也晚近世過爲矯世之論輒以煙霞

邱壑當之乎隱居而頽然自放其志不爾則藉口道德性命之談以文其空腹枯吻而號於人曰吾志吾學已若而人尼父曾子將麾之卽質諸后蒼諸君子諸君子且弁髦之矣尼父從周曾子思不出位假而一聖一賢生於斯能不漱芳握潤入對大廷而展其用世之志耶使君之惠我後學意良厚矣倘民不勤動而急公家士或媮窳而謝登庸寧不負使君與此誌哉此不佞序誌意也一以幸創典一以冀來轍也

萬曆乙酉秋九月望日

序

邑令顏若愚

昔者先王疆理天下海宇之廣幅幘之內莫不棋布星列燦
乎無容喙矣邾在春秋爲少皞氏苗裔漢唐爲東海郡山則
馬陵巨其左水則沭流經其東天無旱潦民無天札士循禮
義俗尙淳龐豈不侈然稱鉅邑哉而何今不然也是故風會
漸流雅道寢衰有昔有而今無者有昔無而今有者觀風者
於茲有深慨焉乃若神主環列魚鱗雜襲成幃成雨含齒戴
髮昔何總總也今則逋逃半郊陬矣章袞相望址盛蟬連上
之擘畫廟堂下亦不失牧守昔何纍纍也今則青衿多固滯
矣質值椎魯勤作力田陳腐相因摩肩接踵昔何融融也今

則淳風大澆淪矣山川猶故風景不殊乃世變江河增損沿革月異而歲不同苟不取而更新之吾未見其爲信史也顧徧寰宇皆志也而襲前人之唾餘則嫌於尙同駕無實之空言又疑於爽實迨其甚者粉飾太過矜夸所長譬則飾櫝賣珠羔衣狐袖祇爲有識者所鄙耳史有三長自古難之洗垢索癥世寧無遺論哉昔鮑彪校戰國策四易稿而後繕寫及重校尙有新得先哲謂校書如塵埃風葉隨掃隨有諒哉郟舊無誌邇來藍田趙君蛟氏令郟彙集成書議者猶謂其侈而不備華而鮮實且年來戶口糧役視昔有加焉咸欲復加纂修以補其所未備壬午秋愚自中州東徙時學博長樂邱

君問禮氏富於藝文工於撫拾乃取舊志芟其枝蔓剪其矜
誣潤色以卮言詞不詭於經而意不失於誕癸未冬始脫藁
無何而邱君凋謝矣歷下徐君來朝氏自曹擢郟諭乃訂其
訛舛加以藻飾邑庠彥陳生用賓張生守規守範施生傳唐
生堯封數輩或正其錯簡或攻其筆札皆有成勞焉嗚呼昔
人譚誌者有謂采之足以備史資之足以宏識因之足以立
政由之足以適治是志也不敢訟言有此數長也若夫山川
田土之等官師人物之詳賦稅戶口之數節孝仙技之流與
夫昔無而今有者載述無遺焉俾後之博雅君子欲新是志
者藉以有所考鏡也已愚不佞夙不能文謹殺青僭言於簡

未

萬歷十有二禩秋八月既望

序

邑令張三俊

古者太史陳詩以觀民風司市納價以觀民好惡故先王省方巡狩周諮利弊所以修教齊政訓方型俗舉資於此矣今天下遐邇臣賓玉帛萬國聲教所迄無遠弗屆我皇上勵精圖治思欲明目達聰特允閣臣之請勅天下各直省纂修郡邑全誌所爲一道同風備覽庶務樹不朽之鴻規垂訂謨於萬世者誠挈領提綱允得其大體矣猗歟盛哉三俊承乏茲土夙夜惕懼恭思殫精竭慮仰副聖明但郟邑自經兵燹災震之後遺書散失旣苦於編輯之無由又兼舊志自萬歷十三年以後迄今歷年八十有奇其間文獻凋謝復苦於攷訂

之無徵用是謹同舊令馮君可參與邑中學識兼優恩貢杜

景 炤暨庠生梁

大胤

張

鑿

徐

慶

淑

李

鈺

數人

相與

朝夕

討論

旁蒐逸乘遠稽舊聞凡事蹟之昔有而今廢與夫昔無而今

有者爲之詳覈釐定增其未備芟其繁冗恐以疎漏浮濫無

當採覽如河防兵防事關重務舊志所未載者旁諏近議以

備之城墉之昔堅今塌驛站之昔僻今衝者指陳時弊以紀

之而田賦之昔僻今荒與戶口之昔蕃今耗者亦必詳考荒

耗之由以便稽察若夫職官賢否與節烈孝行一皆準之鄉

評採之輿論公是公非揚不至諛刺不傷謗蓋倣諸三代之

遺直抑亦以示勸懲也至於災異妖祥一皆考之老成經其

親見然後核實登記卽有年遠無考者亦寧闕之罔敢誣也
蓋經始於夏初閱月有五而後脫稿成書蓋亦其難其慎期
成信史迄今雖編集告成猶恐逸文殘缺摭拾仍有所未備
也獨計郟邑猶是昔日之故土也試問今日之戶口何以不
若昔時之肩摩轂擊也今日之土田何以不逮昔時之禾易
長畝也今日之人材何以不逮昔時之鳳舉蟬聯也與夫今
日之祠廟公署寺觀橋梁何以不逮昔時之百廢具興也風
土不殊而今昔有盛衰之異撫茲凋瘵而扶衰起敝厚生正
德之謨三俊用是益深靡盬之懼矣

康熙十二年仲秋旣望

郟城縣志纂修續修姓氏

郟城縣知縣加三級紀錄三次 王植

郟城縣知縣加六級紀錄六次記功六次 張金城

分修

郟城縣儒學教諭 王述德

郟城縣儒學訓導 杜天嘉

原任翰林院庶吉士福建興化府莆田縣知縣邑人王恒

監工

郟城縣丞 吳孝曾

郟城縣典史 錢國臣

採輯

邑

庠

生

王鍵

邑

廩

生

丁允達

邑

廩

生

李宗召

分校

邑

廩

生

侯長炘

邑

庠

生

謝永年

督工

邑

庠

生

徐調鼎

邑

庠

生

劉俊

附纂修姓氏

初志成於萬歷十三年乙酉教諭邱問禮編纂知縣顏若愚
訂正生員陳用賓施傳唐堯封張守規張守範等全校

續志成於康熙十二年癸丑知縣馮可參編纂接任張三俊
訂正貢生杜景炤生員梁大胤張鏞徐慶淑李鈺等全校
又續志定稿於康熙五十年辛卯知縣荆文康編纂接任魏
敬勝訂正貢生禱廷彬生員徐源淳李鑽杜廷圭馬光祚
張烱等全校

又續志定稿於乾隆十二年丁卯知縣王植編纂

又於乾隆二十八年癸未知縣張金城續纂成教諭王述德

邑紳王 恆訂正邑庠侯長忻謝永年仝校

郟城縣志卷之首目錄

卷首

例言

圖象

卷之一

恭紀巡幸

卷之二

輿地

星

八景

野

沿革

疆域

形勝

卷之三

編年

周秦起至國朝

卷之四

建置

城池 公署 公所 驛遞 鄉社 市集會場附道路
橋梁 坊表 陵墓 古蹟 兵防 墩台

卷之五

食貨

戶口 田賦 雜稅 倉儲 物產

卷之六

秩祀

廟壇 各祠 學校

卷之七

秩官

郡守 同知 知縣 縣丞 典史 教諭
訓導 裁官 宦蹟

卷之八

選舉

辟薦 進士 舉人 明經 賞例 武官
武科 封贈 恩蔭 省祭

卷之九

人物上名賢 儒林 孝友 義烈 隱逸

卷之十

人物下列女

卷之十一

藝文 文 詩 賦

卷之十二

附餘 雜記 寺廟

列言

一郡邑之志正史所資義例不可不嚴舊如釋宮老室雜人
典祀明經誥贈溷以捐貲邪正未分名器可假殊失春秋
謹嚴之義至學校部內普濟漏澤輒附於後尤其陋矣所
宜亟爲更正

一事無年經月緯之筆匪惟前此已事多所架漏亦覺各篇
紀載漫無統歸今特增編年一帙而併災祥於內大書分
列微倣紫陽綱目之遺惟朝廷大政不專爲一邑設者不
敢多載以紊體制至古略而今詳者文獻不足義當缺疑
故耳

一史體大傳後或有贊獨行傳前或有序若篇首皆弁小序
篇後又附餘論浮詞頗多客反奪主至於名賢宦業傳內
稱頌例以史體悉當書名今一爲芟除更正若緒論之有
關事要足資採擇者別入藝文以垂可久

一名實關乎勸懲故稱人以孝必詳永言之行頌人以忠必
列敬事之蹟稱此而求有徵乃信若公共諛詞無可指據
卽譽蹠以夷貌陽爲孔孰能禁之若於傳內無名名下贅
讚者概不敢入其果事蹟稍備者寧入之列傳以昭來許
一郡邑志乘原備文獻宦蹟人物獻之實也闔韻摛藻文之
華也舊於輿地建置內附入篇咏蕪雜無序且小佳篇藝

文所收更爲寥寥今廣爲搜討盡入本帙或邑之人或邑之事依時代先後以便續入惟同一題者列爲類及一鄒縣原爲東海郡治稱東海者類鄒產也按通志所錄邑賢多註東海鄒人旁考海州志每有複見似不免於借才僻壤苦無書史足資考覈然舊志所紀載父老所稱述必有可據當因之勿易至仙釋誕說與二氏之祠不便入於正帙用見存而勿論之意另爲附餘志

一舊志有明以前無考今刊本爲萬歷十三年廣文邱問禮及康熙十二年縣尹馮可參之筆另有抄本未刊者則康熙五十年縣尹荆文康之筆也於邑中事跡皆苦略而弗

詳抄本尤寥寥無幾今雖極力搜索未免杞宋無徵之憾
一鄴爲省南下邑接壤水鄉十歲九災民生甚苦如編年內
所載災變貧瘠諸事頗爲詳悉又詩中如災民歌神水行
文中如義倉論推惠田記皆不啻鄭俠繪圖令讀者惻然
悚然後之君子當於此三復勿斃

邑令深澤王植書

郟城縣志卷之一

恭紀巡幸

古先省方問俗行慶有典歷載前籍王者之一遊一豫藉以普其深仁厚澤之施而百姓之蒙補助者益以形其含哺鼓腹之樂也我朝聖聖相傳政成化洽超越前代聖祖仁皇帝暨我皇上時舉巡狩之制凡六飛所臨靡不望翠華而沾鴻恩郟邑爲江省接壤山左通衢變輿必歷省耕省斂沐聖主之恩德者屢矣戴高厚而歌曠典敢不拜手稽首以紀歟

康熙二十三年秋九月

聖祖仁皇帝稽古東巡十九日昧爽發德音詔東巡徑過地

方俱加恩卹著將康熙二十四年應征丁銀盡行蠲免除十惡等罪不赦外其餘自康熙二十三年九月二十四日以前死罪軍罪以下已發覺未發覺已結正未結正減赦除之各官除以現在品級已得封誥外凡授職陞職改任者著照新銜封贈九月二十八日出都十一月自江南回鑾十一日渡黃河十三日駐驛紅花埠十五六等日自郟沂取道東兗

二十八年

聖祖南巡道徑山東見收成少歉諭山東巡撫邇年以來各省丁地錢糧已經節次豁免山東丁地正賦欲來歲蠲除該撫先速行曉示又戶部覆准郟城等二十四州縣二十八年

未完錢糧于三十年徵

四十二年

聖祖南巡回鑿由水道過臺兒莊奉上諭朕徑過蒙陰沂州
郟城縣等處民有飢色應急行賑救遵旨題定將山東附近
州縣漕糧截留二萬石送被災州縣減價平糶州縣並無倉
穀卽將截留漕米賑濟

乾隆十六年

皇上南巡二月初二日至郟城道中御製詩一首

龜蒙回望望數峯尖大野春光取次拈人意貪程催馬策
晴曦送暖入車帷江聲迎客行行近詩趣和春旋旋添

老幼初逢清蹕至羽林呵禁莫教嚴

恩免經過御路兩傍地畝錢糧十分之三卽日聖駕至郟城
五里舖士民建感恩亭於城南三里

立碑頌德

回轡由郟城至蘭山蒙陰等處凡經過州縣各賜老民銀牌

乾隆二十二年

皇上南巡二月初一日駐驛縣境之北六十里橋頭大營二
月初二日駐驛縣境之南十二里曹村大營於初三日駕幸
江省恩旨蠲免經過御路兩傍地畝錢糧十分之三凡老民
老婦賞給銀牌

乾隆二十六年

皇上南巡巡撫阿於郟城縣治之西三里花園莊建立行宮一座花園莊卽古郟子花園也西建太后寢殿五間照房三間大宮門一座垂柱宮門一座左右各穿廊十餘間中建皇上寢殿五間便殿三間左右配殿六間大宮門三間垂柱宮門一座內宮門一座左右各穿廊十餘間皇上寢殿後建皇后寢殿五間左右配殿六間照房五間左右穿廊各十餘間東建御書房三間外置房十餘間茶膳房六間東西朝房六間宮門外御橋三座皇上於月初一日駐驛縣西北之橋頭大營知縣張金城隨營帶領引見初二日駐驛行宮御製五

言律詩一首對一聯御書表於寢宮之東次間知縣張金城
建立御筆亭於御書房後刻碑恭記焉是日詔見沂州府知
府李希賢問及沂沭兩河形勢溫語褒嘉賜字一幅

御製詩

觀民指吳會按頓蒞郊墟少皞封嗣後春風駐節餘何
當庭館此爲愧肝宵予一宿園其藉千秋蹟信諸旣成
斯不說至止偶相於誰與徵傾蓋因之試訪書

御製對聯

山容積雪融和益

物象熙春詆蕩披

於初三日出郟境各官送至紅花埠取道赴江南回鑾後奉
旨凡辦差文武官亦有叅罰者開復無叅罰者加級與乾隆
二十二年同又恩賞緞疋貂鼠荷包等物知縣張金城得賞
緞一疋凡經過州縣老民老婦俱賞給銀牌帛肉有差

郟城縣志卷之二

輿地志

自秦罷侯置守而州縣未之有易彼其提封百里畫圻疆而鎮撫之者豈不砮列星錯哉郟故古先王胙茅也今卽遞有沿革而山川之礪帶星野之繫屬稽之軼牒往往得而考鏡焉若夫比閭閻闐之民類以所嚮而成謠俗從昔固然而或盛衰蹟變淳漓趨異則氣運人事興替得失之林亦可勿訾蔡而識也纂輿地志

星野

漢天文志奎婁曾徐州

地理志魯地降婁分野

郡國志自婁五度至胃六度曰降婁之次

晉天文志東海八奎一度瑯琊八奎六度

唐天文志奎婁降婁也自蛇邱肥城南屆鉅野東連梁父循

泰岳衆山之陽以負東海及大庭氏諸國俱屬降婁

天官書奎十六星婁三星爲降婁於辰在戌魯之分野

通志沂郡於國爲魯於州爲徐而奎婁之分野也考之漢郡

東海瑯琊屬婁城陽屬婁宜矣然亦有割魯地以統之秦

山郡而屬於角者

謂蒙陰及沂水費縣地

蓋職方有兗而無徐包徐

於兗而星亦爲之改分歟

沿革

郟城縣唐虞時爲徐州之域禹貢海岱及淮惟徐州淮沂其
又是也周禮職方併徐入青曰其津沂沭是也春秋時爲
郟子國蓋少皞之後已姓武王封之爲魯附庸春秋昭公
十有七年郟子來朝是也其滅於楚當去秦并六國之年
不遠項襄時楚人有好以弱弓微繳加歸雁之上者王召
問之彼對及鄒費郟邳比於羅鷲是郟猶未滅也秦易封
建爲郡縣以是城爲郟郡地漢改爲東海郡置縣十二治
郟縣統於徐州刺史部東漢分東海郡置瑯琊國東海領
縣六晉東海郡領縣三皆治郟縣元魏更東海爲郟郡縣

如故隸東徐州隋廢東海郡郟屬泗州大業初改屬下邳郡唐貞觀元年省郟入下邳郡屬徐州尋復置又復省入臨沂縣屬沂州瑯琊郡隸河南道宋與金州縣俱仍唐名而路則宋曰東京東路金曰山東東路元初罷臨沂縣設巡檢司至正間復置臨沂與沂州並屬益都路隸山東東西道明初洪武元年置山東行省於益都始名縣爲郟城領於沂州屬濟寧府五年改屬濟南府十八年封魯藩陞兗州爲府降濟寧爲州以沂州及郟城改屬於兗州國朝雍正二年分兗州府之沂州爲直隸州十二年陞爲沂州府皆以郟城屬焉

疆域

郟城縣在本府南一百一十里

東至江南南海州一百八十里至分界馬陵山十八里

西至蘭山縣界三十五里

南至江南宿遷縣一百八十里至分界紅花埠四十五里

北至蘭山縣一百一十里至分界十五里墩十五里

東南至江南沐陽縣一百八十里至分界望海樓三十五里

西南至江南邳州一百一十里至分界齊村四十里

東北至江南贛榆縣一百八十里至分界泉兒頭三十里

西北至費縣一百八十里至分界四十里計東西廣五十三

里南北袤六十里至省七百二十里至京師一千六百七
十里

今按縣境東西南北雖廣袤以五六十里計而東北至石河
保與蘭山接界則九十餘里西北至柳莊保與蘭山接界
則百里且西至長城保與邳州接界則七十里東至樂沙
保與贛榆接界則九十里蓋蘭邳二邑環廻交錯東西兩
域皆界外間以蘭地乃復履邳境而後抵外州縣界不惟
山東江南之門戶實爲鄰封紛錯之要區是以姦宄易藏
防察難密治斯土者勿謂彈丸之區可以牛刀漫試也列
之衝繁難三字缺中良不可易

形勝

八景附

北連魯莒南控海邳河流則沂沭雙潑巖壑則虎龍互抱通

志

南控淮津北接瑯琊沭水經其東沂河環其西首全齊尾東魯
邠秦門距圮上爲南來之要衝實東州之巖邑舊志

邑有八景舊志所載曰郊封故塘曰由吾仙洞曰方湖蓮謳
曰白馬漁唱曰書院琴聲曰海樓雲影曰沂曲春波曰馬
陵山月其一二五六見古蹟三四七八見山川康熙間蒲
城詩人屈復流寓於此更定八景如左

海樓朝霞 城東南三十里馬陵山巔一峰員峭特起結爲

石樓世傳孔子登此望海日出時紅霞建標遠起蓬島近接嵐光

石門夜雨 城東北五十里衆山環翠巨石坪開青椒兩壁夾立成門俗傳子路宿處一溪貫中東注永夜瀟瀟如聞雨聲

仙洞雲壑 城東南三十里由吾洞山開一罅澗長數里上懸石壁下橫深潭邃岸參差相對巘岼阻絕鳥道微通禹臺柳鶯 城東七里禹王臺畔長堤橫臥萬柳參天春日綠陰颭水雪浪薄雲坐聽鶯鳴如笙簧流韻

沂水春帆 城西三十里沂河西流林木夾岸葱鬱直接下

邳春明桃李影照清波客艘乘風競渡有映花錯繡之奇
白溪秋月 城北十里白馬溪繞傾蓋亭而西既渡石橋湛
然停溜瑩潔紺寒溪月同色坐臨秋空光有別暈

紅崖古梅 城西南四十里紅石崖右臨沂水高嶺橫岸古
梅一株故老傳三百餘載花開如雪村亞羅浮斜月黃昏
邑成香國

龍門桃浪 城東十五里禹鑿山口以通泅水水經註又南
經陵山卽此嶄然雙闕勢逼河津二三月桃花水發則千
岩萬壑爭赴一門山嵐水氣鬱作奇觀

山川

馬陵山在縣東十里山北聯蘭山南抵宿遷長亘數百里狀如奔馬中有由吾洞白龍潭水出焉

孔望山在縣東南三十里卽馬陵之一峯也相傳孔子之郟嘗登此望海故名焉上有石樓曰望海樓

羽山在縣東北七十里禹貢羽畎夏翟山海經註云羽山在東海贛榆縣西南鯀殛處也上有一泉匯爲羽潭左傳子產云鯀殛羽山其神化爲黃熊入於羽淵卽此羽山爲鯀殛處無疑

九龍山在縣東北九十里沐水所經也山有九嶺若龍南行卽馬陵之別支

有餘山在縣西南六十里入邳州界一名優婁山
萬松山在縣西北五十五里

磨山在縣西北六十里與石梁山相對舊有宗聖書院今址
基尙存又有遺碑照人見影敲之聲如鼓琴然
石梁山在縣西北六十里

芙蓉山在縣西北八十里舊傳山多芙蓉花故名
七岌山在縣北七十里一名七級山與蒼山相連
蒼山在縣東北九十里

神山在縣西北九十里上有玉皇廟
臥虎山在縣西六十里

三峯山在縣北七十里形如筆架舊志本載

艾山在縣西南七十里與邳州接界

沭水在縣東十里發源於沂水縣北沂山連麓之大弁山東流而南受峴山箕山之水沂水縣境內行八十五里入莒州界有絡水袁公水沙河水入之又南有鶴水潯水入之又南會三泉水莒州境內行三百五十里入蘭山縣界有溫泉水入之會武陽溝水又南循馬陵山入郟城境由山口穿峽扭禹王臺乃循馬陵山西逕茅茨莊由重興集紅花埠郟城境內行五十五里入江南循遷縣界轉入沭陽

縣逕桑壩湖爲池水東入海

通志

今按泲水在郟城境者其北循馬陵山東因勢爲山阻大禹鑿山二十丈穿峽而過遂循山西皆南行西岸原有石壩名禹王臺抵禦泛濫明正德中縣令黃琮拆取壩石以甃城嗣致泲水西決由城北西會白馬河越沂河直入駱馬湖江南邳宿等邑皆受泲水之害本朝康熙二十八年總河王新命奏請以竹絡載石築壩堵禦水患始息後漸衝卸雍正八年總河嵇曾筠重修玲瓏石壩南北長六百四十丈兩頭又接築土堤通長八千七百十五丈俱動帑興築按年保固後仍歸民修本縣縣丞專管沂郟海嶺同知兼轄堯沂曹道統轄置壩夫二十名由運河道歲發各廳

縣解撥工食銀一百九十九兩有奇不時防修每伏汛時由江南撥河兵防險乾隆十三年知縣王植議興水利勘查沫河西岸北自蘭境堰上起計七里入本縣重沙保伏莊歷許橋曹醋朱塘等保共四十六里至嶺南頭入蘭山境逕計山集劉莊夏家營共五十里俱蘭境穿山而西入本縣歸義保之山口石歷龍門曹張蒲寨林重殷西啖紅花埠等保共四十五里至界牌寺入江南宿遷縣界東岸北自蘭境馬莊計二里入本縣重沙保葉埠村歷許橋牛家莊朱塘等保共五十五里至小克入蘭境逕代間黃家園杜子村共三十三里俱蘭境至陰山入江南海州境逕

中寨古寨共十三里由古寨穿山而西又歷本縣龍門曹
張重殷姚馬紅花埠等保共四十五里至沙窩莊爲宿遷
界統計境內河形惟穿山西出之始寬可四里許自是而
南寬俱二里許至一里半里不等下游漸更窄小故入海
甚遲除兩岸土石工無庸議外東岸舊堤圯卸始盡夏秋
水漲時東有馬陵山山水數道衝成長溝直下入河河水
逆接而上致龍門紅花埠等數保田廬歲多墊溢且玲瓏
石壩原陰留餘隙西洩三分之二水以殺浩瀚之勢乾隆十
二年總河周學健飭將石壩東面填築實土不使西洩水
漲則勢倍於前墊溢更甚縣議欲將東岸四十五里通築

三尺小堰再於山水衝下入河處酌開涵洞數座以便啓閉尋常之水既可保其田廬倘河水大漲時仍不致西堤愛奪爲患經大學士高斌委員勘覆竟格不行現雖勸民自修然民力有限成之未易

沂水在城西北二十里一名大沂水自臨朐縣沂山西嶺發源有二支南支出柞泉山北支出魚窮山合成一川東南入沂水縣界一會松仙河水經注所謂螳螂水也源出蒙陰縣北魯山之松仙嶺東南流逕沂水縣之釣魚臺又東合於沂一會南川河水經所謂源出艾山寰宇記以爲卽狗泉是也源出蒙陰縣北魯山南麓東南逕雕崖山至臨

樂山又東流至高莊合於沂又東南逕鳳凰山之織女洞
至蓋縣故城南又東逕浮來山又南逕爆山受張莊泉又
南有小沂水入之又南合閭山之水又南有大石泉水入
之又南與東汶河會沂水縣境內行一百七十里入蘭山
縣界又南有蒙山水入之又南有孝河水入之又南至沂
郛城北與浚水會又南逕郛城東門外受涑河之水又南
至李家庄轉而西南至江風口南經華埠村尙莊至紅佛
寺入郛城境又西南過重坊集入江南邳州界郛境行五
十里又南有白馬河水入之又南會武河水分爲二支一
支由徐塘口西南入運一支南入駱馬湖東南入海

通志

今按沂河東岸自蘭山朱王寺入本縣石河保歷青山保行三十二里至蘭境李家莊經諸葛店至城前村計三十二里皆蘭境又入本縣港南北保歷圍站馬頭蒲疇孫堰新寺等保行四十八里至齊村入邳州界西岸自蘭山南營子村入本縣池東保歷蒲疇出北重高等保行四十五里至駱家集入邳州界兩岸雖俱有舊堤而歷有衝決多在西岸兼有江風口橫出之水由沂武二河之間普漫而來致蒲疇重高等保內田廬十歲九災乾隆十三年沂州府知府盧憲觀據蘭邳二縣轉稟巡撫都院阿里衮具奏先後奉旨命大學士高斌總河完顏偉勘估奏准以工代賑

將蘭郟二邑沂河兩岸分別幫創大加興築郟境土工計銀四萬三千四百二十五兩有奇又石工馬頭出口琵琶溝秦家村等四處計銀五千六百二十六兩有奇分修者知縣王植教諭謝怡縣丞張士英典史余宗焯外有原冊未估之西岸坊紹莊二百丈東岸龍汪崖二百丈樊家口一百餘丈王植自行捐築自本年四月興工迄九月始告竣於下游邳州境內亦經總河周學健奏請接築直達駱馬湖

武河在縣西四十里卽涑水自費縣西南柱于崗下天井汪發源費境行六十里東至朱保村入蘭山界又東至堰上

村分爲二支一支東流至郡城西門復分一支環城而入於沂一支南流爲武河至莊塢頭村入郟城界至耿家墩有蘇河入之又南至紅溝圈入江南邳州界有燕子河入之又西南會泃水由泃口入運河

通志

今按武河北自蘭邑莊塢頭五里入本縣池東保老楊家莊以下東岸郊地西岸蘭地間有互錯亦不甚多行十八里逾雙石橋至蒲疇保戚家莊皆寬可二十丈深二丈內外不等南爲池橋口勢漸窄僅十丈內外不等再六里至東湖埠形漸淺又南六里至出北保大劉家莊又十二里逾武河涯至小紅溝圈河西爲邳州地東仍郟地又十里至

重高保元家莊入邳境會燕子河約六十里而入運查乾隆八年總督查奏事案內開武河堤堰蘭邑境內卽多殘缺及邳境內東湖埠劉家口等處向未有堤有害民田等語今勘境內池橋口以上二十餘里河形尙深兩岸或有微堤或無堤再南三十餘里則全無堤堰且淤淺易溢而池東之朴家園出北之范家園大劉家莊徐家莊小紅溝等處皆有決口內半屬蘭地乾隆十三年議興水利知縣王植請就河身取土兩岸修四尺小堰䟽築並行經南河委員議以沂水之江風口舊有一支西入武河今築石壩二道使沂水南行不至大爲西洩俟石壩工竣後經歷伏

秋二汛再勘水勢相機辦理遂暫止然邑西一帶保分東
有沂河堤工抵禦而西有武河之水仍不免復淹所當再
行勘議

蘇河出縣境橋頭莊南流逕蘭山屯復由本縣
境東南入於武水今已湮塞不通

燕子河在芙蓉武河之闕出蘭山南龍王堂逕柳莊至磨山
北復分二支一循萬松山逕郊境之優婁山轉入武水一
由紅花溝逕鴨且村左會神山水入邳州界達於運河

志

今按燕子河發源之龍王堂卽本縣柳莊保地源出村西南

半里許石穴寬二丈餘深三尺餘又三里至爲兒橋皆縣境又三里至小主墩係蘭地又三里入縣境神山保之西莊集又八里至道莊保西河頭又十里入蘭境道莊屯又南入縣境磨山保之萬松山又二十里入蘭境之官莊屯又二里入縣境寶家村又八里入蘭境之河頭屯又十里入縣境四哨保之墩頭莊又五里至長城保之爲女橋兩岸皆蘭地又二十里入邳州境高莊社由優婁山東約六十里入運查西莊集一帶河形寬三丈深五尺餘西河頭以下寬丈餘深尺餘磨山長城一帶寬僅八九尺而已又查乾隆八年遵旨查奏事案內開河在蘭境尙屬深通惟

郟境四哨保起至邳州交界之優婁山均屬淺阻應行勘
議等語乾隆十三年議興水利知縣王植勘丈此河百里
間上七十里尙有河形下三十里已經淤塞且四哨長城
一二保原屬水鄉雍正八年以後始漸成田陸續陞科若不
疏濬以通上游之水必復爲墊溢經南河委員勘議亦俟
沂河工竣後再酌量挑修

芙蓉河在縣西卽蘭山之東沭河其發源自費縣箕山下南
流入蘭境徑卞莊匯入郟城之芙蓉湖又南入邳州界至
三合村受陽明河水又與西沭水會又南合於武河至沭

口入運

通志

今按芙蓉河與東沔西沔水各爲一河乾隆八年遵旨查奏
事案內開河在蘭郟交界處名官橋河郟境內名芙蓉河
入邳州境名柴溝河又名艾山河雖蘭境內亦有一節名
曰東沔者其實止是一河在官橋以上河道原屬深通以
下蘭郟聯界及邳州境內均有淤淺乾隆八年三月爲除
水患等事案內估報銀五千二百餘兩今淮江南河院咨
覆東沔河估需銀七千餘兩覆勘深通無庸挑浚等語事
屬兩歧蓋邳州與嶧縣接界另有東沔正河與官橋柴溝
等處無涉等因在案今勘查此水自本縣芙蓉保後營子
莊入境河形寬三四丈深一二丈不等再五里過蘭境十

莊保之宋家莊等村計十里又入縣境四哨保之尤家莊
河形僅寬二丈餘深四五尺不等再八里入蘭境南橋之
任家莊河形止寬一丈餘再一里許入縣境長城保之周
家莊河漸淺至一二尺再三里至官橋東岸郊地西岸蘭
地河身漸至淤塞其正河淤塞處自郊境李家宅西北逕
新莊共四里餘入蘭境南橋保之土坯頭莊又四里餘入
郊境長城保之蘆汪莊再里許下接邳境柴溝河由優婁
山西約五十餘里入運此卽江省勘估五千餘兩之處也
另自官橋東分一支東南漫流一里許至李家宅北下入
鵝日河爲燕子河支流歸邳境韓莊湖渟蓄乾隆十三年

議興水利知縣王植請自官橋以下照原估挑修亦未議准而罷

又按東泃西泃二水在芙蓉河之西各爲一河十三年經委員勘明有圖

通志亦誤

白馬河在縣北十里源出蘭山縣花園寺南流至榆林村入郟城界會九龍山之水西逕傾蓋亭又西逕圍溝至馬頭入於河

通志

今查通志多誤勘查此河起於縣城東北五十里祭旂山南而其源有三一自山前保山前莊東發源過蘭境方莊柳溝泉兒頭至鮑莊會花園寺山河水行二十餘里通塞相

間至本境顏家莊一自正北蘭境高家莊三老汪水頭南
行十里至顏家莊一自正東蘭境南泉莊山河流入顏家
莊會爲一處寬可十餘丈深一丈許西行八里至土門保
之十里舖又十五里南至盛際保圈子莊又六里至大坊
保周家莊又十八里至冷村保邵家莊又十二里至張家
集保坊上莊又二十二里至官莊下接邳州小倪社之郇
家樓境內共八十餘里皆寬十五丈二十丈不等深一丈
二丈不等再南行四十里至分水龍王廟始會入沂河再
南十二里入駱馬湖河兩旁並無隄岸各保湖田之水亦
未有小渠通入雖不爲害亦無水之利乾隆十三年議興

水利知縣王植請於榆林保榆林莊東湖顏家莊西湖大坊保院上等莊採蓮湖張家集保三捷莊西湖潞溝東北湖龍潭池等莊東北湖各開寬丈許深五七尺之渠使有宣洩河旁酌開涵洞以便啓閉亦未行而罷

墨河卽皂河在縣東舊通舟楫於宿遷古郟子運道也源出墨泉在舊城東北一里許色如墨故名世傳有關文運明時有謂其水殺稼遂用鉄鍋壓塞之或云水無殺稼之理其堙塞不知何故今河形尙存

府誌

今按墨泉在城東北帥軍台西天齊廟東泉形寬六丈長十四丈深丈餘由城北沙河繞至城東經龍門曹張蒲寨林

歸昌唐凡楊家集等保南入江南宿遷縣境歸港頭河晏頭河入駱馬湖在縣境行六十四里雖淤塞者十之七八實各保二千餘頃湖田宣洩之區自湮塞後水無可洩歷年報災群情領望已久順治間邑令張應瑞乾隆初署令張蔭圻皆常尋墨泉故穴未得而中止乾隆十三年議興水利知縣王植以築之最要者莫如沂河疏之最要者莫如墨河總河完顏偉親勘定議大學士高斌先後奏允動帑一萬四千五百八十二兩有奇沂郯同知王汝礪與王植分修共長一萬一千七百九十八丈皆口寬六丈底寬一丈四尺深四五六七尺不等告竣後王植以首段水出

不暢又挑深三五尺不等次段西通城河兼通入京大路
捐築橫堤一道長三十二丈高一丈抵禦水勢使南行嗣
江南亦動項接浚水遂通流無滯又按縣境止此入水舊
志皆未詳載而別有陳河在縣西四十里瓦子埠亦名池
頭河又有元孝河在縣西北七十里崔塚社或曰卽武河
芙蓉河之別名也

黃練池在縣南曹村大埠嶺前卽皂河深處

神泉在縣西長城廟內

清泉在馬陵山側傍有清泉寺

溫泉在羽山

大坊湖在城西南十五里廣可百畝夏月荷花茂盛人比之

鑑湖今淤爲民田

採蓮湖在縣正南二十里周圍十頃許夏月荷花盛開香聞數里今淤爲民田

溝渠志

按郟爲低窪之區居蘭山之下游陰雨偶多則縣治之四境汪洋一澤國矣是以郟之民直呼地謂之湖大憲時爲塵念委員履畝親勘前後詳請應挑應疏濬者舊河溝渠二十餘道經前任牛令挑重沙等七溝余接任復挑梁家河等二十一溝雖不敢曰可恃以無恐而宣洩無阻積水之患或可藉以少息歟舊稿未載今續於山川之後爲郟民慶生成亦以誌憲德之無窮也志溝渠

重沙溝自蘭境石河頭起至牛頭溝止長二千三百八十八丈洩重沙保湖窪之水入沭河

乾隆二十四年挑

重溝溝上接蘭界舊溝起至溝深處止長八百丈洩窪地

之水入沅河 乾隆二十四年挑

榆林保溝自榆林北起長一千五百丈洩窪地之水入白

馬河 乾隆二十四年挑

冷村保溝自大坊莊起至邳境馮家莊止長七千六百丈

洩採蓮湖之水入白馬河 乾隆二十四年挑

鵝蛋河係燕子河分支下入江南邳州歸芙蓉河 乾隆二

十五年挑

洋泥溝自七星橋起至澇溝莊止長四千一百四十三丈

洩張家集窪地之水入白馬河 乾隆二十五年挑

姚家溝自長城湖起至鵝蛋河止長七百二十丈洩湖水

入芙蓉河

乾隆二十五年挑

梁家河係涑水分支自梁家莊起至徐家橋止下入武河

歸運

乾隆二十六年挑

响水溝北接蘭境入白馬河

乾隆二十六年挑

層河自沙埠莊西起至蘆塘莊南止入武河歸運

乾隆二十六年挑

五城河係燕子河分支洩蘭郊層山等湖窪之水入武河

歸運

乾隆二十六年挑

澗溝自柳莊湖起長一千五百丈洩湖水入燕子河

乾隆

二十六年挑

孫家山溝自孫家山起至濶溝止洩窪地之水入燕子河

乾隆二十六年挑

拐頭溝自埠子莊東起至冷村溝止洩窪地之水入白馬

河 乾隆二十六年挑

岳家溝自岳家湖起至江南宿遷縣止下入駱馬湖 乾隆

二十六年挑

新汪溝自新汪莊起洩湖水下入武河 乾隆二十六年挑

琵琶溝自重溝湖起至黃溝止洩曹醋山前等保窪地之

水入沂河 乾隆二十七年挑

韓溝自道莊湖起至老龍潭止洩道莊保窪地之水入涑

河 降 隆 二 十 八 年 挑

梧桐溝自柳莊湖起至澗溝止長一千二十丈洩窪地之

水入燕子河 乾 隆 二 十 八 年 挑

柳村溝自柳莊湖起至澗溝止長一千二百五十丈洩窪

地之水入燕子河 乾 隆 二 十 八 年 挑

黃土堰西舊溝自柳莊起至梧桐溝止長一千九百八十

丈洩窪地之水入燕子河 乾 隆 二 十 八 年 挑 修

黃土堰東舊溝自柳莊起至龍王堂止長二千一百六十

丈洩窪地之水入燕子河 乾 隆 二 十 八 年 挑 修

橫文溝自柳莊起至東舊溝止長一百九十五丈洩窪地

之水入燕子河

乾隆二十八年挑

柳莊路溝自黃土堰南起至路高處止長一千三百丈洩

窪地之水入燕子河

乾隆二十八年挑

小黃土堰路溝自小黃土埕北起至舊路止長七百五十

丈引湖水下入燕子河

乾隆二十八年挑

四哨保東西路溝自南哨集起至蘆坐止長一千一百八

十丈引湖水下入燕子河

乾隆二十八年挑

雙橋溝自蒲坦湖起至西頭止長二千丈洩北蒲坦湖水

下入武河

乾隆二十八年挑

楊家集東西路溝自楊家集起至紅花埠止長三千二百

八十丈洩窪地之水入墨河

乾隆二十八年挑

風俗

士習於庠子衿無挑達之風農耕於野田間無游食之衆
工安於肆不作淫巧以蕩衆心商集於市不鬻異物以
開奢僭俗亦幾於淳樸矣

舊志

邑本水鄉村外之田輒目曰湖十歲九災所由來也歲荒
間有迫於飢寒攜孥擔藁餬口四方者在乎司牧者加
之意耳

郟城縣志卷之三

編年志

龍門涑水代有紀錄惟紫陽綱目一書上倣春秋年經月
緯揭庶政之綱維垂百世之法鑒史也而經寓焉郡邑之
志舍此何循舊軼惟紀禋祥尙少提綱挈領之義故爲搜
故實敘時代自周秦以迄盛朝按籍而求始末秩如且於
是邑歷代以來變異災危民生困頓之來由與夫皇仁軫
救有加無已之異數皆若目擊而身受也補編年志

周景王二十年郟子朝於魯郟國始見於此魯昭公十
有七年也

秦二世皇帝二年秦嘉起兵於郟

漢孝武帝太始三年二月幸東海獲赤雁作采雁之歌

郟在漢爲東海郡屬曰郟縣

孝昭帝始元三年鳳凰集東海遣使者祠其處

晉惠帝元康五年夏六月東海雨雹深五寸次年三月

東海又隕霜殺麥禾

元成宗大德五年益都路大水郟在元屬益都路沂州

泰定帝泰定元年益都東昌二路大水

明太祖洪武元年始置郟城縣領於沂州屬濟南府後

又改屬兗州府

十五年頒臥碑於學宮始建縣學

二十四年詔廢寺觀命一縣止存一區餘歸併爲叢林
時人爲之曲庇竟不果廢

明憲宗成化十七年大饑人相食

武宗正德十年十一月地震

十四年秋八月大水

世宗嘉靖三年冬大饑人相食

九年始改稱孔子爲至聖先師別建啓聖祠用張璁之
議也從祀先賢先儒各增改有差

十五年秋大水

十六年有星隕於城中且視之則石也

二十五年夏大水

三十一年秋七月大水城幾陷平地深一二丈漂沒民房屋不可勝計

三十二年大饑斗米銀二錢盜賊蜂起餓殍載路

穆宗隆慶元年四月澇溝鄉雨雹深尺許麥禾盡空

三年七月大水

神宗萬曆二年七月大風十四日至十七日大風拔木橫雨穿牆房屋傾圮過半禾稼滄沒是年大饑

七年正月元日震雷雨雪

八年七月二十五日青龍見於城南三里首鬣瓜甲盡見士民聚望咸以爲祥

十一年夏六月大雨南門崩壓死守城夫二人七月中雨甚沭河溢城堞盡圯城垣僅存十之二三南門橋磚石漂沒城外乘舟往來八月初雨雹如鵝卵前水滄未及之處禾稼盡空

十二年自三月至七月不雨稻禾盡枯七月十九日忽沭河大泛溢滄沒頗多

四十三年蝗蝻爲災大饑人相食父子夫妻兄弟不相保聚或數十文錢卽賣妻子流亡載道

熈宗天啓二年白蓮教爲亂妖人煽亂百姓惑之多攜
持婦子牽牛架車裹糧裹飯以趨赴者遂猖獗陷鄒
滕嶧鄆諸縣邑民流離斃命鋒鏑殺身者不可勝計
七年夏霖雨沭水大溢衝塌迎恩橋聲聞數十里河中
水深數丈城濠兩岸各塌十餘步平地水深六七尺
殺禾害稼蕩民田廬無算

莊烈帝崇禎六年四月夏莊鎮大雨雹週近夏莊地三
十里二麥春禾一空

九年秋沂水泛溢衝決洪福寺河堰邑西北至西南一
面寬三十餘里長七十餘里戶口漂沒廬舍一空次

年復決滄口社龍潭河口上下六七十里民大饑
十三年大旱春麥間飛蝗遍野未幾又生小蝻附壁入
室衣物盡蛀緣城進縣民舍官廨悉爲塞滿至釜竈
掩閉不敢開捕護數百千石蝗愈盛合境大饑人相
食

十四年春泰安寧陽之交史二姚三等土賊大起聚衆
數萬人流入沂郟三月初一日陷李家莊初四日陷
馬頭鎮焚掠一空初六日來窺城札營城南肆行焚
掠禾幾異風大起白晝陰晦有火炮入賊營始拔衆
南趨紅花埠值民皆掩門避風不期賊至比戶殺傷

焚掠無餘遂東掠海州境轉而北營夏莊鎮方圓四
五十里殺傷甚衆

國朝世祖章皇帝順治元年甲申春三月土賊焚殺數
月不寧九月大兵來鎮沂州民始安堵

六年七月沂水大溢衝決港口社南崖上村河堰馬頭
鎮東上下五十餘里間禾稼盡空

七年正月初七日榆園流賊突至歸昌集週近三十里
殺傷甚衆扎營一宿而去

八年二月草寇王肖吾攻陷邑城殺擄人民舉人杜之
棟罵賊死迨七月沂沭兩水並溢四境淪沒新任知

縣張崇德由馬頭平地乘舟來郟到任次年六月兩河復漲溢秋冬大饑

九年頒臥碑於學宮

十一年奉恩詔順治六七兩年直省民欠地丁本折錢糧悉予豁免十三年又免八九兩年民欠

十三年設官莊戶部覆准山東額外荒地每五里設一官莊借給資本三年償還後照熟地例起科

十四年頒賦役全書

十六年五月霖雨沂沭兩河俱溢時二麥甫收未登場者漂沒一空已登場者泡爛全壞五穀盡失無收民

大饑斗米千錢

聖祖仁皇帝康熙三年甲辰免逋賦詔順治十五年以前民欠錢糧盡行豁免次年又將十六七八等年各項民欠俱行蠲除

四年大旱蠲免錢糧麥禾俱枯佈種全無民情洶洶思亂巡撫周有德疏奏勅委部臣查勘賑濟及至又值霖雨浹旬沂沭水漲部臣乘舟而去覆奏遂免本年一年錢糧

六年夏麥秀兩歧有三歧四五歧者至七月穀又與麥同時知縣爲金煜士民作麥歧頌誦之

七年六月地大震大糧免十分之四有聲自西北來一時樓房樹木皆前俯後仰以頂至地者二三次遂一顛卽傾城樓堞口官舍民房併村落寺觀倒塌數十萬間打死男婦子女八千七百有奇人立地上如履圓石展轉搖掇不能立移時方定地裂泉湧上噴二三丈遍地流水溝澮皆盈移時卽化爲烏有地裂處或縫寬不可越或縫深不敢視其陷塌處皆如階級有層次裂縫皆有淤泥細沙深淺濶狹形狀難以備述如庠生李獻玉屋中裂縫存積一空獻玉陷入穴中勢似無底忽以水湧浮起復得扳岸而出廩生李

毓垣有麥一箇陷入地中僅存數握又廩生高德懋家口二十九人僅存一男一女一時死屍遍野不能殮葬知縣馮可參有災民歌紀其事

八年免逋賦順治十六七八年康熙元二二三等年寔在民欠概予蠲免

九年十二月大雪平地皆深丈餘凡莊村樹木處積雪高與之齊室廬盡爲埋沒百姓多自雪底透窟而出者數日有不得已而出行者或凍死於塗

十年免逋賦詔康熙四五六等年直省民欠錢糧盡予豁免

十一年夏曹莊有龍鬪夏四月初午前晴明有赤白等龍數條鱗爪俱現黑白雲並大風隨之草木盡拔繞山左右轉鬪日暮入蒼山大雨如注

十三年旱

十七年沂水衝陷北城六十丈田禾淹沒民饑次年奉旨遣官賑濟

十八年頒聖諭十六條命所司於月朔督講紳士兵民肅聽以崇教化

二十三年正月七日雷震歲大饑頒萬世師表扁額於學宮

二十四年沭沂大水免田租之半夏霖雨不止兩河水
決平地行舟是冬及次年春米貴民飢戶部覆准郟
城魚臺二縣康熙二十四年下半年二十五年上半
年地丁各項錢糧盡行豁免設沂郟海贛同知於大
興鎮用沂州生員王尚之請也詳藝文志

二十五年詔免錢糧山東本年地丁錢糧盡行豁免
二十八年南巡詔蠲明年田租是年饑上見民間流離
狀詔免明年租賦次年戶部又議覆沂州郟城等二
十四州縣未完二十八年錢糧准於康熙三十年帶

徵

二十九年命直省州縣各置常平倉

三十九年大水

四十一年夏六月沂河大水蠲免錢糧水從沂水縣來人畜房屋樹木隨流而下所至衝決自是連年大饑

於四十二年奉 上諭 鄒 泰 城 安 等 七 州 縣 四 十 一 年 未 完 錢 糧 俱 着 蠲 免 又 命 將 四 十 三 年 地 丁 銀 米 通 行 蠲 免 積 年 民 欠 錢 糧 一 併 察 明 免 徵 又 奉 上 諭 朕

經 過 泰 安 州 新 泰 蒙 陰 沂 州 鄒 城 等 縣 見 民 有 饑 色 應 急 行 賑 救 但 州 縣 倉 穀 年 久 朽 爛 無 裨 濟 若 將 總 漕 漕 米 二 萬 石 交 與 河 道 總 督 委 員 運 至 濟 甯 甯 竟

州府等處減價平糶有應賑之處卽行賑濟漕運總督亦將米二萬石於秦安州一路散給又將收稅差回之官七員并發在京旗民犯罪降級贖罪一百名伊等俱照奏養蒙古例以所請之多寡議敘四十二年奉旨山東全省四十四年地丁銀着蠲免民間歡呼感德建皇恩浩蕩碑於邑北五里碑陰書民謠九章陝西屈復之詞也頒訓飭士子文

四十八年春大雨三月不止麥禾盡淹次年春大饑

四十九年詔免直省明年錢糧三年而週奉上海諭康熙

五十年天下錢糧一概蠲免其自明年始分省輪免

三年而週俾遠近均霑德澤並歷年舊欠俱行免徵
五十年禁增建寺廟

五十一年夏大水免本年田租十之二詔以宋儒朱熹
并附十哲之次

五十二年大赦蠲租免新丁丁賦卽四十九年恩詔也
東省錢糧免於是年其丁銀自五十年編審冊定爲
常額以後續生人丁永不加賦命鄉會試各加一科
是爲癸巳恩科

五十四年詔以宋臣范仲淹從祀文廟位在司馬光下
五十九年命武職得入文廟一體行禮

世宗憲皇帝雍正元年癸卯命改啓聖祠爲崇聖祠追
王先師孔子五代祭文廟加太牢一籩豆用十次年
又定從祀名位酌嘉靖九年之議復祀者六人林放
蘧瑗秦冉顏何鄭康成范寧增祀者二十人縣亶牧
皮樂正子公都子萬章公孫丑諸葛亮尹焞魏了翁
黃幹陳淳何基王柏趙復金履祥許謙陳澔羅欽順
蔡清陸龍其增入崇聖祠一人張迪命鄉會試各加
一科是爲甲辰恩科

一二年陞沂州爲直隸州郟城隸之命建忠義節孝孝弟
一祠又命孀婦守節十五年逾四旬故者得予旌

表旋命營伍節婦一體予旌頒聖諭廣訓推康熙年間十六條之意爲萬言諭夏四月命歲舉老農一人給冠帶榮身未幾又定濫舉老農之罪改爲三年一舉

三年追關聖三代公爵制祀於後殿歲凡三祀

四年頒生民未有扁額於學宮

五年春二月命州縣建先農壇各置籍田四畝九分春月縣令祭壇行耕籍禮命秩官紳士常服加帽頂以別等威

六年命直省拔貢六年舉行一次

八年秋濟南兗州東昌青州四府大水邑東沭河西沂河皆大漲漂廬舍淹田禾不可勝紀奉文通縣普賑十二年陞沂州爲府以蘭山郟城七州縣隸之

今上乾隆元年丙辰夏大赦命鄉會試各加一科是爲丙辰恩科

三年頒與天地參扁額於學宮詔以有若升禘十哲元儒吳澄從祀有若位卜商之下

四年大水賑恤報災六社

七年大水賑恤成災者三十九社賑穀九千三百二十餘石銀二萬一千三百餘兩

十年水災賑恤成災者二十六社賑穀七千六百餘石
十一年水災民饑賑恤是年成災者十九保已照例賑
恤十一月內奉 上諭今歲山東被災州縣朕經疊次
加恩賑恤復念沂州府屬之郟城縣本年被水成災
亦至八九分且該縣地瘠民貧來春未免拮据着照
壽光等八州縣之例極貧再加賑兩個月次貧再加
賑一個月欽此 時知縣張玉鼎以勘查戶口尙有遺
漏被劾革職於次年三月又奉 上諭郟城縣從前遺
漏戶口着該撫查明補給一月賑糧以免匱乏欽此
是年共賑米一萬七千餘石銀二萬八百餘兩

十一年春民大饑秋又大水之患匪止連年災歉麥秋
稍稔秋禾俱被水民大饑成災者二十九社已照例
賑恤十一月內奉上海山東省被災州縣已加恩多
方賑恤着將被災最重之東平等二十三州縣衛無
論極次貧民概行加賑兩個月被災次重之齊河等
六十州縣衛所極貧加賑兩個月次貧加賑一個月
其餘成災原止五分并各災屬內被災五分貧民及
被災六分次貧止撫恤一月口糧不加賑又災屬
內有勘不成災與災地毗連者收獲究屬歉薄或應
借給口糧或須加賑一月着該撫臨特確察情形酌

量分別辦理一面奏聞欽此於是縣屬六分災極貧
並七分九分極次貧加賑兩月六分次貧加賑一月
其勘不成災及各社內雖不成災而與災地毗連各
鄉村俱得通賑一月又奉旨七分災以上極貧加賑
一月於是縣屬得賑者四十一社共賑米六萬二百
四十餘石銀四萬七千八百五十餘兩時各縣
載路惟縣民賴賑以濟得免其生

十三年奉皇上御旨着普免天下錢糧三年而週東省
免於是歲發帑築沂河兩岸浚畢河用巡撫阿里衮
之請也上諭據撫臣奏以蘭郟二邑河溢淤塞堤堰

坍塌頽爲累年被水之由命大學士高斌江南查賑之
便勘實奏聞旋以高斌奏請先命總河完顏偉率同
南河叅將邱召龍等勘估土工而石工仍俟高斌親
勘於是完與高先後勘奏部議照以工代賑之例沂
河土工方價給半又奉上諭東省被災甚重民情艱
窘特加恩給發全價蓋異數也兩河修築土石工程
詳見山川

十六年聖駕南巡恩免郟城及蘭山等處民借舊欠倉
穀各屬錢糧着照被災分數蠲免發粟賑濟又各加
賑一月倒塌房間各給修理銀兩凡貧民有牛無力

喂養者每牛一頭給銀九錢其南巡經由御路兩旁地畝錢糧免十分之三

十八年奉旨賑郊城等處饑民錢糧蠲免

二十年奉旨蠲免各被災處錢糧發帑賑濟

二十一年春加賑

二十二年夏冰雹秋被水災奉旨賑濟又南巡經過御路兩旁地畝錢糧蠲免十分之三

二十五夏被水災奉旨賑濟

二十六年聖駕南巡經由御路兩旁地畝錢糧蠲免十分之三凡六十以上老民老婦賞給綿肉有差

[The main body of the page is mostly blank with some faint, illegible markings.]

鄒城縣志卷之七

秩官志

夫繭之性爲絲然非工女沃湯而抽之則統紀不振
化爲雛然非慈雌頡頏而導之則羽翮不成政也者
而昭其統紀也教也者養士而修其羽翮也從古以來

上者觀名宦所錄亦足以自鏡矣乃若居後世繼往躅
政教絀組尤當酌時規而爲之要束是以中谷有暎蒞之
嗟則賑恤當議埒敵有菑秦之聚則辟土當圖魯宮塞推
選之途則文會當督巽相觀德儀之善則射禮當求絲是
道也卽興黃蘇湖之烈可軼代而論世矣纂秩官志

郡守

漢

汲黯

東海太守詳見宦蹟

碭

魯東海太守詳見宦蹟

密

乘東海都尉

金

參東海太守

尹翁歸

東海太守詳見宦蹟

馮

立東海太守詳見宦蹟

魯

賜碭人東海太守

東漢

郭 竟 真定薊城人東海相

劉 寬 東海相詳見宦蹟

韋 著 扶風平陵人東海相

周子仲 汝南人東海太守

趙 咨 東海相詳見宦蹟

宋 均 南陽安衆人東海相

徐 球 廣陵海西人東海相

杜 喬 河內林慮人東海相

黃 浮 汝南人東海相

劉 廵 東海相

刁 避東海相詳見宦蹟

晉

王 承 東海太守詳見宦蹟

王 頤 之 臨沂東海內史

簫 誕 東海太守

南北朝

檀 韶 金鄉人東海太守

北魏

韋 台 宗 京兆杜陵人東海太守

今按舊志云郟在漢為縣而東海郡治在焉故汲

尹翁歸以東海太守入於縣志其義得之然自漢以後不止二人故依通志共以二十二人入志而宦蹟見於通志者共八人皆備錄之

沂鄒海贛同知

初設屬兗州乾隆元年奉文改爲沂州府同知管理七屬水利事宜仍兼管禹王臺竹絡壩工程并江南海州贛榆縣二處捕務

國朝

李興祖

康熙二十四年任詳見宦蹟

談允誠

人

由進士康熙二十八年任陞平樂府知府

傅星

人由

康熙二十九年任

施世驥

河南康縣人

康熙四十一年任陞廣東廉州

韓文燧

府知府

鑲藍旗廢生由太倉州知州康熙四十三年任

常建極

卒于官

正藍旗監生雍正二年任

吳象賢

浙江山陰人歲貢雍正四年任

范昌治

浙江鄞縣人監生雍正十一年由衛輝府通判

張潮

陞任陸興化府知府江南山陽縣舉人由合肥縣知縣卓異乾隆七

喻宏猷

湖廣人舉人乾隆十一年任卒于官

王汝礪

河南考城人監生乾隆十二年由洧河通判陞

李雲龍

河南祥符人監生乾隆十三年由東昌上河通

判任

邵隨龍 河南祥符人舉人乾隆二十年蒞事現任

知縣

元

張伯玉 至元五年任詳見宦蹟

明

鄧昇 洪武二年任鄉貫無據

歐陽義 洪武年任

劉敬 永樂元年任詳見宦蹟

邊傑 永樂三年任詳見宦蹟

秦冕 正統年任

李琦 天順四年任 詳見宦蹟

李楷 成化初年任 詳見宦蹟

宋讓 江南上元縣人 舉人 成化年任

田畊 河南儀封縣人 進士 成化年任

任義 山西沁水縣人 舉人 成化年任

蘇源 山西人 進士 成化年任

王洪 山西陽曲縣人 舉人 成化年任

郭濬 鄉貫無考 進士 宏治年任

席書 宏治五年任 詳見宦蹟

李隆 河南鈞州人 監生 宏治年任

韓玉 河南通許縣人舉人宏治年任

鄭繼宗 鄉貫無考舉人宏治年任

雷起東 河南人進士宏治年任

唐龍 正德五年任詳見宦蹟

黃琮 江南上元縣人進士正德年任歷陞知州左長史

曹琦 江南徽州人進士正德年任

洪暄 福建閩縣人舉人正德年任歷陞府同知

邵道宗 江南太平縣人舉人正德年任

林信 江南盱眙縣人舉人嘉靖年任

俞椿 浙江鄞縣人監生嘉靖年任

孫綸 直隸開州人舉人嘉靖年任

錢照 浙江慈谿縣人進士嘉靖年任調直隸南陵縣

朱光祖 山西人舉人嘉靖年任

丁介 河南陳留縣人舉人嘉靖年任

楊軫 湖廣武陵縣人舉人嘉靖年任

張芹 河南許州人舉人嘉靖年任

何崇信 直隸深州人監生嘉靖年任

鄖湘 浙江臨安縣人舉人嘉靖年任

張瓚 江南高淳縣人舉人嘉靖年任

陳鈿 江南懷遠縣人監生嘉靖年任致仕去

張應 河南光山縣人舉人嘉靖年任

董璟 江南徽州人由監生嘉靖年任

姚京 直隸南樂縣人監生嘉靖年任

嚴泰 江西新建縣人舉人嘉靖年任

王舟 直隸正定縣人舉人嘉靖年任

崇儉 江南天長縣人監生嘉靖年任

張應登 江南江都縣人舉人嘉靖年任

周廷陳 江南績溪縣人舉人隆慶年任

王栢 浙江仁利縣人舉人隆慶年任

陳志元 江南華亭縣人舉人隆慶年任詳見宦蹟

康一厚

直隸無極縣人監生萬歷年任

趙蛟

陝西藍田縣人由吏員歷官陞授萬歷三年任

李澹

直隸永平衛人由本縣縣丞擢爲令萬歷八年任

王邦彥

直隸長垣縣人恩貢萬歷九年任

顏若愚

湖廣攸縣人舉人萬歷十年任

文廣

鄉貫無考萬歷二十年任

柳烺

陝西永寧人舉人萬歷二十五年任

陳翼生

浙江餘姚縣人進士萬歷三十年任

蒲蒙泰

鄉貫無考廕生萬歷三十五年任

馬甄

山西太原府人舉人萬歷三十七年任卒于官詳見宦蹟

趙 山西人舉人萬歷四十年任以疾去

李元春 鄉貫無考舉人萬歷四十一年任

薛一麟 陝西咸寧縣舉人萬歷二十八年任

王維聰 鄉貫無考

鄭大經 鄉貫無考舉人由教諭陞

蔡一熊 福建閩縣人由進士萬歷四十四年任

毛 芬 陝西漢中府人由舉人萬歷四十八年任

陳一元 鄉貫無考舉人天啓三年任陞豫州知州

孫國龍 湖廣承天府鐘祥縣人貢生天啓四年任以貪劾去

秦四器 陝西三原縣人舉人崇禎二年任

周官

順天府人舉人崇禎四年任

姚可崇

開原人貢生崇禎五年任以酷劾去

王承祚

陝西華州人貢士崇禎十年任

潘文燦

浙江金華人舉人崇禎十三年任

金三聘

順天府人貢士崇禎十四年任壬午兵破城死

吳聯仕

廣東雷州府人貢士崇禎十六年任

國朝

張夢白

文登縣人貢士順治元年任

潘維啟

山西汾陽縣人進士順治二年任

胡禹支

江南徽州人貢士順治六年任卒于官

文莊 遼東人生員順治六年任

南儀 陝西渭南縣人進士順治七年任以山寇失城去

張崇德 遼東人貢生順治八年任

張應瑞 遼東人進士順治十三年任行取禮部主事歷陞萊州府知府

張翼 順天府人貢生順治十五年任

鄧章甫 廣西全州人舉人順治十七年任

金煜 浙江會稽人進士康熙二年任

馮可參 福建邵武縣人由進士康熙七年任詳宦蹟

黃六鴻 江西新昌縣人由舉人康熙九年任詳宦蹟

張三俊 盛京寧遠州人舉人康熙十一年任

周邦鼎 江南吳縣人進士康熙十七年任

石麟義 江南如皋人監生康熙三十年任

方殿元 詳見宦蹟二十三年任

岳爾翼 四川南江縣人舉人康熙三十七年任卒于官

楊清政 直隸交河縣人由貢生內庭教習康熙三十九年任以憂解任又以水災未報奉旨罰俸新杜兩處

決口王竣乃去

劉三異 陝西鳳翔縣人進士康熙四十二年任行取吏部主事

荆文康 詳見宦蹟四十八年任

魏敬勝 直隸柏鄉縣人由教諭陞任捐陞同知五十五年任

陳昇 廣西桂林府人舉人康熙六十一年任以不及降調未去而卒

李悌

陝西韓城縣人甲子舉人由漢中教授陞任雍正四年任以年老劾去

鄧起宗

湖廣荊門州人己卯科舉人雍正五年任以陞調去

馮為桐

江南丹徒縣人例貢由清河縣教授雍正七年陞任

張杞

直隸景州人癸卯舉人由青城縣調補雍正十一年任

謝鏗

順天大興人庚戌科進士雍正十二任

李可大

順天文安人庚子舉人乾隆三年任

王淳

陝西蒲城縣人癸卯舉人乾隆五年任官蹟

張玉鼎

四川新都縣人監生由郫平縣縣丞卓異乾隆十一年任

王植

直隸深澤縣人辛丑科進士由霑化縣知縣調補乾隆十二年任官蹟

吳兆基

浙江錢塘縣人甲辰恩科舉人乾隆十五年任

李湖

江西南昌縣人己未科進士乾隆十七年任陞

鄧瑛

直隸宛平縣人戊午科舉人乾隆二十一年任

牛宗文

山西高平縣人乙丑科進士乾隆二十三年任

張金城

直隸南皮縣人癸酉科拔貢乾隆二十六年任

縣丞

舊設二員嘉靖間奉裁一員正統以前無考

明

劉昶

正統年任

張松

正德年任

羅萬鍾

正德年任

戴光

江西人監生嘉靖年任陞肥鄉知縣遷四川雅州知州

郝讓 山西遼州人監生嘉靖年任

唐縉 直隸人嘉靖年任

聶光時 直隸人嘉靖年任

顧紳 江南臨淮縣人嘉靖年任

李瓘 嘉靖年任

梁鼎 湖廣人嘉靖年任

鄭璧 直隸人嘉靖年任

楊士先 陝西人嘉靖年任

鮑瓘 浙江人吏員嘉靖年任

曹繼業 河南人監生嘉靖年任

賈應龍

直隸人監生嘉靖年任

梁序

直隸人監生嘉靖年任

陳汝翼

福建莆田縣人吏員嘉靖年任

歐恩

江南桐城縣人吏員嘉靖年任

吳濬

廣東人吏員嘉靖年任

李尙賢

山西潞安衛人歲貢嘉靖年任陞昌邑縣知縣

齊宗道

直隸昌黎縣人例貢嘉靖年任

李若橘

陝西涇陽縣人吏員嘉靖年任

黎侍臣

江南清江縣人吏員嘉靖年任

劉嵩

江南寧國縣人吏員嘉靖年任

周學 浙江海寧縣吏員嘉靖年任

張學 河南鄧州人吏員嘉靖年任

牟坤 直隸吳橋縣人監生隆慶年任

王子耀 江南宜興縣人監生隆慶年任

趙應時 直隸密雲縣人監生隆慶年任

王應登 直隸遷安縣人吏員萬曆年任

李澹 直隸永平衛人恩貢萬曆四年任陞本縣知縣

劉世坊 河南羅山縣人恩貢萬曆六年任陞山西五台縣知縣

朱匡 浙江山陰縣人吏員萬曆十二年任

奚士選 鄉貫無考萬曆三十一年任

朱萬祚 鄉貫無考

范圍化 鄉貫無考

李之誠 鄉貫無考

劉講 鄉貫無考

趙會禎 浙江人貢生崇禎十三年任

國朝

胡應張 直隸人順治二年任

史標 浙江山陰人吏員順治七年任

許光璧 順治十年任

范士鎔 河南磁州人貢生順治十八年任陞新城縣知縣

楊應震 康熙三年任卒于官

史鑣 康熙五年任

王垓 康熙六年任

高燦 直隸清豐人例監康熙九年任

陳遵統 福建漳州府海澄縣人由推官投誠康熙十二年任

劉登陞 遼東人監生康熙十五年任陞河南郟城知縣

張應順 順天大興人內閣供事康熙三十二年任

華文振 江南宿州人監生康熙四十年任以憂去

王其慎 江南江甯縣人監生康熙四十六年任卒于官

張杞 正藍旗漢軍貢士効力河工康熙四十九年任陞浙江天台縣知縣

李燠 江南碭山人監生河工効力雍正十一年署

朱漢 江南寶應人監生河工効力雍正十三年署

彭理 正藍旗漢軍監生河工効力乾隆六年署

張士英 福建永定人監生考授州判乾隆二年任六年
調河院轅門巡捕九年回任

柯宜濬 正藍旗漢軍乾隆十七年任

吳孝曾 江蘇元和縣人監生考授州同乾隆二十一年
任

典史 正德以前無考

明

康友惠 正德五年任詳見宦蹟

尹裕 正德年任

張仁 嘉靖年任

楊得中 嘉靖年任

李珂 江西高安縣人吏員嘉靖年任

嚴鸞 江南含山縣人吏員嘉靖年任

王廷玘 山西徐溝縣人吏員嘉靖年任

胡必 江南石埭縣人吏員嘉靖年任

田蒲 直隸曲周縣人吏員嘉靖年任

王鷓 直隸霸州人吏員嘉靖年任

湯文相 湖廣桃源縣人吏員嘉靖年任

鍾鳳朝 浙江會稽縣人吏員嘉靖年任

炎 城 縣 志
戚紀 直隸人史員隆慶年任

曹秉哲 直隸藺城縣人吏員隆慶年以憂去

臧延辰 江南儀徵縣人吏員萬歷年任

羅聚 江南霍邱縣人吏員萬歷年任

魏鶴 直隸邯鄲縣人吏員萬歷年任陞遼東倉副使

姚信 江南高郵州人

楊克俊 鄉貫無考

劉文珙 鄉貫無考

焦允恭 鄉貫無考崇禎十五年任兵破城死

李景 鄉貫無考崇禎十六年任

唐季芳 鄉貫無考

國朝

胡自成 順治元年任

陳洪堡 順治五年任

王國芳 順治九年任

楊芳 順治十一年任

張一彥 直隸雄縣人吏員康熙元年任卒于官

茅芝 浙江山陰人康熙十一年任公材能練達推誠待人人多德之邑人公呈入祠未經詳請

倪文華 江南吳江縣人吏員康熙十八年任卒于官

傅翰屏 浙江山陰縣人吏員康熙三十六年任卒于官

胡煥 浙江蕭山人吏員康熙四十七年任陞四川東
觀場巡檢

李毓秀 順天大興人吏員雍正九年任

高斌 順天大興人吏員雍正十二年任

余宗焯 江南休寧人供事乾隆七年任

任肇元 浙江會稽縣人乾隆十五年任

錢國臣 浙江慈谿縣人閣供乾隆二十四年任

教諭

明

趙復春 直隸藁城縣人由歲貢天順八年任宦蹟

高俊 福建閩縣人由舉人成化年任宦蹟

江浴 常山縣人舉人成化年任

鄭紹 山西稷山縣人舉人成化年任

韓恭問 浙江紹興府人歲貢正德年任

張琦 浙江臨海縣人歲貢正德年任

王賢 江南臨淮縣人歲貢正德年任

胡琦 河南祥符縣人舉人嘉靖年任

陳階 河南登封縣人歲貢嘉靖年任

石巖 陝西灌陽縣人舉人嘉靖年任陞陵縣知縣

許守誼 廣東海陽縣人歲貢嘉靖年任陞長沙府學教

鄒國 河南人由歲貢嘉靖年任

王九韶 陝西人由歲貢嘉靖年任

王國賢 直隸晉州人歲貢嘉靖年任

潘瀚 江西豐城縣人歲貢嘉靖年任

趙書 河南滎澤縣人歲貢嘉靖年任

徐偉 江南太倉州人歲貢隆慶年任

陸萬鈞 江南沐陽縣人歲貢隆慶年任以憂去

楊官 直隸祁州人歲貢萬歷年任陞廣寧衛教授

張淪 直隸昌平州人舉人萬歷五年任以憂去

白資 陝西安定縣人歲貢萬歷六年任

邱問禮 福建長樂縣人舉人萬歷八年任問學該博修誌未畢以疾卒于官

徐來朝 濟南府歷城縣人歲貢萬歷十一年任

宋之崗 鄉貫無考天啓年任

唐之梁 遼東人歲貢天啓三年任陞廣平縣知縣

陳陞 鄉貫無考

史直筆 齊河縣人歲貢天啓七年任

郝鳴秋 鄉貫無考歲貢崇禎元年任陞河南商邱縣知縣

史元相 陝西安定人歲貢崇禎五年任

王庚 利津縣人舉人崇禎八年任

趙然 江南亳州人歲貢崇禎九年任

國朝

李希顏 臨淄縣人 歲貢

王國華 陵縣人 歲貢

邾王寵 臨邑縣人 歲貢

石汝介 德州人 歲貢

崔兆儒 益都縣人 舉人 順治十七年任 中丁未科進士

蓋肇元 德州人 歲貢 康熙十七年任

鍾加俊 益都縣人 歲貢 康熙十八年任

傅以履 東昌人 歲貢 康熙二十年任

楊應溥 蓬萊縣人 歲貢 二十二年任

王與韻 歷城縣人 舉人 二十八年任

王九湘 臨清州人 歲貢三十四年任

宋兆李 德州人 拔貢三十八年任 以憂解任 末去而卒

李殿魁 武定州人 歲貢五十一年任

孔興治 汶上縣人 拔貢雍正三年任 卒于官

杜文明 恩縣人 庚子舉人 雍正五年任

曹 枏 濱州人 拔貢乾隆十年任

謝 怡 魚台人 拔貢乾隆十年任

王述德 諸城人 乙卯科副榜 乾隆二十三年任

訓導

明

姚珪直隸通州人歲貢宏治年任

林福福建人歲貢宏治年任

張衡正德年任

黃裳正德年任

周鎬直隸安東縣人歲貢嘉靖年任

趙昱直隸永安縣人歲貢嘉靖年任

冀其楚河南葉縣人歲貢嘉靖年任

仝寶河南洧川縣人歲貢嘉靖年任

林應奎直隸深州人歲貢嘉靖年任

夏時中河南鄆陵縣人貢士嘉靖年任

趙文顯 河南考城縣人歲貢嘉靖年任

洪鑰 河南人歲貢嘉靖年任

張希巡 河南郟城縣人歲貢嘉靖年任

馮宗武 河南胙城縣人歲貢嘉靖年任

朱本重 直隸鎮鹿縣人歲貢嘉靖年任陞掖縣教諭

李績功 直隸東鹿縣人歲貢嘉靖年任陞積溪縣教諭

袁柳文 直隸清豐縣人歲貢隆慶年任陞周府教授

官學古 山東平度州人歲貢隆慶年任陞滋陽王府教

朱佩 江南山陽縣人歲貢萬歷年任陞楚府教授

唐憲 山東成山衛人恩貢萬歷三年任陞聊城縣教

唐宗堯

湖廣平溪衛人歲貢萬曆五年任陞武進縣

王一德

濟南府商河縣人歲貢萬曆八年任陞滋陽王
府教授

董崇正

青州府安邱縣人歲貢萬曆十年任

封汝才

江南沛縣人歲貢萬曆十一年任

馬安世

萬曆二十一年任

雷法軋

萬曆三十五年任

文苗

遼東人歲貢崇禎七年任

崔

平度州人歲貢崇禎十三年任

國朝

謝應奎

招遠縣人年任

劉入斗 蒲台縣人 歲貢

倪佳士 館陶縣人 歲貢

王運光 齊河縣人 歲貢

孫明義 東昌人

齊 駟 蒙陰縣人

陳纘緒 登州人

王吉人 范縣人

李 儀 平原縣人

黃 珀 卽墨縣人

楊德旭 臨淄縣人

蘇金生 安東衛人 歲貢 雍正四年任

吳翼成 金州衛人 歲貢

馬紹宗 范縣人 歲貢

初方 福山人 歲貢 乾隆二年任

唐文煒 靈山衛人 歲貢 乾隆

王永熙 福山人 歲貢 乾隆七年任

高永祺 青州府人 歲貢 乾隆十九年任

杜天嘉 高唐州人 歲貢 乾隆二十三年任

王續曾 海陽縣人 歲貢 乾隆二十九年任

主簿 嘉靖末年奉裁

明

孫蘭 陝西人宏治年任

陶傑 河南人監生正德年任

趙景和 山西人監生正德年任

張夢輔 鄉貫無考

胡淵 直隸人監生嘉靖年任

龔文郁 直隸遵化縣人嘉靖年任

張宗大 江南蒲城縣人嘉靖年任

張運 河南舞陽縣人嘉靖年任

侯潤 萬全都司人嘉靖年任

劉科 山西稷山縣人嘉靖年任

史廷器 山西寧鄉縣人監生嘉靖年任

大使 據舊誌當爲馬頭稅課司未詳何年奉裁

明

傅從弼 山西人嘉靖年任

梁萬倉 陝西人隆慶年任

田大用 江南鳳陽人吏員隆慶年任

李志道 直隸固安縣人吏員隆慶年任

李義 直隸阜城縣人吏員萬歷年任

孫淑禮 直隸樂亭縣人吏員萬歷年任

吳世寶 山西遼州人吏員萬歷年任

武秩

大興鎮汛千總

郭壽 曹州府鉅野縣人行伍雍正五年捧滿候推

李光彩 山西大同縣人行伍雍正九年陞德州守備

李虎 登州府蓬萊人行伍雍正九年任乾隆三年捧滿候推

劉琦 兗州府滋陽縣人行伍乾隆四年任十年捧滿候推

王承業 德州人行伍乾隆十一年任

郭榮 兗州府滋陽縣人行伍乾隆十二年任十五年調蒙陰

張秉鈞 山西汾陽縣人科甲乾隆十六年任十九年調蘭山

馬憲章

直隸河間南宮縣人科甲二十年任

王鈞

東昌府臨清州人行伍二十三年任

郟汎千總

劉運昌

北直保定府清苑縣人行伍康熙初年任沂州營千總撥守郟城縣城池

郟汎把總

李成龍

滕縣人行伍

徐順義

曹州人行伍

徐頂

嶧縣人行伍

劉吉

嶧縣人行伍

李文然

臨清人行伍

馬士湖 高唐人行伍

趙桂 兗州人行伍

馬士魁 滕縣人行伍

藍國柱 湖廣衡陽人行伍

紅汎把總

馬耀龍 嶧縣人康熙六十一年

李成德 滋陽縣人行伍雍正元年任

韓倫 益都縣人行伍雍正十三年任

董紹先 直隸遷安人舉人乾隆十七年任二十二年任
曹州千總

董代 高唐州人行伍二十三年任

趙卜鳳 山西蔚縣人舉人乾隆二十六年任

宦蹟

漢

汲

黯

東郡濮陽人武帝時為東海太守黯學黃老言好清靜擇丞史任之責大指不細苛病臥閣內

歲餘不出東海大治

碭

魯

武帝為時東海太守治官蒞民以廉簡稱

尹翁歸

字子兄河東平陽人宣帝時為東海太守過辭廷尉于定國定國欲屬託邑子兩人終不敢言

其治明察郡中吏民賢不肖及奸邪罪名盡知之各有記籍披籍取人以一警百吏民皆恐懼改行時有大豪許仲孫為奸猾亂吏治二千石莫能制翁歸至論棄市一郡怖栗相戒莫敢犯禁東海大治

馮立

字聖卿上黨潞人元帝時為東海太守居職公廉多知有恩貸好為條教吏民嘉美時東海瑯

瑯各爲一郡立兒野王治瑯瑯有聲立能嫵美焉

劉寬

字文饒華陰人桓帝時爲東海相政多仁恕吏

學官諸生執經對講見父老勸以農桑勉以孝弟人

感德興行日有所化後入爲太尉

刁韞

字子榮彭城人桓靈時爲魯東海二相性亢厲

有明略所在稱神嘗以法度自整家人莫見其

趙咨

字文楚東郡燕人靈帝時爲東海相在官清簡

晉

王承

字安期太原人愍帝時爲東海太守政尚清靜

不爲苛細有小吏盜池魚綱紀惟之承曰文王

之囿與衆共之池魚何足惜耶有書生犯夜禁爲吏

所拘問乃之曰從師受書不覺日暮承令送還其家

其從容寬裕如此上五傳通志

今按舊志云郟在漢爲縣而東海郡治在焉故長孺子兄以東海太守入於縣志茲考通志自長孺以下八人皆東海名宦也故錄其傳又考海州志二人之外亦有趙咨其人云

元

張伯玉

至元五年任知縣持己以廉撫民以信抑強扶弱沮惡揚善興學勸農盜息賦均民懷其惠立碑城東北隅名曰清公德政碑後剝落不全失其鄉貫祀名宦

明

劉敬

武進縣人由人材永樂年任性寬厚公勤廉潔愛民如子田野闢賦役均秩滿陞刑部員外郎

祀名宦

邊傑 直隸保定府唐縣人由生員永樂三年任剛直
有守吏民懷服秩滿民詣闕保留復任九載祀
名宦

李琦 順天霸州人由舉人天順四年任郟城令莊肅
廉謹吏民畏服興學校勸農桑斷獄明允獄中
有死囚越獄琦禱於神其囚若有人縻之者遂獲焉
三載以疾告歸民老幼數千人泣送數十里祀名宦
趙復春 直隸藁城縣人由歲貢天順八年任性剛毅凜
不可犯終日嚴衣冠坐堂上未嘗少易士志為
之振奮卒于官弟子服心喪者數人餘皆哭失聲

李楷 江南華亭縣人由舉人成化初年任郟城令歲
飢開倉賑濟給以官廩全活甚衆捐俸市地十
畝為義塚以葬貧民開懇荒田千七百畝招撫流移
七千餘人去後民立碑頌德焉祀名宦

高俊 福建閩縣人由舉人成化年任明尚書士多宗
之邑憲副周舉費邑廉憲房瀛皆出門下
席書 字文同四川遂寧人宏治三年進士授郟城知
縣勸民懇荒流民皆復來歸作新巖舍以課諸

生值歲飢倡義民輸粟又擇民分地為粥以食之立保甲法盜賊無敢入境以政最入為工部主事進員外郎民立生詞祀之以議大禮受特知累官禮部尙書少保武英殿大學士卒贈太傅諡文襄祀邑名宦

唐龍

字虞佐浙江蘭谿縣人由進士正德五年任鄴城令性度豁達平易近民興學校均徭役一法

制不怵上官不墮吏詭當歲旱憂形於色屏去導從為庶民服旬旬四郊禱雨時流賊劉六等至城下攻圍數日公與民效死守之家家人鬪而斃焉卒全其城加棒二等後以憂去民立生祠尙相累官至吏部尙書以劾罷後子汝楫狀元及第為修撰上疏辨詔復官贈少保諡文襄祀邑名宦祠

康友惠

江南全椒縣人由吏員正德五年任鄴城典史事上恭使下愛時值流賊攻城惠出死力捍禦

城保無虞民為尙相於唐席一公祠內祀名宦

董璟

江南徽州人由監生嘉靖年任持身端謹為政愛惠值歲大飢公議請賑左右難之璟毅然曰

苟可活吾民吾何恤吾官乎竟得請民賴全活者甚眾及卒于官無以為殮至易內奩以備

王栢

浙江仁和县人舉人隆慶年任待士以禮馭下以情吏胥不敢作奸盜賊去之他邑一忤當道

謫州判去

陳志元

隆慶間知郟城冰蘖自持一塵不染

趙蛟

四藍田縣人吏員歷官陞授萬歷二年任沉有才有善於取

賴之在巳年以憂去

李淪

直隸水平衛人由本縣縣丞擢為令萬歷八年任慈惠愛人清廉持己蒞令事未逾年即懇辭

致仕去庫有羨金百餘兩委而不取饋之贐亦不受前後凡五載始終冰操不易

文廣

鄉貫無考萬歷二十年任郟城舊係土城廣創砌磚城民不擾而績奏倉庫有守百姓賴安

陳蠶生

浙江餘姚縣人由進士萬歷三十年任才幹充裕聽訟明決恤民愛士恩威兼至陞府同知去

累官至四川副使

馬甄 萬歷三十七年知郟城為政嚴明人不敢以私

蔡一熊 福建閩縣人由進士萬歷四十四年任因郟城文風否塞力濬文河明年戊午科即中舉人魏

之賓

毛芬 陝西漢中府人由舉人萬歷四十八年任清廉有才幹至天啓二年白蓮教賊作亂失陷郟滕

嶧郵城各縣芬極力捍禦設法緝賊民賴以安百姓尸而祝之調繁郟縣知縣

潘文燦 浙江金華人舉人崇禎十三年任重士愛民為政以寬清靜不擾後經流賊史二姚三之亂守

禦有方衆賴保全以憂去

國朝

張夢白 文登縣人由貢士順治元年任時當定鼎之初百務草創撫恤殘黎教育士子殫心瘁力片言

折獄俗化民安陞武昌府同知署贛州道事因版賊之亂殉節死

馮可參

福建邵武縣人由進士康熙七年任仁惠清廉
嚴革火耗雜派到任甫兩月即遭地震之變參
詢問災傷撫恤殘黎施藥以救疾病民賴全活者甚
衆總督白特薦云清貞之品爽豁之資理訟一泓秋
水撫民四野春風允稱良吏以催科政拙錢糧拖欠
去職輿人傷之

黃六鴻

號思湖江西新昌人由舉人康熙九年尹郟邑
時驛務廢弛鴻赴任時由中路經宿遷抵紅花

埠役人導人公館鴻日之驛局吏稟舊例三日視驛

叱之去閱驛僅殘疲十八騎有道快司驛事鴻責驛

書馬牌併道快重處之衆役聞風恐怖已查東路驛

站自順治戊戌間復設止有夫馬工料無買馬糧簽

銀乃具昔僻今衝等事請照西中諸路自齊河禹城

而南凡十三站每站撥糧簽銀七百餘兩得允永爲

定例驛累少甦鴻強幹能讞決有王可習父子大盜

也逃居郟邳接界之五丈溝仇殺李東振父子四人

鴻率丁壯以巡查爲名出不意捕擒之竟正法窩逃

禁方嚴一日捕壯獲逃至訊其窩供縣前酒店石文

玉家傭工三月舉其家內外屋室廚竈男女人數並

左鄰何木鐸右鄰王三無不歷歷如繪鴻疑之假如

廁密遣人喚文王等見石少年何肥而髯王三則一
老翁也訊之皆錯愕不知所從來因諭之曰吾卽喚
質對喚石則何前喚何則石前勿自悞乃陞座喚逃
人再問遂命押文王等入因喚石而何乃前問曰爾
窩逃人某有之乎何曰無有也逃輒指何曰我傭工
汝家三月何賴爲耶命石前問識此人否逃人曰石
之鄰佑不甚記清也鴻命石等退笑謂逃人曰豈有
傭工三月不識主人者也必捕壯教汝當實言逃人
慚謝首實重責捕壯而遣之歸昌民任姓者告高某
與其妻王氏有姦而又殺之屍在高近居休地旁拘
高至問之曰兩月前伊妻跟人逃去伊誣送歸之廟
祝且辱之我不平理責嘗批其頰故有怨如有姦何
爲殺之乎鴻往驗屍詣其家舖上一新虎邱席下截
有損裂長縫舖側有乾糞一塊人屎也時有一小女
孩旁看呼問之曰前晚任燔燈下縫衣夫婦相口後
則不知也已驗其屍穿軟底紅布舊鞋絕無泥土喉
左右有紫黑痕如指頂大者各一腹下青傷如杯大
者一乃歸託城隍禱訊密置一小僮神座後兩繫任
父子左右柱上是晚任父問媳何以死子皆不答但
捶胸曰總之我該死耳詰旦以告鴻乃帶犯証覆審

喚任曰死王氏者汝也何誣高乎任惟叩首無言鴻
笑曰神告我矣自汝妻逃歸汝已畜殺之之心是夜
氏爲汝縫衣汝猶詈之後汝乘其睡熟乃以左膝壓
其腹右手扼其吭氏聲不能出惟以兩足相撐登時
氣絕汝遂與穿衣挾置高之林間欲洩批頰之恨是
乎任大慟一一供如鴻言高遂得白所著有福惠全
書備載其事後以憂去
補任東光令內擢給諫

李興祖

廣寧縣人正黃旗漢軍由廕生初任慶雲知縣
康熙二十四年新設沂邳海贛捕盜同知以興

祖陞授蒞任初卽躬親相度於兩省接壤四山阨要
之地建立衙署又招降李二和尚餘黨予以自新同
入編戶爲良民乃於山中建文廟舉行飲射讀法之
禮聚俊秀者相與磨礪詩文不數年遂翕然有淳雅
之風化旋陞河間府
知府轉山東鹽運使

方殿元

廣東番禺縣人康熙二十三年由進士任郟城
縣廉靜而幹練不用幕賓不置家丁不賂上官

讞決精明庭無留獄甲子己巳兩值鸞輿南巡駐蹕
紅花埠從容支應官有餘閒民不履累遠近稱其才

後以老致仕
有推惠田記

荆文康

山西猗氏縣人由進士康熙四十八年任郟城令沉靜莊樸催科有法修城垣建倉廩不勞民

而事集邑城至磨山一帶路汗下病行者文康于六
十里間捐俸五百金建石橋四十餘座民不病涉任

七年咨取
吏部主事

王淳

字興若關中蒲城人雍正癸卯舉人乾隆五年
尹郟邑公寬厚仁慈清廉縝密甫下車值水荒

輕裝儉騎遍省疾苦申請賑濟得額外蒙休民賴以
生全者甚衆斷獄詳慎民鮮冤抑後調任沂水父老

拜送依依涕
泣不忍釋云

王植

字槐三號懋思燕深澤人康熙辛丑進士乾隆
丁卯調郟邑公廉明果毅幹練有為愛士恤民

燭奸弭盜胥役不敢玩法盜賊不敢入境年七十精

神強健公餘手不釋卷所著韻學權衡性理註刊行
歷任三年頻值災傷逐戶履勘無濫無遺多方撫恤

全活者甚衆又慮郟邑水患難除三稟連疏源流洄

悉情形如畫遂修沂沐武兩岸堤功開濬墨河故道
其中委曲不能上達者輒捐俸增修民嘉賴之功竣
見郊誌簡略親筆訂正雖屬稿末竟而綱目釐然矣
經曰業廣惟勸公之志歎

李

湖

字又川號漫堂江右南昌人乾隆己未進士十
七年任郟邑精明果銳蒞事勇敢下車後清查
保甲嚴緝匪類遍悉邑中善惡記名袋中懲勸交施
黠猾者畏避遠颺捐俸修黌宮建一貫書院置學田
蒞任五年盜賊屏迹善良樂業奸邪改行以卓異陞
任上民思之

牛宗文

字吉人山西高平人乾隆乙丑進士二十三年
調郟邑公寬厚和平士有涉訟不直者當堂
命題隱切其事課文以愧厲之然邑有大事毅然敢
為二十四年秋被水公再三稟懇終得賑濟二十五
年告養回籍士民今立去思碑以誌不忘云

張杞

正藍旗漢軍貢生康熙四十九年任郟城縣丞
孤介自勵不以清宮易其操士民頌之陞浙江
天台縣尹

胡

煥

本性浙江蕭山人由吏員康熙四十七年任

雍正八年大水近郭百姓奔避高阜凡數晝夜不舉

火水落殍餓垂斃公施粥飼之者數日皆更甦九年

春陞四川東觀場巡檢

郟城縣志卷之八

選舉志

今天下士以三途進制科也鄉薦也歲貢也釋橋而升之
疏爵而授之一稟之於資格積勞遞遷等秩級而躋焉士
用此起家者當因事競能以無忝乎科第有如署置不任
譬之綵舟木騶措之用而靡當於國家又奚賴也他若武
科選儒簡備韜鈴世胄嗣庸承恩帶礪於以宣揚國威究
竟大業則均有不顯奕世者纂選舉志

徵辟

漢

于定國

郟縣人 才高科丞相富平候

薛宣

郟縣人 茂才科丞相高陽候

劉虞

郟縣人 舉孝廉大司馬

南北朝

徐摛

郟縣人 侍講

明

王子中

沈家埠社人 以人材薦任山西龍佑縣知縣

進士

南北朝

何遜

郟縣人 舉秀才任參軍

元

徐

賁

字幼文登進士任廣東布政使僑居蘇州遂為

姑蘇人

明

正統四年己未科施槃榜

李泰

高册社人驥之孫鄰之子官刑部主事

宏治六年癸丑科毛澄榜

任文獻

見人物志

宏治十五年壬戌科康海榜

周舉

見人物志

正德九年甲戌科唐舉榜

張景華 見人物志

萬曆二年甲戌科孫繼皋榜

張世則 見人物志

國朝乾隆十三年戊辰科梁國治榜

王恒

池南社人翰林院庶吉士福建興化府莆田縣知縣今告養在籍

舉人

明

洪武二十六年癸酉科一人

李驥 見人物志

永樂三年乙酉科一人

樂 采 泉子埠社人

張 衡 七里墩社人任知縣

永樂六年戊子科四人

王 遠 嶺口社人官至太僕寺寺丞

劉 暉 杏墩社人官至通判

艾 實 杏墩社人任主簿

孫 繼本 杏墩社人任主簿

永樂九年辛卯科一人

劉 晟 嶺口社人任知縣

劉 柳 坊廓社人未仕

永樂十二年甲午科一人

鍾 鏞 崑口社人未仕

李 茂 高大社人未仕

永樂十五年丁酉科四人

陳 常 官至金吾衛吏目

李 益 寨子社人未仕

張 智 新汪社人任訓導

李 鄰 驥之子宮至駙馬都尉府學錄

永樂十八年庚子科一人

田 瑄 崑口社人官至趙州知州

朱欽 睢口社人官至河南府知府

宣德四年己酉科一人

英俊 高埠社人官至西安府同知

正統二年戊午科一人

李泰 己未進士

天順六年壬午科一人

李撝謙 泰之子官至通判

宏治五年壬子科三人

任文獻 見人物志

周舉 見人物志

徐恭 栗行社人任知縣

正德五年庚午科一人

張景華 見人物志

嘉靖二十八年己酉科一人

劉應兆 見人物志

隆慶元年丁卯科一人

張世則 原籍本縣諸城縣學

萬曆二十二年甲午科一人

徐嗣愛 歸昌社人

萬曆四十六年戊午科一人

魏之賓

社人未仕

天啓四年甲子科一人

杜之棟

夏莊社人未仕詳見人物志

國朝

順治三年丙戌科一人

馬敬颺

噉口社人任山西靜樂縣知縣

康熙四十七年戊子科一人

莊

縉

噉口社人未仕

雍正七年巳酉科一人

李文可

冷村社人任聊城縣教諭

乾隆十二年丁卯科一人

王恆 戊辰進士池東社人

乾隆二十五年庚辰恩科一人

倪兆行 重高社人

明經 恩拔歲副正途

明

張道 高册社人官至監察御史

劉政 杏墩社人

劉翔 見人物志

彭翥 坊廊社人官至河南道御史

張迪 杏墩社人任清苑縣知縣

陳敬 任留守後衛經歷

呂綬 睦口社人官至吏部文選司主事

徐恪 任神武衛經歷

耿亮 杏墩社人任蠡縣知縣

梁薦 李馬莊社人任大寧前衛經歷

高讓 白沙社人任平陽府知縣

劉慶 任大名府滑縣知事

李榮 睦口社人任占益州吏目

鄧剛 坊廊社人任湖廣經歷

梁永 解村社人任蜜雲縣縣丞

董浩 曲溝社人任潞州訓導陞教授

彭隲 任縣丞

郭秉 杏墩社人任隰州同知

游興 許莊社人任鴻臚寺序班

何淵 任吏目

劉鉉 杏墩社人任清陽縣知縣

戚安 歸義社人任慈利縣知縣

臧善 沙溝社人任清豐縣縣丞

傅佐 泉子埠社人任延安府知事

艾清 朱呂社人官至清軍主事

徐倫 噍口社人

徐信 歸昌社人任北京兵馬司

張剛 沈家埠社人

鄭興 栗行社人任東安縣縣丞陞本縣知縣

楊彝 曹村社人任同州吏目

劉清 杏墩社人任鞏縣縣丞

田澍 噍口社人任盧龍衛經歷遷許州州判

英孜 高埠社人嘉興縣縣丞

李興 高册社人任桐城縣縣丞

劉芳 涇頭社人任巡檢

孟珪 出口社人任翰林院侍講

劉彝 疇口社人

丁能 涇頭社人任陝州倉大使

邵敏 大使李馬莊社人秀水縣縣丞

張翰 滂溝社人任儀真縣知事

劉瓘 港口社人任州判

呂賓 蘆作社人任縣丞

侯聰 崔塚社人任縣丞

劉昇 涇頭社人任吏目

黃 鉞 杏墩社人

禱 泰 夏莊社人

張敬之 埠前社人任縣丞

劉 昭 杏墩社人

李 毓 古城社人

劉 韶 杏墩社人任經歷

蕭 達 張家莊社人

陳 瓚 許莊社人

李 福 歸義社人

孫 綸 長城社人任訓導

馬善 解村社人任縣丞

潘廉 重溝社人

李俊 池頭社人任渭源縣知縣陞知州

李傑 池頭社人任縣丞

孟璽 出口社人

孫賢 夏莊社人

劉成 歸義社人任縣丞

鄭恭 粟行社人任知縣

單傑 出口社人

田景新 古城社人任主簿

田景昌

古城社人
任教授

丁鳴鳳

北陳社人
任縣丞

朱子瑜

劉文奎

彭繼先

坊廓社人

劉克寬

杏墩社人
任教諭

蔣遠

李馬莊社人

徐福

許莊社人
任教諭

魏茂

三峯社人
任教諭

李厚

冷村社人
嘉靖九年貢任吳橋縣訓導陞高平縣教諭

以上出貢年分無考

郟城縣志

選舉

明經

九

李永亨

杏墩社人嘉靖十一年貢任縣丞

杜世祿

新汪社人嘉靖十二年貢

杜允

夏莊社人嘉靖十五年貢歷任慶雲縣安慶府訓導太蒼州學正晉府教授

陳嘉禮

歸義社人嘉靖十七年貢歷任阜平縣訓導懷來衛教授萬全衛教授

呂憲

歸義社人嘉靖十九年貢任訓導

潘瀛

重溝社人嘉靖二十一年貢

劉瑞

啖口社人嘉靖二十三年貢

薛遵周

化家橋社人嘉靖二十五年貢

何潤

栗行社人嘉靖二十七年貢任訓導

王廷憲

三峯社人嘉靖二十九年貢任臨淮縣訓導

徐繼科

栗行社人嘉靖三十一年貢任東閭縣訓導

胡大彝

新汪社人嘉靖三十三年貢歷任汲縣訓導
關縣教諭德府教授

杜湘

夏莊社人嘉靖三十五年貢

李雲

永亨之子嘉靖三十七年貢任甘泉縣知縣

丁懷義

鳴鳳之子嘉靖三十九年貢

杜綵

新汪社人嘉靖四十一年貢任邳州訓導

劉汝芳

克寬之子嘉靖四十三年貢任江南桃源縣訓導

馬訓

冷村社人嘉靖四十五年貢歷任武城縣訓導

王彥

陽信縣教諭德府紀善
許莊社人隆慶二年貢歷任清州府訓導
浮山

馬應壯

縣教諭
王田社人隆慶二年恩貢授安平縣知縣
調永壽縣知縣

楊德良

故縣社人隆慶四年貢

李金

歸義社人隆慶六年貢歷任臨淄縣訓導長山縣教諭

杜學易

湘之子萬歷元年恩貢歷任丹陽縣訓導宿遷縣教諭成山衛教授

劉東魯

瑞之子萬歷二年貢任高唐州訓

王夢庚

廷憲之子萬歷四年貢任萊州府訓導

徐順

三峯社人萬歷六年貢任萊陽縣訓導

禱鈺

夏莊社人萬歷八年貢任臨朐縣訓導

王天爵

三峯社人萬歷十年貢

杜鯨

新汪社人萬歷十二年貢

李體乾

池頭社人萬歷三十年貢歷任安邱訓導益都縣教諭瀋王府教授

張守範

號繼白萬曆三十年歲貢
任博平教諭嘗修邑志

周三善

張家莊社人歷任齊河縣訓
導新泰縣教諭萊州府教授

李九章

出口社人萬曆三十六年貢歷任海豐
朝城沂州學正所著有文廟從祀考

張士浮

任萊州府教授

馬遇樂

任四川合州判官

徐若填

任陝西臨洮府狄道縣知縣

張問明

高冊社人

劉汝楫

王田社人選貢任山西壩縣知縣

張問行

高冊社人

張問官

高冊社人

徐廷銓

歸昌社人若墳之子天啓元年恩貢

張印貞

高册社人崇禎二年貢廷試貢元任河南遂平縣知縣

劉育梧

喉口社人任沂水縣訓導

劉講

杏墩社人

王球

沈家埠社人任濱州學正

王躬粹

牛家莊社人崇禎元年恩貢

許國髦

坵頭社人崇禎四年貢任冠縣訓導

趙調鼎

沙溝社人崇禎六年貢任四川內江縣知縣調山西嵐縣知縣卒于官

馬大可

故縣社人崇禎七年貢任武定州訓導

徐培基

歸昌社人嗣愛子崇禎九年拔貢

丁撫九

北陳社人崇禎十三年貢任利津縣訓導十五年
年城破不屈死

劉美玉

蔣體道

李馬莊社人崇禎十五年歲貢

國朝

張居完

三峯社人順治元年貢任江南宿遷縣訓導

張所蘊

順治二年貢歷任浙江會稽縣縣丞陝西苑馬
寺黑水監正

宋文耀

順治三年貢任濰縣訓導

王士琦

冷村社人順治五年貢歷任鄒平縣訓導長清
縣教諭武定府學正

徐俊行

歸昌社人舉人嗣愛之孫培基之子順治五年
拔貢任杭州府右衛經歷補蘇州府經歷

管可興

出口社人順治八年貢任福建福州府經歷

吳澹然

夏莊社人順治十年貢任福山縣訓導

劉永灝

高册社人順治十年貢

李燿

池頭社人順治十一年拔貢

侯上庸

曲溝社人順治十二年貢任范縣訓導

劉澤圻

杏墩社人順治十三年貢

黃運昌

高大社人順治十四年貢

李永昌

池頭社人順治十五年貢

管謀道

出口社人順治十七年貢

杜景炤

夏莊社人順治十八年恩貢

萬壽春

冷村社人順治十八年貢

徐廷獻 歸昌社人 康熙八年貢

許琦 出口社人 康熙十年貢

李毓均 池頭社人 燔之子 康熙十二年拔貢

趙旭 長城社人 康熙十四年貢

王新命 朱塘社人 康熙十六年貢 任昌樂縣訓導

杜襄謨 新汪社人 康熙十八年貢 任肥城縣訓導

宋訪普 冷村社人 康熙二十年貢

王運隆 桁頭社人 康熙二十二年貢

宋嘉禎 王田社人 康熙二十四年貢

謝汝梅 崆口社人 康熙二十五年拔貢 任浮梁縣知縣

李文燿 古城社人 康熙二十六年貢

黃純 柘頭社人 康熙二十八年貢 任臨朐縣訓導

劉宗海 冷村社人 康熙三十年貢

王朝桂 牛家莊社人 康熙三十二年貢

吳維藩 牛家莊社人 康熙三十四年貢

禱廷彬 夏莊社人 康熙三十六年貢

徐允禎 夏莊社人 康熙三十六年拔貢

李鈐 池頭社人 康熙三十八年貢 任冠縣訓導

徐達行 歸昌社人 康熙四十年貢

李廷欄 冷村社人 康熙四十二年貢 任城武縣訓導

李宏 池頭社人 康熙四十四年貢

顏瑾 磨山社人 康熙四十六年恩貢

周遵道 張莊社人 康熙四十六年貢

劉鐸 杏墩社人 康熙四十八年貢

管承綱 出口社人 康熙五十年貢

劉筠修 杏墩社人 康熙五十二年貢

劉淑孟 高冊社人 康熙五十四年貢

管承縉 重高社人 康熙五十六年貢

李巖 磨山社人 康熙五十八年貢

徐源淳 出口社人 康熙六十年貢

趙光表 長城社人雍正二年恩貢

王隆基 池頭社人雍正二年拔貢

張純生 張家集社人雍正二年貢

劉淑簡 出口社人雍正四年貢

李佩 磨山社人雍正六年貢任膠州訓導

倪賓魯 出口社人雍正八年貢任樂陵縣訓導

陳宏猷 盛際社人雍正十年貢

李饋 蒲寨林人雍正十二年貢

杜倫 嶗南社人雍正十二年拔貢任廣西試用知縣

劉淑序 出口社人乾隆元年恩貢

徐智 出口社人乾隆元年貢

徐纘善 白口社人乾隆三年貢

杜廷攻 港南北社人乾隆五年貢任恩縣訓導

杜廷瓘 港南北社人乾隆七年貢

趙世臣 長城社人乾隆九年貢

張四知 重溝社人乾隆十一年貢

宋德純 冷村社人乾隆十三年歲貢

李鎮 蒲寨林社人乾隆十四年恩貢

李佞 蒲寨林社人乾隆十五年歲貢任范縣訓導

謝卓凡 紅花埠社人乾隆十六年恩貢

徐纘猷

出北社人乾隆十七年歲貢

朱鐸

出北社人乾隆十八年恩貢

徐六吉

出北社人乾隆十八年拔貢

楊煒

重高社人乾隆二十年歲貢

徐幹

出北社人乾隆二十二年歲貢

王訥

城裏社人乾隆二十四年歲貢

李士箴

蒲寨林社人乾隆二十六年恩貢

張扑

張家集社人乾隆二十七年歲貢

王繡

芙青社人乾隆二十八年歲貢

恩例

陳友 以生員授壽官

李景高 壽官

馬相 壽官

田景芝 壽官

杜漸 以生員授儒官

張守矩 遙授金吾右衛指揮

王文粹 遙授訓導

張孕質 以生員授壽官

馬攀龍 以生員授壽官

王猷 以生員遙授訓導

趙夢祥 錦衣衛鎮撫

王霽 壽官

馬鶴容 壽官 以上載府志

侯羽京 以監生授壽官

徐璜 生于康熙之乙巳歲至今乾隆甲申年其壽蓋登百歲矣桐圭疊紀滿六十六閏之期莫茨頻

開符三萬六千之算是擬奏人瑞於聖朝生沾寵錫今已作仙遊於洞府死莫旌揚欲誌耆英惟書邑乘

贊例 未登仕藉者不錄

明

徐得仁 歸昌社人任照磨

徐得義 歸昌社人任檢校

徐得禮 歸昌社人任知事

徐景芳 歸昌社人任吏目

王 案 蒲汪社人

王 度 案之子

劉三益 高册社人崇禎元年任光祿寺序班見人物志

國朝

張 鑣 廩生捐貢授堂邑訓導未仕

張行已 廩生入監考州同管理河務詳請築修竹絡壩

謝汝諧 生員入監考州同管理河務與張行已同監修竹絡壩

謝 鏗 廩生捐貢兩經徵驗訓導未赴

張掄元 監生援例授縣丞檢發福建

武胄

明

田瑄

古城社人以庠生從軍授指揮僉事守鎮海歷羽林右衛改長陵衛轉府軍前衛調武功申衛

管事世襲

田廣 宣子襲指揮僉事

田宗 廣子襲指揮僉事

趙英 長城社人父忠洪武初從軍官至都督英以蔭靖難時授陝西西安衛正千戶改錦衣衛正千

戶世襲

趙淮 英之孫襲錦衣衛千戶

趙夢祥 沙溝社人由京衛武庠萬歷十四年授錦衣衛職

邵英 磨山社人錦衣衛正千戶

卞禮 坊廓社人府軍衛百戶

傅鎮 磨山社人錦衣衛千戶

鄒琳 杏墩社人金吾左衛百戶

王英 許莊社人天啓二年賊亂守城有功授把總

郁明 山庠生歷任江南都司見人物鄉賢志

國朝

趙忠 噤口社人由沂鎮千總陞甘州撫標守備康熙五十二年恩詔封宣武將軍

武科

明

趙夢祐

淮之子襲錦衣職嘉靖甲子中武舉乙丑進士官守備德州歷陞鄖陽都司掌河南都司印萬

歷初擢錦衣衛正堂

趙貞元

沙溝社人萬歷二十一年由京衛武庠中武舉仍襲錦衣衛都指揮僉事

趙宏祖

沙溝社人由京衛武學中武舉仍襲錦衣衛都指揮僉事

國朝

于章武

雍正乙卯科武舉

吳敦吾

乾隆丙子科武舉

封贈

明

李聚興

知府驥之父贈文林郎貴州道監察御史妻朱氏贈孺人

鄭衡

知縣興之父封知縣

任福

御史文獻之父贈監察御史

周衡

副使舉之父贈主事

張輔

都御史景華之父贈御史加贈大理寺寺丞妻吉氏贈宜人

張敏

以子世則贈文林郎蜜雲縣知縣配侯氏陳氏贈孺人

國朝

謝廷瑄

知縣汝梅之父封知縣配喬氏封孺人

趙永福守備趙忠之父封宣武將軍

王應昌

考授州同以孫恒職地贈儒林郎配黃氏贈安人

王室勳

庠生以子恒職封文林郎配喻氏封孀人

李毓增

以子佞職地贈修職佐郎配孟氏贈孀

省祭 未人仕籍者不錄

明

劉勝 任縣丞

劉戩 任主簿

劉英 任典史

陳忠 任主簿

李賢 任主簿

張瑞 任大使

王愷 任巡檢

顧埜 任主簿

董茂 任主簿

咸灝 任主簿

呂巖 任主簿

卞整 任主簿

張信 任驛丞

劉芳 任大使

劉宗 任大使

高著 任典史

劉義任大使

問敏任河泊所大使

陳英任典史

陳祥任大使

邵宣任驛丞

孫福任大使

杜昱任巡檢

李原任大使

劉除任巡檢

吳興任知事

王雄任大使

劉海任巡檢

劉琮任典史

常用任大使

靳福任巡檢

葛任大使

李整任倉副使

劉任巡檢

李謙任大使

朝中任大使

盛興任典史

姚呆任知事

李嗣任大使

曹能任巡檢

李浩文任典史

周玘任大使

侯全任吏目

許忠任大使

劉俊任巡檢

薛林任大使

吳泰任典史

胡寬任大使

陳善任大使

申信任驛丞

陳柏任大使

沈林任巡檢

呂志任吏目

劉演任驛丞

劉源任驛丞

侯文任大使

葛英任大使

李端任大使

任福任大使

胡玘任大使

莊旻任主簿

吳進任驛丞

蔡廣任大使

于林任大使

方恭任大使

唐鈺任驛丞

董寧任大使

趙顯任大使

張鑑任大使

李寅任大使

姬聰任大使

姬任大使

李任大使

劉傑任大使

杜延任大使

唐璠任巡檢

管義任典史

劉世福任大使

杜希孟任驛丞

高尙仁任驛丞

許怡任閘官

張奎任倉官

朱尙志任巡檢

劉禮任大使

徐得祉授保定府經歷

劉道達高冊社人任浙江同祿縣主簿

戴德坊廓社人任歐寧縣主簿陞河間府經歷

姚邦賢授陝西永羅鎮巡檢

國朝

趙之璽圍站保人康熙五十四年任山西山陰縣典史
辦軍需六年陞江南績溪縣濠寨司巡檢

郟城縣志卷之十一

藝文志

郡邑之士顯而薦紳處而巖穴疇不操觚翰以立一家言哉
故或陳之奏對或紀之時事或著之篇什皆足以華國而揚
風郟以古皇之遺問官領蓋聖化所經漢唐以還儒林繼起
文人遞出雖後之作者未必追踪前古然亦猶吳綾魯縞蜀
錦秦複陶各擅其土之珍何必不與天府綺縠同稱文繡哉
纂藝文志

各體文

以時代序惟題同者附

郟子來朝

左邱明

昭公十七年秋，郟子來朝，公與之宴。昭子問焉曰：少 氏鳥名，官何也？郟子曰：吾祖也。我知之。昔者黃帝氏以雲紀，故爲名官。何也？郟子曰：吾祖也。我知之。昔者黃帝氏以雲紀，故爲雲師。而雲名，炎帝氏以火紀，故爲火師。而火名，共工氏以水紀，故爲水師。而水名，大皞氏以龍紀，故爲龍師。而龍名，我高祖少皞摯之立也。鳳鳥適至，故紀於鳥。爲鳥師，而鳥名。鳳鳥氏歷正也。玄鳥氏司分者也。伯趙氏司至者也。青鳥氏司啓者也。丹鳥氏司閉者也。祝鳩氏司徒也。睢鳩氏司馬也。鳴鳩氏司空也。爽鳩氏司寇也。鶡鳩氏司事也。五鳩氏鳩民者也。五雉爲五工，正利器用，正度量，夷民者也。九扈爲九農，正扈民無淫者也。自顓頊以來，不能紀遠，乃紀於近，爲民師而命

以民事則不能故也仲尼聞之往見於郟子而學之

徐州箴

漢楊雄

海岱伊淮東海是渚豫州之上邑于蕃宇大野既濬有羽有
蒙孤桐蠙蛛泗沂攸同降周任姜鎮于瑯琊姜姓絕苗田氏
攸都事猶細微不慮不圖禍如邱山本在萌芽牧臣司徐敢
告僕夫

夫子見程生贊

南北朝庾信

程生夫子一遇相知薄言傾蓋桑陰遂移清揚共美賢聖同
羈陳詩難別贈絹傷離

明堂議

唐邑人顏師古

明堂之制爰自古昔求之簡牘全文莫睹肇起黃帝降及有
虞彌歷夏殷迄于周代各立名號別創規摹衆說舛駁互執
所見巨儒碩學莫有詳通斐然成章不知裁斷究其指要實
布政之宮徒以戰國縱橫典籍廢棄暴秦酷烈經禮湮亡今
之所存傳記雜說用爲準的實亦無昧然周書之叙明堂紀
其四面則有應門雉門據此一塗固是王者之常居耳其青
陽總章元堂太廟及左个右个與四時之次相用則路寢之
義足爲明證文王居明堂扁帶以弓鞬禮於高禘九門磔攘
以禦疾疫置梁陰道以利農夫令國有酒以合三族凡一事
等皆合月令之文觀其所爲皆在路寢者也戴禮昔周公朝

諸侯於明堂之位天子負斧辰南嚮而立明堂者明諸侯之尊也周官又云周人明堂度九尺之筵東西九筵堂一筵據其制度卽大寢也亦曰黃帝曰合宮有虞氏曰總章殷曰陽館周曰明堂斯皆路寢之徵知非別處大戴所說初有近郊之言復稱文王之廟進退無據自爲矛盾原夫負辰受朝常居出入旣在臯庫之內亦何云於郊野哉孝經傳云在國之陽又無里數漢武有懷創造詢於搢紳言論紛然終無定據乃立于汶水之上而宗祀焉明其不拘遠近亦無方面孝成之代表行城南雖有其文厥功靡立平帝元始四年大議營創孔牢等乃以爲明堂辟雍太學其實一也而有二名金哀

等又稱經傳無文不能分別同異中興之後蔡邕作論復云
明堂太廟一物二名鄭元則云在國之陽三里之外七里之
內景已之地穎客釋例亦云明堂太廟凡有八名其體一也
苟立異同竟爲巧說並出乎胸懷曾無師祖審夫功成作樂
治定制禮草創從宜質文遞變旌旗冠冕今古不同律度權
衡前後不一隨時之義斷可知矣假如周公舊章猶當擇其
可否宣尼藝則尙或補漏况鄭氏臆說淳於謏聞匪異守株
何殊膠柱愚謂不出墉雉邇接宮闈實允事宜諒無所惑但
當上遵天旨祇奉德音作皇代之明堂永貽範於來葉區區
碎議皆略而不論

曾子祠記

元廬陵

劉詵

皇元混一天下世祖皇帝在位日久詔書每下郡國必以勉勵學校敦厚風俗爲先累世相承教化大敷又以明經修行取天下士人心翕然日趨於道於是山東臨沂縣遂起曾子書院舉秦漢唐宋以來千七百年未有之曠典何其盛哉夫天地之道非聖人則不能久其立聖人之道非學者則不能久其傳夫子之道雖與天地同流然論聖賢傳道之功則曾子爲大蓋顏子於聖人具體而微然得於心而不示於人敏於學而不傳諸書又先夫子而沒也志有所未就微曾子立於斯道絕續之後則近而思孟何所據以傳遠而周程何所

溯而得哉是故周公之道非不大矣雖施於事者不必盡傳於言而周公之不逮夫夫子者曾思爲之繼也孟子所謂賢於堯舜此之謂與且曾子之年去夫子懸絕彼其聞一貫之旨不可謂不早則穎悟絕人何可當哉故聖門之有曾子殆天授之爲傳道計也然則曾子有功於聖門如此而以臨沂生聖賢之地沐禮義之邦至千七百年而不知設學以祀之迄於子孫廢熄故宅遺基泯爲民居莽爲荆棘一旦乃有發其良心善性慨然興起豈非聖朝道化極盛薰陶涵養之至而後然與倡是舉者前副提舉管文通獨以爲己任和而起者凡十人有奇其急義如飢渴之求所欲而府若州縣之循

其情又如影響之應上下合志不日而成得請於朝省以曾子書院爲額嗚呼美哉吾儒幸生極治無事之時將見車書萬里絃誦連城蓋將杖策鄒魯觀禮器於曲阜之廟想春服舞雩之風而後揖遜周旋以觀書院之新制究先聖之遺言補其學之不足豈非一時千載之遇與文通今爲廬陵縣尹有善政以大治又修鳳山書院廬縣學其崇教化類如此由是薰陶所及聞風興起廬陵士又有郭元輔買書籍若干部刊曾子所著書若干卷今皆藏於曾子書院云

重修一貫書院記

邑貢生 王天爵

邑有先賢曾子祠揭曰一貫書院蓋昭其傳心之得統且以

範來學而示育才之意也昔先聖孔子闡心洙泗以覺來世
辟賢中得其宗者惟曾子爲最今觀其言如三省弘毅大學
傳真足以發聖蘊續道脈開聞知於萬世矣當是時郟於魯
爲附庸曾子嘗以道貞教於郟郟人遵其教以仰窺聖緒及
沒而祀於鄉蓋宗之也舊祠越縣治西北五十里在石梁鳳
凰山之陽元人亦建書院設祭器藏所著書於其中至我朝
憲廟時邑人以祠遠且圯移之城以便祀事然其宇隘而垣
卑又毗豎穢居其中人出入狎視罔禁春秋展謁塵莽萋目
不堪以陳俎豆邑侯關西趙公崇儒遵道方圖整飭乃醫士
官蔣君勸慨然自任不由委托不假募助明匪要譽幽匪徼

福出己貲而更構之堂高以廣垣堅以巍門嚴以邃且欲樹
屏以肅觀聯廡以造士蔣君之用心良勤矣夫曾子先義後
利其道無所爲而爲非若世之所謂鬼神操禍福以馳騫天
下者也乃鄰人專祠之蔣君修其廢士庶樂其成何心哉好
德之真心也人人有好德之真心則人人有曾子之心人人
有曾子之心則人人可以唯一貫誠本吾所全於曾子之真
心克以曾子之實學精察體認於物感之際殊途百慮紛至
沓來悉以吾本來之真應之則靜中皆天觸處皆道心神卽
曾子屋漏卽書院一貫傳真之秘旨於我而再唯之矣是爲
得先賢啓後之心是爲稱聖朝養士之意天下國家亦庶幾

有攸賴焉工成索爵爲記爵邑人也將與諸同志升學觀奧以私淑心學於萬一曷敢以不文辭遂僭爲之記勒石以昭不朽至若義學義田去思祠諸所建神廟凡蔣君之可紀者各有碑識之今可無贅云

重修廟學記

衍聖公 孔公恂

伏羲神農黃帝堯舜禹湯文武天任之以行道者也若我聖祖天任之以明道者也故曰天將以夫子爲木鐸又曰自生民以來未有盛於孔子也刪詩書定禮樂贊周易修春秋爲天地立心爲生民立命爲往聖繼絕學爲萬世開太平君君臣臣父父子子夫夫婦婦兄兄弟弟中國之所以爲中國人

物之所以爲人物誰之功乎我聖祖之賜也所以有天下國家者莫不致其尊崇之典我太祖高皇帝定鼎之初君師海內詔天下嶽鎮海瀆忠臣烈士歷代所加崇名美號一切革去惟我聖祖明先王之要道所有封爵仍從其舊列聖相承一以我聖祖之道是重內而京師外而郡縣以至海隅邊徼皆立廟以祀春秋有事與社稷等前設禮殿後設講堂俾爲師者知所以教而弟子知所以學猗歟休哉然昧於道者不能究其風化之原政教之本惟以簿書期會爲事有孤朝廷設教之盛意所以風俗人才相爲消長可不懼哉雲間李楷字廷式禮部尙書敬齋之孫陝西參政志雲之子也來令是

邑歲值凶荒民不聊生覩學政之廢弛惜民風之澆漓慨然歎曰是邑也古郟子之國也密邇鄒魯先聖過化存神之地忍令頽敝一至此乎何以安神靈而淑人心也卽開倉賑濟所活者以萬計明年稍稔乃鳩工掄材大新學校廟自大成殿東西兩廡櫺星門戟門泮池學自明倫堂博文約禮齋庖倉廩舍繚垣無不周備是舉也經始於成化三年三月落成於四年七月材非素具役不及衆以底成功高敞宏麗煥然一新視前大不侔矣乃遣廩膳生員劉昇李敏以書求記廟學之成吾固嘉李侯之賢也學校興則人倫明人倫明則風俗厚風俗厚則賢才出故爲詳其本末以告後之政教於斯

者有考焉

又重修廟學記

邑令張應登

嘉靖四十二年秋七月應登初調郟城時有寒疾艱於動履
迨四十二年春初疾愈謁廟睹正殿兩廡明倫齋號櫺星戟
門之類悉傾頽朽壞不足以綏神而射圃泮池則未之有也
予蹴然感慨亟思修葺第蒞政之初糧馬積欠百廢未釐竊
有志而未逮四十二年間貯有大戶餘銀計一百四十兩
有畸申請准允旣而濬河用夫頻數兼以事劇賦繁無暇隆
慶元年春正時可舉矣惟慮總理者之乏人也僉曰醫士官
蔣勸可歷道其築橋堤新城隍廟立義塚義學捐地贍師之

美遂以其事委焉乃相度鳩工構木煉石摧折者思以易之
缺略者思以補之凡丈尺高下厚薄材用罔不殫心經畫而
民之趨事者日益鼓舜士夫鄉民之好禮尙義者各出材木
以助工三月之內殿廡炳煥牌櫝咸備堂號聿新亭垣峻整
門牖絢麗池圃創建而師舍亦改觀矣予復慮夫士之貧而
不能自給者多冠婚喪祭之或廢其禮也卽出俸金置買蔣
勸地一頃二畝以資貧窶勸亦助地九十八畝共爲學田若
學租之入周急必公出納必慎則在爲師者一處分耳其爲
士者自茲以往不徒瞻望宮牆而求升堂入室不惟雕斲辭
章而務講學集義言聖人之言行聖人之行心通乎道而發

之爲文奮庸明時澤潤蒼生爲國家之柱石予尤不能無厚望云

祭孝婦塚文

邑令 席 書

嗚呼孝婦姓氏未聞養姑甚謹守節彌堅以純孝而罹不孝之辜以無罪而遭有罪之刑冤含九地怨積三年向非于公表暴其屈則孝婦之冤何日可得而伸天道之逆何日可得而順千古之人心何日可得而痛快也耶嗚呼塞天地者正氣也立綱常者人紀也孰謂氣塞天地力任綱常乃在一匹婦乎其有補於山之東淮之北海之右鄰之人乎嗚呼馬陵蒼蒼沅水汪洋古塚荒涼弔古悲今當何已也

孝婦塚碑記

邑人 張景華

孝之道大矣哉經曰夫孝天之經也地之義也人之行也呂氏春秋曰凡理國家者必先務本務本莫過於孝夫孝三皇五帝之本務而萬事之綱紀也執一術而百善至其道非眇小矣若漢東海之婦以孝稱非女中之舜參耶按漢史于定國傳載東海孝婦第不知何以失其姓氏縣志謂爲竇姓者未然也嗚呼予於此益見孝道之大而天人相與之際捷於影響矣堪輿渺邈人生其間海之杯水倉之稊米耳若婦盡孝顧蒙不孝之戮天卽爲之枯旱三年及其誣辯而事顯也天立雨一人之身其孝至於動天地感鬼神道有大於孝者

乎天也人也高下大小勢若離逃然逆天則旱順則雨有感必應無毫髮爽天人之理果有異乎因思夫天下之事常若變兩端而已孔子曰五刑之屬三千而罪莫大於不孝婦之以不孝死亦事之至變者也天道福善禍淫安在哉雖然亦千百中之一二耳使天道又懵無知焉逆弗早順弗雨爲善者可怠歟是故君子爲善惟求盡其分之當然得失利害之不在我者無恤也孝婦以誣受戮人皆冤之然其心俯仰無愧亦含笑入地矣詎知其冤耶予於此復有說焉凡禍福之來有所自君子不恃智以防之恃其無致禍患之道耳孝婦之誣所以成之者人也姑氏昧於愛郡守失於察脫姑氏知

守節之可尙不自斃而昧於愛郡守知于公之平恕不偏聽而失於察孝婦何自蒙誣哉此又可以爲古今鑒也沂二守李君秉玉山人來署縣事詣塚致祀惟見塚前有東藩憲副吉豐公公勛躬書漢孝婦塚四大字勒諸石而其事之顛末無文以載之還請於予曰漢孝婦名與天地相悠久塚獨無文以揭揚之亦一大缺典也何以風名教予久蓄世道之感聞而大韙其義頃 曰言之無文行之不遠不揣無文謹爲之記

問官祠記

邑人黃 琮

孔子曰我非生而知之好古敏以求之也說者謂聖人謙已

以誨人也自此說行而天下之人果以聖爲不待學而人固可不學矣傳載夫子問官之事據其生年二十有七殆爲委吏乘田之時問禮於周學樂於齊汲汲然日惟親師取友爲務觀達巷黨人之言可見也則夫前所云者非其自道歟其曰十五志學三十而立者皆非誣耳後世望之太高待之太厚而所以自望自待者卑且薄於是學古道廢而賢不肖始相遠矣嗚呼此非所謂不能盡其才者乎或曰生知安行非與曰否孟子曰孔子嘗爲委吏矣曰會計當而已矣嘗爲乘田矣曰牛羊茁壯長而已矣此則夫子無事於問者郊爲沂泗之區蓋聖賢之鄉而使人不能無古今之慨豈必以他故

哉邑北門有關王廟近改祠之卽其舊作問官祠肖像於其中爲之記勒諸石以風此邦之所謂學者復爲詩遺之使歌之以奉祝其詞曰好問之裕乃德之聚彼昏而妬孰升者堂有楚衣裳籩豆載行高山仰止景行行止室與人耳

重修問官祠記

邑令黃六鴻

攷舊誌郟置縣自漢始唐以後省入臨沂明初復置縣改今名雖沿革不同大都與莒滕之屬皆本三代以來胙土之遺也他邑無祀其先封者獨郟之人羨稱郟子凡帥軍臺榭子聞莫不指其遺墟曰郟子云郟子名與謚不傳其見於春秋有來朝於魯對昭子少皞鳥官之義吾夫子聞而往學焉先

邑令黃公琮因爲建問官祠祠距北城數武而碑於道左顏
曰問官故里嗟夫治世莫要於禮禮莫大於官孔子曰吾學
夏商之禮杞宋不足徵也吾學周禮得老聃焉周衰典章散
佚微柱下所藏夫子無與觀之夏商缺有間矣惟叙書而列
周官又况遠在元囂千有餘年之後郊雖世守其封然降爲
附庸不絕如綫其介於魯比於羅鷲黃帝其太祖也青陽系
所自出也獨能不忘先代之官世世傳之紀其名復舉其義
嗚呼此杞宋所不能徵者郊子可謂能識其大者歟吾夫子
於帝典斷自堯者何蓋其慎也然自堯以前多聞而識之不
敢略也故雖洪荒之遠六合之外能域聖人以所不知而能

窮聖人以所不能知夫子之道無常師郟子何必非聖人師
與善乎黃公歌遺郟人士以祀也曰好問之裕乃德之聚鳴
呼學苟識其大雖微必傳有所當於蒐討聖人雖弗論述焉
必取資之志學之道蓋如此郟人士其有感而興歎毋徒朝
夕游焉而忘作斯祠者之意也則庶幾矣祠圯於康熙七年
之地震余爲捐俸重葺因略次其概以詔郟人士云
乞賑安東等處饑民疏

邑人 張景華

臣聞涸轍之魚求活於升斗之水棲苴之草待命於滴瀝之
濡切見安東等州縣連歲旱荒人民饑餒賣妻鬻子號聲相
徹於里閭扶老攜童菜色並僵於道路剝木皮茹草實四郊

盡枯槁之形骨鬼瘠步蛇行列村皆餓莩之狀白骨掙乎溝壑死人至以澤量今天下群黎靡匪含哺鼓腹而獨此數處偏坐向隅之悲豈太平之世所宜有哉查得各州縣俱有預備倉多者積穀至三四千石少者不下數百石又有存留餘剩銀兩不係正項之內俱可易粟賑濟懇祈聖明哀此子遺之氓俯垂曠蕩之恩準令臣轉行所屬災傷州縣查報貧難下戶流離饑民計口而賑之俾枵腹垂亡者猶獲須臾無死幸見德化之成地方幸甚

議處海贛等州縣逋稅疏

張景華

題爲議處災傷地方拖欠銀兩以足國賦以安民生事竊以

海州贛榆等州縣瀕海之地斥鹵之區鹹水易於殺稼連年
薦被旱荒自嘉靖某年起至某年止積欠正賦銀若干掌印
官見奉題准住俸嚴追閭閻之民嗷嗷洶洶聚族而號呼曰
天乎吾儕小人朝不謀夕且將操瓢爲溝中瘠矣上之人胡
不聞而故令逼我臣聞之不勝咨嗟不勝惶懼夫竭澤而漁
後必無魚燔林而狩後必無獸矧以督責敲朴之威加於枵
腹時哺之民寧不速之逃亡乎查得淮安府所屬州縣俱有
漕運衙門贓罰銀兩并缺官俸糧柴薪夫馬等項上年俱聽
撫按衙門公費正用之銷竊念漕河事務自有歲辦供應加
意節縮則一年可足一年之用困苦小民饗殮已稱匱乏復

徵積負則十室將有九空之虞合無候題准日行令府屬將
前項贓罰缺官銀盡數開報比照海贛等處拖欠之數責令
該府起解戶部准補本州縣上年未完錢糧其拖欠民戶懇
祈明旨免追本州縣掌印官俱各開俸庶殘民獲被曠蕩之
恩而守令無墮撫字之職

去思祠記

副使 趙挺松

元山先生去郟城六十年遠且辭世郟民懷之如一日肖像
而祠之碑頌功德君子曰岷之石南國之棠不剪伐而墜淚
焉信哉弘治壬子公以進士令郟邑土曠人稀川溢爲患民
輕徙士漸失業公至墾田緩逋拓鬻造士推亡固存凡令之

事事實實允蹈之郊用康父戊午以陞去民爲立祠至於今不墜云公官至禮部尙書加宮保贈諡文襄文章事業表見當時載之史誌宣之制誥皆聖主明公贊述信之不誣至於翰猷闡道經濟英華俱存文集可傳也嘉靖甲申予以部屬趨縉紳親見議禮諸公侈史矜經喙如聚訟甚至操戈擠笄以快其說昭蝕以時禍福如射惟公考議於家非以要聞辭榮於朝非以食寵履止於順非以圖躬乃其嘯恩樹黨一時風頽瀾倒之習公實耻之此時士大夫所共覩聞非予之私言也蓋其精誠直道久而始孚遠而彌光可定於蓋棺也已獨郊乎哉僉憲鼎山史君行部入郊展謁祠下仰公德政爲郊

邦光拓祠基啓堅砥屬予紀事予聞郊民有謠曰前有席後
有唐嘻史君以公爲鄉先哲表揚功德以慰郊之人若予於
冢宰唐公亦鄉人也兩公德業相望予因郊謠而繫書焉豈
亦史君之意歟公席氏諱書號元山諡文襄蜀遂寧人唐公
諱龍號漁石浙蘭谿人官至吏部尙書歷履功勳有俟信史
康公祠記

邑人張景華

正德庚午流賊突起其年冬今都憲蘭谿唐公尹郊北上應
朝恆惴惴以地方事是懼召集各鄉素號勇敢者若干名赴
縣協助防守縣幕康君用心趨事唐公委托之越明年春賊
勢滋熾嘯聚幾數千唐公北回偕康君咨謀於衆力主公守

之策遂補濬城池外開三濠銳砲芻糧百爾攻守之具俱備復以忠義危言感激之人心益奮賊初環城攻且急多被吾郟擒戮賊深恨思報之旣而往返糾衆日夜攻甚急吾郟據隘設伏開門迎擊賊智窮膽落遂遁去自此戒犯郟之境界矣當道廉訪奏薦唐公得加俸二級康君亦屢被獎勞焉我國家治平日久武事漸弛倏遇盜起望塵束手奔潰逃匿之恐後孰知攻守爲可恃之策耶唐公倡之康君從而贊襄之吾郟人得保首領及室家之樂以有今日者豈可不知所自哉此特危急守城之一事耳平日之政教撫恤如興學校均糧差省財力革奸貪禁賭博扶弱抑強崇儉斥浮凡可以通

滯弊而厚國本者無所不用其誠康君雖處幕職飭躬勵操
亦有君子之風夙夜殫力以裨唐公之政教亦與有勞焉唐
公去任民思之弗置乃建生祠同前尹遂寧席公竝肖像於
其中歲時瞻拜以伸戀慕之意壬申歲康公卒於郟城人追
念其功不可泯亦爲建祠肖像以祀君諱友惠字濟民滁之
全椒人也祠在縣之北席唐二公去思祠之後焉踰月落成
父老請次第其事勒石以圖永久余不敢以蕪陋不文辭若
吾郟之義勇姓名及擒戮功次亦載諸碑陰將以爲忠義之
勸也

重修通淮橋記

邑令 顏若愚

邑南門外爲南北通衢距門不數步有橋名通淮蓋淮揚所經孔道歲癸未七月沭河水泛衝斥橋因圯焉行者苦之今年春余令邑人蔣勸董其事迺命僧永興募化不數月好義者一木一石咸樂輸無何僧來告木石漸備可以建矣爰命日鳩工不越數月橋成視昔高廣延袤若長虹臥龍遠近過者莫不稱便焉余因仰而歎曰茲橋之成不費官帑不煩民力木石由於衆人之樂輸工役出於臨時之僱覓工省而事集無容置喙矣然因橋之興而追其所以廢由今日之成而慮後日之所終不能無遐思焉是橋之去城也不數十步廼茲水得而壞之稍一泛決滿城之不爲魚鱉者幾希矣橋之

東爲安塢穴必由之道蓋沭河所經流也故安塢穴不修則水勢難免於泛溢而欲捍此衝流非千金不可以郟之凋疲甯能勝此役乎又茲城率土積而成卽經歲一修每遇秋霖多圯二三年必大集丁夫一築謂之大修每歲猶不免於小葺余初至郟適有惡少掠城中余因建修磚城議然竟不果修顧城之迫於水也邇則因河以慮及于橋因橋以慮及于城也後之當事君子寧不爲一勞永逸之思乎余慶橋之成而思城之不能如橋成之易也因記橋而併及之後之人其毋以杞人憂天難我焉是橋也經始於是年之正月落成於五月余嘉邑人樂輸之義因志歲月併識其輸財者之姓名

於碑陰

廟學論

教諭

邱問禮

佩項襄之劍者期於水斷陸剗不在琫秘鼓楚莊之琴者期於明廉修營不在金玉儒者誦先聖之書服先聖之道而徒曰我能輝煌其廟貌令壯觀而已則無爲貴崇祀矣鄴先聖遇化之邦其在於今又魯下縣也彼其儼然抗師道而我拜之者今不與其後裔同土壤哉侏儒問天之高于修人修人謝不知之侏儒曰爾雖不知視我近焉以今大夫之治諸生之里邇聖屛而興厥至道是亦修人之近天也然邑人士往日科第方軫起卽鉅卿華階亦間出以名於世何蒸蒸也廼

今三十餘年無克與鄉書之選者惟魯有聞豈教學之實弗
修與無亦氣運適爾耶噫氣運何常惟人用奮坂田之磽确
也勤樹藝而亦有秋寅邱之爲磬也掘其所流而深之茨其
所決而高之尺鯉可獲彼惰窳課業猥云生近聖人之居沃
遺澤而藉餘庥宜無難焉是何異修人傲睨乎侏儒而自矜
去天之近也庸有冀乎此其人吾懼其入廟而色怍矣

星野論

縣令馮可參

周禮保章氏以星土辨九州之地所封之域各有分星左氏
謂熒惑守心宋景讓其咎實沈爲祟晉侯受其殃妖祥驗於
分星自古有之然自古言星官者唐虞以前莫考從漢以來

石申甘德一家最著後又有巫咸一家與馬遷班固諸書故漢志載分野始詳而鄭康成引十二次之分以相屬也今按十二次之域角元氏屬之兗州之域房心屬之豫州之域尾箕屬之幽州之域揚州之域係以斗牛女青州之域係以虛危若乃室璧之宿配於并州奎婁胃之宿配於徐州昂畢之宿配於冀州而嘴參爲荊州之域其分配亦甚明矣然觀周天之度縱橫三百六十五度有奇許魯齊謂天每一度當地二千九百三十餘里晉天文志以東海入奎一度瑯琊入奎六度則是東海瑯琊已相隔五度矣按諸地勢宜相去一萬三

千六百五十餘里而瑯琊距東海僅百有餘里而近何相悖之甚乎且觀星野所分屬者盡以二十八宿分屬於九州矣然九州之外有八埏八埏之外有八紘八紘之外有八極是以豎亥步自南極至於北陲徑二億三萬三千五百里七十一步大章步自東極至於西陲徑二億三萬三千五百里七十五步四極如此之遠也雖其說近於荒誕然考天下大勢中國僅屬東南之一區以天地之元氣發洩於東南故謂之中國非謂天地之中也若取列宿而盡以九州配之豈八埏八紘八極之域獨不在列宿躔次之內乎又取象緯星位圖考之則周秦巴蜀梁鄭晉楚燕韓趙魏與夫齊越徐宋吳及

東海諸域僅起於房位而疊見於心尾箕與斗牛女虛數度之間是又九州僅僻處於列宿之一隅也而欲取星象之妖祥決事應於分野所屬之域豈能一一盡合哉近世西洋歷學又以天有九重第八重爲列宿天俱自西而東右旋乃爲第九重宗動天帶之左旋故列宿天二萬二千四百年一周天是列宿亦無定位安在分野之可信耶雖然大戊修德拱桑枯死宋景仁言熒惑退舍則是省躬修德誠弭災消變之善道也詎容諉之天行之定數而漫不事昭假乎哉

賦稅論

馮可參

先王制土籍田以力而砥其遠邇賦里以入而量其有無任

力以夫而議其老幼於是乎有鰥寡孤疾有軍旅之出則徵之無則已其歲收田一井出稷禾秉芻缶米不是過也先王以是爲足而夏以貢殷以助周人則兼用之自晉惠賂城於秦伯而秦始司其征周人與田於范氏而范始收其稅秦至商鞅更爲稅法三分而稅其二民力殫矣漢興約法省禁令民十五而稅一文帝始行賜租之令其後盡除而不取景帝行半租之令其後三十而稅其一其制甚輕也然考其田賦之外則又有口賦有算賦蓋已重於正賦况武帝之後增口爲二十三而更賦代錢月二千其民安得不困哉唐世因口分世業爲租庸調之法代宗以畝定稅而斂以夏秋德宗作

兩稅而立以定限其制未必全非也宋興捐劉鋹無名之賦罷孟昶催稅之法每二十而稅一其制亦云輕矣至神宗王安石爲新法而均輸方田諸賦並起而輸大農理宗之世賈似道爲公田而江浙之民負租愁怨亦安得爲盡善哉明世定賦之法不一每視地以爲輕重分上中下三則之例此亦則壞成賦之意也神宗之世蘇松大水逋欠至七十餘萬從輔臣張居正之議蠲免不可謂不善也至末季而遼餉練餉雜行蓋已非舊制矣國朝田賦酌倣前代取民未常有越制而鄰之賦稅視明末每多缺額且民之猶有逋欠者何也自明季以來三錢殘破殺傷復經饑荒地震災害其所存一二

子遺視明末僅存四分之一蓋丁少而地荒矣又或磽塉斥鹵之地所收甚薄加以雜派徭役蝗蝻水旱有棄地而遠徙異域者又或貧民積債難填或奸民誤蹈法網而挈家遠遁人去地荒此缺額之由也而其尤有病於催科者一在於沂民之買鄰地也紳衿勢豪恃在隔屬田畝散寄於縣戶任社役之哀求而彼附之罔聞也一在於豪右之欺隱也戶下假立鬼名朦朧混推催役畏勢忍刑而莫敢清楚也此二者皆逋欠之由也雖然奸良不一完欠各殊誠能法陽城之催科撫字以待良民法趙奢之不畏強禦以徵奸豪恩威並行寬嚴交濟庶善民知勸而奸豪亦知警矣乎

請練鄉兵協守議

邑令馮可參

鄰爲東省邊邑北負沂州南接宿遷西鄰下邳東逼海州三面皆爲南省邊界之地接壤居民白晝雖有安堵之勢而宵夜每有鼠竊之虞以其地勢散僻雖防兵星羅碁列而防守視他處爲難原其故蓋由防守專任官兵而民不知兵不能自爲守之故也今觀周人因井田而出軍賦是民亦卽兵也漢初無計口授田之法而賦民以丁不以田二十三爲正卒五十六爲退卒是民亦卽兵也唐世府兵雖有三等然用兵則奉征調罷兵則將歸於朝兵散於野是亦寓兵於農之意也宋世制兵之額有四宿衛備戰者曰禁兵服役諸州者曰

廂兵士民團練者曰鄉兵諸部內屬者曰蕃兵是士民亦有團練而民亦未始不知兵也故蘇轍民政策曰天下之兵莫如各居其鄉安其水土而習其險易而特病其不知戰故今世之患患在不教鄉兵而專任長戍之士爲抗賊之備且天下治平非沿邊之寇則山林匹夫之盜及其未集而殊之可以無事於大兵苟有大盜則其爲變亦非戍兵數百人之所能制若其要害之地不可無備之處乃當厚集土兵以代之耳按斯言也似有當於今日舉行者也今誠於四鄉各舉殷實富戶一人或二人延請武藝精通之士每於祁寒暑雨有妨農事之時或晨昏燕息之暇招集本鄉丁壯子弟校其騎

射教以短兵使之熟其攻殺擊刺之法坐作進退之方時遣
佐員入鄉閱視間擢武藝練熟勇力蓋衆者記其姓名使之
到縣操演邑令親臨校閱賞以羊酒優以禮貌仍令歸田復
令本鄉富戶間以羊酒犒之其有勇敢有力貧難存活甘任
防禦者通鄉酌餼月餼以給之如此則人爭勸勉復加以官
兵之巡緝雖有小警互相援衛武藝既精心胆自壯盜賊當
前直可群呼而掩擊之矣賊退之後復查奮身爭先者何人
挺鎗殺賊者何人取其有功與出力者鄉爲厚餽羔酒以慰
勞之官爲簪花披紅鼓樂送出以獎勵之必將人爭思奮外
侮聞風而斂迹又何憂風鶴之驚乎是以楊萬里上宋孝宗

曰以國守邊不若以邊守邊何則人自爲守也夫人自爲守者守不以城人自爲戰者戰不以兵守不以城者人自爲城也戰不以兵者心自爲兵也然則練習鄉兵使人自爲城心自爲兵或有當於今日之勢乎是在當事者之採擇也

河防議

馮可參

河勢自雍而豫出險固而之平曠其水勢旣肆又由豫而兗而淮其間土益疎地益低水益肆其勢蕩嚙衝激淤決無常莫能防禦歷年旣久安免衝決之患一有衝決而治河者恐愆運期勢不得不伐薪累土急圖埤閉及河水泛漲此塞彼開數逢其害勞費無已而議者以爲治河之法宜分不宜專

宜導不宜壅是以朱熹之言曰禹之治水只是從低處下手下面之水既洩則上面之水漸淺是因其勢而利導之之意也今誠於黃家口以下迤東卑濕之地周環巡視陰訪士人詢其新決河流從何入海卽因其地條爲數河而疏鑿使深以歸於海或附近舊有別派可以入海而新決河流尙有所隔不能驟通者則爲鑿之使通以歸於海務令徐淮之間不匯爲巨浸其開河所損民間田宅一以治河之費償之下流之水旣歸於海則上流自不泛溢爲害俟其至冬水落然後倣明臣劉大夏堵塞沙灣之制先於兩岸大築二臺植木爲表多施大索衆婦交下兩岸漸合中流用船雜實土石鑿而

沉之壓以巨埽囊土以實其罅役夫番代閱晝夜而弗息候
決口旣閉其外則甃石樹杙累築而固之庶乎其有濟也又
按宋世元祐間黃河爲患治河者多以開河減水爲議乃爲
蘇轍奏罷其議遂寢由今思之開河之議未必爲無當也今
誠堤成之後復於河南山東一帶沿河巡視察其地勢窳下
可以分引河水之地爲之畫其溝洫區爲坵數厚增河堤甃
石設閘量開水門而縱橫曲折注之使之散流溝洫以資灌
漑又爲導之使之別流以分殺河流之勢而又各設閘夫以
待啓閉相時宣洩再設淺夫使之不時疏濬勿致淤塞如此
則不獨河患可平而東南之民利亦或於是乎興豈不國計

民生兩受其利矣乎

義倉論

馮可參

義倉之設所以備荒也今按計倪曰太陰三歲處金則穰三歲處水則毀三歲處木則康三歲處火則旱故散有時積糴有時領則決萬物不過三歲而發矣故歲從寅至未陽也太陰在陽歲德在陰歲美在是聖人動而應之制其收發常以太陰在陰而發是古人取發每卜歲之穰毀以爲準其所以爲救荒之備甚詳而豫按舊志郟之義倉雖有數處然在當時卽有以秕雜穀與夫詭支虛記之弊今則已久廢半粒無聞矣萬一歲或大饑使當世而無劉善明之開倉賑救將蘆

根可掘乎木酪可煮乎烏莖竹花可常採乎使此時而不爲
陰雨之謀則骨肉相食之慘其終能免乎况郊民生息甚少
其間完官稅救饑寒與夫婚嫁喪祭宴會病苦無不取足於
區區之入穀在富民旣病於積貯之無息而貧民又苦於積
貯之無由年盡一年毫無存貯使後此而饑饉荐臻有枵腹
待斃而已豈不悲哉爲今之計爲如多立社倉倣古崇安所
設遺制按宋乾道間朱晦翁請於府得常平倉米六百石賑
貸夏受米於倉冬則加息二分以償自後隨年豐歉小歉則
免其息之半大饑則盡蠲其息凡十有四年得息米造屋三
間乃以原數六百石還府以見儲米三千二百石以爲社倉

不復收息每石祇收耗米三升於是一鄉之間雖有凶年民不缺食此往時良法也今郊雖無常平之米可請誠能於各社公舉殷實公正四五人建立社倉各擇殷實富戶勸其隨力樂助出粟填倉隨年做貸加二行息俟其本息相敵仍以本還富戶自後一以息穀放貸視年之豐耗以取息俟積穀可濟一年之用則止息僅收耗穀規倣前制庶可免餓殍之苦矣不然積貯無存俟饑至而始議賑將濡不暇旋燒不暇拂亦何濟哉語曰荷鋤待雨不如決渚吾願郊之民之早爲計也

傾蓋祠記

邑令黃六鴻

傾蓋祠何以記志昉也何昉乎爾去城北十里相傳吾夫子
遇程子於此傾蓋而語後人建亭以識其處因以傾蓋名而
未嘗有祠祠之自余令鄴始曷爲祠之爾孟子曰游於聖人
之門者難爲言夫未嘗游於聖人之門則又難與言矣嗚呼
夫子之道至大天下莫能容豈惟當世之君相哉鳳兮之歌
亦旣見其人聞其聲乃欲與之言而不得至沮溺荷蕢之輩
夫子亦終不與之言其莫能與言者皆其莫能容者耳故語
焉而相悅以深自及門而外罕見其人然則程子非所謂當
世之賢者歟第吾疑程子去聖人之居如此其近卒未聞往
而受業附七十子之徒以得從祀於千秋則何歟然觀束帛

之贈雖不得比歎柱下老之猶龍或且托於縞紵之義所語
卽不傳而與語之緒指可意而知吾知程子之賢異於沮溺
之流遠矣邑有寓公名流好事者猶祠以永之何況賢如程
子祠程子而卒侑享於夫子焉程子雖賢非遇夫子則亦弗
傳也不然吾夫子之崇祀廣在學宮而奚俟此十室之聚哉
舊亭歲久傾沒僅存遺址予爲重新之復謀建祠會予當以
憂去河流澗工師庀南材不可得馬頭有廢祠數楹遂撤以
營之既有父老來告予曰此郡守王公邑令毛公祠也先朝
萬歷間聖裔中有請於大吏於馬頭歲增賈人稅建領蓋祠
二公力梘之事遂寢而賈人先已率緡錢數百千無所用因

以爲二公祠嗚呼二公之所以惠商者是矣奈何弗他謀所以祠之令程子之賢弗得從夫子以祠後之過斯亭者景仰聖賢之警歎無以肅拜祠下焉母乃缺歟或其時二公方倡爲沮之之議而事有難施歟後五十六年余無意中移二公之祠以建斯祠異哉是祠成用其舊材幾半因并識之

敬陳利弊以供擇採疏

沂州生員

王 占

竊臣見我朝定鼎以來聖仁浩蕩有加無已天下熙皞百姓樂利深仁厚澤無異唐虞更使小民得見天子而言情立法甚善其有不能盡合民心者則有一利未興一弊未除幸遇駕幸東省諮訪輿情問民疾苦願效愚忠謹獻興除二策一

馬陵山羽山在駕行御路之東相隔咫尺南直山東海贛沂
郟四處搭境東道衙門不能越俎而代自黑陡澗以至羽山
方二百餘里人煙稀少一派荒涼素出草寇山險難征雖經
平定不得不防土人相傳响子崖東原有捕盜廳衙門一座
不知起自何朝廢自何年今當於郟城地方亂溝山集仍設
一捕盜廳彈壓四處俱受東兗道轄制教民賣刀買牛開墾
荒地五年本縣起稅上能富國下能安民一舉兩得利國之
策一也一沂郟河柳之累未除沂郟風土半山半坡素不產
柳駕行一過可知每修河口出柳一千餘束發價到州散與
百姓各處採買運至河干往返六百餘里非兩月不能採買

固難運解更難以後發價散與出柳地方採買應用一呼卽至除免沂郟無枝柳之難且能速濟河工弊之當革者一也有利則興有弊則除庶不負我皇上駕幸沂郟巡狩大典倘蒙邇言是察駕行之處大沛洪仁萬民幸甚

築禹王臺石絡工告疏

總河王新命

爲恭報禹王臺石絡工程已竣事康熙二十八年三月初三日奉上諭朕前閱中河初意疑其狹隘今行經丹陽閱視河道亦復狹隘又聞衆官民俱言中河挑浚有益爾等會同總河總漕確議具奏欽此欽遵該臣等會議得從前挑浚中河原避黃河一百八十里之險且收束散漫之水使不致淹沒

民田今遵奉旨內事理隨行各屬一體欽遵并委令山東兗州府黃河同知朱琦崙管修理禹王臺去後今據該同知詳稱職奉憲行以黃流險阻思爲漕艘利涉商民穩便故開中河以避黃流惟是中河逼近黃流形勢窄隘伏秋水發必致泛濫清黃併漲必致中潰不惟浩瀚之勢難禦而奪河之慮更深今廣咨博詢中河之水全藉於駱馬湖而駱馬湖乃受沂沭白馬諸水所以時多泛濫然沭水紀載各自入海今乃匯於駱湖訪諸土人始知沭河由郟而東郟城東數里許有禹王臺者相傳大禹治水引沭水穿山而西恐其害郟築此臺以遏水勢及明末毀臺取石修城致沭水由郟城城北西

行會白馬河沂河入駱湖而沂郟邳各州縣均受其害况與中河首尾相應表裏爲用沭水似應急治等因蒙此職卽單騎星馳前赴郟城縣會同該縣知縣方殿元勘查禹王臺舊址俱成巨浸湮沒無考惟安塢穴一處地勢稍高南岸有舊堤土人以爲此卽禹王臺故趾也西至郟城計一千四百丈東至沭河口亦計一千四百丈河形甚寬自七八十丈至百餘丈不等一望俱係沙渚惟安塢穴天然獨隘兩岸土堅止濶二十八丈河坡倍之允宜此處建工但河底俱係流沙深不可測是以水勢日就西趨不復知有南行故道矣循沭水而東卽係馬陵山山形南北綿亙數百里而山口嶄然中割

宛如斧劈是爲大禹開鑿處渡山以東卽海州界水勢奔騰直抵此口勢如建瓴以至山口之西冲成深淵旋折而南由汰入海大禹建臺於西以鎮定此水自明季折毀水乃壅決直搗郟城北關西行冲入白馬河內合流南下至澇溝葛溝而沂河之水亦分派東行三水會合俱有河南注匯入於駱馬湖每遇伏秋滔天涵湧自禹王臺以南室廬田地盡付汪洋城不浸者僅數版矣郟固受害傍及沂邳宿遷等處咸被滄沒盡下駱馬湖入河歸海今旣開中河渚塞駱馬湖口以利漕艘誠萬世之利濟但此水從中河而下浩瀚奔騰必致傍潰誠有如憲行所云奪河之慮更深禹王臺急宜渚築也

職隨督椿埽夫逐一丈量查汰河口寬三百五十五丈濶廣無涯幾於黃河相埒自汰口起由紅花埠至唐店龍泉溝轉折而東過沭陽縣達大防山經華冲出湖通口直抵海州之新壩入海共五萬四千九百四十丈計長二百零五里有奇今直疏通汰口刨去河內遠近淤沙使水盡入故道堵斷西流然後可以酌議建臺等情呈報間隨蒙按臨禹王臺親加閱視卽奉面諭此禹王臺去黃運兩河甚遠創言興築人必以爲輕舉殊不知此水之爲害於地方助暴於黃河而今日之中河尤慮水大治河必先治源當速將禹王臺舊址壘築石壩尅日興工渚斷西下之水一面疏通汰河故道使水暢流

入海併查附近有無小石可以採運應用仍將毛竹編絡盛石如法築做等因蒙此職覆查臺址業已沒入於河河面廣闊連坡五十七丈深及一丈七尺有餘下積流沙深不見底湧泉遍出今於流沙泉湧之上若築土堤固慮虛鬆若建石堤亦慮裂陷茲蒙憲諭用毛竹編絡盛以小石壘成石壩其法至善伏考漢河平元年塞決河王延世以竹絡長四丈大九圍盛以小石兩船夾載而下之史書煌煌石絡之工事屬師古職隨指示匠役編造竹絡相度機宜將浮土盡行挖開用埧填實然後上加石絡釘頭密排共下五層計三百七十二個各層收進一丈根闊八尺八寸頂舖散石取頂二丈五

尺除墊實外現高二丈一尺五寸又石上北首卽係河坡接築大土壩一道共長二十九丈七尺五寸各照地勢高下層層築實高厚堅固東西各下石絡鑲邊內河形底層下石絡一十二個仍照頂頭排列第二層卽通長順下石絡一個計三十一丈一尺第三層亦通長順下石絡一個計二十七丈零俱與石壩相平其石壩南岸斜石雁翅一道因底土堅硬順下石絡一個長六丈二尺中間頂冲下石絡十個釘頭密排上面稍平亦順下石絡一個長七丈四尺各相河勢位置至緊接石壩以南則又堅築堤頭五十八丈三尺加倍夯礮亦照地勢築成各與石壩一式東面亦下石絡一個順長十

丈四尺足以包裹河頭再北岸接築小長堤一道長二百一十六丈高濶不等亦照地勢分做南岸雁翅迤東又開河一道蓋恐水至壩根不能東廻故也通長三百五十丈挑成龍頭蛇尾之勢直入沭河又從引河一道下浚子河一道以通小溜是皆節省錢糧之意而引河北口又挑寬加倍以使納水現濶一十五丈五尺深與外河底相等其石壩轉灣之處河頭昂聳俱已切去不復障得若河內挑出土方卽與西厓築成長堤直接石壩堤頭環繞引河止給行戩夫工食不計土方錢糧亦屬節省他如沭河口又築大土壩一道長六十二丈一尺而南北亦築小堤二百零九丈總爲重門複障之

計以期萬全至於汰河淤積沙石重加挑挖共浚三道深口
大溜湧入卽今大水驟長俱歸汰河故道奔騰入海自此中
河一百八十里之運道可以無虞將來駱馬澗地又不止河
工利賴已也總之駱王臺成而水歸汰汰河復故而駱馬湖
平治汰卽所以治駱湖併所以治黃河治中河也一舉而數
善焉抑職更有請者禹王臺原係郟城海州接境之地居民
旣貧且悍是以特設沂郟海贛捕盜同知於大興鎮若今工
成之後典守無人則附近愚民必致傷毀伏查郟城縣丞職
守甚閒似應改司河汛而沂郟海贛同知雖耑捕務亦可帶
管河工至統轄之任應否就近總歸東兗道至分管主簿金

曰礪候選州同張行吉謝汝諧各經効力勞不可泯他如紅
花埠一帶直至沭陽沿河原有舊堤近爲車馬踏毀似應併
飭地方官歲加修理以防異漲而禹王臺各堤隙壤各須多
栽柳株以爲歲修之計更宜循名核實復建禹廟俾故蹟復
彰聖神默佑是又垂裕久遠之策等情據此該臣看得禹王
臺之設由紅花埠峒嶧沭陽海州一帶歸海以殺駱馬湖黃
運兩河之水勢令報一律完竣水循沭河故道入海共用工
料銀五千五百三十兩八錢三分零臣復親查丈明白造冊
呈部查核外理合題報再禹王臺工成必須專員典守查鄰
城縣縣丞職守甚閒似應改爲管河縣丞責令專管仍就近

令鄰海同知兼轄東兗道統轄庶工有責成可免傷壞之虞
合併聲明

土地祠碑記

邑令方殿元

土地之神新祠成吏請設像余曰像非古也且陋昔之功德
及人者沒而思之不忘貌其生平而俎豆之像之可也神之
在土地者孰得而像焉夫神有降而爲人人有沒而爲神於
山川城隍土地有所憑焉初無定形也而何像神之變化何
常之有立一像而終古同之神以所及爲司又何羣天下而
以一像爲神盈天地間中雷門戶行灶皆有之詩曰神之格
思不可度思矧可射思像之將泥如勾龍配社柱稷配稷猶

未聞有像之者也况其他乎俗之事神者因其封號而飾之章服世人以耳目所習望而生其敬畏惟土地神面貌冠裳如鄉里耆老然人從而狎之優人以之爲戲彼惡知哉神之炤有遠近因以爲差此天爵也非如人爵之可倖也人有位爲宰相而智慧不能及一家者矣而人尊之者以服冕與人殊也下至一命亦皆有表而爲神反不若此且其神能掌縣署將助縣令明聰使賞善黜惡辨冤除禍令而不令將降之罰必其喜可庇其怒可懼其光燄可仰而不可褻惜乎人不得而見之也易曰精氣爲物遊魂爲變是故知鬼神之情狀謂鬼神有情而無狀非也不知其狀將不知情或失則慢或

失則諂否則以氣爲神以虛爲神以虛氣合爲神神之不知而何以知天不如設主

推惠田碑記

邑令方殿元

郟城古郟子國也爲魯附庸終春秋之世僅兩來朝不從會盟征伐假處自守不然其何以爲國哉今官此者秫垣草屋繩樞席門民可知己其貧者居無門臥無榻寒日無兼衣夜不被赤子體無尺布終歲作稗飯雜野菜過半甚者茹樹皮及草根秋後逃千里外就食夏收始歸予生粵會地沃而人勤凶歲無餓孛里中百家一二貧人耳及宰江寧設賑始知吾里之貧者非貧也擬請行朱子社倉法遭憂去官後非宰

郟又安知人之貧更有此極也康熙二十三年皇上巡幸至於三吳經郟見城郭廬舍想藏睿懷二十四年以水災免田租之半二十五年又免半民得以不死至二十八年巡幸至浙縣民無遠近老者扶杖婦者襁負偕少壯伏迎大道上踴躍呼萬歲二十九年租盡蠲民益得休息巡撫部院佛公蒞保東邦奏請從民願每畝捐穀二合貯以備荒於是郟收穀二千九百石有奇予告百姓曰邇向之逃者老稚奔走者慮年飢無食耳今已有穀如飢當發爾其勿逃盡力畊作百姓莫不歡呼唯唯旋念民有老無子幼無父又廢疾而極貧者歲無豐歉均于不飽至於窮冬內飢外寒其何以堪久思恤

之而百貸仍頻力有不逮近年私幣不交又數百年來陋費
辛未之冬一旦除去予償負外稍有餘俸使從而私之官之
利耳民其何與遂捐金市田三百畝以給無告者冬至後一
月之食名曰推惠田使民知各憲之惠我者推而惠之也自
計初作令至今十有九年矣同時察舊升沉倏忽而以前兩
令逋帑不調憶初至郟時民之幼者今已抱子矣壯年者已
班鬢矣父老子弟漸如里黨官民之間情輒勝義矧茲燿獨
其能愬然倘幸而安身竊祿年又年年將思廣之且以望後
之君子焉

荆邑侯捐俸增修橋梁記

沂州孟暉
嶼生

聞之除道成梁王政之大縣令尹受一邑而治安之則徒旅之艱固不宜漠然置者然亦難矣簿書填委食息不暇則無其時民撫磬室吏擁廉橐則絀於費由是說也小興作猶然難之矧功之鉅者哉郟城西北走出郡城有通道其間自馬鎮至芙蓉上下六十餘里尤附近郡邑往來貿易者所有事以故公私徵逐輻輳肩摩尤爲煩且庶顧其地勢下每夏秋時汪洋溜淖沮行人一方病之目爲畏途久矣然無計以免歲己丑荆公來作宰其諸所以治安郟邑者旣且以次第舉其三年因行西北道目擊地形進斯民間焉備悉其爲行人病者惻然慨然思飭治之而咨謀於李生巖授之籌畫屬以

襄厥事詳核得廢橋四十餘坐路五十餘里遂以農隙募衆
伐石輦土增其無補其缺卑者崇之狹者擴之始癸巳月訖
甲午十月而蕩平砥矢之規以成先後資費四百九十餘兩
皆公自捐俸於民一錢無賦也夫爲邑者之務不乏矣除道
成梁雖非細故而殿最考課不繫焉故人多置之而公顧不
愛財不惜時經營委任以成此鉅功非誠心爲一邑謀治安
不克爾也曄授讀茲土於斯舉親耳目之適民龔石以請曰
願有記也夫公舉善政豈以爲名然一方利賴不當忘所自
也遂不揣荒淺撮叙其槩且以俟後之傳循良者

神禹廟碑記

邑令張 梈

郟城東北十二里地名安塢穴舊有石臺相傳大禹治水時因沭水自穆陵東注抵馬陵不能遄行遂鑿山口導沭西流復建台以障之使南行而東折以趨于海制甚善也後人名之曰禹王臺前明正德間有宰是邑者毀臺取石以繕城郭沭遂直齧邑城且挾沂河白馬諸水湧入駱馬湖爲黃運患沂邳諸州邑皆有胥溺之憂而災之剝膚者則惟我郟邑焉康熙二十八年前河督王公建壩以禦沭因立禹王廟於壩之西南爲祈報地郟民之獲免水患者四十餘年雍正庚戌之六月伏雨淋漓濟兗諸仙溪泉暴漲漫堤隕壩而廟亦被衝神像漂流十餘里至帥軍臺東南止而端坐是卽古郟子

閱軍處也邑人咸異之以爲神禹終將加惠於我郟山欲新其廟以祀而以災故不果幸天子軫念飢黎飛詔發賑老幼得甦炊煙復起郟之存活者已不下數萬人大學士管河督事嵇大憲念此壩關兩省運道民生請改建玲瓏石壩共四百六十丈土壩三百丈估費三萬八千餘兩亟聞於朝報可蠲吉肇工令下有司丁壯荷畚插老幼婦子亦往擔土運石日受值以餬口斯時閭閻之衆咸知天子惠養斯民而大憲仰承德意出諸水火而登衽席也夫役雲屯不數月而大功成矣工旣竣大憲復請建禹王廟以酬神庇又報可乃建正殿三楹以奉神像前後山門寢宮釐然畢具而且司香火有

人膳廟祝有地不誠周且備耶自是水循故道歸境田廬漕
運永賴非神禹之賜福降康聖君賢相之經綸參贊郊之民
不其爲魚乎雖然人日戴天履地而不知天地之高厚日沐
君相之胞與生成而習焉而忘之者大抵多有何以郊之士
民于廟之落成猶殷殷然請記其事是可嘉也余幸悉其始
末足昭來茲爰敬誌數言勒諸貞珉以垂不朽云雍正十二
年

尋墨泉記

蘭山 廩生 王欽

墨泉者天一之精乾坤之靈源也其鍾奇毓秀匪獨郊邑書
香所孕實關二東之文運焉明正德中不知何故用鐵釜覆

壓泉口而塞之余自髫齡時聞先民譏議其事卽慨然有開復志康熙甲戌郟尹方公曾沿舊城之東募役挖掘不得其迹事中止雍正十年壬子秋西江明經詹睿客馬首其學兼精地術卜墨泉當在故城東北隅大汪內余因謀於廣文杜先生爲尋泉之舉冬十一月合同志具詞公請於縣尹張公主其事公欣然作探源說於十二月十八日命卽督役鑿水開水道車水探驗節屆新歲不容間時然池水濶三十餘畝中深踰丈尺越次年春正月十六日減不及五寸余用柳椿繫秫柴笆夾水實土偏池東西築二壩截車其中至二月乃見灰隔於邊岸覓善泐者探之得巨石水底石邊粘灰盡黑

色知墨泉在池中無疑矣奈池深多浸隨車而長難爲功計池距城河止四百餘步懇張公詳請鑿渠瀉水入城濠西注白馬河則掘泉旣便泉出亦得順流無碍公以未見本源不敢輕瀆諭估計工值及作何捐助公爲倡首各官皆贊濟余同事邑監生郁兆麟生員馬琬陳常輩及各紳士竭力工費共得錢百三十貫計鑿渠費不足仍前車水探尋越二十三晝夜車四具無停時夏四月十八日於汪之南岸肋下正射城隅處抉出覆釜四口鐵盡腐泥黑如墨然求之釜下竟無泉跡又得甕腹粗磁瓦一塊長闊六七寸色最黑洗去瓦上泥破其邊視之其黑光瑩徹內外取新筆餽瓦上筆輒黑書

字與好墨無異公大喜謂詹言誠不謬瓦蓋爲墨精所化也
更東踰兩步掘之有縱橫多木平排如井欄皆壞爛猶餘南
杉一科未朽插於岸之內外出四尺餘木上隔灰獨厚及尺
二三寸公曰泉其在此乎蓋錯置衆木加厚灰是潤重其勢
以壓鎮泉口覆釜之上者庶不難且夕得矣遽命役取俸錢
賞功勸勤專於木下求之余幸宿願將遂心不勝喜詎意日
竟午大雨經宿池水復滿而麥秋迫矣遂暫停以俟秋後夫
以二百數十年久湮之迹一旦毅然求必得之若公者洵勇
於爲義者也公諱陰沂河南伊川人以進士試用於郟未幾
實授者至而公去過池上悵然四顧低回久之後遂復無問

津者乾隆三年五月下浣蘭山後學王欽字恪氏謹誌其詳
以俟後之君子

查辦遺漏戶口事稟牘

邑令王植

竊以查辦遺漏戶口一案於正賑加賑之外復得補賑一月
此聖天子如天之仁亘古未有而憲臺保赤之隱寤寐弗遑
凡州縣有司目擊民艱敢不悉心辦理仰承至德職自四月
初六日到任查二月以前被災戶口張令皆已賑畢惟三月
一賑纔十分之三餘尙未經賑給而奉撥南漕米一萬五千
石久泊邳州屬之徐塘口亦未兌收維時境內災黎赴縣請
賑請借者紛然沓至然一經切實開示令成災保分靜候運

米開賑未成災保分亦候分別借給卽各安然散去民情並無滋擾職隨查徐塘口在縣西南雖有水路七十里可抵縣屬之馬頭鎮但河水淺涸船小且少非兩三月不能運畢倘待此救急不惟災民望賑莫及卽借糶亦皆失時此外又無陸路可通再四籌畫仰屋無策因詢之輿論有雍正九年前任馮令近就徐塘放賑已事民皆稱便遂倣行之蓋事勢所難不得不變通以濟也業將變通辦理緣由具稟藩司在案迨四月十二日親赴徐塘驗兌因見漕米多有黴變斷難久貯更不容株守成規坐失事會又將勢須變通情形稟明憲鑒在案所有查辦補賑事自四月初七日各委員到齊旬日

內先查完數保職卽於二十日委典史同委員赴徐塘凡縣西南保分距塘徐稍近者卽於徐塘開賑至二十五日計運至馬頭之米已千餘石職亦於二十六日同委員赴馬頭凡縣東北保分距徐塘頗遠者皆於馬頭散給及四月三十日兩所正賑已畢共賑過貧民貧生二萬六百九十六戶大小五萬六百一十九口五月初八日兩所補賑亦畢共補賑過一萬二千四百三十九戶大小一萬六千八百八十四口皆不敢拘極貧賑米次貧賑銀之規條卽動支南漕米石給發惟聞賑歸來一項乃極貧之民從流離顛沛中倖得餘生而回者急須卽予撫恤分保安插又不便令其候領漕米均將

本案奉發司庫銀一到立然給發計共八百一戶大小二千六百六十三口應於開賑項下造報至未成災各保奉憲檄飭各借給一月口糧職查縣屬未成災者除張令已將縣倉穀借給七保外尙有二十四保籲求領借職亦照賑給變通之法分別相距遠近於五月初二日開借動用南漕米支給職恐愚民領米不能自寫領狀且或人多書寫不及隨捐備紙張刊成領式分發各保令填入借戶及約地保領人姓名當面役遞卽時給發俟事畢日另案造報總計郟城一縣前後賑銀二萬八百餘兩米一萬四千九百餘石穀四千二百餘石雖民貧而頑浸以成俗然鳩形菜色皆慶更生流散逃

亡無不復業莫非皇仁所普被如父母之育子原不問其知恩與否而恩實罔極也惟是邊縣窵遠往返動輒逾旬情形多端旦夕迫不容待每懼拘泥貽誤有關民生匪小今賑雖告竣而事後追思有率意徑行匆匆未能待命者孟浪之咎所不敢辭也合將辦理始末逐一據陳伏祈鈞鑒

郟邑水利事稟牘

蘭郟二邑河道所關綦要職嘗按查原卷勘閱情形知其說有所宜詳而其事尤不可緩也案查乾隆八年十一月二十七日奉上諭朕聞山東河道及諸湖蓄水之處䟽濬宣洩尙未妥協倘遇淫雨大潦地方必遭水患與其臨時徬徨何如

先事籌畫可寄信與完顏偉喀爾吉善令其相度情形凡有
關疏濬宣洩之事詳悉查奏爲備無患之計欽此隨經河撫
兩院查奏於乾隆九年四月十四日奉到硃批是應急修者
一面動工一面估報庶先事以赴工亦可以稍寓賑耳欽此
仰見我皇上軫念民瘼思患預防如是其急而以工寓賑尤
經國恤民之至計也維時查奏案內以蘭郟二縣河道與江
南邳州連界隨咨聞江省准總河部院白咨復內開邳州水
利案內原奉欽差奏定東泇河一道現在深通毋庸挑浚芙
蓉官橋燕子等河及武河堤堰未經勘報興修等因經行布
政司覆查芙蓉河在官橋以上河道原屬深通以下蘭郟聯

界及邳州境內均有淤淺乾隆八年三月於永除水患事案內估報銀五千二百餘兩今准江南河院咨覆東泇河估需銀七千餘兩覆勘深通無庸挑浚等因事屬兩岐查東泇正河在邳州與嶧縣接界則芙蓉河仍應照原估議挑再燕子河蘭境尙屬深通惟郟城之四哨保起至邳州界之優婁山均屬淺阻應行勘議武河堤堰蘭境兩岸殘缺處及郟境東湖埠劉家莊等處尙未築堤有害民田今據兩縣各請於來春勸民修築等語應如其所請等因議詳院憲在案此蘭郟議修河工之始末也謹按事之緣起出自特旨不啻已饑已溺之思而事之中止關乎奉行格於一議再議之後伏思二

邑地雖彈丸實兩省聯界大河歸海之要區歷年墊溢十歲
九荒之危地百萬生靈皆在皇仁痼瘵之中歷年災饑皆糜
國帑不貲之費而因循悞事苟且塞責不曰緩工非急則曰
勸民自修使民艱益甚又致上厪聖心軫念殊恩時勞宵旰
其由來非一日也職代庖郟城卽以郟城論郟居東省極南
與江南邳州宿遷海州贛榆接壤皆南省澤國也郟之河道
非但芙蓉燕子武河數道而已邑東有沭河一道源流最長
而最險其南墨河一道湮塞已久而未通其西則爲河者五
近城爲白馬河迤西爲沂河再西爲武河又西爲燕子河芙
蓉河其流皆自北而南東西條列如排竹各相距五七里十

餘里不等下注江南邳宿海贛之域其有堤堰者二沭河西岸有堤中有竹絡壩石工長六百四十丈又上下接連土壩共六百五十六丈皆爲欵工其餘四十七里有奇則爲民堰惟東岸無堤卽以田爲堰今現在衝決者十一處計一百八十餘丈皆民害也沂河兩岸皆有民堤各長五七十里不等今現在衝決者八處計一百四十餘丈皆民害也若墨河白馬武河燕子芙蓉諸河皆無堤工而淺隘不能容水水大卽溢出溢出又民害也以此諸河錯流一縣境內故歷年水患發金賑粟不可勝計乾隆四年有賑七年十年皆賑至去秋災案一邑而賑粟至三萬四千餘石又銀至二萬一千餘兩

今且又以災告矣民害何時得弭乎職於現今災案週行履勘縣地夾沭河兩岸者北爲重沙至山前等六保南爲龍門至紅花埠等五保夾墨河兩岸者爲蒲寨林至楊家集四保夾白馬河兩岸者爲大坊張家集三保在沂武二河之間者爲港南至孫堰等七保在燕子芙蓉河之左右爲道莊至長城等六保一河衝決則兩岸諸保咸受其殃兩河泛溢則中間各保胥及於溺自非旱乾之歲皆屬報水之年况其地勢窪下目曰湖田淫雨連綿卽被浸淹民無生計老弱展轉溝壑壯者散之四方浸以成俗謂之逃荒皆以水無所歸之故竊爲察其情形河之原有堤堰者河身本寬現今通暢宜補

其衝缺增高培厚加以夯礮築之必堅使河水不致外出其原無堤堰者河身窄淺受水無多間有淤阻不能流暢惟當濬之使深開之使濶岸不必高爲受水地使湖水有所宣通然後治湖田而爲之溝洫隨其地勢就近歸河河之深以八九尺寬以七八丈爲率溝洫之深以三四尺寬以五七尺爲率如此則湖田雖窪必不低於河身河身旣通自足以受湖水變斥鹵爲膏腴易蒿萊爲秔稻穀麥此百世之利也職素不諳河務不能估計誠得練達工程者瞰高下計土方籌資用程月日分任諸河一時並舉有如治某保之河卽用某保之民計方估工計工授食其費卽廣諒不侈於屢年賑恤之

數且一勞可以永逸生民世受其澤視前此之因循吝惜反至糜費藉口民力苟且補苴者相去何如耶至郟邑東西北三面皆與蘭邑壤地交錯河道相通郟邑水患多自蘭邑決口而來自宜一體疏治郟河下游歸於郟宿上流疏通之後再咨明江省承接疏濬自不至如從前之查覆往反徒延歲月又事之宜行者也再查今歲報水之地幾於通縣皆災然職逐一勘查災之輕重悉以田之高下爲差可否將災重極貧例應賑恤者分別造報其災在五分以下者盡入寓賑於工之內於今歲農隙後起至明春農事前止令各保貧民畢力治河爲永久之計用副我皇上子惠元元之恩倘事屬可

行則委員丈估當於事先分工辦理必在得人稍一逾時事恐不及至決口之處雖已勸諭築塞而民力拮据且內河外潦無處取土旋築旋決事實無益也合併據實稟明

前事再稟 十月

蘭郊二邑河道蒙大人俯採芻言飭行查議上達宸聰拯萬姓於災危爲百世之大計茲九月初一日欽奉上諭據山東巡撫阿里衮奏稱沂州屬之蘭山郟城二邑河道淤塞堤堰坍塌頽爲累年被水之由應動帑疏築等語疏築堤堰本利民之舉且二邑河道淤塞以致屢被水災以工代賑實爲應行河務所關須將上原下委審度周詳然後可以興舉着大學

土高斌於江南查賑事竣時便道查看將應行疏築之處悉心妥酌勘實奏聞欽此職查東省河道自乾隆八年卽上厯聖心奉行勘估而旋議旋止迄未舉行職前稟但就郊論郊則邑河七道通塞不一各鄉窪田水無所歸謬議以開濶濬深得受湖田之水通溝致洩使免浸淹之虞且藉此以工代賑甦目前之災黎其於各河原委及所關之鉅大有害於江南河道者猶未議及也今伏讀上諭覆查邑河七道之中上與蘭山相接者四曰沭曰沂曰武曰芙蓉而惟沭沂爲最大其下游則沭河東由沭陽縣入海墨河南由宿遷縣入駱馬湖沂河西由邳州之徐塘口入運又一支會白馬河入駱馬

湖由湖歸六塘河入海職初到任時查汰河之竹絡壩不過
沐水近城之一節耳何以獨有欽工石壩一千二百九十餘
丈專管以縣丞兼轄以同知統轄以監司既由江省動帑修
築每歲伏汛時又由江南河院撥兵防險如是其重且嚴也
及披閱故牒勘察形勢始知石壩之築始於康熙二十八年
河院王奏准興修後漸冲缺又於雍正八年動帑重修完固
緣該處原有土壩名禹王臺抵禦水勢及有明中葉知縣黃
琮拆取臺石以修城嗣致汰水西決由城北西會白馬河沂
河直入駱馬湖又遂有礙中河並傷運道而沂郯邳宿諸邑
均受墊溺河院始檄行兗州同知朱琦會同郯城知縣方殿

元於禹王臺故趾創築竹絡石壩使水南行入海邑人舊有
汰沂不見面之說蓋兩河相會則數十里一片汪洋遂直注
江省爲運道中河之害其所關實非小也至邑西之沂河漲
發其利害亦略相等查此河發源旣遠上游受水甚多至蘭
山之江風口俗名夾縫口者堤岸久經坍卸水漲則漫溢湍
激分行兩道南入沂河本渠西則直入武河此口實全河之
險隘又沂河西距武河僅數里武河西距燕子河再西而芙
菱河皆十數里數里不等三河又舊無堤堰當冬春水涸時
雖一綫淺流一至夏秋水漲則沂河汪洋無際幾與黃河相
埒一有冲決卽與三河溢水相連一片更有江風口之水從

中衝激而來不惟郟境數十里間下民昏墊卽上自蘭境下及邳地無不盡受沉淪如本年七月內郟境重高保有決口邳州李牧詳明淮徐道閱查里數亟請堵塞是其明徵矣然該牧但知沂河決口而不知四河相連情形亦不知江風口之水更其致害之由也由此言之郟邑之河不治卽江省均受其害倘蘭郟之河能治則江省亦同其利上諭所云上原下委仰見聖明洞鑒千古不易之定論而不得謂一邑一隅之河無關兩省原委之大也謹按禹貢治水千百言孟子一言以蔽之曰掘地而注之海又曰水由地中行可知掘地受水則衆流雖多無不順道而行職每見淫雨積澇時均堂之

外水盈堦砌通一數寸之溝刻時而迅流疾趨積滂盡出無他下有所歸故旁無所溢也且謂治汭水於今日非謂西岸欽工尙有不固正謂懲從前西注之害專事西岸而置東岸於不問也竹絡壩之設原歸七分之水於東河而洩三分之水於壩西由別渠南行蓋汭水下游至汭陽縣河勢甚狹難於入海三七分流前人自有深意今固西岸之堤是已因西堤而卽以東岸爲壑棄數保之地於洪流委數保之民於必斃割膚養肌東岸之民何辜今除西堤現在堅固無庸議外其東岸之地職不敢議築大堤致奪西堤之勢請築四尺小堰以資保護並開涵洞數處以洩馬陵山冲下之水庶龍門

曹張等五保民田廬舍可免歲歲淹沒且水由地中不致橫流四出下游雖狹既有三分之洩亦不至於爲害矣至沂河武河與芙蓉燕子等河勢相傍依必將沂河舊堤增築高厚諸河淺狹挑浚深寬使南由邳州入運歸大河入海其勢甚順若墨河卽古之皂河居縣之南方通塞間半而臨河莊村最多又歷年成災較甚之地倘得通行開浚不惟積潦可通卽沭河竹絡壩所洩三分之水亦可由此分注而其南入路馬湖故道猶在南省接濬諒亦非難如此則上原下委無不貫注累年水患宜若可除職前稟治某保之河卽用某保之民期於分員督理一時並舉各保貧民普霑皇仁如或事有

難於遽行則汰沂墨河三處工程多而需人衆且爲害更迫
應請先爲疏築以符寓賑於工之本意然後次及武河芙蓉
等河正河旣通然後於各河岸外通溝治洳洳窪湖之水則
責之民力自所難辭目今諸河水勢已落以上情形似未顯
著且事與兩省相關處或有未悉者故不揣愚昧再爲縷陳
以補前牘所未及除繪圖貼說將各河原委並應行疏築各
情形稟明本府本廳會勘由本道核明定議外理合詳悉錄
冊稟請訓示施行

前事三稟
十三年二月

蘭郊二邑疏築河道一事蒙大人特奏奉有俞旨蒙河院中

堂兩大人先後奉命勘臨詳悉估議期於卽日興工尅期竣
事仰副我皇上軫念民艱之至意二邑之民一旦有更生之
望其何修而得此惟近者奉准部議照以工代賑之例給發
方價一半等因竊查以工代賑之例雖自乾隆七年部議工
部侍郎張條奏初有此議然惟散緩工程無關緊要不必有
夯礮之工亦無有伏汛之限而可從容就緒者借不急之興
修寓賑恤之實政洵爲救荒良法而非所論於工程之大且
急者者也卽如郟城一邑連年災賑上厪皇衷時切軫念皆
因河道不修河水泛溢之故故以彈丸黑子之區致煩宰輔
重臣之步現今決口薄堤亟待築塞湮流斷岸亟需疏通伏

汛有時浸淹可慮非及時工築卽緩不及事且沂河之在縣境者河身或寬至數百丈窄者亦數十丈業蒙各憲奏允將東岸八十五里有奇西岸五十四里有奇分別土石工程通行加高培厚其中議創築者十之四議幫築者十之六大約皆頂寬一丈底寬五六丈至八九丈不等高五六尺至一丈四五尺不等非此固不足以捍洪流而保民命也加以蘭邑之江風口議准建壩以禦西分之勢將來沂河全力悉注郟境更非往年水勢可比工程之大豈容少有率易若不加夯礮不圖堅厚而苟且塞責卽與不築何異若欲加式興修而以力勝匹雛之饑民濟尅日必成之要務欲其趨事赴工恐

且驅之不前是則工之難以成工燎然可睹更查東省漕規原不及江南如江南土方內連礮水銀至一錢二分五厘東省例止九分九厘倘照給半之例每方僅得銀四分有奇易制錢僅三十餘文在易土一方兩人或可力就難土一方卽三人未必裕如半價幾何兩三人分受餓夫易饑何能資口而一夫赴工八口待哺米價正騰何以畜家加以河工所用礮鋤皮蒜鏟耙筐擔之屬及礮夫鋤手工食又當取足於此是四分有奇之數且不能全得則賑之不成爲賑又曉然可知工與賑兩無所益將使以工代賑之舉反失寓賑於工之意職司此地者衛民適成厲民何以對此災黎此職所日夜

爲懷而不敢遽以從事者也伏思我皇上賑恤殊恩卽最爾
郟邑已不吝十數萬之費况欲爲百世可久之計又何惜數
萬之帑使工賑兩歸無益伏乞大人據情入告成此大工救
此災黎職等亦得仰承德意卜日興工再本省民堤民埵動
帑興修之案如乾隆五年確勘河淀等事乾隆九年查奏水
利等事皆全數給發不在減半之例故本案估冊亦照漕規
原數並非照以工代賑之條但原奏內未及聲明遂致部議
仍循前例合併稟聞伏乞鈞鑒

節烈張氏墓碑

邑令張金城

乾隆二十六年辛巳之春予蒞茲土見夫郟之邑其地瘠其

民貧其俗醇以朴惟瘠以民故民知向義惟醇而朴故人皆守分而凜於法竊喜禮教之在人古道其未遠也然所謂瑰琦之行足以礪世磨鈍者不少概見二十八年春紳士丁埭等以張氏節烈呈予予閱其牘氏大坊村鄉民張善思之女劉子楷長子章成之妻也氏生而聰慧端嚴年十二父亡母病弟幼氏以弱女子侍湯藥謹扶持母賴以安年二十于歸章成善事舅姑鄉里以孝聞襄其夫讀書服勤以佐燈火三年如一日迨二十七年杪冬氏二十二歲章成歿氏哭泣盡哀鄰里親戚咸弔並爲氏慰解氏卽於是夜自縊柩旁嘻異矣是豈有姆教之箴瞽宗之陳與夫禮樂詩書之薰其德陶

其性哉又豈有鋒刃之加湯鑊之臨迫以無可如何者哉乃從容就義視死如歸亦何其見之明行斷貫金石而皎白日也或曰氏何不念翁姑或曰設翁無子則氏不死予喟然曰若然則氏必存以擇繼奉翁姑餘年以孝以養以殮以殯然後卽而死於墓耳凡此曲折固皆氏引繩就頸時籌之熟計之決者也太史公曰知死必勇非死者難也處死者難蓋言智勇兼者也方其夫絕息滅形氏守空堂對漆燈其勢固無如一死然人或怯懦而不決者貪螻蟻之生比比然也氏一女子斷然一死名重邱山爲天謂智勇兼矣爰爲勒諸石以表異之將待國史之採擇且以爲郊風也

祭張烈婦文

邑令張金城

稟扶輿之正氣備壺德於厥躬性幽閒以婉婉節慷慨而從容誓九死而靡悔慰夫魂於九京吁嗟乎舍生取義義重於生是古人之所難勉而丈夫之所鮮能胡閨闈之弱質與日月而爭明洵末俗之懿範允巾幗之典型余旣爲之碑其墓述其行庶可以慰貞烈於地下又從而誄其梗概以爲之銘其辭曰西有沂水東有馬陵仰彼孤塚歸然其中山擬其高水似其清山有摧兮水有竭墓與銘俱兮永不滅

一貫書院肄業記

教諭王述德

將欲峻重樓廣大廈則必輦材於山浮木於川盡杞梓楩楠

之選極千章輪囷之奇積之大匠之門程之造作之地然後
隆棟宇而榱桷之所以有恢宏壯麗之觀也而國之儲材也
亦然余司鐸郟邑於今五年職任教誨心存切劘居嘗晉諸
生而與之講明觀法於德行道藝之林顧士多散處時作時
輟安所得專精之業乎邑有一貫書院緣曾子而名也其最
盛不知何時乾隆甲戌邑侯漫堂李公廓基址而廬之然亦
有志未逮也後幾爲賓館傳舍求所謂肄習選造之舉蓋數
百年無聞焉意者人材之興關乎氣運果時與數與抑待其
人而後興與辛巳渤海張公蒞茲邑三年之內諸務修舉惠
澤旁敷毅然有振興文教之思取多士而試之擇其英雋而

收之邑有方湖王君者規行距步謹於禮法曾讀秘閣之書
嘗染鳳池之翰士林之所仰望也於是捐公署之廉俸以作
修脯捐邑令之薪水分爲膏火乃於癸未之春開館延師列
經藝治事之齋羅會文輔仁之助濟濟踴踴登堂入室而授
業焉猗與休哉洵茲邑依古以來未有之曠舉也邑侯復於
公餘之暇適館授餐勞來匡直輔翼而振德焉而余亦得附
課其中登高而覽春雲觀海而窺長波幸何如耶乃知文教
之興初非時也數也董子曰事在勉強而已勉強學問則聞
見博而道益明勉強力行則德日積而大有功將見下以維
士氣民風之本上以宏聖天子棫樸作人之化而楨幹棟梁

之材不卽儲於今日也哉故樂得而記其盛云

建興一貫書院碑記

邑人王恒

學校之設非王政之大端歟今之書院古之學校也三代盛時自黨遂達國都莫不有肄業之所其人自元子適子士庶人之子莫不入學擇君子之儒以爲師故入乎其中心俎豆篚象勺干籥有其器鞀鼓控楛笙鏞琴瑟有其音德行道藝有其業藏修游息有其功上無私師下無私學此三代教人之法所以盛美而大備也後世人爲學家爲師是以風氣不同習尚各異洎漢唐以來如文翁安定仲淹諸先生汝南鵝湖岳麓諸書院其僅見者也郟邑舊有一貫書院在縣西北

七十里石梁山世傳曾子遊學於此前明萬歷中移於城之北門內然褊隘久廢卽間興延一衿士不過蒙童數人豪傑有志之士未嘗不歎憑藉之難也乾隆壬申歲南州李公尹蒞茲邑利興弊除吏不容奸人懷自勵凡學宮聖跡以及溝洫川梁諸所整飭爲郟邑貽澤甚光美也公餘卽進諸生談經藝知郟之文學荒廢登賢書入仕版者無幾慨然以振興士氣爲急務於是捐廉俸八千金購宅一廛於南門之衢厥趾旣廣殿堂門廡黝堊丹膝舉以法故講有堂誦有室坐有軒息有寢書有庫庖有廚逾年成舍將以上報聖天子興教儲才之意以薰陶吾民也顧秋方大水無禾四境嗷嗷待哺

不惟救荒措賑日不暇給一切斧資餼牢常久之備更無所
出計可以充膏費者惟前任吳公置義田七十餘畝然源未
盛而欲其流之長不可得也越癸及甲麥秋大熟合邑樂輸
而成之計錢四百八十緡田五頃三十六畝錢有息田有禾
水衡無濫用之弊稻梁多不竭之藏然後延師論道而一貫
書院之名于茲不朽今夫與天地無終極者學而已矣聖人
之至誠無息門人之本忠行恕有二理乎賈生之言曰胡粵
之人生而同聲及其成俗累數譯而不能相通者教習然也
將見郊雖僻隅範之以地董之以教久而安焉道義德行一
以貫之不駸駸乎三代之風哉嗟乎世之宰百里者多矣豈

盡爲子孫之計室家之謀又豈皆星出星入才不克以
哉胡興養立教不數數觀也抑其德性學問未能純而無疵
而功名之念重斯性分中之經濟薄耳於此愈不能不服公
之正而醇能而惠而深爲郟之人士識慶無窮也公名湖字
漫堂江西南昌人已未進士今歷寧海州牧陞泰安郡守邑
人士於公之將去也請勒石以垂永久而屬記於予因不辭
固陋而爲之記

各體詩

以時代序惟題同者附

東武吟

五代邑人

鮑照

主人且勿喧賤子歌一言僕本寒鄉士出身蒙漢恩始隨張

校尉占幕到河源後逐李輕車追兵窮塞垣密途亘萬里寧
歲猶七奔筋力盡鞍甲心思歷涼溫將軍旣下世部曲亦罕
存時事一朝異孤績誰復論少壯辭家去窮老還入門腰鎌
刈葵藿倚杖牧雞犬昔如講上鷹今似檻中猿徒結千載恨
空負百年怨棄席思君幄疲馬戀君軒願垂晉主惠不愧田
子魂

郟城縣志之四

建置志

夫州縣之治猶之千指之家庀家者垣墻欲固堂奧欲除
謁舍亭館欲修倉廩陳巷防圉諸里區欲肅以給而後一
家之政胥及於理縣令真撫萬室城池吾垣牆也廨宇吾
堂奧也公署傳遞吾謁舍亭館也府藏禁獄以及諸武之
區津梁之次吾倉廩陳巷防圉事也不有創置誰啓嗣來
而葺之於未圯新之於既頽令輪輪奕奕以無廢乎官守
用埤翼治行則存乎當事之賢矣作建置志

城池

城在古郟國之南舊爲土城元沂州守禦王信所築周圍五里八十步高一丈二尺闊八尺門三南曰通淮西曰瞻魯北曰拱極明正德五年知縣黃琮拆沐河西岸安塢穴石修北門建樓其上嘉靖二十一年知縣郎湘修南門西門各建樓視北門併鑿池深九尺闊三丈萬歷五年知縣趙蛟又建小角樓四座十一年大雨南門崩塌知縣顏若愚重修並創建祠於東城上供文昌帝君像二十二年知縣文廣始甃以磚四門各建重樓規制恢廠女牆鱗次巍然壯麗康熙七年地震四樓堞堞倒塌一空十七年沐水大至河

直隴城跟城隄餘地不能盈尺遂衝塌北城六十餘丈二十九年知縣方殿元修築東北角四十五丈五十二年知縣荆文康修築西北角十五丈城牆復完而門樓女牆迄今未修

公署

縣治在城東北隅正堂五間東西二間爲庫藏堂東幕廳二間堂前左右六房科司共二十間前正南爲儀門二間門左右角門二間外爲大門門上譙樓二間正堂之後穿堂二間後堂三間儀門外收糧草房東西共十二間縣治前爲馬廐馬廄折圍共十七間以

養遞馬儀門東偏土地神祠三間祠西寅賓館三間
西偏爲縣獄大門外申明旌善亭各一座縣堂北爲
知縣宅凡三重各有東西廂此原制也創建無考明
洪武二年知縣鄧昇重建正德四年知縣唐龍修廳
解兩廊庫舍祠獄如式崇禎十五年被兵破毀一空
國朝定鼎初任猶賃居民房順治六年縣丞史標始
建大堂二庫共五間十一年知縣張崇德建後堂三
間康熙七年六月地震東庫倒塌十一年知縣黃六
鴻始於官宅舊址建草堂三間東西廂並宅門各草
房三間三十一年知縣方殿元建六房科司左右廡

舍三十間三堂三間四十年知縣楊清政重修不堂
卷棚月臺四十六年知縣劉三異於二堂後建西樓
一座西書房三間今樓已圯乾隆十三年知縣王植
於署西偏空地建正廳三間後廳三間再後廚房三
間正廳前西廂三間俱草苦乾隆二十五年知縣牛
宗文於二堂西建草房三間二十六年知縣張金城
署西空地建草房三間將西通大街建門出入之地
築牆而公署益覺嚴備矣

縣丞宅在縣堂東北久廢遂賃居民舍而舊址改爲馬
廠

典史宅在縣堂西久廢康熙四十七年經兗東道批斷以故沂州吏目傅紹輔遺宅爲公署在縣治西南布政分司在文廟西久廢爲民舍

按察分司在縣治東大門二門正堂寢室各三間前後廂各三間已圯

府館在布政司西久廢

督捕同知署在縣東北九十里大興鎮康熙二十四年南巡因沂州生員王占奏建設同知李興祖建大堂二堂三堂東西廂大門儀門及書吏廳舍外有鼓樓及東西轅門

磨山巡檢司在磨山官裁署廢據舊志其設官奉裁年月俱無考

紅花埠驛丞在紅花埠後裁併歸縣據荆志公所

縣庫舊在縣堂東西各瓦房一間後圯康熙年間堂西重修草房二間

縣獄在儀門西獄神廟一間獄室二間外有女監外監共三間

教場廳二間旗臺一座外門一座在舊城外西偏久圯址存其地四十五畝康熙五十三年奉撫院批示四面立石爲地方官霜降操演鄉勇並歲考武童較射

之所永禁兵民耕種

養濟院在縣治西北隅內草房三間

今額設孤貧二十二名日歲支收養口糧冬衣花布
共銀七十九兩二錢外浮額孤貧五名日照孤貧例
日給銀一分由知縣墊給年終請領

普濟堂在治東按察司行署故址房二十二間舍三間
收養鰥寡孤獨共四十八名口每名日給米二升鹽
菜錢每月大錢一百文

義田十八頃三十四畝零始于雍正十二年紳衿謝

鏗等捐地十二頃十畝乾隆元年知縣謝鏗捐置義

田六頃二十四畝三分散在四鄉召佃耕種

紅花埠三頃五十六畝零

楊家集一頃七十四畝零

歸義一頃三十畝

重殷一頃五十畝

樂沙三頃三十四畝

牛家莊七十畝

港南北三頃九十六畝

神山三頃二十六畝

高埠四十二畝零

炎 城 縣 志 卷 之 一
龍門二十八畝零

長城四十二畝零

唐凡十畝

以上地較多於前數因地多沙鹵報上止以前數每年取租大錢九十四千零又監當規禮詳明留爲普濟之用監店一家當舖九家每年銀二百二十八兩官莊明萬歷間知縣趙蛟顏若愚相繼立官莊二百四十餘所設有官牛募民懇荒舊志稱當二尹現任時荒地之闢者僅十二三四官牛多影射冒領之弊其後遂廢

推惠田三頃康熙三十一年知縣方殿元捐俸置座落城東南二十里大路邊有碑記

漏澤園五一在城東二里成化間知縣李楷置

一在舊城北計地十六畝萬歷初邑人醫士官蔣勸施

一在馬頭集東計地五畝耆民魏戟施

一在馬頭集西計地八畝監生劉繪施

一在小埠村計地九畝六分庠生田登施

驛遞

郟城爲極衛邑里甲驛在城內縣治東里甲馬二十疋

馬夫三十名白夫四十名又增白夫六十名

紅花埠驛在縣南四十五里驛馬七十疋馬夫三十名

抄牌二名飛遞公文馬夫二名藥材醫獸一名其工

料糧簽錢糧增減緣由俱詳田賦內

遞舖十一座總舖在縣治前舖長一名

北路通沂州舖五曰北關曰官莊曰大埠曰殷家疇

曰黃山北接蘭山朱柏舖各相距十里各舖司一名

舖兵一名大埠殷家疇黃山三舖地屬蘭山工食則

支本縣

西路通嶧縣濟寧兗州舖五曰馬頭曰層山曰磨山

曰芙蓉曰柳莊北接蘭山十莊舖各相距二十里各舖司一名舖兵一名舊有南路通宿遷舖一曰劉馬莊在縣東南四十五里今廢

里社

縣有四鄉八十五里後併爲六十里明嘉靖二十一年併爲四十五里國朝順治十五年奉行磊社併爲三

十二里

一大安東鄉 計八社

坊廓社 近城之東

古城社 併從口社近城之西

歸義社 縣東北十二里

高册社 縣西南十里

高大社

縣西南二十里

解村社

併新汪社縣西二十里

港口社

縣西二十里

曲溝社

併尚莊社縣東南二十里

一大安西鄉

計八社

冷村社

縣西南三十里

出口社

縣西南四十里

歸昌社

縣西南二十五里

柘頭社

併曹村社縣西南三十里

故縣社

縣西三十里

澇溝社

併張家莊社縣西南四十五里

蒲汪社

併李馬莊社縣西二十里

杏塾社

縣南三十里

一長樂鄉

計八社

泉子埠社

併沈家埠社縣東北八十里

北陳社

併高埠社縣東北九十里

牛家莊社

併夏莊社縣東北七十里

朱呂社

縣西北七十里

和城社

併許莊社縣東北八十里

栗行社

縣東北八十里

重溝社

縣東北一百里

化家橋社

縣東北八十里

一芙東鄉

計八社

三峯社

縣西北七十里

道莊社

縣西北七十里

沙溝社

併頭間社縣西北八十里

王田社

併作城社縣北九十里

崔塚社

縣西北一百里

蘆作社

併沙堰社縣西北七十里

池頭社

縣西北四十里

磨山社

縣西北七十里

雍正二年以三十二里催糧不便詳明改編四十四里

分爲五鄉

東鄉八社

城裏社 北關附

太平土門社

歸義榆林社

龍門社

曹張社

重殷高尙社

西啗姚馬社

紅花埠社

西鄉八社

盛濟

圍站

港南北

大坊小馬

冷村

出北東李

蒲疇高桑林

馬頭

此社又分裡保林後緒
添南園新堰廟前六保

附西鄉八社

歸昌

蒲寨林

孫堰廟橋

鮑村新寺

唐凡

楊家集

張家集

重高栗楊

長樂鄉十一社

山前

重溝沙埠

高埠

曹醋

牛家莊

朱唐

樂沙

許橋

夏莊

青山禹城

石河

芙東鄉九社

河北池東

道莊

神山

柳莊

緒橋

四哨蘆作

長城

磨山

芙青

市集

城縣市集

南關集

北關集

馬頭集

三八大
五十小

歸昌集

重興集

重坊集

紅花埠集

澇溝集

新村集

楊家集

神山集

磨山集

長城集

小沙河集

牛家莊集

褚墩集

賴溝集

作城集

芙蓉集

重溝集

夏莊集

許莊集

上舊集

大興鎮集

下新立

曹莊集

曹村集

冷村集

林後集

店頭集

石門集

新汪集

城鄉廟會

正月初七日馬頭

火神廟

正月初九日歸昌並龍門保

玉皇廟

二月初二日冷村並楊家集

冷雨廟

三月初三日馬頭

玉皇廟

三月十五日馬頭並望海樓及長城保

奶廟

三月二十八日城北並道莊保

天齊廟

四月初八日高大寺

五月十三日城南門外並馬頭 關聖廟

五月二十八日城隍廟

九月十七日馬頭 大王廟

道路

驛路由縣境紅花埠起南接江南宿遷縣峒嵒驛四十
五里至縣城再七十里至蘭山縣李家莊驛爲赴京

大路

由縣城經沂州費縣泗水赴兗州府爲北路

由縣城經馬頭磨山芙蓉由梁邱白彥關陽赴兗州府

爲中路

由縣城經重坊長城入嶧縣境赴兗州府爲南路
又水路由馬頭沂河舟行九十里達邳州徐塘口入運
河夏秋水漲小舟可行冬春水涸則難行

橋梁

迎恩橋在縣城北門外天啓七年六月沭水泛漲衝塌
後建小石橋

通淮橋在縣南門外通宿遷大路萬歷十一年知縣顏
若愚重建

平政橋在縣西門外通嶧縣大路萬歷四年知縣趙蛟
重修

新橋在長城集西八里邑人錦衣趙淮建

白挺橋在長城西十里亦趙淮建

顏子橋有二一在長城東三里一在磨山集西

樂濟橋在縣南二十里高埠頭東湖貢生侯芳登

白馬河橋在縣西五里

傾蓋橋在縣北十里跨白馬河通沂州府大臨

沙堰大橋在城西北六十里跨池頭河

雙石橋在縣西北三十里跨武河

圍溝橋在縣西北十里商人江之泳重建

荆公橋自馬頭集至芙蓉鄉石橋四十餘座康熙

年知縣荆文康捐俸建

廣濟橋在城南二十五里重興集

廣恩橋在城北三里舊城口

晒日橋在大興鎮康熙三十五年同知傅星建

高册橋在高册村西跨白馬河商人江之泳重建

坊表

問官坊在縣治前

布德坊在縣治大門左

彌教坊在縣治大門右

育賢坊在縣治大門前

忠孝坊在縣治南

迎恩坊在北門外迎恩橋北

通淮坊在南門外通淮橋北

羣英坊在縣治西

繡衣坊爲御史李驥建

憲副坊爲御史劉翔建

應奎坊爲進士李泰建

飛騰坊爲舉人田瑄建

步蟾坊爲舉人英俊建

鳴鳳坊爲進士任文獻建

繡衣坊在拱辰門外亦爲任文獻建

奎光坊爲舉人徐恭建

世美坊在縣治西爲舉人李搆謙建

進士坊在都憲坊西爲進士周舉建

進士坊在儒學門左爲進士張景華建

都憲坊在文廟門右亦爲張景華建

貞節坊在東城內城隍廟西大街北萬歷間爲徐貢士

妻宋氏建

以上各坊俱圯按舊志存其名

節孝坊在縣南門內大街康熙十四年爲張承諮妻楊

氏建

烈節坊在學宮前康熙三十六年爲張鶴年妻徐氏建
以上二坊現存

陵墓

郟子墓在縣南十里曹村西南郟子廟之東北巍然古
塚獨峙萬歷四十一年邑廩生蔣體道泐石表之

于公墓在縣西二里

于定國墓在于公墓前大溝南

何遜墓在縣西六十里長城社

王朗墓在縣西南高大社

竇建德墓在縣東北九十里夏莊社之蒼山今按唐獲建德至長安斬之墓不應在此蓋訛傳也

孝婦塚在縣東五里有碑記

今按于公墓孝婦塚海州亦有之必有一僞

古蹟

古郟子國卽城北舊墉也後移建于國南而城蹟尙存
傾蓋亭在縣北十里孔子之郟遇程子傾蓋而語命子
路以束帛贈之後人建亭以紀其處歲久亭壞萬歷
十一年知縣顏若愚重建康熙十一年知縣黃六鴻
重爲鼎新大門一間亭一間祠三間祠後又殿三間

祀觀音大士東西草屋各三間爲僧人住持地貢生
杜景炤等又施祠廟基並湖地二頃五十畝以爲贍
廟之資立碑以記其事

今按建祠是也祠後建觀音殿殊不可解

寨子閘在縣西南十五里寨子社鄰子嘗建閘于此通
皂河之水于宿遷以運糧儲今廢

帥軍臺在古城東北高埠舊傳鄰子閱軍處俗名曬金
臺蓋字音之訛

釣魚臺又名禹王臺在縣東北十里安塢穴世傳神禹

治水時因沭水在馬陵山東不能入海故鑿馬陵山

引水穿山而西築臺于此以鎮水勢及明正德間因賊亂修拱極門毀臺取石用之有劍魚荷葉之異識者以爲沭水衝害城池將爲後來必然之禍嗣後百餘年間每至夏秋沭水泛漲而西壕塹衝決城覆于隍者數見康熙二十八年始修竹絡壩乾隆八年又重修並建禹王廟于石壩之北

于公宅在縣西二十里高大社因于公高大其門故社以之名

駟馬亭在縣西十八里馬頭鎮爲漢于公建今廢握節亭在縣北七十里爲何無忌建今廢世傳李家莊

公館處是也

憶梅亭在縣西北六十里爲何遜建今廢

由吾洞在望海樓迤北山有石洞洞有石門鐫四大字
曰有吾仙跡自然長城而不可開世傳由吾托迹于
此洞中有一穴可通數里洞旁又小洞四五可容十
人數十人不等洞前石壁峭聳壁際更有一洞攀藤
附木可入堪容數十人下臨深潭澗壑澹迴流水潺
湲最爲青奇

看花臺臺下有翫花池在古城內郊子翫花於此今廢

又一在歸昌集東南湖中僅存遺址大水不沒人以

爲異

勇士亭在郟境漢書地理志郟有勇士亭古勇士萬邱
欣也

問官故里在縣治北

曾子故蹟縣西北七十里磨山世傳曾子授徒於此

紅花埠縣南四十里寰宇記梁天監二年僮縣人張高
等鑿渠引沭水溉田二百餘頃俗名紅花水埠得名
以此僮縣今在沭陽

郟子花園在城西至今莊名猶存

望海樓在馬陵山上詳山川

今按山中之馬陵羽山孔望山古蹟之望海樓海州亦有之山體廣大兩境共見可也而以馬陵爲馬嶺則海志訛已其孔望山望海樓則在州城之東竊謂孔子之郊問官未必遂至東海也

兵防

兵防舊志無考國朝自康熙元年始撥沂鎮營官一員馬步兵丁三十名防守城池又撥營官一員馬步兵丁七十名鎮守紅花埠繼於康熙六年郟城添設馬步兵丁一百二十名紅花埠添設馬步兵丁十名

舊志

今制臺莊營分防郟城縣汛把總一員外委把總一員

另駐馬頭鎮共兵七十八名內馬兵十八名步兵六十名

又分防紅花埠汛把總一員兵六十一名內馬兵十四名步兵四十七名

雍正四年大興鎮添設沂州營分防千總一員于東昌德州等營抽撥兵五十名內馬兵十名步兵四十名墩臺

墩臺十一座每墩相距五里各有營房十間馬棚二間雍正七年知縣馮爲桐承修營房每座銀一百兩墩臺每座銀九十二兩五錢零其營房俱磚牆草蓋乾

隆十三年奉文修葺知縣王植俱易草為瓦一切樑
檁椽柱改換堅固於營房十間外添建正房三間大
門一間前大牆一道周圍環以長垣外又榜棚一座
於原估共六百六十兩外捐墊銀一千四百餘兩

十五里墩

十里墩

五里墩

以上城北

黃家樓墩

以下城南

曹村墩

龍王廟墩

上六墩鄰城汛轄

重興墩

蒼煙墩

壯口墩

興花墩

界牌墩

上五墩紅花埠汛轄

郟城縣志卷之五

食貨志

夫支縣之承流也籍其戶口而撫之規其土田而征之蓋
惟是民生之日蕃而罔俾失業是故里社以收保也隰畛
以任忙也貢稅庸役以徵輸也民因是總總於殖常生供
禦常事以無憂我司牧郟在魯故稱殷阜之都浩穰視他
治爲劇乃其初未始不輯而其後稍耗敦陵夷也則必有
故矣纂食貨志

戶口

明初無考萬歷十三年至崇禎間郟城縣原額人丁共

四萬零二丁每丁徵銀一錢二分

崇禎十三年秋冬大饑人相食餓死流離者共三千五百四十丁十四年三月泰安州土賊入境焚燬馬頭各鎮集閣縣殺傷人丁二千七百三十四名旋又大疫挨戶染病死亡七百九十餘名俱申報有案旋經兵燹十存三四

國朝順治三年編審人丁除殺死逃絕三萬零七十五丁止存行差人丁九千九百二十七丁內有舉貢生員優免本身丁二百四十二丁

康熙七年地震壓死人丁一千五百五十二丁

十一年分合歷年除舊增新編審現在行差人丁九千四百九十八丁

二十三年編審人丁共一萬一千二百二十五丁除優免二百四十二丁外當差人丁一萬九百八十三丁五十四年編審除原額優免丁外當差人丁一萬一千四百七丁每丁銀一錢二分共徵銀一千三百六十八兩八錢四分五十二年欽奉恩詔自康熙五十一年爲始以後惟按年編增永不加賦

雍正四年奉文丁銀攤入地畝徵收

乾隆十一年分盛世滋生人丁四千一百四十七丁永

不加賦

又雍正四年奉文通省應徵丁銀攤入地銀徵收案內
本縣應攤徵人丁銀一千八百五十一兩九錢八分
七釐五毫一絲五忽五微八纖一沙九塵九渺二漠
七溟內除欽奉上諭事案內冲壓地畝奉文除豁人

丁銀二十六兩八錢三釐八毫七絲六忽八微六纖
實攤征入丁銀一千八百二十五兩一錢八分三厘
六毫三絲八忽七微二纖一沙七塵九渺二漠七溟
較原有丁銀實增銀四百五十六兩三錢四分七釐
六毫三絲八忽七微二纖一沙七塵九渺二漠七溟

自康熙五十一年至乾隆二十一年滋生人丁四千三百二十二丁欽奉五十一年恩詔永不加賦

田賦

明原額不分等則一例地二萬二千四百九十四頃一十一畝九分一釐九毫每畝徵正供雜辦併九釐一毫等銀一分五釐七毫一絲七忽一微六纖三沙一塵七渺一漠七埃共徵銀三萬五千三百五十四兩二錢七分四釐一毫七絲一忽二微六纖內順治四釐等年題豁拋荒地一萬九千三百四十二頃一十二畝三分三釐九毫

又欽奉上諭事案內奉文除豁水冲沙壓地一百九十
七頃七畝一釐五毫

自順治十二年起至康熙六十一年節年新墾地七千
一百五十八頃三十一畝三分六釐五毫四絲

又欽奉上諭事案內雍正七八九等年勸墾乾隆四五
六等年起科地七十四頃五十九畝八分

又敬陳管見事案內雍正八九十年勸墾乾隆八九
十等年起科地三百四十五頃九十八畝五分

實共成熟地併新墾地一萬五百八十三頃七十二畝
二分三厘四絲共徵銀一萬六千六百三十四兩六

錢九釐四絲一忽五微七纖

原額外荒地四百一頃二十八畝三分三釐四毫二絲
八忽每畝徵銀九釐六毫八忽四微九纖九沙三塵
共徵銀三百八十五兩五錢七分二釐九毫七絲五
忽七微六纖內

豁除拋荒地三百八十九頃二十六畝六分二釐四
毫二絲八忽免徵外實成熟荒地一十二頃一畝七
分共徵銀一十一兩五錢四分六釐五毫三絲三忽
六微一纖

原額馬場租地八頃八十五畝二分七釐每畝徵銀照

不分等則地共徵銀一十三兩九錢一分三釐九毫
三絲三忽四纖內

豁除拋荒地六頃六十一畝八分免徵外實成熟馬
場租地二頃二十三畝四分七釐共徵銀三兩五錢
一分二釐三毫一絲四忽四微五纖

以上地畝加入丁銀一千三百六十八兩八錢四分共
徵銀一萬八千一十八兩五錢七釐八毫八絲九忽
六微三纖又運軍行月閏月銀米歷係閏月之年加
於地畝內徵閏月折色銀三十九兩六分六釐五毫

又欽遵悉心等事案內奉文自康熙四十二年爲始

班匠攤入地畝項下徵收銀三十六兩四錢五分又
敬陳管見事案內奉文通省應徵丁銀自雍正四年
爲始攤入地銀內徵收本縣除豁免沖壓地畝之人
丁外尙增攤丁銀四百五十六兩三錢四分七釐六
毫三絲八忽七微二纖一沙七塵九渺二漠七溟連
前通共實徵銀一萬八千五百十兩三錢六分八釐
二絲八忽三微五纖一沙七塵九渺二漠七溟內
一地丁起運銀一萬一千七百五十二兩七分七釐一
毫六絲五微七纖九沙二塵九渺二漠七溟
乾隆四五六八九十等年新增地銀六百三十九兩二

錢四分一釐七毫九絲五忽八微六纖

乾隆八年敬陳管見等事案內奉裁民壯工食歸入起
運銀四十兩

乾隆二年敬獻荔蕘等事案內奉文補給廩生廩糧歸
入存留銀一百一十五兩七錢三分三釐四毫

乾隆三年欽奉上諭事案內奉文添給孤貧口糧不敷
歸入存留銀一十九兩九錢一分二釐

乾隆七年請酌均祭銀以光祀典事案內改編文廟香
燭等項銀不敷奉文歸入存留銀九兩七錢四分四
釐二毫二絲六忽二微八纖三沙

實起運銀一萬二千二百八十五兩九錢二分九釐三毫三絲五纖六沙二塵九渺二漠七溟

又起運折色脚價銀三十四兩六錢四毫一絲五忽六微三纖

又歷科舉人車價銀一兩五錢一分二釐二毫八絲三忽六微五纖七沙

又本色京庫地畝棉花絨七斤一十四兩二錢三分五釐七毫六絲每斤徵銀七分共徵銀五錢五分二釐七毫一絲八忽九微五纖

鋪墊銀七分八釐九毫五絲九忽八微五纖

脚價銀四釐四毫二絲一忽七微五纖

狐狸皮三張八分一釐一毫一絲七忽三微每張價銀四錢二分共徵銀一兩六錢三分八釐八毫四忽三微九纖

乾隆四五六及八九十年新增狐狸皮一分八釐二毫一絲二忽徵銀七分八釐三毫一絲一忽六微

實共狐狸皮三張九分九釐三毫二絲九忽三微共徵銀一兩七錢一分七釐一毫一絲五忽九微九纖

牛角弓面三副八分二釐四毫八忽三微六纖每副價銀七錢共徵銀二兩六錢七分六釐八毫五絲八忽

五微二纖

乾隆四五六及八九十年新增牛角弓面一分八釐
二毫一絲二忽七纖徵銀一錢二分七釐四毫八絲
四忽四微九纖

實共牛角弓面四副六毫二絲四微三纖共徵銀二兩
八錢四釐三毫四絲三忽一纖

運軍行糧本府廣盈倉粟米折色銀四百六十三兩七
錢一分七釐七絲六忽一微六纖

乾隆四五六及八九十年新增銀二十一兩五錢八
分九釐五毫七絲一忽八微八纖

實本府廣盈倉粟米折色銀四百八十五兩三錢六釐
六毫四絲八忽四纖

閏月銀三十九兩六分六釐五毫

以上起運本色正費四項共銀五百二十九兩五錢三分七毫七忽五微九纖

一地丁存留官俸役食銀一千五百五十四兩四錢五釐七毫

乾隆三年奉文添給孤貧口糧不敷銀一十九兩九錢一分二釐

乾隆八年奉裁民壯工食歸入起運銀四十兩

實官俸役食銀一千五百二十九兩九錢五分七釐七毫內

本縣知縣俸銀四十五兩

門子二名工食連閏銀一十一兩二錢一分

皂隸十三名工食連閏銀七十二兩八錢六分五釐

件作三名工食連閏銀十八兩八錢一分五釐

馬快八名工食連閏銀一百二十五兩五錢七分五釐

釐

民壯三十五名工食連閏銀二百八十兩

撥協大興鎮捕盜同知民壯四十名工食連閏銀三

百二十兩

看監禁卒八名工食連閏銀八十九兩五錢八分

轎傘扇夫七名工食連銀三十九兩二錢三分五釐

庫子四名工食連閏銀二十二兩四錢二分

斗級四名工食連閏銀二十二兩四錢二分

縣丞俸銀四十兩

門子一名工食連閏銀五兩六錢五釐

皂隸四名工食連閏銀二十二兩四錢二分

馬夫一名工食連閏銀五兩六錢五釐

典史俸銀三十一兩五錢二分

門子一名工食連閏銀五兩六錢五釐

皂隸四名工食連閏銀二十二兩四錢二分

馬夫一名工食連閏銀五兩六錢五釐

儒學復設教諭一員訓導一員俸銀八十兩

齋夫三名工食連閏銀三十七兩二錢

膳夫二名工食連閏銀十三兩七錢七分七釐七毫

門斗二名工食連閏銀十四兩八錢八分

遞鋪司兵二十一名工食連閏銀一百二十兩九錢

孤貧二十二名口連閏歲支月糧併冬衣布花銀七

十九兩二錢

又驛站里甲夫馬銀三千九百六十兩五錢七分六釐
六毫六絲六忽六微七纖八沙五塵內

紅花埠驛夫馬工料銀一千九百八兩三錢五分六釐
六毫六絲六忽六微七纖八沙五塵內

走遞馬七十匹草料連閏銀一千三百二兩

馬夫三十名工食連閏銀三百七十二兩

飛遞公文馬夫二名工食連閏銀二十四兩八錢

抄馬牌子二名銀食連閏錢二十四兩八錢

藥材醫獸一名工食連閏銀十二兩

鞍屨棚廠槽鋤等項銀六十七兩七錢五分六釐六

毫六絲六忽六微七纖八沙五塵

供應中伙廩糧支銷銀一百五兩

里甲夫馬工料銀二千五十二兩二錢二分內走遞馬
六十匹草料連閏銀一千一百一十六兩

馬夫三十名工食連閏銀三百七十二兩

白夫四十名工食連閏銀四百九十六兩

鞍屨棚廠槽鋤等項銀六十八兩二錢二分

又雜支銀八十二兩七錢八分三釐二毫九絲八忽三
微五纖七沙

乾隆二年奉文補給廩生廩糧銀一百一十五兩七錢

三分三釐四毫

又乾隆七年奉文添給

文廟香燭等項不敷銀九兩七錢四分四釐二毫二絲六忽
三微八纖三沙

實共雜支銀二百八兩二錢六分九毫二絲四忽七微
四纖內

修理龍亭帳幔銀四分三毫二絲七忽五微六纖五沙

祭祀

文廟銀十六兩三錢五分二釐八毫二絲七忽二微九纖一

沙

文廟香燭銀一兩二錢五分

啓聖鄉賢名宦祠銀四兩

山川社稷壇銀四兩

孤魂邑厲壇銀四兩三錢八分

鄉飲銀一兩二錢九釐八毫二絲六忽九微二纖

廩生廩糧銀一百七十三兩六錢一毫

歲貢生袍帽傘蓋等項銀二兩四錢一分九釐六毫五

絲三忽八微五纖五沙

歲貢生正副盤費銀四錢三釐二毫七絲五忽六微四

續

歲貢生迎賀旗匾花紅等銀六錢四釐九毫一絲三忽
四微五纖九沙

附

存留項下舊志載知縣有心紅銀二十兩上司出巡駐
劄協濟銀一兩六錢二分五釐零新官到任公宴祭
神酒席銀七錢七分一釐零年終造冊審編派徵刷
卷造冊共銀三兩六分六釐零修理祭祀

文廟壇所香燭等銀共十九兩七錢一分三釐零押囚官吏
盤費銀八錢一分七釐零修理監倉銀二十兩鞭春

土牛銀四錢八釐零儒學有喂馬草料銀十二兩縣役有燈夫四名工食連閏銀二十四兩八錢皆昔有今無之項其各役工食每名歲支銀六兩二錢今則歲支五兩六錢五釐乃昔多今少之項

驛站一項舊惟縣驛里甲走遞馬二十四匹每匹歲支草料銀三十七兩二錢自明天啓末徐州驛路受黃河水決郟邑遂當其衝國初始於涿州城南分東中兩路而郟當東路之什八閩浙江南皆取道焉路衝差繁勢不能支康熙三年知縣金煜始詳請奏允縣增驛馬四十匹共爲六十四匹又新設紅花埠驛走遞馬

七十匹而夫馬工料及青夫白夫等銀僅三千三百六十餘兩支用不敷康熙十年知縣黃六鴻爲昔僻今衝等事始詳允分劈中路糧僉銀兩驛共增一千四百五十六兩九錢五分三釐以備馬匹倒斃買補之價接任知縣張三俊與沂州知州邵士復各具請詳於李家莊另設腰站而途長馬乏之困亦得稍甦再縣驛原編夫馬工料連閏銀八千八百八十兩二錢四分九釐三毫六忽八微內縣驛原編銀三千三百六十二兩五錢三分三釐二毫九絲九忽八微紅花埠驛原編銀三千五百一十七兩七錢一分六釐

七忽遞年草料每匹支銀三十七兩二錢於康熙十四年酌議捐省錢糧等事案內裁縣驛草料一半銀一千一百一十兩

又本年欽奉上諭事案內裁紅驛草料銀三百八十六兩康熙十五年敬陳減差等事案內紅驛草料又裁四銀一千一百三十九兩三錢五分八釐零康熙二十年欽奉恩詔事案內縣驛減半准復二分銀六百四十兩六錢六分六釐六毫零紅驛裁四准復二分銀七百六十二兩六錢七分九釐零雍正六年嚴核驛站之糜費等事案內紅驛又裁減銀四百二十九

兩雍正十一年請旨奏銷等事案內馬匹草料雜項
照河南南例行縣驛核減銀五百四十九兩七錢八分
紅驛核減銀三百六十二兩四錢八分三毫零其馬
夫青夫白夫等役原編馬夫白夫每名工食銀十二
兩四錢青夫每名八兩二錢二分六釐於康熙十四
年欽奉上諭事案內裁縣驛青夫二十名工食銀一
百六十五兩二錢三分三釐二毫零雍正三年遵旨
另行詳議事案內縣驛裁撥馬牌子三名工食連閏
銀三十七兩二錢紅驛同又於本案內縣驛增添白
夫六十名工食連閏銀七百四十四兩雍正五年敬

陳管見事案內紅驛裁管夫一名工食銀十八兩雍正六年嚴飭核減夫役事案內縣驛裁青夫十名工食銀八十二兩六錢六分六釐六毫零以上各案縣驛共核減銀一千九百五十九兩九錢七分九釐九毫零共增添銀一千三百八十四兩六錢六分六釐六毫零除增外實減銀五百六十六兩三錢一分三釐三毫實徵銀二千七百九十六兩二錢二分紅驛共核減銀二千三百七十二兩三分八釐三毫零共增添銀七百六十二兩六錢七分九釐零除增外實減銀一千六百九兩三錢五分九釐三毫零實徵銀一

千九百八兩三錢五分六釐六毫六絲六忽六微七
纖八沙五塵

又糧簽銀縣驛七百二十八兩四錢九分六釐五毫紅
驛同康熙五十七年請酌定驛馬倒斃分數以杜冒
銷錢糧事案內奉文自本年爲始額設驛馬十分內
例斃不許過三分餘剩銀移交戶部等因今年縣
驛買馬糧僉銀一百七十七兩六錢餘剩銀五百五
十兩八錢九分六釐五毫紅驛買糧僉銀二百五兩
餘剩銀五百二十三兩四錢九分六釐五毫仍歸地
丁起解縣驛又每年解皮贓銀九兩紅驛十兩五錢

交司庫

鹽稅

國朝俱係土商小票累增額票至二千五百四十二張課銀五百五十一兩九分一毫四絲至乾隆八年捐粟法行商人焦際熙承辦郟城原議照下則計額票二千五百四十二張該輸穀二千五百四十二石該倉五間工料銀二百三兩三錢六分

倉儲

郟邑預備倉原在北城明成化間知縣李楷移建縣治西後廢康熙二十一年知縣方殿元復建又圯五十

二年知縣荆文康於縣署後建倉五十一間土垣草
苦歲歲需修且不敷用乾隆十三年知縣王植詳請
改建瓦倉於郟城並馬頭水次旁用護板上開天窗
下空一尺用棚板可垂永久未奉批允而止

監穀倉乾隆三年奉文令捐穀俊秀并應捐倉費銀三
分知縣李可大建二座共十間共銀二百五十七兩
四錢零

鹽義倉乾隆八年奉文以縣屬鹽店係土商小粟令外
商承辦先捐穀貯倉并建瓦倉一座五間知縣王淳
承修用銀二百三兩三錢零上一二倉皆秫笆承瓦不

久卽至朽敗十三年知縣王植重修

倉穀乾隆十三年底實貯之數

常平倉額貯穀九百五十石一斗九升一合又元年至
十三年各有積穀等事案內官捐穀七十九石共一
千三十二石一斗九升一合內除賑動一千四石一
斗九升一合外存穀二十八石以上穀數年久無考
二十八年總核常平穀額實貯一萬四千石內截漕
易穀六百石監穀一千八十石

又常平溢額穀五萬八千四百六十石二斗八升一合
內歷年各官捐穀并截留撥運等項穀俱歸入

監穀原額一萬四千一百五十石一斗四升五合又乾隆三年再開捐起共捐穀二千一百六十石共一萬六千三百一十石一斗四升五合內除賑動穀一萬二千三百九十五石七斗七升三合外平糶穀三千六十五石五斗五升存穀八百四十八石八斗二升二合又十三年分東賑例內新捐麥五百四石以上新舊監穀查二十八年俱歸入常平倉內

截漕易穀乾隆九年原額六百石存倉已入常平倉

商輸穀乾隆十一年原額二千五百四十二石內除借出民欠未完穀二千一百七十八石九斗一升外存

穀三百六十三石九升二十八年已奉文歸人常平倉

社倉穀原額二千九十八石五斗九升六合又息穀一百二十六石四斗二合共二千二百二十四石七斗九升八合內除民借未完穀一千五百七十八石三斗四升八合外存穀六百六十八石九斗一升

義倉勸捐穀四千七百二十七石八斗二升

物產

穀之屬

麥

黍

稷

粟

稻

豆

稗

芝蔴

葛秫

果之屬

柿

栗

核桃

桃

杏

李

梅

梨

棗

山查

白果

蔬之屬

白菜

葱

蒜

韭

茄

芹

莧

芥

蒿苳

茼蒿

蘿蔔

蔓菁

芫荽

瓠子

菠菜

瓜之屬

西瓜

甜瓜

冬瓜

王瓜

絲瓜

南瓜

木瓜

花之屬

芍藥

蓮花

葵花

薔薇

萱草

菊花

木槿

茨紅

紫荊

月季

鳳仙

玫瑰

碧桃

合歡

海棠

迎春

臘梅

鷄冠

木之屬

松

柏

椿

樗

槐

榆

柳

楊

桑

楝

獸之屬

犬

兔

豕

牛

馬

羊

臚

鳥之屬

鴛鴦

鶯

鵲

鷹

鷓鴣

水鴨

雉

鳩

鵲

貨之屬

繭紬

絹

絲

棉花

藥之屬

桔梗

蒼朮

防風

柴胡

牽牛

杏仁

薏苡

兔絲

地膚子

天門冬

酸棗仁

郁李仁

車前子

蒼耳子

白蒺藜

旋覆花

槐角

急性子

金銀花

郟城縣志卷之六上

秩祀志

夫郡邑之祀載在令甲有司歲舉而行之豈非篤於事神奉
上法哉是故首祀先聖饗之崇報功德於無斁也其次社稷
神祇壇而禋城隍經祠廟而食至矣哉立隆以爲極而九州萬
國莫之損益矣要以明德惟馨身競競於朝廷之訓則右教
化重民生之念有竦然其與存者纂秩祀

志

廟壇

文廟祭用春秋二仲上丁日

雍正二年部行

正位陳設 禮神制帛一 白色 白磁爵三 牛一

羊一 豕一 登一 鉶二 簋二 簋二 簋二 籩十

豆十 酒罇一

四配位陳設 每位禮神制帛一 白色 白磁爵三

羊一 豕一 鉶一 簋二 簋二 籩八 豆八

酒罇一

十哲陳設 東五位五案 又朱子一位一案 禮

神制帛一 白色 白磁爵各一 豕一 鉶各一 簋

各一 簋各一 籩各四 豆各四 豕首一

西五位五案陳設與東五位同

東廡陳設 禮神制帛一 白色 銅爵各一 豕一

每位簋一 簋一 籩四 豆四

西廡陳設與東廡同

兩廡不定案數以三豕觀之疑每廡三案也

崇聖祠祭日同文廟

雍正二年部行

正位陳設五案 每位禮神制帛一 白色 白磁爵三

羊一 豕一 鉶一 簋二 簋二 籩八 豆八

酒樽一

配位陳設 每位一案 禮神制帛二 白色 豕首

一 每位銅爵三 簋一 簋一 籩四 豆四

豕肉一

兩廡陳設 每位銅爵三 簋一 簋一 籩四
豆四 豕肉一

名宦祠

鄉賢祠祭日俱同

文廟

文昌閣在東城上祭用春秋二仲上戊日

魁星閣在城上東南隅祭日同文昌

忠義孝弟祠在

文廟西射圃之南

節孝祠在縣治東北祀漢孝婦以下至徐貢士妻宋氏二
十二人

社稷壇在城外北偏祭用春秋二仲上戊日雍正二年部行

祭物羊一 豕一 帛一黑色 鉶一 籩四 豆四

簠二 簋二

風雲雷雨

山川壇在城外西南祭用春秋二仲上戊日雍正二年部行

風雲雷雨之神居中 帛四白色

境內山川之神居左 帛二白色

城隍之神居右 帛一白色

祭物陳設與社稷同

先農壇在城東南每年祭日禮部行廟前有籍田四畝九分

邑厲壇每年清明日七月十五日十月朔日祭無祀鬼神

於城之北郊祭時有告城隍文

雍正二年部行

祭物羊三 豕三 飯米三石 香燭酒紙隨用

城隍廟在縣治東前有門二層俱三間後正殿五間左右廊各七間後寢三間穿廊三間清明七月望日十月朔日特請主祭於厲壇康熙七年地震倒塌殆盡道官徐和寶同邑人張家慶等募緣重修乾隆十八年

知縣李湖勸捐重修改寢宮三間爲樓廟宇一新
關聖廟在縣南門外正殿三楹大門三楹春秋致祭一在大
興鎮同知韓文煜建

八蜡廟在縣城外東北偏

土地祠在縣儀門外偏左

劉猛將軍廟在北門內有蝗災則祭

馬神廟在西門內儒學西後圮今在兩驛局內祭以春秋
二仲月上巳日

各祠

禹王廟在縣東禹王臺雍正十二年知縣馮爲桐領銀一

千五百六十一兩五錢零建

郊子廟在城南十五里寨子社創建無考萬曆三十二年
鄉民朱運重修康熙七年地震倒塌道人楊守性募
修

問官祠在縣治北門內堂三間知縣黃琮建邑監生張守
宜重修康熙七年地震圯壞知縣黃六鴻重修

去思祠在縣治西北爲席唐二公建崇禎十五年兵火焚
毀

康公祠在去思祠後爲典史康友惠建崇禎十五年焚毀

郟城縣志卷之六下

學校志

今天下郡邑所在皆置學官彬彬乎雅化作人矣是故歸
之宮廟表聖宗也廣之堂宇便都授也列之齋舍䟽房專
肄習也士抱藝而遊論秀髦而升焉彼其道德勳猷有裒
然爲天下顯武而儲養作成之所自未始不於師友乎資
之猶之鄧林懋植而文木以蕃礪諸切鏤而璧琬攸成其
爲世教繫豈眇小哉纂學校志

文廟

文廟在縣治西大街元末兵毀明制前爲

文廟後爲儒學學門並路居

文廟之左

文廟前爲櫺星門門內爲泮池池北爲戟門三間門左右二

祠各三間左爲名宦右爲鄉賢戟門內

先師殿五間殿前爲月臺左右二廡共二十二間

儒學大門一間門內爲馳道爲禮門禮門亦一間入門

折而西又折而北爲中甬道道左右爲兩齋左曰博

文齋三間南連五間爲進德所右曰約禮齋三間南

連五間爲修業所甬道上爲明倫堂堂五間堂後爲

敬一亭三間中刻敬一箴左右刻四箴註亭前樹屏

堂前有指南二大字碑

廟學規制創自洪武二年知縣鄧昇永樂十五年知縣
邊傑成化四年知縣李楷相繼修葺宏治三年知縣
王洪拓地增修殿廡堂齋正德五年知縣唐龍正德
十六年知縣邵宗道皆修之隆慶元年知縣張應登
開闢學路體制恢廓視昔尤爲宏整國朝康熙七年
地震殿廡傾圮羣議遷學貢生杜景炤等具呈知縣
馮可參轉詳得允遂遷於城北舊城之中三十二年
知縣方殿元又申請遷還舊址四十五年知縣劉三
異重修正殿戟門視昔加崇並建兩廡明倫堂櫺星

門繚以墻垣規制略備五十二年知縣荆文康教諭
李殿魁又建

啓聖祠名宦鄉賢兩祠及齋房

啓聖祠在明倫堂東北環以繚垣前爲門後爲堂三間雍正
三年教諭杜文明於甬道兩旁各植柏樹二行今一
望蒼鬱十三年知縣謝鎰重修正殿戟門宮墻並重
建文昌閣奎星樓於城上東南隅乾隆十八年知縣
李湖勸捐重修增設御碑亭樂器庫神主龕

崇聖祠院門添月臺欄杆甬道磚砌又捐俸置神龕錦帳及
太和元氣坊規制聿新十九年教諭謝怡捐刻御書

聖經一章於明倫堂二十六年訓導杜天嘉於大成門兩旁增設欄杆二匝

配享從祀名位

雍正二年部行

四配 復聖顏子

述聖子思子東

宗聖曾子

亞聖孟子西

十哲 閔子損 冉子雍 端木子賜 仲子由

卜子商 有子若

次東

朱子熹

又次東

冉子耕

宰子予 冉子求

言子偃 顓孫子師

次西以上俱在殿內

東廡先賢 蘧瑗

澹臺滅明 原憲

南宮适

商瞿 滕離開

司馬耕

巫馬施

顏辛

曹卹

公孫龍 秦商 顏高 壤駟赤 石作蜀

公夏首 后處 奚容蒧 顏祖 旬井疆 秦祖

縣成 公祖句茲 燕伋 樂欬 狄黑 孔忠

公西蒧 顏之僕 施之常 申棖 左邱明

秦冉 牧皮 公都子 公孫丑 張載 程頤以上

三十九人

俱先贊

先儒 公羊高 孔安國 毛萇 高堂生

鄭康成 諸葛亮 王通 司馬光 歐陽修

胡安國 尹焞 呂祖謙 蔡沈 陸九淵 陳淳

魏了翁 王栢 許衡 許謙 王守仁 薛瑄

羅欽順 陸隴其 以上二十三人俱先儒

西廡先賢 林放 宓不齊 公冶長 公皙哀

高柴 樊須 商澤 梁鱣 冉孺 伯虔 冉季

漆雕徒父 漆雕哆 公西赤 任不齊 公良孺

公肩定 鄒單 罕父黑 榮旂 左人郢 鄭國

原亢 廉潔 叔仲會 公西與如 邾巽 陳亢

琴張 步叔乘 秦非 顏噲 顏何 縣亶

樂正克 萬章 周敦頤 程顥 邵雍 以上三十人俱先

賢

先儒 穀梁赤 伏勝 后蒼 董仲舒 杜子春

范甯 韓愈 范仲淹 胡瑗 楊時 羅從彥

李侗 張栻 黃幹 眞德秀 何基 趙復

金履祥 陳澥 陳憲章 胡居仁 蔡清 以上二人

俱先賢

崇聖祠配位

先賢 顏氏無繇 孔氏鯉 東

先賢 曾氏點 孟孫氏 西上俱在殿內

東廡先儒 周輔成 程珦 蔡元定 東

西廡先儒 張迪 朱松

學制自元魏初令郡國建孔子廟北齊初詔天下郡國

立學唐貞觀四年詔州縣學皆建孔子廟明嘉靖九年改大成殿爲先師廟仍卽廟旁起學舍以教習生徒廟有戟門自宋大觀中詔以王者制用戟二十四枝故名有櫺星門櫺取疏通之義凡壇壝俱有壇無宮用垣設櫺星門爲限闕以通神明之氣浩蕩宏濶雖別內外而實無內外也泮池者朱子泮宮圖說云諸侯之學鄉射之宮謂之泮宮其東西南北有水形如半壁以其半於辟雍故曰泮水

大興鎮文廟三間門一間在督捕廳署前同知李興祖建其說曰祀典非郡邑不得立孔子廟蓋廟制與學

宮相表裏春秋釋奠則有司臨之朔望講讀則師儒董之其典甚隆非若百神之祀各因其里俗一在田夫野叟絜豆登攜樽榼袒裼徒跣雜然閔堂而致私祝也大興立廟似非制然荒僻山野之區鮮知禮義求一向學籍弟子員者指難多屈廟之立也或亦示野人以禮教鄉人以學而且以昭秩官之有祀事也書院一舊在西縣北七十里磨山下世傳曾子遊學處元至正二年江西提舉管文通建名曰宗聖堂成化間移建縣北門內邑人張景華增修改題曰一貫書院萬歷四年醫士官蔣勸重修今廢

今按乾隆十九年前知縣李湖捐俸八十兩購宅一所於

文廟前街共草房三十八間匾曰一貫書院內撥入歷任捐置義田五頃三十六畝以爲膏火之貲余於二十八年攷取生童二十人延請邑紳戊辰科進士王恒訓課士子捐備修金膏火供給自春徂冬晦明風雨誦聲不輟庶幾文風士氣之一振歟

社學二一在縣治西一在北城總舖南成化十二年知縣田畊建各鄉亦各有社學今俱廢

義學二一在北城大街西正房三間教授童子內房三

間教讀寢居門面房六間出賃以贍師一在北門內
大街西正房三間內房三間門面房三間內草堂三
間皆萬歷初醫士官蔣勸建今俱廢

文會所在東城下正廳五間扁曰儲才華國兩廂室各
三間左曰礪峯右曰躍設前設大門一間俱草房萬
歷七年知縣趙蛟建士儒會文其中今廢趾存

射圃在儒學西長五十步濶十步內建觀德亭三間嘉
靖四十五年知縣張應登重建今廢

學田共二頃坐落城東孝婦塚左右隆慶初年知縣張
應登醫學蔣勸置

學額入學十二名文武同

學署原教諭宅一訓導宅二皆在儒學門內西向其宅俱三層內環以廂室各三間中爲教諭宅北南爲訓導宅嘉靖間裁訓導一員北宅廢萬歷二年復除寓於齋號後俱圮廢

祭器 乾隆六年司頒

登一 鏹二十二 瓦 簠四十四 木 簋四十四 木 籩一

百七十八 竹 豆一百七十八 木 罇十二 瓦 爵八十 銅

帛籩三十四 木 牲俎三十四 木

樂器舞器 乾隆六年司頒

麾一 旌節二 祝一 敔一 琴四 瑟二

塤二 箎二 編鐘十六 編磬十六 笙二

笛二 排簫二 應鼓一 搏拊二 羽三十六

籥三十六

乾隆七年頒行欽定文廟樂章

迎神咸平之章

尺凡六五 大哉孔子

尺上五六 先覺先知

凡六上五 與天地參

尺上五五 萬世之師

五上凡六 祥徵麟紘

凡上尺上 韻答金絲

凡六尺五 日月既揭

凡六凡尺 乾坤清夷

初獻寧平之章

予懷明德

玉振金聲

生民未有

展也大成

俎豆千古

春秋上丁

清酒既載

其香始升

亞獻安平之章

式禮莫愆

升堂再獻

響協鼓鏞

誠孚蠡廟

肅肅雍雍

譽髦斯彥

禮陶樂淑

相觀而善

終獻景平之章

自古在昔

先民有作

皮弁祭菜

於論斯樂

惟天牖民

惟聖時若

彝倫攸斝五五上尺 至今木鐸上五凡尺

徹饌咸平之章

先師有言尺凡六五 祭則受福尺上尺五 四海鬯宮凡尺五上

疇敢不肅凡六凡尺 禮成告徹五上尺尺 毋疏毋瀆凡六凡尺

樂所自生五上尺尺 中原有菽五六凡尺

送神咸平之章

鳧繹峨峨尺凡六五 沕泗洋洋上尺凡六 景行行止上五五上

流澤無疆凡六五六 聿昭祀事五上凡尺 祀事孔明尺上凡六

化我蒸民尺五尺上 育我膠庠凡六凡尺

右春祭夾鐘為宮倍應鐘起調

迎神咸平之章

大哉孔子

先覺先知

與天地參

萬世之師

祥徵麟紱

韻答金絲

日月既揭

乾坤清夷

初獻寧平之章

予懷明德

玉振金聲

生民未有

展也大成

俎豆千古

春秋上丁

清酒既載

其香始升

亞獻安平之章

式禮莫愆

升堂再獻

響協鼓鏞

誠孚鬯廟 尺凡尺尺六

肅肅雍雍 尺尺上上上

譽髦斯彥 乙六凡六六

禮陶樂淑 凡尺尺乙上

相觀而善 尺上乙六六

終獻景平之章

自古在昔 六乙尺上上

先民有作 凡尺乙上上

皮弁祭菜 尺凡乙六六

於論斯樂 凡尺尺上乙

惟天牖民 尺凡尺六尺

惟聖時若 乙凡乙上上

彝倫攸叙 尺尺凡六六

至今木鐸 凡尺尺乙六

徹饌咸平之章

先師有言 六乙上尺尺

祭則受福 六凡六尺尺

四海饗宮 乙六尺上上

疇敢不肅 乙上乙六六

禮成告徹 尺凡尺六尺

毋疏毋瀆 乙上乙六六

樂所自生 尺凡乙六六

中原有菽 尺上乙六六

送神咸平之章

六乙上尺

鳧繹我我

凡六乙上

洙泗洋洋

凡尺尺凡

景行行止

乙上尺上

流澤無疆

尺凡乙六

聿昭祀事

六凡乙上

祀事孔明

六尺六凡

化我蒸民

乙上乙六

育我膠庠

右秋祭南呂為宮仲呂起調

部頒祭文

孔子先代五王祭文

維乾隆 年歲次 月 朔越 日某省某府某官致

祭於

肇聖王

裕聖王

詒聖王

昌聖王

啓聖王曰惟

王奕葉鍾祥光開聖緒盛德之後積久彌昌凡聲教所覃
敷率循源而溯本宜肅明禋之典用申守土之忱茲屆

仲春聿修祀事配以

先賢顏氏

先賢曾氏

先賢孔氏

先賢孟孫氏尙

饗

孔子祭文

維乾隆 年歲次 月 朔越 日某省某府某官致
祭於

至聖先師孔子曰惟

先師德隆千聖道冠百王揭日月以常行自生民所未有
屬文教昌明之會正禮合樂節之時辟雍鐘鼓咸恪薦
於馨香泮水膠庠益致嚴於籩豆茲當仲春祇率彝章秋
肅展微忱聿將祀典以

復聖顏子

宗聖曾子

述聖子思子

亞聖孟子配尚

饗

忠孝祠祭文

維乾隆 年 歲次 月朔越 日某省某府某官
致祭於

忠孝老先生之神前曰大聖大賢固傳道統於百世全忠

全孝亦扶名教於千秋惟

先哲之品行既隆故聖朝之祀典必備春秋載祀俎豆維
新式陳明馨仰祈昭格尙

響

節孝祠祭文

維乾隆 年歲次 月朔越 日某省某府某官致祭
於

節孝祠之神前曰婦道克正著節烈於百世女德不爽表
孝行於千秋惟

淑闈之芳徽既隆故聖朝之典禮必備春秋載祀俎豆維
新式薦明馨仰祈昭格尙

饗

書籍

上諭二部

每部二十
四本

又上諭二部

每部
十本

訓飭士子文

一本

聖諭廣訓

一本

周易折衷二部

每部一
十本套

春秋傳說二部

每部二套
十八本

性理精義二部

每部
六本

明史一部

十二套
十二本

通鑑綱目三編一部

四本

四書文一部

二十本

詩經傳說

二部

每部二套
十八本

書經傳說二部

每部二套
十二本

郟城縣志卷之九

人物志

魯人瞻岱而陟東山吳人觀海而浮震澤非謂其望於鄉
耶郟鄉祀之賢斌斌然質有其文哉卽進於聖道之海岱
未敢或知而尙論其世亦都人士之山東震澤也夫升高
者取捷於嶺隧絕遠者假便於舟航士誠以茲之俎豆者
爲嶺隧舟航此無論於岊崧之巔惡沱之涯以之躡岱宗
而游渤澥亦宿春糧爾矣慎毋溟滓然第之而輒嚶嚶云
姑舍是也纂人物志

人物上

名賢

漢

于公

東海郟人爲獄吏決獄平允辦孝婦冤狀詳孝婦傳常曰吾治獄多陰德後世必有興者令高大其門可容駟馬車後子定國孫永皆封侯今西鄉有高社卽其故里也祀鄉賢

于定國

字曼倩于公子也少學法律于其父以材高舉侍御史宣帝時遷光祿大夫爲廷尉當時稱之曰張釋之爲廷尉天下無冤民于定國爲廷尉民自以不冤甘露中爲丞相封西平侯身爲列卿尙迎師執經北面備弟子禮卒謚曰安子永以素行聞官至御史大夫尙館陶公主定國祀鄉賢

薛宣

字韞君初爲長安令以明習文法詔補御史中丞數言政事便宜舉奏部刺史郡國二千石所貶退稱進白黑分明出守臨淮徙陳留皆著政績後爲丞相封高陽侯祀鄉賢

劉虞

字伯安東海恭王五世孫初遷幽州刺史獻帝卽位拜大司馬敝衣繩屨勸督農桑開上谷朝

市之利通漁陽鹽鐵之饒青徐士庶避難歸虞者百餘萬虞收視溫恤爲安立生業初平二年袁紹等議以朝廷幼冲逼於董卓欲共奉虞爲帝虞厲色叱之曰今天下崩亂主上蒙塵吾被重恩未能濟雪國恥諸君各據州郡宜共戮力王室而反造逆謀以相垢汚耶欲犇匈奴以自絕紹等乃止後討公孫瓚不克見殺祀鄉賢

魏

王朗

字景興東海鄒人漢末爲會稽太守嘗降於孫策曹操表徵之拜諫議大夫參司空軍事魏國

初建以軍諮祭酒領魏郡太守遷少府奉常文帝卽王位遷御史大夫封安陵亭侯上疏勸育民省刑及文帝踐阼改爲司空進封樂平鄉侯上疏諫止遊獵帝深納其言明帝卽位進封蘭陵侯上疏諫止營造帝報曰忠至者辭篤愛重者言深君旣勞思慮又手筆將順三復德音欣然無量朗高才博雅多所著作卒諡曰成舊志曰朗旣仕漢室嘗降吳又臣篡魏非義人也

王恂

字子良朗之孫肅之子也景元四年以肅勳封蘭陵侯在朝正直居心公忠有匪躬之節鬲令袁毅餽以駿馬恂知其貪賄遂不受後毅果以贖貨致敗年四十餘卒贈車騎將軍

晉

劉超

字世瑜懷帝永嘉元年避亂江東瑯琊王睿表用之及睿即位是為元帝累遷右衛將軍成帝咸和二年蘇峻反舉兵犯闕朝士多避難超入衛峻兵上殿近御床超與侍中鍾雅步侍左右峻叱令下超曰冠軍來觀至尊軍人豈得侵逼峻兵不敢入宮及陶侃溫嶠討斬峻峻弟逸代將其眾閉城為守超雅謀奉帝出赴義軍事泄逸使任讓收超及雅帝抱持泣曰還我侍中右衛讓奪而殺之及逸誅贈超中書侍郎諡曰忠祀鄉賢

東晉

徐寧

東海郟人少知名為輿縣令廷尉桓彝有人倫識鑒嘗過輿縣乃造之寧清慧博涉相遇欣然

彝大賞之至都謂庚亮曰吾爲卿得一佳吏部亮既
奏帝用爲吏部郎累官至左將軍江州刺史卒於官

何無忌

東海郟人少有大志忠亮任氣人有不稱其心
者輒形於言色州辟從事轉太學博士鎮北將

軍劉牢之卽其舅也時鎮京口每有大事必與參議
牢之欲降桓元無忌屢諫詞旨甚切與劉裕起義兵
討元元聞之甚懼或謂劉裕烏合勢必不成元曰劉
裕勇冠三軍兼以何無忌酷似其舅何謂無成其見
憚如此及元潰走無忌與振武將軍劉道規同追之
元平奉帝還京師累遷會稽內史督江東五郡軍事
義熙二年封安成郡開國公後與盧循別帥徐道覆
戰失利厲聲曰取我蘇武節來節至執以督戰賊衆
雲集遂握節而死諡
曰忠肅祀鄉賢通志

宋

虞邱進

字豫之少隨謝元討苻堅有功封關內侯又從
宋武帝征伐有功除龍驤將軍封龍川縣侯時

盧循逼京邑廷議奉天子過江邱進不可面折孟昶
武帝嘉之除鄱陽太守擊破盧循別將斬首數百累

封望蔡縣男遷太子右衛
率卒進爵爲子祀鄉賢

南北朝

徐湛之

郟人幼孤事祖母及母至孝及長善尺牘音詞
流暢元嘉中由黃門侍郎拜秘書監後出爲兗
州刺史威惠並行累官至尙書僕射護軍將軍會二
兇巫蠱事發上欲廢劬而賜潛死與湛之密議每夜
使執燭慮有竊聽者及劬舉逆殺
之孝武卽位追贈司空諡忠烈

徐羨之

字宗文小字干木寧之孫也沉密寡言不以憂
喜見色初爲桓修參軍與宋武帝深相結武帝
起兵版爲領軍司馬封南昌縣公錄尙書事羨之起
自布衣直以志力局度一旦居廊廟朝野推服頗工
奕碁觀戲常若未解嘗與傅亮謝晦宴聚亮晦才學
辨博羨之風度詳整時然後言鄭鮮之歎曰觀徐傅
言論不復以學問爲長武帝不豫羨之與晦亮受遺
詔輔政旣而少帝失德羨之遂與謝晦廢而殺之并
殺其弟廬陵王義正文帝卽位以羨之等旬月間再
肆酖毒下詔暴其罪誅之舊志云羨之弑逆之徒通

志敘於外傳以崔杼冠其首而郟乃祀之鄉賢俎豆汚矣

鮑照

字明遠東海郟人官臨海王前軍參軍嘗為古樂府文甚遒麗有集傳於世通志

齊

徐孝嗣

東海郟人字始昌祖諶之父聿之皆為宋子邵所殺孝嗣在孕得免幼而風儀端簡八歲襲爵

縣公尙康樂公主歷御史中丞出為吳興太守在郡有能名復徵為五兵尙書臺閣事多委之從世祖幸方山上欲於山南為離宮孝嗣以勞民諫止齊明帝時累加中軍大將軍進爵公轉尙書令孝嗣好文學器量宏雅不以權勢自居永元初帝失德稍彰孝嗣不敢諫諍中郎將許準勸令廢立孝嗣終不決帝遂賜以藥酒卒

王僧儒

肅八代孫幼聰慧年五歲讀孝經問授者曰此書何所述曰論忠孝二事僧儒曰若爾願常讀

之七歲能誦十萬言及長家貧傭書以養母且寫且誦寫畢亦熟後任太學博士尙書僕射後梁天監中

出爲海南太守海南通外國市舶舊居官者多獲其利僧儒歎曰昔人爲蜀郡掌史終身無蜀物吾欲遺子孫不在粵裝一爲所取聲跡有聞詔徵拜中丞御史著述甚多並行於世祀鄉賢

王

謀

字仲和王雅元孫沈曇慶爲徐州辟謀爲主簿又爲州從事齊明帝卽位除司徒參軍帝所行慘僻謀屢諫不從請退坐此繫上方後拜中書侍郎歷太子中庶子徙征虜長史行南兗州府事卒

梁

何遠

字義方父慧炬齊尙書郎遠仕梁江夏王國侍郎永元中崔慧景圍官城遠預其事敗亡歸

桂陽王融渡江見高祖以爲建康令累遷武昌太守性剛嚴爲人所訟後起爲武昌令愈勵廉節毀淫祠

正身率職清操爲天下第一祀鄉賢

徐勉

字修仁東海郟人早勵清節篤志好學齊太尉王儉稱爲宰輔器量射策舉高第起王國侍郎

梁天監初拜中書侍郎入樞府糾舉稱職尋除給事

黃門侍郎參掌軍事劬勞夙夜經數旬始一還宅遷

吏部尚書典選事彝倫有序嘗與客夜集有求詹事
五官者勉正色曰今夕止談風月不可及公事進侍
中尚書右僕射盡心奉上知無不為有表奏輒焚其
藁中大通三年卒贈光祿大夫開府議同三司諡簡
肅所著有別起居注六百卷
選品會林等書行世祀鄉賢

何遜

字仲言宋御史承天子八歲能賦詩弱冠州舉
秀才范雲見其對策大相稱賞結忘年交自是
一詞一詠雲輒嗟賞沈約亦愛其文仕至尚書水部
郎所著文集八卷上二傳通志
今按舊志謂為承

天曾孫以年
世考之誤矣

何敬叔

為梁長城令清廉不受禮遺夏節忽榜門受餉
數日得米千二餘斛他物稱是悉貸貧民輸租

何思澄

字元靜父敬叔齊征東錄事參軍思澄少勤學
工文辭仕梁起家為南康王侍郎遷治書侍御

史武陵王中錄事參軍與宗人遜及子朗俱擅文名
時人語曰東海三何子朗最多卒有文集五十卷朗
有才思嘗為敗塚擬莊周馬捶其
文甚工歷官員外散騎侍郎

何子朗

字世明，郟人。與宗人遜及思澄並擅文名。時人語曰：東海三何子朗。最多歷官員外散騎常侍。

郎出令固山年二十四卒。有文集行於世。

徐摛

字士秀，東海郟人。幼好學，遍覽經史。後擢為待讀，應對明敏。高祖親策問五經大義，次問歷代。

史及百家雜記，縱橫應答如響。後為新安太守，為治清靜，教人禮義，勸課農桑。期月化行，還為中庶子。侯景攻陷臺城，賊眾奔入，舉兵上殿侍衛，奔散。摛徑謂景曰：公當以禮見，何得如此！景乃拜太宗。後被幽閉，摛不獲朝謁，感氣疾卒。謚曰貞祀，鄉賢。

徐陵

字孝穆，摛子。八歲能屬文，長博涉史籍。仕梁為通直散騎常侍，陳世祖時除御史中丞。帝弟安

成王頊勢傾朝野，府屬官多不法。大臣莫敢言陵為彈章，奏上前。安成王侍立流汗，失色。陵即遣殿中御史引王下殿，自此朝廷肅然。遷更部尚書，提舉綱維。綜覈名實，人比之毛玠。太建初，除尚書左僕射。陵固讓，周宏正王勵曰：選賢與舊，微臣皆宜。處後會北伐，詔舉堪元帥任者。陵推吳明徹、裴忌，卒用其言。復淮

南數十州累官中書監左光祿大夫陵器局深遠性簡潔祿俸與親族共之詔策軍書多出其手爲一代文宗卒贈開國侯諡曰章通志

徐儉

陵之子梁太清初除行參軍侯景亂避江陵梁元帝召爲尚書郎歐陽純反高宗令儉持節諭之既而命監章昭達軍累遷尚書左丞以公事免復起爲潯陽內史爲政嚴明賊盜靜息入爲御史中丞無所阿附尚書令江總望重一時

徐伯陽

字隱忍幼而好學善事父母學春秋左氏策高第仕梁爲參軍出爲侯官令甚得民心侯景亂浮海而南累官都督王府咨議參軍嘗作辟雍頌與李爽等爲文會之友遊宴賦詩伯陽爲其集序傳於世

鮑泉

鄰人撰新儀四十卷行世

鮑宏

字潤身父機仕梁治書待御史宏善屬文爲湘東王繹記室遷通直散騎侍郎江陵平歸周明

帝禮之聘陳謀伐齊帝問取齊之策宏悉對帝從之及山東定除少御正賜爵平遙縣伯隋文明受禪進爵為公嘗修皇室譜三篇有集十卷今按宏歷仕三朝亦馮道之流不足稱也然南北朝率不知大節亦何譏焉

隋

徐曠

字文遠東海郟人博通五經尤明左氏春秋性方正舉動純重隋大業初為國子博士世稱左氏有文遠禮有褚徽詩有魯達易有陸德明皆一時之冠云文遠說經偏舉先孺異論分明是非乃出新意以折衷聽者忘勞入唐仍為國子博士高祖幸國學文遠發春秋題論難風生隨方占對莫能屈帝異之封東莞縣男通志

唐

徐有功

郟人初為蒲州司法參軍為政仁恕不忍杖罰民相約曰犯徐參軍杖者必斥之迄代不辱一

人累遷司刑丞武后僭位屢興大獄有功犯顏敢諍
時博州刺史王冲坐逆誅延及尉顏餘慶來俊臣鞠
治以反聞詔殊死籍其家有功援永昌赦力爭韓紀
孝受徐敬業僞官已物故推事使顧仲琰籍其家詔
已報可有功援律請減皆以更赦免竇孝謀妻龐爲
奴所告給事中薛季昶鞠當死有功明其枉季昶劾
有功黨惡逆當棄市后召詰對曰失出臣小過奸生
陛下大德后默然龐減死有功免爲民轉司刑少卿
皇甫文備嘗誣劾有功及文備下獄有功出之改司
僕少卿卒會昌中追諡中正今按自漢至唐舊志
所載名賢考通志俱爲東海郟人不佞曰東海而屬
之郟則邑產無疑近考海州志多與郟志同如后蒼
于公父子薛宣劉虞王朗父子王湛王僧儒徐寯徐
勉徐羨之徐攜父子徐儉徐伯錫徐孝克徐曠何無
忌何承天何遠何遜何思澄何敬叔虞邱進鮑照鮑
宏凡二十七人豈以海州爲故東海郡地故借才於
郟耶當核正史以訂其實

元

管文通

郟人任江西廬陵令有善政陞覆實司提舉致政歸興復曾子書院廷師孺以啓後學

韋成

爲人廉靜恬退任寧海州州同有善政惠於民晚引年告歸散俸金以濟鄉人不責其報

明

李驥

字尙德郟城人洪武癸酉舉人官戶科給事中時關市譏商旅發及囊篋驥奏止之尋坐事免

建文時薦起新鄉知縣會丁內艱士民詣闕奏留不

許永樂初補授東安令民有嫠婦子被殺驥驗之有

齒齧痕乃檄城隍神明曰有狼死於其所擢刑部郎

中仁宗時爲御史宣德五年巡視倉場有軍盜倉粟

驥執而鞫之其父訴刑部云驥得同盜某賄故置某

不論而獨坐其子侍郎施禮抵驥於法帝曰御史既

納賄則不擒盜矣改命都察院再訊果得其枉名遂

震加勅授河南府知府時河南多盜驥令州縣設火

甲法一戶被盜一甲償之自是人皆改行伊藩素虐

民驥每捕治其校卒蒞郡六年年七十卒於官祀鄉

賢通志

劉翔

坊廊社人永樂中入太學宏治間上疏陳時政得失上嘉納之除刑部主事決獄平恕累陞福

建副使舉刺部吏悉合輿論有詩集傳於世祀鄉賢

任文獻

字國光歸義社人少穎異詩賦援筆立就登宏治癸丑進士弟授監察御史出兩浙清戎政搜

匿索逃上下畏服後致仕隱居東莊日惟吟誦自樂

有東莊八景詩

周舉

字尙賓高冊社人初舉進士授戶部主事歷陞懷慶府知府先時年餘不雨舉到三日齊戒請

禱輒雨民立生祠祀之後丁內艱服闋補思南府知

府郡制舊無城廓虎晝噬人舉築磚城以衛之有擒

虎記民感其德亦立生祠祀焉尋陞雲南按察司副

使卒於官

張景華

字時美高冊社人性孝友幼侍父病憂籲輒廢寢食父以過撻長兄則號泣為之代責登正德

甲戌進士知吉水縣剖決如流民有鬼神破胆之謠

時甯濠蓄逆景華筴其必薄吉州請築磚城以固捍

禦其後賴以無虞入為御史武定侯怙寵驕恣衆莫

敢言景華抗疏論列聲震朝廷按三晉主鄉試事累

官至左都御史開闢薊遼總督漕運尤以加慎邊防
拯恤兵民爲先如處置三衛之民賑濟安東之飢奏
停海贛之逋皆國家大計所排羣譁而力爲之請者
時嚴嵩柄國賄通薦紳景華一無所餽嚴以雙縑通
問報之如其物數嚴氏大恨諷言官以蜚語中之遂
罷歸十餘年卒萬歷十一年入祀鄉賢

劉應兆

字淵徵王田社人嘉靖乙酉舉人性行正純居
家孝友初授慶雲令廉明愷悌吏民懷服三載

陞南京兵馬正慶人詣闕請留不報及至南都秉法
戢奸斷獄明決魏國弟私木椿格商課齟齬商人橫
甚應兆執之論如法權貴吐舌有兇賊誣指非辜脫
其舍匿豪家尙書郎爲之地應兆抱牒與郎面質尙
書所郎論屈冤獄竟得平反南都薦紳咸以爲有功
不死孝肅復生也陞隰州知州尤加意撫字政聲不
著當道屢疏薦循良第一以爲未究厥蘊云

張世則

字準齋鄴城人寄籍諸城縣博學能文萬歷二
年甲戌科成進士授寶坻知縣行取吏科給事

劾陝西撫臣貪劣人人以爲快又劾吏部尙書謫縣
丞稍遷南京戶部主事轉禮部主事累陞江西參政

以忤上官致政歸作治平
要覽欲上未竟卒通志

杜之棟

性至孝九歲父廩生杜豸病故泣血孺慕哀毀逾禮有如成人侍母曲盡孝道年二十三中天

啓甲子舉人制行高潔人不敢干以非禮見之者莫不悚然起敬曰此杜舉人也大兵破城同兄杜之格負母逃難大兵異而釋之仍指示方向及母疾湯藥嘗而後進與兄侍母頃刻不離衣不鮮帶者逾月及母卒哀毀骨立負土成墳築廬墓側者三年瑯琊逸民宋鳴珂爲之立傳以方正學擬之而以爲和平純篤殆愈方焉順治八年山寇王肖吾攻陷郟城義不爲屈罵賊而死康熙六年舉祀鄉賢

張印禎

都御史景華孫爲人孝友英敏弱冠卽有聲詞壇尤工臨池之技有冰玉堂稿行世崇禎二年

己巳廷試貢元授河南遂平縣令居官勤慎恤民愛士有穀麥兩歧之瑞節年再見後致任鄉居教子課孫動稱忠孝名節

闔邑推爲典型

王英

天啓時妖賊作亂守城有功三院申請獎賚賜把總崇禎十三年史賊作亂屢建奇功後至十

五年死於兵

變載府志

丁撫九

崇禎十三年歲貢任利津縣訓導十五年城破不屈死之載府志

郁明

字扶真以庠生歷任江南都司後致仕家居崇禎十四年土寇掠鄰城率兵拒賊身經戰而死

附錄

鄉賢

國朝

附錄鄉賢

郁純

字培真邑庠生省己之子秉性孝友父染足疾幾四載純侍湯藥朝夕不離父沒不圖仕進與

朱邑庠蔣戴二廣文交詩酒唱和時人擬為商山四

皓明季民荒艱於辦賦純為代納者不可勝數順治

初民多草竊不無梗化邑侯張公聞其賢邀純同往

安撫純諭以禮義勸其各安本業民皆感泣如受父

母命張公爰額其廬曰禮義之家東兗道李公嘉其

德康熙十年純已九十餘矣邑侯黃公舉以鄉飲大

賓褒之曰

者英碩德

杜立功

年三十卽遊庠二十七歲登國學授州同知之
職平生仗義疎財康熙四十九年歲大饑斗米
千錢功捐穀百石輸倉備賑邑侯荆公獎之曰濟衆
有功雍正八年邑嘗大水平地倏深丈餘功之宅獨
高因編木筏數十以渡溺渡歸復飲粥以顧其飢賴
以全活之人不下二百餘口及水息鄉里持券而奔
告者不可勝數功咸給以粟麥焚其
券不求其償壽至八十六歲而終

儒林

漢

后蒼

東海郟人字近君從孟卿受禮在曲臺校書因說禮數萬言號曰后氏曲臺記宣帝時為博士官至少傅蒼授沛人慶普梁人戴德及德從兄子聖初劉向考校經籍合二百十四篇戴德乃刪其煩重為八十五篇謂之大戴記戴聖又刪大戴之書為四十六篇謂之小戴記漢末馬融傳小戴之學又足月令一篇明堂位一篇樂記一篇合四十九篇今小戴記與周官六篇古經十七篇並傳蒼啓之也明嘉靖九年考求古禮以蒼為禮之宗詔從祀

魏

王肅

字子雍樂平鄉侯朗子黃初中為散騎黃門侍郎太和三年拜散騎常侍四年司馬曹真伐蜀肅上疏以雨水艱劇宜為休息于是罷兵景初問肅以常侍領祕書監兼文觀祭酒上疏勸帝省徭役重

稼穡敦信減刑帝每以事問肅肅皆以正對帝亦深
納其言正始元年為侍中遷太常時曹爽為大將軍
任用何晏鄧颺等肅正色曰此輩即宏恭石顯屬也
爽戒晏等曰當共慎之其畏憚有如此肅平六年白
氣經天景王問故肅曰蚩尤旂也東南當亂明年毋
邱儉文欽等反景王謂肅曰霍光感夏侯勝之言始
重文學士良有以也所傳尚書詩論語三禮左氏解
及撰定父朗所作易傳皆列於學官卒贈衛將軍諡
曰景祀鄉賢上二傳通志

宋

何承天

博通今古尤精歷數仕宋為尚書祠部郎撰朝
儀遷尚書殿中郎朝廷每有疑議必先訪之時

元武湖得古銅斗衆皆不識承天曰此新莽威斗三
公亡則賜之江左惟甄邯為大司徒此必邯之墓也
驗之果然累官至御史中丞時魏君南伐陳防禦之
略上安邊之策先是禮論有八百卷承天刪減并合
以類相從凡三百卷及
文集傳於世祀鄉賢

唐

顏師古

名籀以字行父思魯以儒學顯師古少博覽精

于訓詁武德初為中書舍人明習治體詔誥册

令皆出其手太宗即位拜中書侍郎帝以五經去聖

久遠傳習寢訛詔師古於祕書省考定釐正學者賴

之又撰五禮注漢書時人謂杜元凱顏師古為左邱

明班孟堅功臣官終祕書監宏文館學士今按通

志以師古為臨沂人而舊志入邑鄉賢

且謂名師古字籀之與通志異當再考

[The main body of the page is almost entirely blacked out, obscuring the text.]

孝友

梁

徐孝克

性至孝通五經善屬文梁大冑中起家太學博士侯景亂歲饑百官廩祿不給孝克傭妻臧氏於富室假穀帛以供母且剃髮為沙門乞食以克給後歸俗高宗時為國子祭酒每侍宴取珍果還以饋母高宗嗟歎勅所司餉其母累官至太子洗馬祀鄉賢今按孝克通志以為臨沂人舊志謂陵之弟案之徐摛徐陵二傳時事皆未合俟再考

徐份

陵之子年九歲為夢賦陵奇之官太子洗馬出為海鹽令有治績性孝友陵嘗遇疾甚篤份焚香涕泣跪誦孝經晝夜不息者三日陵疾遂愈

宋

韓靈珍

東海郟人性至孝喪母三年貧不能葬與弟靈敏共種瓜半畝欲以營殮及瓜熟採賣每朝取

暮復生遂得克葬今按此傳通志不入之正志而列之雜記豈以瓜探復生涉於荒唐歟亦有見

明

郭秉

杏墩社人性純孝由歲貢歷任山西隰州州同父沒廬墓三年哀毀過禮時值雨雹之變草木摧折禽獸傷死惟秉所居方七里禾稼一無所傷人以爲孝感所致

李翥

古城社人早喪父奉母胡氏甚謹家貧力農爲養居母喪哀慟踰禮水漿不入口者數日極力經營以葬二親遂結廬墓側飲食必祭焉後值淫雨大水溢沒民居勢將及墓翥籲天號哭水忽分三派漫流廬墓一無所損人皆驚異成化四年邑大旱禱雨久不應馮縣丞請翥禱之未三日大雨霑足皆以爲孝感

梁酌奏

解村社人天啟甲子科副榜父庠生梁鎮乾病不起侍疾不假寐嘗糞甘苦進藥涕泣祈禱四十餘日而愈以爲孝感諸弟幼祖遺悉讓之崇禎十三年大饑人相食盜攫村舍牛獨弁奏牛數隻去奏

以償其村焚劫之甚者人以為難還之奏曰盜遺失耳衆人向隅我何獨完終不受縣令惡鄰宿接壤處為逋逃藪欲移文盡洗之奏力爭云此一方有為盜者非為盜盡一方也縣令悟全活甚衆

劉三益 高册社人崇禎元年由監生任光祿寺序班端介孝友父劉約夏月痢疾勤侍湯藥晝夜不寢禱茹長齋疾果得愈父故遺幼弟三錫扶恤成立遵遺囑三世不分施祭田七十畝以濟難民捐粟舍粥以救飢荒設義學以教衆

姓子弟縣尹為旌其門

國朝

宋詢普

生員事母至孝母病故廬墓三年躬親負土成墓始終無斃知縣黃六鴻具匾旌獎

仇憲言

原籍保定府新安縣前朝旌表孝子仇雪廬之孫隨父爾顯經商郟城性至孝母蔡氏順治十

八年六月疾甚思肉脯言割股以進母病遂愈爾顯

楊韶

會經割股事新安舉孝子人以為天性一徹云許莊社人父庠生楊士賢母徐氏未週歲而母

亡娶繼母魯氏甫七歲而父亡子母孤孀年雖

幼卽知孝行出入必告凡百敬順及稍長每焚香自
祝不願功名顯達惟求母壽康寧母疾則衣不解帶
食不下咽祈天願以身代湯藥必親嘗母卒哭泣之
聲動天地自一日以至三年忘食廢寢枯瘦如柴親
眷勸之節哀其哀愈甚鄉鄰感勸皆曰正孝子

陳文美

順治十年母倪氏病篤遇異僧教美剃度則生
美許之母愈卽日隨僧渡海三月歸看母妻杜
氏送至誓不納命氏父嫁之鄉人稱異

蔣文學

李馬莊社人蔣成陽之子母吳氏有疾久不愈
文學無計可救遂割股點燈祈禱於神明不數
日間母病果瘥今按文美文學二人皆孝而愚者
也爲母出家何以侍養割股點燈毀傷尤甚且皆感
於異教亦何取焉姑在不妄勸且示戒焉耳

王應仕

馬頭鎮氏性孝友甫七齡而父卒又七年兄應
科析居沂城仕艱辛供母母病延醫以貧故親
爲炊爨役母憐之不肯飲藥仕跪床下哀泣以進得
愈康熙七年地震仕方奉母晚飯一子一女在側驚

惶問子牽衣呼號仕不顧遽踴身抱母奔出母已驚憤抱持慰問者竟夜時閣鎮盧宇盡傾壓斃者無算獨仕家無恙東兗道徐省災而異之聞之撫軍劉錫匾旌之兄相距百里常徒步往侯兄偶至事之恭脫履進巾皆躬親兄偶飲他所常中途伺接執燭牽轡以歸或以爲畏憚逾分仕曰吾少孤見兄猶見父也敢不敬時已踰五旬矣年八十五卒

汪應智

解村社人早喪父事母至孝嘗有羣盜持仗呼噪夜攻母寢門應智冒白刃奔至大呼曰賊奴敢驚吾母盜爲驚潰始自知手無寸兵也又夜遭火災應智走護其母餘置不問火近其母室頓息人以爲孝感妻李氏亦孝謹母性嚴至捶之不怨遂感而愛之亦型于之化也

梁宣

圍站社民菽水奉親能得歡心及親沒祭墓必哭雍正八年年已七旬矣夏六月沂沐兩河水交至漂沒戶口廬墓無算宣走視親墓已塹爲深淵痛悼無已乃肉袒冒炎日尋骨泥澤中無所得日夜悲號曰不得骸不獨生也延至七月十五日痛祭奠無所乘間投沂水死庠生王欽等公舉其事於邑令

馮爲桐乃泐石沂水之濱銘之曰莞變滄溟痛不留
身同葬江魚孺慕方巾至情血性萬古彌新上三傳
荆志

沈楷

童年孺慕既長母老病楷偕妻吳氏宿母室中
色養備至母終哀毀幾不能生既葬伏墓側不
歸其子就墓所結草廬居
之飲食必奠外事皆不問

蘭文勳

父早喪家甚貧奉母至孝母年八十有餘嘗臥
病六載勳事湯藥未嘗廢離一夕卒愈人皆謂
其孝德所感及母卒祭葬盡禮廬墓者三年且平生
行止均屬可風前令上公旌以額曰永言孝思

陳國玉

陳洪盛父子廬墓善作善述王前令公顏其廬
曰孝德相成噫虞廷帝豫尙難克肖之嗣草野
編氓竟有敬承之子至今白馬河東二孝子手築墳
塋隆然猶在也

義烈

明

王宗宏

邑諸生崇禎壬午之難創義守城其父囑之曰事不可知當與城存亡不可臨難苟免有玷名

教宏敬諾十二月

城遂陷死之荆志

姚剡

字雪芝紹興山陰人學問淹博尤工繪事琅邪李應期司理蠡郡與為布衣交遂挾之北遊因

家于郟之馬頭天啓六年魏璫飛札令繪壽屏剡不

可州司臨門催逼勢不容已乃索酒奮飲有盆梅一

株移案上相對曰吾心與君同清能為逆璫供媚耶

乃摘花併酒吞之至夜分俱盡和衣而寢越旦促行

者至剡已瞑目逝矣其子葬之沂州金雀

山蘭山廩生王欽為作傳文長不能備載

隱逸

隋

徐則

東海郟人沉靜寡慾懷棲隱之操常曰名者實之賓也吾豈爲賓乎隱於天台山通志

[The main body of the page is almost entirely black, indicating that the text is illegible due to the quality of the scan or the original document's condition.]

藝術

醫

李淑欽

浙之蘭溪人父以醫傳國初徒鄰之馬頭鎮淑
 欽繩其業療治之法出人意料表釋縣張某者一
 旦目珠欲出頭欲倒置足欲上豎衆不克治淑欽曰
 此倒胆症也緣胆有積火橫發暴張胆倒懸而身欲
 逆因令掖之行數四旋劑以清涼即愈山西客吳某
 嚴冬患傷寒狂臥戶外赤身猶厭其熱均授涼藥其
 熱轉劇淑欽曰此極寒症也所謂水極似火者用參
 附桂者一劑而痊海州吳某之妻病久忽陰中有物
 突出蛇形尺許醫者見而却走淑欽知為陰挺婦人
 皆有但非虛憊勞極不下耳藥以黃耆五錢二服即
 收司馬蔣公子二十四月而生患痘頂陷皆為莫治
 淑欽視之謂胎毒大盛煎涸氣血用參耆等物提氣
 補血即瘳種種神術大多類此歷任鄰侯無不器重
 之前宰王公曰蘭鄰二邑良醫惟淑欽一人而已

鄴城縣志卷之十

人物下

列女

母儀

晉

文明皇后

諱元姬東海王肅女少聰慧祖朗甚愛異之曰興吾家者必此女也既笄歸於文帝生武

帝事舅姑有禮待賓御有序時鍾會以才能見任后每言于帝曰會見利忘義奸生事端寵過必亂不可大任後果反武帝受禪尊為皇太后雖居尊位躬執

紡績服御樸素言必典禮浸聞不行

劉氏

何無忌母也少有志節弟牢之為桓元所害氏每思報復及無忌與劉裕定謀氏察其舉措有

異喜而不言會無忌夜于屏風裏製檄文氏潛于屏上窺之泣而撫之曰汝能與裕同謀吾無雪矣乃說

桓元必敗義師必成之理以勉之後果如其言上二
傳通志

節烈貞考

漢

孝婦

姓氏未詳通志云竇氏少寡亡子姑欲嫁之終不肯養姑甚謹姑謂鄰人曰婦事我勤苦我哀

其無子寡也久以老累壯奈何潛自縊死姑女告婦殺母吏捕治婦誣服于公以為此婦養姑十餘年素以孝聞必不殺也太守不聽于公乃抱其具獄哭于府廷辭疾去太守竟論殺之郡中枯旱三年後太守至于公陳孝婦冤狀太守殺牛祭孝婦塚天立大雨景泰三年按察司副使彭勗立石表其墓

明

王氏

磨山社人王仲賢女適傅十五夫卒時氏年二十二誓不更適奉其姑趙氏溫清有加禮趙年

七十五而終衣衾葬殮一取諸績紵之所易家值流

離志節彌堅洪武十二年奉旨旌表

烈婦高氏

夏時妻成化十七年夫以歐傷人繫獄當死高氏陳情請以身代有司難之夫病于獄氏賂門者入視抱持病哭解纏足與夫並縊于梁獄卒覺而逐之不得復入一日聞夫病甚禱于城隍曰夫之不幸妾之不幸也奈何獨生遂縊死城隍曰夫司憫其誠惻為申詳減罪未幾夫亦病死鄉里哀其事為之立碑

節孝任氏

李泰妻泰登進士任刑部主事謫新安縣尉卒於官任氏扶柩歸葬孝事舅姑姑病久不愈氏焚香夜禱於天割股肉作湯以啖姑即愈姑以哭子盲氏屢為舌舐目遂明泰有姪早孤氏撫摩訓誨備者艱苦延師讀書有聲膠序

貞女劉氏

許嫁張壽未婚壽亡女請往弔其喪遂不復旋父母密許沂州衛張指揮女截髮毀面乃止竟以節終

貞烈女劉氏

劉新女正德時為賊所得女以磁鋒自刎其面而汚被禮賊曰如是不如殺之乃斷

其首

孔氏

李函妻教諭李金之母也金生甫四月函涉水沒氏年二十誓欲同死姑力阻之乃矢節養姑身紡績為金修學之資鄉人稱李門孟母壽八十一歲卒知縣王舟扁其門

朱氏

周崇爵妻夫亡氏年甫二十二誓以死殉兄應宿諭之曰爾毋徒死願爾撫孤而成之泉下日瞑矣氏許諾五十餘年堅貞苦操嘉靖乙亥撫按采訪節義縣令張芹以氏姓名上壽七十三

烈婦徐氏

于時化妻夫故三年氏未嘗一日去棺左右卜日欲葬氏絕不飲食給令家人取菜遂自縊隆慶年奉旨旌表有坊

吳氏

徐傑妻夫卒年二十有二孤得祉甫週歲日夜號泣絕飲食欲自盡姑屢勸之曰死可矣汝死孤曷能存乃矢志立孤姑卒夫兄迫令改嫁氏剪髮毀面盡歸故產於夫兄携孤依母以居竟克全節壽

九十二而終

烈婦陳氏

徐可大妻事舅姑甚謹夫疾篤諭令改嫁氏以死自誓夫亡乃以奩飾屬舅姑曰易我夫

娟二人

棺柩我決無存理也舉家慟傷少失防閑遂

縊死

于柩側同日殯葬時年二十一

烈婦安氏

期里葉美妻于歸甫半載美嬰暴疾而亡氏

衣服盡

焚之舅姑不能禁宗黨方聚觀氏撫膺長歎

曰夫吾從爾逝矣即以身躍入火中隣婦救之出守

者始密又次日氏謾姑出即扁門縊於房中時年十

九歲

宋氏

歸昌社廩生徐貢土妻年二十四夫卒家徒四壁又為同室所侮剪髮毀容以死自誓事姑孝

姑病禱天祈代血醫雙眸訓子嗣愛學經成名守志五

十餘年萬歷三十二年御史嚴一鵬奏聞旌表有坊

徐氏張氏

三峯社增廣生吳從周妻妾從周病故徐氏年二十三張氏年十七張氏斷漿絕粒矢志

靡生徐氏哀張氏懷孕誓相砥勵念翁八旬無依竭

力奉養越七月張氏生子光緒徐氏撫摩鞠育貧苦

堅貞張氏卒年五十六徐氏卒年八十一

彭氏

曹村社袁梅妻生員彭進德女也梅病故氏年二十二初志誓以必死因父哀勸念有遺孤可守遂自誓撫孤家無担石紡織為生歷極苦辛撫三子俱得成立年八十五歲終

李氏

廩膳生杜豸妻益都縣教諭李體乾女也夫故家貧茹藥績紡以撫雙孤內患外侮氏每飲泣當之次子之棟弱冠即登鄉薦氏之教也氏年八十四歲撫軍王惟儉旌其門

宋氏

李九官繼妻官前妻卒遺子方二歲繼娶宋氏未二載夫病故宋年方二十一夫故數月而生遺腹之子氏荼藥備嘗撫前妻之子與己子無異夫兄九章以真歷任廣文氏二子依焉守志六十七年

年八十
八歲卒

傅氏聶氏

生員趙夢裕室夫故年俱幼共守一子啟元歷久能貞教子成名崇禎八年奉旨建坊旌

表曰

貞節

烈婦周氏陳氏

廩生趙求愚室夫故皆以死殉崇禎八年奉旨建坊旌表曰節烈

烈婦蔣氏

生員劉澤埏妻性孝事公姑無缺禮崇禎十一年夫病故氏水米不下碎首觸棺越三日

縊死

靈前

烈婦蔡氏

生員劉瑄妻生員劉譽達之子媳也性秉幽貞孝義天植崇禎十三年夫偶染病氏年甫

二十每籲天哀禱願以身代及夫氣絕氏號天慟哭

即於樓窗投下頭面撲碎半晌復甦痛哭絕食旋用

白練自縊縣尹潘文燦具文申報勘語云殉夫不待

來日婦道無愧百年慷慨捐軀留生氣於白練從容

就義貞芳名

於光天

徐氏

張世傑繼妻世傑歿於崇禎十三年之難氏求屍亂兵中撫遺腹子守節存孤苦志六十一年卒

鄭氏

張起燦妻崇禎庚辰之歲起燦殉難氏孀居五十餘年艱苦備嘗不易所守

危氏

沂州危俊英女適孝廉魏之賓子文粹孝廉早亡妻孀子孤家計蕭然氏年十九于歸不及十

年而文粹卒無子女念姑垂老矢節事姑姑亡無依

歸寧母家值叔姑適孫姓亦因夫亡守志老無所歸

而回母家遂姑姪同室共釜相依以老鄉閭敬而憐之稱為苦節

烈婦謝氏田氏

妯娌也謝為廩膳生杜景煥妻田則煥弟景煌妻也崇禎十五年城破二氏相

謂曰吾輩勢不能逃豈可落亂兵之手乃各持巾帶共縊于屋梁時謝年二十五田年二十一歲也

烈婦陳氏

舉人杜之棟妻廩膳生陳五美女也崇禎壬午年冬兵破城氏曰死則死耳豈可奔突竄

匿于野田草路間求活耶時携九歲子端坐中庭兵劫以出宅氏詬罵扭持久之知弗獲脫因大罵遂遇

害時十二月十一日也

楊氏

生員張承諮妻沂州生員楊蕃女也于歸未三載遭崇禎壬午之變姑與夫俱罹難氏于亂軍

中親收其骸骨以殮鋒刃及攫攘之際氣節凜凜人莫敢犯遺腹生子鑣斷髮毀容決志撫孤不二載髮鬢

盡白歷十五年子鑣遊泮又十五年氏年五十病子為進醫藥氏正色曰我事已畢當見爾父于地下矣

死復何憾遂逝鑣以例貢授唐邑

訓導不赴氏後奉旨旌表有坊

杜氏

生員徐廷鑑妻事姑最得歡心姑湯氏有疾晝夜不解帶藥必親嘗而後進崇禎壬午兵破城夫並伯叔俱亡氏年二十有七熒熒嫠婦苦節自矢教幼子慶淑慶濟攻苦俱得髻齡入泮妾朱氏王氏時俱少年無子感氏節義共勵貞操同終身焉且撫幼姪三人幼姪女二人收養教訓謹婚擇配與已之子女無異尤人所難云有坊

田氏

鄉民徐慶治妻十九歲于歸未二載遇壬午兵變慶治闔家遇難孑然一身歸依母家氏年甫二十有一父母憐其幼寡力勸再字氏引刀破面剪髮自矢誓死為徐門鬼卒苦節以終其身

王氏

庠生李毓圻妻沂紳王副使孫女也年十六于歸二十而遭破城之變舅姑夫子俱以兵傷氏收殮後投繯自縊家人救之得不死族戚交勸曰公姑未葬弱女未成與其死孰若殯送先靈撫成幼女

乎氏勉從之遂剪髮毀容勤苦績紡苦操不二

劉氏

歸義社廩生宮璋儒之妻氏甫二旬而夫故繼以壬午城變氏刻守柏舟事姑盡禮知縣金煜

給匾旌之

梁氏

庠生張健熙妻熙遭壬午破城身死母老子幼氏獨以身任之歷遇變亂飢饉愈苦愈堅事姑盡孝教子成名曰墀曰垺入庠食廩稱節婦且稱賢母焉

烈婦何氏

生員戴時和妻年二十三歲夫故遺一女守節自矢值崇禎十五年破城氏年二十八歲携女七歲遇兵驅之不從以刀擊之氏大罵挾女投井而死兵退人聞井中啼聲撈女得屍與夫合葬

陳氏

生員姚世淳妻崇禎十五年兵破城世淳死之氏年二十六遺子方六月兵火之後家道零落朝不謀夕氏茹荼吞藥以撫其子得以成立

高氏

生員孫三餘次妻嫡生二子錫鉉錫疇俱已入泮崇禎十五年兵破城皆遭兵傷氏抱幼子錫命僅六歲墜城自殞不死負子逃難至沐河涉淵溺水復有里人撈救時家業盡空兵荒盜起人無寓居氏以弱孀幼子孤伶苦守族人又逼嫁而謀其產氏毀容破面死不再適教子讀書不墜先業因苦萬狀

愈變而愈貞

徐氏

河間府經歷戴德繼妻前妻二子時亨時和俱已入泮相繼病故德于崇禎十五年兵破城死于王事止遺氏並幼子戴奎章時年二十九歲遇兵亂櫻重傷奎章年方七歲氏泣曰載氏一門禋祀係于此子矣遂不憚痛楚曲為珍獲值世亂盜起拮据全活血淚為枯子克紹書香巒序有聲氏之教也

安氏

許莊社人把總王瑛繼妻前妻遺子顯揚方七歲氏以室女歸王未及三月城破夫亡每欲身殉多經解救鄰勸之曰死節事小撫孤事大乃耕讀教子顯揚成立為武庠生

孫氏

劉世杰妻崇禎十五年兵破城夫殉難氏三十歲負姑逃難兵退尋夫屍殯殮家貧甚以米供母以菜自食奉姑終身無怠延師教子子澤城孫鐸遊泮有聲

徐氏

生員劉世才妻明季壬午之變夫殉節氏三十一歲匍匐尋夫殮之無子養姑張氏終身如一日

李氏

劉世瑞妻壬午之變世瑞及家人俱罹難氏被傷獲甦子僅五齡失而復得氏流離撫孤青年

矢節教子及孫
年八十餘而終

徐氏何氏

徐為庠生李毓陞妻夫殞壬午之難氏年二十四遺子方幼游罹兵荒勵志自守訓子錄

入邑庠 年一十歲與孀姑同撫幼孫徐苦節五十年何歷三十年皆完節而終

杜氏李氏

杜為武生孫光宗妻壬午之變光宗守城殉難氏青年矢志撫孤子之玉及長成娶媳李

氏生孫甫八歲之玉又卒李氏亦孝養孀姑慈育遺兒以貞節嗣前徽焉

徐氏

李先茂妻崇禎十五年夫殞于兵氏年二十八歲忍死存孤備嘗艱苦康熙二十五年以疾終

李氏

翁姑年皆八旬餘子昌期甫三歲氏矢志堅貞

備嘗艱苦順治初盜起翁以城破被難氏于亂屍中尋骸以葬茹荼訓子一子三孫皆入黌序苦節四十

四年年七十終奉旨建坊旌表上五傳荆志

劉氏

高啓昌妻適夫甫二載啓昌病故生子高敬未週歲氏悲痛幾絕家人勸之紡績教子敬未冠

即補庠生食廩僅二十九歲又以疾卒氏悲苦欲死再撫其八歲孫高允伺得成立誠苦節也

李氏

王田社劉圭妻廩生李燦長女也氏十八歸劉

四年而夫故遺子長春甫二週越十六年春生子定氏志稍慰未幾而春死又未幾定亦死氏痛極

欲以身殉念殘年舅姑無依遂飲泣治生繼嗣堂姪

長喬為子夫死守子子死守孫孫死守繼敬

事舅姑生死盡禮所歷愈苦所守愈堅

王氏

胡承宣妻生員胡嘉祥子婦也娶八年而承宣

病故氏年二十五子女全無念舅姑老夫弟幼

穉甘貧守節朝夕供瞻多出紡績織紝之獲及舅姑

徐氏

李國俊妻幼而貞靜因母載氏多病不忍離年

二十七歲始議婚配三載而夫故氏投繯二次

被救不能死喪殯畢無舅姑可依遂歸依母氏孝母

如未嫁時后經大亂氏弟被兵傷弟婦亦亡遺子徐

登朝方四歲事母撫姪惟氏一身及

王氏

英思鳳妻夫故欲身殉自縊墓上為人解救者

三時長子宗堯甫五歲次宗舜三歲乃撫育雙

孤教子成立孫
傑亦弱齡入泮

范氏

冷村社人邑庠生劉良玉繼妻玉病故氏方二十九歲前妻子長啓新次進俱未成立已子啓蒙尙孩提艱苦教育不數年啟新進啓蒙相繼入庠啓蒙子宗海亦入庠食廩綿其書香焉

田氏

生員鄭佩範妻年十九于歸越一年夫遽病故生遺腹子乃持家教子苦節自甘

二徐氏

祖姑孫婦也初徐氏爲鴻臚寺序班張承祖妻生子行吉而承祖病囑曰一門宗祀三歲孤兒成敗惟汝矣言畢而逝氏斷髮毀容勉治喪殯後檢園寇至烽火百里氏母子遂入枯井中得免艱苦備至行吉長入泮食廩二孫嵩年岱年皆入泮氏泣曰

可慰死者地下矣而其後又有徐氏之事氏爲嵩年妻年十八于歸夫故自縊祖姑救之謂曰曷效我氏

曰太姑有子義宜守孫婦無子義宜殉卽扃戶繫組于夫側婢丁氏秋雲亦死之二氏皆奉

旨旌表而祖姑徐八十二歲乃卒有坊

陳氏

徐嗣敬妻陳榮女也年二十五夫故事繼姑以孝聞姑卽貢士妻宋氏也稱一門雙節二傳

荆志今按宋氏傳子嗣愛而此以嗣敬之妻稱宋爲繼姑意敬亦宋所撫之子歟

以上凡五十九人

顧氏 失其夫名夫故有欲嫁之者氏誓死不從

王氏 失其夫姓名夫故姑欲嫁之投河乃止

烈婦高氏 彭萬鎰妻夫亡自縊

又按舊志所錄節婦殊無次序通志成於雍正十一

年亦因之今查初婦之年並核守志所歷之年按以

邑志修成之年略爲區別凡康熙十二年以前守節

在四十年以外者歸之前明其餘原紀有年及現年

未甚久者歸之國朝以分界閔

國朝

劉氏

梁二印妻廩生劉世才女夫故氏年二十八無子誓以身殉自縊者再家人解救得不死氏大詬曰我無天夫無子生何所歸夫兄大印憐之指妻孕勸之曰若者舉男即以為汝子若者舉女汝成汝志未晚也越月生果男取名光孚氏遂撫以為嗣茹荼飲血堅貞不渝

田氏胡氏

田氏生員顏爾卓妻胡氏鄉民顏爾立妻也卓立兄弟同遭賊難時田方十九歲子印昌甫兩月胡十八歲無子有妾梅氏遺腹子孺僧相矢撫孤守志稱雙節焉

烈婦王氏

鄉民王孝妻孝病故氏痛哭嘔血誓必身殉遂于次日縊死于柩前

孝婦陳氏

許家莊社鄉民王時富妻也善事其姑鄭氏孝聲著聞及姑歿氏觸地絕食誓以死殉其

子錦乞勸於鄰媪不能挽日夜號泣數日竟繼姑而亡

貞烈姚氏

出口社民家女也年十八歲順治五年西山賊掠馬頭鎮擄女欲挾之去女不從大罵賊

衆共挾之女罵不已遂殺之見者皆爲嗟異

孫氏

生員李新白妻順治七年榆園大寇之變仇賊屠夫及姑並身棺未殯火煬之氏大慟罵賊不

辱賊亦義而釋之乃拾夫骨於灰燼之中並身姑葬

之無子無依柏舟自誓節操尤苦

李氏

鄉民孫申之妻氏年十七于歸十九夫故刻志守節貞潔不渝

孟氏

生員孫昌祚妻年三十歲夫病故公姑俱六十歲二子甫離襁褓誓死殉節公姑泣勸數日

乃從姑命訓子

廷經名列爨序

貞烈王氏

女許字望天社劉恒泰幼孤貧童養翁姑家人謹泰通下寡嫂柔性嚴急遂自宮以明時

氏年十四未成婚翁姑與其母皆謂泰已廢人另爲

擇配親迎者至門氏假閉門沐浴遂投繯死時順治

八年

事也

孝婦陳氏

王廷麟妻孝事舅姑翁患癱三年不愈氏割股肉燒灰和藥以進數之立愈翁以上壽終

李氏

監生劉繹斌子鉦妻適鉦二載生子八月而夫病氏哀哭焚祝祈以身代夫謂曰命可代乎代

我養親撫孤可也言畢而逝氏乃如言留養

教子宗游入泮苦節四十餘年

許氏

劉廣玉妻二十二歲孀居矢節撫二幼子關住照煥成立年八十二而卒

劉氏

侯顯庸妻年二十一歸顯庸一載生子羽廷甫三日夫即病歿氏仰事俯育曲盡其道歷四十

四年以

苦節終

烈婦劉氏

馬汝翼妻夫卒號泣曰吾夫亡矣無子可守存亦何為再拜靈前自縊死時年二十有二

馮氏

管歌齊妻生員有文祖母也于歸五年而夫卒氏泣欲身殉翁姑諭以存孤大義乃承命撫子

及孫守節四

十餘年卒

梁氏

鄭國桓妻年二十歸鄭入載夫卒遺子方一週氏念翁姑無養貌孤失怙義不可死守節五十

餘年終

李氏

高之亨妻生員永宗之母也之亨卒氏方二十歲兩孤尚幼家貧如洗紡績供學教子遊泮

苦節四

十餘年

高氏

庠生延祚女年二十適杜廷對越八載夫亡子且幼氏矢志撫孤卒致成立年七十餘久而彌光

徐氏

陳起龍妻起龍之卒也氏僅二十五歲遺孤尚幼守志撫存苦節四十餘年

陳氏

張大受妻年二十二歲大受卒氏立志不渝事舅姑育幼子辛勤四十餘年稱完貞焉

田氏

管直妻青年守志事翁姑以孝聞兩孤成立克世其家完節四十餘年

李氏

管林鍾妻年十七適管二年生一子而林鍾病故氏毀容截髮之死靡他老姑幼子賴十指以

活五十八

載而卒

烈婦張氏

劉漢臣妻夜有強暴乘夫出持刀相逼氏以死拒被殺其人懼亦自刺死

張氏

管鳴壩妻邳庠張懷瀟女也年十八配壩六載夫歿子甫一週氏事翁姑撫幼子苦守四十五年

楊氏

廩生徐允棋妻生十八年適棋越五載而棋歿氏擇孫調鼎以繼宗支撫養教誨務令成立氏

茹藥飲茶四十餘

年至六旬而卒

吳氏

孫廷燦妻結褵三載夫故無子時年二十五歲族人以氏性貞烈竊議曰氏不活矣氏于歿夫

後事姑理家政如常衆甚疑之越三月而生遺腹子

壽珍始知氏之不死有由也年六十九而終

烈婦毛氏

貢生張伯隲妻夫病篤誓以身殉及卒經理殮事越五日自縊柩前顏色如生

烈婦徐氏

吳國璽妻年二十三歲夫患疴臥床者數年朝夕侍湯藥不怠及卒號泣不欲生家人防

之越十七日入室更衣

爲纒牖上危坐而卒

貞烈顏氏

丁優運所聘室未婚運病卒氏聞訃潛泣不已密以針線紉衣乘間自縊

貞烈劉氏

劉光任女名貞姐許字姚璉未配而璉卒女聞訃悲泣即日自縊死

馮氏

李廷賓妻賓歿氏二十一歲子僅八月氏百苦備嘗教其子石京入邑庠守志四十四年年六

十五
歲卒

王氏

梁光烈妻王朝璋女也年二十適烈四載夫歿氏不欲生翁姑曰死易立孤難耳曷其為難者

遂撫育三子先後入泮
苦節四十餘年有坊

謝氏

王志傑妻傑卒氏甫二十歲熒熒寡弱矢節冰霜撫藐孤成立守志四十餘年

丁氏

管嵩妻年二十有七夫亡矢節孝事舅姑撫孤成立四十餘年始終弗渝

吳氏

生員吳周錫女適杜廷燦燦卒氏年二十有五撫子成人年六十餘歲卒

烈婦趙氏

馬頭集木工劉國玉妻國玉病故氏投繯自盡家人救甦日夜守之至五七日曰吾不死

矣守我何為乘

隙自縊于室

烈婦禱氏

張汝堪妻貢生廷彬女也十七歲適汝堪五年堪病故矢以身殉翁姑泣勸不應父母至

婉諭亦不應翁姑父母俱不忍也環相守視七晝夜水米不咽而精神愈旺乘衆哭奠之際閉戶潛縊康

熙二十五年

十一月也

烈婦趙氏

劉一讓妻讓病故氏年幼無子曰不死何為
歸辭父母兄弟遍拜伯叔妯娌越五日從容

自縊康熙三十

六年七月也

烈婦宋氏

王莊臨妻年十七于歸六年夫病瘵癯氏奉
藥餌三年不倦病卒不起號泣誓殉節姑及

父母兄弟皆勸諭之氏語姑曰豈不知姑奉待無人

然留媳亦適以累姑姑知不可回痛哭曰婦如此吾

當成汝之名氏曰求安于心豈為名哉比父母兄弟

至氏語父兄曰父兄素知大義兒死固勝于生矣命

家人備兩棺衆終夜守視黎明竟

自縊死時康熙三十九年八月也

張氏

徐允恒妻庠生爾燻之母也于歸七載夫卒矢
志事耄翁撫幼子子且多病百方訓育得列鬢序

劉氏

生員劉允位女適管承綸四載夫卒遺二子氏
甫二十一歲井白紡績三十餘載苦節不渝

孝婦鄭氏

施廣澤妻適施七載夫亡在外不知所終舅
姑老而失子日悲痛家故貧無以自給氏紡

續供饘奉養備至及歿喪葬以禮幼子從政亦得成立

彭氏

張儒照妻年二十五夫卒姑老子稚家無立錐氏勤女紅供朝夕荼苦自甘至其孫端麟為邑庠士蔡登第妻為室女時母氏吳病藥必親嘗泣禱于天求以身代及適蔡二載夫亡投縵未

烈婦汪氏

死竟臥牀不起絕粒而殞

烈婦梅氏

邳州貢生梅澍女為丁昶妻生子三朝而昶卒欲以身殉因孤幼未即死二年子殤竟自縊

烈婦徐氏

李玉森繼妻生子未期而森疾甚劇氏許以身從森曰有兒在何言死及夫卒逾月子又

烈婦王氏

王宏貞女年十九歸張起生夫年逾五旬且有夙疾氏黽勉同心克執婦道親供藥餌者二載及夫卒時方夜兮未達旦而氏繫縵梁間矣

許氏

許貫玉女年十七歸廩生張垺八年而垺歿時孀姑年耄子齊謂甫襁裸氏孝養兼盡教子入庠

蔣氏

戴可祥妻年二十適可祥八載夫卒遺孤方三齡矢節撫孤三十餘年

周氏

高鳴鸞妻結褵三載生子文侯及遇而鸞卒年二十六守義撫孤子入壘序

劉氏

監生劉澤斌女年二十適高宗頊四載而夫卒厲志守貞奉姑教子三十餘年

孟氏

孟廷俊女年十九適梁璉四載生子一女一未幾夫與子並亡氏欲自縊翁姑勸曰爾夫與子

既亡爾不存爾女亦難存矣遂以伯子為嗣苦節三十餘年

王氏

朱由妻年十九配由一載由病卒氏欲死翁姑為之立繼曰爾有子可無死矣乃剪髮毀容三十

十餘年冰操不移

黃氏

解村社汪應義妻夫故年甫二十二撫嗣子紹縉成立苦節三十餘年

蔡氏

張楠妻適楠一載夫故逾六月生遺腹子璠撫孤成立歷節三十餘年

烈婦盧氏

劉簡在妻簡在病歿氏誓從夫地下夜焚香告天自縊於室康熙四十一年六月事也

貞烈陳氏

高大村陳文燦女許字徐之楷未婚楷卒女聞訃哀泣家人以為未謀夫面哀從何生女

緣是不敢泣而晝則抑鬱臥起夜則淚滿床席母知其意嚴防之復私語母曰聞徐子兄有二男欲赴徐

門守一男可乎母不許越二十夜防稍倦即乘隙自縊兩家為之合葬論者謂女非僅以一死塞責惜其

父母不能成之也時為康熙四十一年十二月

李氏

陳搗謙妻年二十一夫歿姑老病癱臥床不起者二十餘年氏守志奉姑紡績供甘旨始終如

一人謂節孝兩全

趙氏

邑庠劉集成繼妻夫亡無嗣撫姪如子教以義方斃二十餘年大節不易

烈婦吳氏

孫景龍妻龍病故氏悲泣不已越二日自縊以死時康熙四十五年三月也邑人以為異

而旋

有

烈婦張氏

張為周國璽妻璽病故氏即投縊死是年四月事

烈婦王氏

肥城訓導杜襄謨之子婦也襄謨子糞食廩餼有聲娶氏六載而病亟氏令備二棺糞殞

氏長號

曰夫獨不能候我同行也即入室縊

死時康熙五十一年七月也

烈婦程氏

解村社方武標妻夫病篤矢志從夫五日不食及殮訖遂投縊自盡康熙五十一年十二月事也

月事也

烈婦梁氏

馬頭鎮庠生梁方慶女適園站社侯維岱性貞烈未及一載而夫故逾兩月生遺腹子倫

茹苦撫孤已十有三年一日將暮時值叔維祚醉歸

見氏坐當庭門輒以手背擊氏胸前曰何物當此氏

以為辱體泣欲死叔跪而服罪意猶未釋五日不食

潛懷利及詣夫墓前解衣自割胸肉瘞之家人尋至

相與扶歸縣尹荆文康聞

之命善為調治百日始愈

凡六十九人上六十傳荆志

徐氏

程萬貞妻也年十九適程其先陽城人也僑寓於郊娶氏萬貞父歿躡葬陽城未幾萬貞死時

氏二十五歲有庶子未週矢志堅貞奉姑撫子如歿

張氏

生員劉煜含妻年十八夫死孀姑老且病氏忍死奉湯藥十年姑歿即自縊建坊旌表

顏氏

謝爾奇妻年二十而寡子甫週上有老姑氏矢志守節奉姑撫子及長子復天又撫孫成立而

終建坊旌表

徐氏

吳之珩妻事孀姑以孝稱夫故遺子鈺甫三歲守志撫孤歷節五十年建坊旌表

于氏

蘭廷玻妻年二十九而寡舅姑年老子僅三齡氏養親撫孤至九十二歲卒建坊旌表

金氏

李贊成妻夫歿子甫週勉事舅姑撫弱子苦節歷四十七年建坊旌表

梁氏

孫毓秀妻年二十一夫故舅姑早世事祖姑撫遺腹子及長又亡復撫弱孫至七十八歲卒

王氏

監生李毓塤年二十六夫故氏拮据奉事舅姑教子及二孫俱入泮卒年六十九

侯氏劉氏

侯氏庠生干震聲妻年二十一舅姑相繼歿夫亦亡遺孤沛甫一週時土寇肆掠將沛劫

去氏傾資贖回及長娶劉氏沛又死劉年二十有五有妾生子印祉遂依孀姑撫子成立苦守三十

九年人稱

一門雙節

張氏

李鐸妻年二十五而寡遺孤長溲甫四齡氏事舅姑生養死葬撫子成立卒年六十有一

張氏

李儀妻年二十二夫亡遺腹子撫之及長有室復天又撫孤孫旋殤至七十一歲卒

徐氏杜氏

徐氏監生周謨妻謨故氏年二十一撫幼子以守歷節五十八年謨弟烈亦早世妻杜氏

年二十五無子與徐共

撫一子歷節四十五年

貞烈劉氏

許字徐勤未婚勤故年十七欲赴徐以守父母不許遂不食死

岳氏

王文妻年二十二夫亡孝事孀姑撫子成立至七十六歲卒

張氏

宋德修妻年二十三夫亡無子孝事孀姑撫育嗣子復故又嗣一孫至八十四歲卒

劉氏

徐允楷妻年二十二而寡子幼姑老歲饑餓粥不繼氏紡績易粟奉姑教子姑歿暱勉喪葬至

七十三

歲卒

劉氏

張以成妻夫故氏年二十六矢志殉節念舅姑年老子幼忍死以事舅姑四十餘年及歿塋葬

畢謂其子曰吾職已盡將從

汝父於地下遂不食而死

王氏

呂之明妻年二十二夫亡遺孤二齡復痘瘍矢志事姑生死盡禮歷節四十年如一日

劉氏

徐一鵬妻年二十一而寡遺孤甫週舅姑俱老家貧甚佃田力作養親撫孤或勸其嫁怒批其

頰苦節

七十年

謝氏

梁冠萃妻夫亡年二十一孝事舅姑撫育嗣子克右成立苦節四十餘年

范珍妻年二十三歲夫故二子俱幼氏教子成立苦節三十四年而終

任倫妻年二十一夫故無子矢志

岳氏

守貞撫嗣子思孟歷節四十五年

劉氏

監生張琬妻年二十四而寡無子撫嗣子矢清操已歷五十餘年

徐氏

劉得清妻年二十四夫亡無子以姪抗為嗣及長為娶許氏未幾杭亦死遺孤未週許與媿姑

同心守節孫承烈娶徐氏承煒娶徐氏承烈舉一子兄弟相繼早卒二徐氏俱依媿祖姑苦守三世幽貞

至老不渝

徐氏

張齊詠妻年二十四而寡無子矢志苦守撫嗣子善繼成立今年七十八

齊氏

張明典妻年二十一夫故無子以姪為嗣矢志苦守歷五十年

王氏李氏

王氏郭文恭妻文恭與弟文獻俱早世恭死氏年二十六無子獻死妻李氏年二十五遺

孤廷瑾方數齡次廷瓚甫週氏以廷瓚為嗣同志苦守今氏年八十李年七十餘一門雙節

藺氏

孫一復妻孫赤貧兼患痼疾未幾死氏年二十四無出上有老姑忍死孝養二十五年姑歿勉

力喪葬撫育嗣

子歷節五十年

王氏

徐佩玉妻年二十而寡無子以姪為嗣苦節歷四十餘年

田氏

三月氏奉事舅姑撫二子成立年已七十矣

陳氏

宿遷陳養粹之女鄰邑處士謝鎰之妻也年及笄適鎰生一子不數月而鎰病歿氏飲泣營殯

奉孀姑房氏與之同居二十餘年自操井臼以營甘旨姑暮年尤多疾氏扶持維謹凡飲食醫藥無不

周至姑安之壽逾八十卒鎰之先世孤弱不絕如縷鎰歿時僅遺瘠田一廛氏奉姑之暇辛勤操作雖歛

歲而氏之穀獨登不二十年有田二十餘頃親族之賴其周郵者頗眾子璉嗣稍長即教之學俾從江南

名宿遊得成偉器迨節婦壽終時有孫四人家道成而子姓蕃人咸歎為節孝之報云

張氏

樵魁妻二十而寡子玉琳甫週舅姑在堂氏奉養二十餘年撫子成立名列膠庠歷四十五年

鄭氏

李鋌妻年二十六夫故子洪濤甫三齡氏矢志存孤母家無子又為營葬立嗣鄭李二姓皆賴

氏不絕歷

節四十年

貞烈李氏

賤工李應才女許字趙廷祥以家貧歲飢未婚養於廷祥叔父趙利修家廷祥病故氏號

泣不止利修欲歸其母家再為擇配不可遂自縊死

劉氏

張謙吉妻

劉氏

張明珍妻

顏氏

李焯妻

張氏

劉文元妻

周氏

馮國治妻以上附錄夫亡守節者

岳氏

楊吉妻年十九而寡事孀姑撫幼子及長有室復故又撫孫以壽終

貞烈劉氏

許字儒童李江未婚夫卒氏聞之悲咽不食投繯自縊翁姑憫其貞烈當即迎棺合葬邑

人王心軾等為之立碑以表其墓

王氏

胡高烈妻也年二十歲夫卒哀毀幾絕姑王氏勉慰圖存事姑盡孝治家嚴謹繼祀承挑教之

讀書鄉里稱之

高氏

胡謝氏胡張氏高氏高國璽女年二十七歲夫胡俊烈卒子貞祥方六歲氏苦節自守育子成

立貞祥娶謝氏生子林年五歲貞祥亦卒謝氏年二
十四歲孀姑寡媳相依為命水霜交勸林弱冠娶張
氏生子崇祀方二歲高氏年七十六壽終胡林年二
十二歲復病卒張亦依孀姑貞節自矢三世孤孀清
白貞潔好善樂施鄉里
哀其遭際重其節義

丁氏

儒士王恪妻年十七于歸夫家次年夫故氏哭
泣迫切乘間投繯者再三閤家防護救止為擇
繼勸之撫孤氏勉強圖存朝夕兢兢依姑為命凡服
勞奉養承顏順色曾無毫髮懈意遠邇傳頌無異詞
焉

劉氏

宋三才妻年十九于歸二載生子永固甫三月
夫病卒氏以姑老子幼義不可死家貧勤紡績
以供甘旨姑沒備物盡禮鄉黨稱善訓永
固以義方無墜先業遠近盛推其貞潔

張氏

生員梁任繼妻年十七適梁任撫元配馬氏所
生之子炳章如已出夫卒氏哭泣盡哀念梁氏
二世單傳僅延一線遺孤炳章義不可死維時炳章
甫四齡氏恩勤撫育炳章稍長為之延師課讀每以

克承父志爲訓苦節
幽貞鄉里稱其節焉

鄭氏

儒士陳玠妻年二十一適玠六月而玠卒氏以
公姑老擇繼承祧家貧紡績以奉養公姑歿後
嗣子又亡艱難困苦玉潔冰清氏時年七十一歲遐
邇無間言

趙氏

儒士劉佳妻年二十于歸四載夫以疾終氏屢
欲投繯以姑命擇繼立祀扶嗣子成立教以詩
書二十二年嗣子復終氏復扶寡婦幼孫克承先業
年六十四歲壽終備歷艱卒四十餘載

馮氏

崑甫四月氏年二十一歲呼天泣血幾不欲生
念親老子幼難以一死謝責遂強任家事慰安高堂
撫摩孤弱乃逾歲而翁又告終姑已染病一家之中

以弱女子奉一病姑携一稚子左支右屈艱辛備嘗
及崑成立而姑逝衣衾含殮之具靡不如禮今氏年

已七十矣苦心極力者將五
十年成先啓後者閱三四世

張氏

吳鈞妻也年十八歲于歸甫三載夫故張氏子
女皆無兼家道貧窮衣食難繼氏耿耿不易力

作女工以事嬸姑歷今五十餘年冰操自持其待嗣子吳源洽必教以義方遠近稱之

侯氏

庠生高克忠之室年二十四而夫亡家雖貧窶矢志彌堅金石之心冰霜之操誠足風矣

沈氏

謝大任之妻二十一歲而寡上有舅姑下無嗣續氏能置妾於其舅得舉子以承謝祧偉哉沈氏以婦道而兼子職節

孝全人亦非數數觀者

莊氏

陳旺妻寡年二十四惟一女甫週歲家甚貧翁姑媠髮待養氏乃紡績以膳其親翁姑念家貧

婦艾令其改適氏則堅志苦節孝奉舅姑五十歲如一日

劉氏

邑庠生郁國正之妻劉氏國朝順治八年西賊犯鄰城郁生同守城事氏携孩奉姑入城避寇

及城陷氏獨懷子負姑而逃盡為賊獲氏大哭烈下為屈賊殺其姑王氏骸雜尸叢氏覓姑骸藹葬而遁

國正投城折足竟成廢士氏能奉夫育子整家業於兵燹之餘全節孝於患難之際巾幗丈夫允不謬矣

蔡氏

國學生李名標之妻太原衛守好之長女二十歲而寡飲冰自勵姑染沉疴醫將不治氏號

泣籲天姑疾立痊人皆謂其孝感所致

朱氏

子樹萱甚幼家又貧氏以女紅度日晝荻訓男樹萱以二十二歲遊庠

杜氏

邑庠生謝樹萱之妻前節婦朱氏之媳年二十四而寡生二子俱幼上有白髮之寡姑下有黃口之孤子孝慈克盡艱苦備嘗子炯又天殤雖有孫紹烈生未三月氏悲不自勝但一哭之後未嘗再哭若曰吾以安吾姑也其孝思乃爾次子煥為邑諸生文質相符雖其祖母之垂訓有素亦其賢母之漸磨有成也

杜氏

謝炯之妻邑庠生樹萱之媳前節婦朱氏之孫媳少寡欲以身殉祖姑與其姑泣存以撫孤氏曲盡色養未嘗少衰其祖姑嘗語其姑曰願汝得賢媳事汝猶汝之事我足矣氏克嗣徽音節全三世孝聚一門其慘已極其行可風

王氏

儒士劉之憲妻艾寡無嗣志存夫祀以姪淑蔭為後人鄉學而蔭又少亡無後氏再以次姪淑

炳繼之炳已遊庠且生子

四以繁其嗣氏志乃遂

黃氏

鄉學劉淑蔭之妻前節婦王氏之繼媳二十二而蔭亡無子以姪太學生煜幹為嗣與姑甘苦

共嘗同

堅冰節

楊氏

太學生劉煜幹之妻前節婦王氏之孫婦黃氏之子室生子二長廣賑已入太學次廣愷尚業

儒氏以二十二歲孀居

冰清玉潔三節一庭

曹氏

儒生謝寅之妻寅歿無嗣舅姑皆垂白氏哀號幾絕其舅姑大慟曰汝死非難吾二老誰事謝

祀即湮氏感悟立房姪恒嗣以繼夫祀時恆甫週歲

氏儒之知己出謝桃之存舅姑之養皆氏力担是非

尋常節

孝可比

李氏

庠生丁允陞之繼室十八而寡已無所出原配田氏遺孤儒欽甫一歲氏鞠育備至儒長授室

既而子媳俱亡貧窘益甚而氏節苦如故晏如也

吳氏

邑庠生杜德裕之再配年二十五而德裕歿時氏雖成妊尙未生也男女不可預卜而氏以爲必可得子以繩夫祀月餘果育一子名伊家雖貧乏奉養舅姑未嘗或缺教育其子嚴而有方伊亦遊泮書香繼善皆氏功所致也

洪氏

庠生張光荀之側室候選營員曰瑄之母光荀生理甫週而逝氏艾年撫孤至於成立松筠勁節四十餘年如一日也

徐氏

國學生劉煜芹之室太學生廣成之母氏年二十三廣成甫三歲而煜芹已歿時舅姑皆七旬外氏奉親以孝教子以慈及舅姑既卒殯葬爲禮巾幘丈夫光輝竹帛

趙氏

高永貴之妻家徒四壁有子文明甫二歲而夫歿時氏年僅二十一其從伯逼使改適氏抗顏曰上有垂暮之寡姑下有泣乳之孤子皆恃我以奉育伯不能奪其志及姑歿貧無以爲殯氏傭其身以

賃殮資節孝之
無雙閭閻仰企

周氏

儒士丁塌之妻邑庠生錫永之母二十五歲而寡孤子錫永甫一歲氏性至孝善事舅姑終身

不懈延師訓
子俾於有成

孟氏樊氏

孟氏劉獻能之妻子守仁甫週而夫亡氏撫子奉姑水蘖自甘及子長聘樊氏妻之甫生

孫而子守仁又卒其媳樊氏悼夫柩旁投繯以殉氏又育孫成立一門之內節烈並見

馮氏

杜夢弼之妻二十五歲而寡子方四歲家又赤貧其姑與祖姑俱藉氏女紅以養訓子延師俾

於成立窮簷苦

節慈孝可風

王氏

庠生右箴之次女吳先甲之妻也生子期年甲即逝氏年二十二歲孝養其孀姑撫育其孤子

五十餘年

無少懈

王氏

李廷治之妻年二十一而夫歿一無所出悲夫祀之欲湮立嗣以繼思翁姑之垂邁孝養無虧

茹荼飲藥之貞歷

三十餘年而卒

宋氏

廩生徐晟之妾二十四歲而晟歿子友四僅四歲氏撫育成立亦遊邑庠聘媳梁氏生孫曰沂而友四亦卒氏與姑宋氏

共操冰蘖允稱雙節矣

王氏

庠生右箴之長女楊葵之妻也生子甫八月葵亡氏年二十二歲翁姑在堂孝養至盡孤子在抱訓育有方壽

七十二歲而卒

藺氏

凌之燦之妻年二十二而寡燦上有寡母氏生事死葬無不盡禮撫腹子伯敬義方式穀孀居

苦節約三十九年始終一轍

劉氏

梁偉萃妻年二十歲孀居無子以姪名僑者為繼娶媳倪氏亦無嗣倪氏年未二十而寡立姪

賡盛為嗣是為劉氏之繼孫嗟夫姑媳孀居一門雙節咸知以宗祀為重而繼嗣節守則飲冰茹蘖之苦

在所不

計也

張氏

適孫公行二十三歲而寡室如懸磬稚子呱呱
即飢寒交迫而矢節淵堅奉姑育子于孀居困

乏之中誠非

易易者耳

張氏

儒士徐白珩妻生子世煥方三歲珩歿氏年僅
二十二姑亦孀居奉姑撫子備歷艱難其冰霜

苦節約五十餘

年如一日也

徐氏

趙嗣碩之妻年二十三夫即歿生子成德尙未
匝月氏曰若以死殉夫不若以生報夫也冰清

玉潔以持其身晝荻丸熊以訓其子而成德亦無慚

母訓贊序蜚聲固有光於閭里宜誌美於丹青

李氏

鄭汎千總劉運昌子兆麟之妻年十九歸兆麟
閱六載生一女而麟病歿氏念孀姑殘年無人

奉養勉強圖存姑嘗患病氏茹素籲天祈以身代姑

病旋愈後以上壽終氏哭泣盡禮擇從姪鈺承祀撫

育教誨俾至成立又嘗代贖族人鬻女為之遣嫁鄉

人重其節并高其義焉

李氏

王繼孔妻適孔生一子而孔病歿氏年二十七
歲孔之先贛榆人自順治間遷鄰無族黨可倚

氏念藐孤無托飲泣圖存夫遺瘠田十餘畝操作自給家計遂豐子永吉孫玉珣相繼入大學氏歷節六十餘年於乾隆七年奉旨旌表建坊大興鎮街

鄭氏

神山社鄉民沈開基之妻年二十五夫故子楷人年八十五卒楷亦克盡孝道事詳本傳

忠烈劉氏

廩生郁勉吾之室壽近八十適順治八年土寇犯郟城其子若孫俱膺守城之命家衆各驚避寇入其宅氏獨毅然端坐於堂諭賊以大義賊怒舉刃相挾氏瞑目勵聲罵賊不屈而死賢哉劉不惟爲閭里之光直可與忠臣義士並垂千古矣入忠烈

孝義李氏

明勳臣成梁嫡裔我朝贈殉難忠臣中大夫懋祖卽氏之高祖邑庠生淳之女也歲進士郁朝進之媳夫名致麟生二子存其次氏幼耽書史習禮儀父母愛之如掌珠後夫病痴姑病臟奉事湯藥未嘗少懈姑病將劇氏齋戒祝天泣以身代姑沒終身茹素夫雖病敬戒如常至於樂善好施之事指

難枚舉年六十氏泣曰年已花甲事以畢矣將從舅
姑於地下遂不食者十有八日呼父母舅姑而終郡
庠生王欽贊其事大學士
福公旌其額曰賢孝可風

孝義傳

王述德

孝義李氏世爲蘭邑望族氏生而端莊性復聰慧幼
耽書史嫻於內則事父母備盡孝道父淳庠生歲進
士郁朝進次媳夫致麟秉資穎異立志不凡詩書之
外無他好屢試不遇旋返疾識者惜焉方氏之于
歸也事姑極孝相夫稱賢晝理中饋夜勤紡織而琴
瑟靜好親族羨之夫何運蹇數奇常變頓異姑患臑
病夫染痰迷厥嗣眇眇尙在襁褓中氏竭力操持拮
据萬狀晨昏扶掖每藥必嘗而夙夜敬謹衣不解帶
其倚氏爲耳目手足者七歷年所及公姑沒羣小頻
起侵啖之謀氏則外和內剛精明而正防微杜漸禦
以不侮遵禮守法秩然有序其操心慮患雖古之賢
豪歷夷險而一致者無多讓焉他若造橋梁濟貧困
撫孤好善則指不勝屈設家塾以逮親族子弟修脯
自備而教子且嚴務求正士爲之師誠其浮華勉以

禮義余秉鐸茲邑適會纂乘劉生傳藜徐生秉倬等共上其事邑侯張公藻鑑刊列諸生言之最悉因嘉其行而爲之傳云

孫氏

劉之厚之妻年二十四而寡家貧子幼苦節堪憐

楊氏

丁慶揚之室二十四歲而寡夫亡越月始生遺孤舉日無親家徒四壁撫子成立其節苦可知矣

王氏

生員謝鉞之妻侯選州司馬王應昌之長女也二十八歲而寡繼堂侄緒嗣爲後撫養成立以承謝祀矢志冰

蘖節孝可嘉

朱氏

生員謝垣之妻邳州守備朱聚奎之女年十七歸垣甫一載而寡生遺腹子普嗣上有衰姑吳氏朱能生事死葬無不盡禮後普娶邳庠朱挺女爲室未三載而普亦夭至今姑媳依依絜絜雙節

顏氏

謝尙安之妻年十七而歸安未二年而寡氏矢志守節必俟夫弟尙樸生子以嗣夫祀但氏寡

之時樸妻猶未娶也越十餘年樸果生子氏願始遂

傅氏

劉朝進妻十九歲而寡生子甫週翁姑俱花甲外氏慤懃奉養殯葬如禮節孝相兼

王氏

趙天美之妻二十七歲而寡守志立節玉潔冰清孝奉邁姑慈育二子趙珣趙珮均入太學

孫氏

二十歲適生員徐世熬越二年而熬歿遺孤會緒尚在襁褓氏勤儉節苦訓育兼到會緒今入太學

烈女王氏

歲進士王朝柱女也適吳維翰年二十即孀居有二子訓讀紡績以助膏火俾子早年入

泮雍正八年子赴棘圍值沐河泛決村皆扎筏以避邀氏同登避水氏揚聲正色曰筏中男女雜處非孀

婦所宜同登也吾寧潔潔以死不願溷溷以生後為洪波汨歿其勁節乃爾人皆惜之

索氏

故儒馬乘鸞妻也二十四歲而寡赤貧無子父母欲奪其志云不能死殉不若改適氏日改節

吾不忍言然死易耳其如夫祀何待夫兄應掄生子以繼俟之二十年餘今應掄亦夭氏猶子然苦節

烈婦張氏

馬元世之妻年二十而于歸匝半月元世即亡氏痛哭盡哀死而復甦數次投纆臥內經

救得蘇去夫亡之旬日乘家人外出氏仍自縊以殉

太史公曰死有重于泰山氏其得之矣

李氏

年十九適楊士俊越三年而俊亡繼夫兄庠生士仁次子為嗣氏奉養公姑撫育嗣子冰清玉

潔守節

終身

汪氏

胡廷玉之妻年十九而玉亡時姑年六十餘矣貧無衣食氏能柏舟矢志竭力孝養繼文彬為

嗣撫育成人

幽貞可錄

劉氏

喬鑑之妻生子懷泰甫六月夫故氏守節撫孤備嘗艱苦冰霜勁節頹世可風

陳氏

田恪之妻年十八生子士品方週歲恪即亡氏欲身殉公姑慰之曰獨不念宗祀乎氏即悟家

業蕭條女紅勤儉以養老撫孤

為己任苦節苦孝閨閣全人

王氏

張永安之妻二十四歲而寡遺孤甫數月氏期自盡孀姑勉慰守節冰霜奉姑育子孝慈兼篤

董氏

薛禹之妻資本貞淑性復勤儉孝事舅姑夫耕婦饑年二十一歲子甫七月夫以病亡氏役纒

以殉家人救免柏舟自矢薛本貧乏子子一婦力田度日拮据萬狀氏能養生送死撫孤成立終身荼苦

節孝

可嘉

楊氏

鴻臚寺主簿楊恆學之女故儒汪世芳妻也十
八歲于歸甫五月而寡氏矢志守節孝奉公姑
生則飲泣承歡鄉黨稱羨死則盡禮
盡哀見者隕涕洵不愧儒家婦也

郁氏

徐爾元妻也雍正八年大水夫遭溺死氏年二
十五歲二子尚在襁褓搶地呼天慟訴悲情於
河伯左提右挈泣追化魄于波臣爰衰姑牽肘幼子
縈懷苦志守節而漂蕩之餘沐雨櫛風貧窮尤甚氏
能孝奉姑以天年慈育
子以成立不亦難哉

烈婦田氏

趙淑銘之妻也年十八而歸趙成婚五月銘
臥病幾及二載氏奉湯藥有舉案之風逮銘
既卒氏即欲殉為親救免將百日祭墓而旋仍自經
以殉邑庠生劉煜譜撰文以誌其墓云

鄭氏

庠生鄭國祥之女劉源浩之妻也年二十三而
寡公姑皆衰邁氏苦節奉養後立夫弟劉德潤
之子楮為嗣以一孀婦而承先啟後詢可美也五十
餘載而餐霜茹藥良足悲哉

楊氏

任懷赤妻也二十四歲而寡以公姑老邁夫祀無人繼房任任緒為嗣後緒生子甫週歲緒又

天亡氏朝夕慟哭雙瞳並失數十年間養

老撫孤艱苦備嘗冰清玉潔節孝雙全

陳氏

生員徐炳之妻自十七歲適炳孀姑在堂氏承顏順志相夫盡孝至二十一歲夫亡且家又罄如而氏能盡孝盡慈克勝于炳者越七載姑與子偕亡氏即自經以殉斯誠既貞且烈節孝無雙者也

附錄節婦姓氏

徐氏

紅花埠社監生謝尚遷妻

劉氏

圍站社徐爾煊妻

張氏

唐凡社薄有全妻

王氏

大坊社孫加義妻

徐氏

曹莊社吳士信妻

喬氏

圍站社徐爾熙妻

劉氏

宋均吉妻

吳氏

港南北社杜廣德繼妻

范氏

池東社杜思文妻

黃氏

許橋社韓文玉妻

李

氏

石河社楊其玉妻

徐氏

港南社杜成德妻

張氏

蒲曠社監生吳銓妻

趙氏

冷村

社劉盛

莊氏

石河社生員馬戎妻

徐氏

石河社馬世城妻

張氏

石河社馬世庭

妻

劉氏

大坊社梁
偉萃妻

倪氏

偉萃嗣
子僑妻

李氏

夏莊社高
魯秀妻

何氏

馬頭社周

杜氏

張懿妻

楊氏

張慎妻

吳氏

生員丁
燦妻

胡氏

高重

尚仁妻

社侯錫

王氏

許字李峻未娶峻沒赴夫家奉姑守節
三十餘年終謝大宗師給扁守貞全孝

周妻

侯氏

道莊社姚之美
妻夫死殉節

程氏

馬頭社
李珍妻

滕氏

高莊社張
振義妻

劉

氏

張家集社
張燠妻

孫氏

重殷社麥坡莊
氏桑自明妻

李氏

盛濟社溝北
儒童胡國幹

妻

秋閨怨

五代邑人王僧孺

斜月隱西壁暮雀上南枝風來秋扇屏月出夜燈吹深
心起百際遙淚非一垂徒勞妾辛苦終言君不知
爲姬人自傷
前人

自知心裏恨還向虛中羞迴持昔慊慊變作今悠悠還
君與妾扇歸妾奉君裘斷絃猶可續心去最難留

山齋

五代邑人徐陵

桃源驚往客鶴嶠斷來賓復有風雲處蕭條無俗人山
寒微有雪石路本無塵竹巡蒙籠巧茅齋結構新燒香
披道紀懸鏡壓山神砌水何年溜簷桐幾度春雲霞一

已絕甯辨漢將秦

與興安夜別

五代邑人何遜

居人行轉月客子暫維舟念此一筵笑分爲兩地愁露
濕寒塘草月映清淮流方抱新離悵獨守故園秋

從鎮江州與遊故別

前人

歷稔共追遊一旦辭群匹復如東流水未有西歸日夜
雨滴空階曉燈暗雕室相悲各罷酒何時更促膝

題孝婦塚

明邑人李驥

峩峩荒塚古城傍孝婦名垂日月光滄海不流千古恨

貞魂應斷九迴腸萬株塚木藏秋雨寂寞閒花暝夕陽

世上頽波憑爾挽逢人猶自說端詳

孝婦塚

明邑人劉翔

炎漢有孝婦婉婉德性美夫死養其姑孝行世莫比姑
恐累壯丁慘然自縊死姑女訴于官冤抑難自理東海
早三年厥應端在彼于公力能辨雪此平生耻椎牛祭
未終甘霖數千里

前題

明邑人任文獻

巍巍孤塚出城東孝婦千年有此封官府每因讒口誤
皇天終是血誠通寒煙歲換清明節老樹空搖花信風
華表摧碑剝落盡行人還解說于公

前題

明邑人張世則

郭外孤岑孝婦邱凄凄宿莽幾經秋芳標不逐年華換
往跡猶隨史牒留曾動高天干旱魃空令良吏識煩憂
漢家對簿眞何事豈獨韓楊趙蓋愁

前題

國朝蒲城屈復

大火燒空雲欲沸火雲烈烈蒸天地孝婦塚前起清風
飛霜之色空中墜當時誰致死含冤徒令人高駟馬門
荆棘參差石縱橫白日有光神有靈驅除旱魃求應許
北風飄拂東海雨

望海樓

明邑人劉翔

傍海結高樓乃記聖遊跡扶桑曉日紅瑯琊晚峯碧洪
濤吼晴雷孤鴻渺秋色觀此難爲言臨風重太息
登望海樓

明邑人任文獻

興來何處杖鳩藤春思飄飄傍馬陵蒼羽夾臨青障合
沫沂飛遶碧波騰鷺花競逐風煙醉蜃氣遙連海市凝
東望危樓高百尺未知魯叟幾迴登

前題

明邑人周舉

雲梯石蹬羊腸遶轉壑飛流碧玉斜望海遺踪空寂寞
數聲鷄犬野人家

前題

明京口呂高

獨上高樓望海天
煙波何處接神仙
桑山吞吐雲霞結
蜃閣虛無日月懸
白雉不傳洲島貢
浮槎欲上斗牛邊
皇秦帝俱黃土元
圃丹邱夢杳然

前題

明邑人劉應兆

三十年來此一遊
海天東望水光浮
岑邊鳥語關人意
洞外花香破我愁
細細泉聲流澗曲
翩翩雲影度山頭
羣英共約尋春草
登盡石盤興未休

前題

邑令馮可參

秋色東來曉霧晴
巍岩孤峭野嵐橫
蜃樓望去渾無跡
海市看來浪有名
遠岫入雲千里碧
長河流水數灣清

傳聞尼父曾登此撫景徒增弔古情

前題

屈復

馬陵山平如邱昔聞大聖人登臨望洪流忽見奇峯突
兀出雲間上有天生地造之石樓追攀不拒千秋下隔
斷紅塵絕車馬至今行處生青苔我亦東西南北者兩
袖攜清風千崖拂霜露左手攀扶桑右手直折珊瑚樹
已矣乎鳳凰去不回麒麟今安在江河之大且不能窺
幾人之目見滄海

馬陵

明李先芳

廻合長隄衛水秋滿林黃葉荻颼颼居人近指馬陵道

炎身集 卷一
遺蹟遙傳瓦屋頭昔日孫龐曾決勝只今草木尙含愁
不知七國皆迷地猶自停車弔古邱

馬陵山卽事

明李燁

亂山深處兩三家流水聲中老歲華
鷄犬不驚籬外客牛羊常臥壠頭霞
泉生石竇朝來雨江映蓬窗夜落花
皤髮村翁無箇事倚門閒看課蜂衙

馬陵山

水經註禹鑿馬陵以通沭河

屈復

陵臥橫殘照河流入斷山桃花波浪湧
碣石性情頑鄉遠無歸處春來負我閒
頻遊神禹跡亦是鑿龍關

郟子故壙二首

任文獻

淡淡晴雲雨後開，斜陽半落古城隈。
山啣倒景將秋去，樹拂餘輝向晚來。
何處牛羊偕牧亂，隔林鳥雀欲飛回。
分明一段桑榆景，又被前村短笛催。

其二

古城城古舊誰居，郊子千秋此故墟。
閃閃太陽啣遠樹，蕭蕭故壘帶平蕪。
尋芳酒倦和雲臥，弔古詩成摘葉書。
多少眼前難狀景，等閑揮入輞川圖。

沂水春波

任文獻

馬逐芳春草，路芊勝遊應。
說到沂川和風軟，泛桃花浪暖。
氣輕浮麗日，天俗慮盡隨流水去。
襟懷都向碧波滿。

追思點瑟當年事吟咏歸來興浩然

過八蜡廟

崇臺百尺倚晴空臺下平原一望中茅屋人家楊柳暗
酒旂村店杏花紅農夫新水犁邊雨牧豎斜陽笛外風
何處春翁賽春社紙灰狼藉廟西東

過大覺寺

明邑令唐龍

衢路斜開徑堂齋半倚城佛燈通市火人語雜鐘聲海
逼霞煙幻山虛草木清春來時一過聊縱宦遊情

次前韻

明邑令張芹

寂寂招提境荒荒古國城爐香晴走篆松鶴夜傳聲地

僻輪蹄少時來風月清却嫌羈簿領方外欲投情

遊艾山

邑明人張景華

絕頂高千丈登攀樂未休小山相對立澗水各分流
望日平空遠間情傍鳥浮物外渾無事何慚馬少遊

問官祠

明邑人張世則

周官盡在魯尼聖豈他尋蕞爾郊子國邂逅契盍簪
顯君推晏子隱德數師金非不同時遇趣向有商參
裸鄉施錦繡聳俗奏韶音嗟哉知德鮮交締遽瑗深
王綱已解紐夢日負初心吾志在東周天命卒難
謀當年發問意思古却傷今

過問官祠有感

僉憲白世卿

何意巡郊國乘驄忽漫遊黃茅當道路嘉穀失田疇水
落秦淮夜山空海岱秋觀風無少補弔古自多愁

前題

邑令馮可參

五帝由來有佐臣史傳雲鳥已彬彬想因官制多違古
細問當年考古人

謁問官祠

蒲城屈復

秋風吹皂帽獨謁問官祠座上颺驚竄階前犬自嬉金
天無舊史百代有先師鳳鳥懷微響蒼苔拭斷碑

重謁問官祠三十二韻

前人

問官存故里遺廟鎮新阡國有山河在名隨聖哲傳東
風清素壁春雨老芳荃棟宇明霞落璇題積雪懸星輶
繁似蟻驛路直如弦憑弔應多矣遊觀蓋有焉培塿羅
疊嶂瑣細抱流泉沃繞近階綠沂泗荒野漣馬陵森律
翠羽岫走蜿蜒俱拱宮墻迴遙分氣象偏孤城嚴俎豆
舊俗供几筵鳳紀洪荒外鸛班耳目邊博聞才廣大知
祖論源淵幾見附庸主能師無位賢主璋光國典華蓋
炳星纏社稷靈如在春秋運獨全會期曾八百封建或
三千富貴終蕪沒公侯盡棄捐轉蓬無定跡薦藻是何
年往者方垂翅重來未着鞭餘風猶若此遺像並依然

苔上空階靜花飛玉座聯乾坤仍魯甸日月尙金天有
樹皆梨栗無人不耳元烏鴉朝日暮洙泗響潺湲至德
闡吳伯逸民稱少連幽微成顯著聲氣賴周旋尙友逢
時晚諸人并我先飄搖深赤水棲托鸞青氈何處啼黃
鳥曾聞似杜鵑古碑埋姓字異代抑陶甄心附青雲在
庭昏返照懸

宋節婦

明東阿于慎行

黯淡元雲覆海沂雲中黃鵠舊孤飛身依穉子心先瘁
力盡慈姑室已微半菽不供陶母膳寒燈欲斷孟家機
懷清自合膺褒寵還見垂魚曳彩衣

前題

明祝阿劉士驥

徐節母節如霜狂風吹折連理樹綠肉鸞鏡無輝光鸞
鏡塵生淚眼枯願從夫子向黃墟堂上猶有白頭姑膝
前猶有黃口雛代夫爲子兼爲父節母之心眞丈夫只
今鳳毛雲際起夫子有知應色喜如絳焜煌旌宅里名
垂金管無窮已吁嗟乎丈夫棄節如敝帚自誇百鍊剛
繞指亦可醜君不見徐節母

詩未註節婦家世以文考之當爲徐嗣愛之母

宋烈婦七首

明南陽彭凌霄

東海有烈婦赴義何從容未卜泉臺會自憐不負儂

東海之烈婦捐軀何慷慨娥眉不自持
泪濕同心帶不怨儂薄命但怨殉郎遲
六日黃泉路何人倩曉炊郎是向晨燈
儂身是燈燭明滅及同時隨復悲幽艷
儂身不出門那識黃泉路化石望君來
蕭蕭風雨暮儂有崩城淚哀至憑誰灑
幸無黃鵠影見爾重泉下瘞土寧無惜
聊酌玉鏡臺荒原秋寂寂明月去復來

前題

明劉士驥

忍負重泉約貞心天地知自憐生是贅
翻覺死如飴鏡掩鸞沉後簫停鳳起時
沂川流日夜不盡此情悲

前題

明楚柳袁子讓

魯國有烈媛奕奕播其聲從夫快一死對鏡羞孤明豈
謂耽情牽夫恩良不輕豈謂薄世緣婦道良難傾衛女
無全鼻陶嬰不二盟所存既以重何惜身前生所愛不
在死何貧身後名夙心從鳧弋佳範宛鷄鳴入地依韓
樹登天守婺星卓哉女丈夫濁世獨亭亭君不見岱山
石烈媛心之貞又不見沂水波烈媛節之清沂水岱山
兩不朽烈媛應與同聲稱

詩亦未註烈婦家世考其文當是沂州生員張問政
妻夫死七日縊死詩云六日黃泉路當指是事

王烈婦詩

蒲城屈復

日長如海花香月彩有婦二十方五載三年藥爐無閒

晷無閒晷奉夫子嗟嗟花月乃如此解一日長如海夜長

如海念我泉下人誰當共憂喜憂喜由來已九年新我

裳衣為備兩棺解一日長如海風雨相倚夜長如海風雨

相待風雨待妾妾不來遂令妾意與君違磐石尚可轉

桃花幾度開解一別我姊與父回頭為姑語莫言為兒致

芳名名亦不到荒村土先塋之側日夜長此是兒隨夫

葬處解一

按事實當為芙蓉村王門宋烈婦作

過郊城

國朝田 雯

野濶春山斷荒城白晝局夕陽郊子國禿柳問官亭泥
路搖牛鐸風巢落鶴翎可憐眠土銕一老少微星

都處
士年

百有
九歲

災民歌

邑令馮可參

郊城野老沿鄉哭自言地震遭荼毒忽聽空中若響雷
霎時大地皆翻覆或如奔馬走危坡或如巨浪搖輕軸
忽然遍地湧沙泉忽然頃刻皆乾沒開縫裂坼陷深坑
斜顛傾歎難註足陰風颯颯鬼神號地慘天昏濛黑霧
逃生走死亂紛紛相呼相喚相馳逐舉頭不見見眼前人
舉頭不見見當時屋蓋藏委積一時空斷折傷殘嗟滿目

頽垣敗壁遍荒村
能有幾村存
少婦黃昏悲獨宿
老嫗白首撫孤孫
夜夜陰燐生鬼火
家家月下哭新魂
積屍臭腐無棺殮
半就編蘆入塚壙
結蓆安蓬皆野處
陰愁霖潦晴愁暑
幾許伶仃泣路傍
身無歸傍家無主
老夫四顧少親人
舉爨誰人汲沙渚
妻孥寂寂葬荒坵
泣向廚中自蒸黍
更苦霪雨不停休
滿陌秋田水漲流
今年二麥充官稅
明年割肉到心頭
嗟呼哉漫自猜天
災何事游相摧
愁眉長鎖幾時開
先時自謂災方過
誰知災後病還來
恨不當時同日死
於今病死有誰哀

由吾洞

邑令馮可參

名景多奇蹟遊人生穩情空巖巢野鴿古樹轉流鶯拂
石搜殘篆驚魚走泛萍僧來無犬吠客至有花迎籬菜
和根採山茶摘葉烹種麻嫌土薄澣衲取泉清丹竈憑
雲鎖禪燈伴月明澗深堪洗耳且莫問歸程

前題

屈復

寂歷馬陵路迢迢深澗洞洞門扃白露谷口鎖蒼苔望
嶽山情遠登樓海氣來荒涼郟子國突兀禹王臺紅葉
穿雲落黃花抱石開由吾如不死松下盡餘醅

遊清泉寺

馮可參

靈液澄澄映古菴時和野水落寒潭擎來若有金山列

烹就還同玉峽甘
乍酌已知喉可潤
頻斟何慮性能貧
陸翁若也曾經此
應羨名泉在古郊

墨泉

邑令黃六鴻

傳說幽淙黛與同一川
凝碧影青空
當年未審因何塞
弔古遺踪思不窮

傾蓋亭

屈復

神交無今古
我來傾蓋亭
下有衰草色
上有暮雲橫
一時偶相值
遂成千載名
感彼滄桑事
天地無隱情
夷蹠雖白首
終當隔平生
冷風動遠樹
寒煙落高冥
九原如可作
黃鳥向人鳴

重過傾蓋亭

前人

魯甸仍荒野
郟封尙故垆
謁來無侶客
重過舊時亭
素紵孤雲白
長松一蓋青
交情終不泯
古道感飄零

郟子廟

時余將旋里

前人

馬陵沐水故山川
歷盡芳菲四十年
郟子遺祠今又過
長途飛雪客將還
依依鳥坐蒼松上
渺渺鵷班古殿前
數載歸來階下拜
何時重謁舊金天

郟城八景

望海樓朝霞

前人

半壁雲開海宇清
石樓峯外日初生
嵐光浮動朝蓬島

霞氣飛來過赤城不辨青紅鎔曉色安知山水有真情
每登絕頂空搔首欲駕天風破浪行

石門夜雨

石上雙峯咽碧流石門宿處雨颼颼天連蜀道郎當驛
人在湘江遠客舟明月有聲光欲濕涼風吹夢意兼秋
晴嵐不鎖潺湲水一夜瀟瀟送旅愁

仙洞雲壑

洞口奔流掛紫煙土囊入澗石空懸橫溪斷壑深無地
谷轉奇峯忽有天蓮葉風生龜出曝松花雨落鶴飛還
求仙亦是英雄事負此雲山二十年

禹王臺柳鶯

禹臺柳色繞長河黃鳥啼花白雪多
宛轉無心逢麗日風流遺韻似靈和
暖煙疊翠飛如織春水傳聲解是歌
不負雙柑兼斗酒遙隨十里颭煙波

沂水春帆

沂河桃李布春暉無數舟連畫尾歸
夾岸林花啣日落滿天帆影帶香飛
水轉山煙隨欸乃村迴鳥路入芳菲
行人誰問仙源路只有漁郎坐釣磯

白溪秋月

涓涓秋水湛盈堤客夜關心桂影低
碧玉初澄山縣北

廣寒只在古亭西
雲隨光淡閒方定
星與波平靜欲迷
斷岸連天白成路
虛無如接故園溪

紅崖古梅

幾時春到古寒梅
每過清明始盡開
多以違時嫌老樹
若爲乘月訪仙才
香從上界聞人世
花自何年抱雪胎
沂水東邊村舍酒
孤根應結夢魂來

龍門桃浪

桃花冰泮海天昏
萬壑千山赴一門
但見煙嵐浮水氣
惟聞風雨撼雲根
魚龍欲化何論地
波浪能飛不在源
時可朝宗原有性
吾鄉星宿瀉崑崙

南澗中作

在馬陵山

蒲城屈復

南嶺與北嶺斬然分一岸青溪從東來蕩漾成深澗澗
深溪增波澗高山嵯峨溪盡山不盡隔嶺聽樵歌歌聲
落明霞散作澗上花採之不盈掬旋被白雲遮雲寒飛
不起半在龍潭裏涼風細細吹石上弄秋水水清見魚
游無人解垂鈎遂令空谷蘭香逐秋水流石崩摧
萬壑聲如雷驚起林中鳥飛去又飛回飛回向何處還
向青松樹我欲度松林露華滴前路

神水行

庚戌之歲二麥秋五月六月雲西遊日日東北風吹雨

禾苗生耳人重裘神水忽從天上來平地波浪如山邱
怒氣噴風雷霆鬪魚鼈跳躍戲高樓馬陵崩摧古郊國
泰山破碎沉十洲廿有六日唐橋村黃昏虛空吼萬牛
移時敝廬僅盈丈屋頽人居屋上頭雨聲哭聲水聲裏
哭聲水聲爭咽喉須臾哭聲遂寂然水聲雨聲相綢繆
心疑無極混沌生足踏太陰汗漫遊所幸三更天已明

是夜止交
三更突明

惟登高樹無扁舟雲雷煙雨勢嵯峨七日誰
作火食謀烏爭栖息嗔怒啼身與乾坤晝夜浮可惜藏
書萬餘卷溟溟飄散隨浮漚偶逢相識桑田後各言變
怪縱橫投歸來夜眠夢猶悸彷彿昏墊風颼颼唐堯至

聖有何力大禹雖神安所壽倉卒天吳亦莫測陰陽徵
應豈無由傳聞是日東海乾扶桑三島皆逆流嗚呼扶
桑三島皆逆流

鄴城民謠

有碑在城北五里舖

天地之仁乃有荒年惟聖天子軫念飢寒

一解

金粟如雲

舟車如風風雲疾飛賑我二東

一解

旱苗得雨憂化爲嬉

飢者有食寒者有衣

一解

飢寒已可徵輸奈何連蠲四載

耕田種禾

一解

裹我喉糧還我故鄉昔鬻兒女歸見爹娘

一解

有田無種官則糴之有種無牛官則給之

一解

維官之

爲兆民有慶匪官之爲天子明聖

一解

聖德浩蕩九州至

遍聖德浩蕩遇災益顯

解一

况茲郟城天子親臨天子萬

年永紀黃恩

解一

丁卯秋九月勘災

邑令王植

連年樹藝不成秋郊子遺黎鄭俠收屋上抽茅度冷竈

湖中掃糝慰飢喉禾驚哀雁霜將至

經云雁過十八日霜降

麥望

鳴鳩雨可求眠夜心頭難繪盡救荒何計是長籌

墨河工竣

前人

吾聞古費西南有筆峯挺出雲端靈氣通

俗名錐子峴

又聞

筆峯東南石城峴天開研池神呵護研池東去五煙巒

疊翠排空筆架攢再東而南郊子國水德之精色如墨

維此文明萃一方東夷劇爲聖人鄉尼山筆削麟德應
金聲玉振煥天章數百里間儒林聚子雍師古嗣后蒼
况復墨妙右軍擅舐毫汗簡增輝光一自泉湮人傑少
進賢一冠晨星曉顛望誰者濬靈源天時人事復冥杳
我來銳有探源志千載昌期興水利畚鍤如林斷堅荒
長渠乍成比洙泗果然聖脉關人文事纔經始蔚風雲
烏巷首倡金馬彥連茹拔茅樂有羣願爾多士爭先鍊
毛穎莫教墨卿還齒冷

過十里舖

前人

四月風和晨氣清吳雲飛越魯郊行今人誰解問官禮

古道猶思見孔程
魏晉六朝推往哲
唐虞幾代振時英
豐碑十丈捫苔讀
恍聽當年號笈聲

由吾仙洞

邑人王恒

由吾仙洞綠成茵
洞口桃花歲歲新
何日先登瀛海路
有誰曾泛武陵津
水環丹竈青松古
雲閱蒼苔野草春
唯憶多情華衣鶴
歸來不見避秦人

海樓雲影

前人

山峯削壁壁成樓
樓勢穿雲最上頭
人去海天波渺渺
山啣雲影日悠悠
煙明九點乾坤靜
翠挹三山曉夜浮
似爲餐霞凌絕頂
乘風疑是在瀛洲

沂曲春波

前人

涓涓流水下東蒙
淮泗同沾造化功
楊柳煙深波帶綠
桃花氣煖浪初紅
參差樓閣重雲外
南北帆檣一鏡中
兩岸晴沙芳草路
春明常待舞雩風

石門夜雨

前人

兩岸巖起碧天高
闌破雲根駕六鰲
波勢翻飛湘浦雨
浪花直接海門濤
滄桑終古河流在
疏鑿於今帝念勞
幾次登臨胸臆盪
嵐煙不斷水滔滔

李烈女

山陰何發祖

謾言節義輕如紙
自古生人皆有死
舍生取義可成仁

烈烈鬚眉誰足齒隴西貞女未亡人洗脫鉛華不勝春
惟有冰心明似鏡反觀鏡破欲如新郎拾青紫妾亦貴
妾嚮簪珥郎何愧無端隕折隔幽明郎前妾後何所諱
喧傳七尺湘江練霎時改却桃花面梁間燕子泣呢呢
渺渺黃泉心不變非謂捐軀可塞責非謂殉亡可招魄
生前未遂衾枕緣死後還憑聯一脉噫吁嘻男不祿女
死節昂藏蔑丈夫巾國產英傑未謀夫面甘同穴餐風
還嚙寒江雪君不見千年華表夜啼烏又不見陌上丹
楓處處帶雨灑紅血

烈婦劉張氏

邑人丁允達

哀怨鸞聲不可聞疾風烈烈悼離羣豈願千年垂竹簡
惟知一死報夫君血化寒燐心似鐵骨埋香草氣凌雲
夜夜馬陵山上月常留清影照孤墳

李烈女

憑將俠骨振綱常表表英風久益香泉路方諧藍玉佩
貞魂未拜鬱金堂當時野草埋幽恨此日孤墳對夕陽
惟有冰心消不得浮空浩氣滿松篁

各體賦

舞鶴賦

鮑照

散幽經以驗物偉胎化之仙鍾禽浮曠之藻質抱清迥

之明心指逢壺而翻翰望崑閬而揚音匝日域以廻鶩
窮天步而高尋踐神區其既遠積靈祀而方多精含丹
而星曜頂凝紫而煙華引圓吭之纖婉頓修趾之洪媵
疊霜毛而弄影振玉羽而臨霞朝戲於芝田夕飲乎瑤
池厭江海而遊澤掩雲羅而見羈去帝鄉之岑寂歸人
寰之喧卑歲崢嶸而愁暮心惆悵而哀離於是窮陰殺
節急景凋年涼沙振埜箕風動天嚴嚴苦霧皎皎悲泉
冰塞長河雪滿群山旣而氛昏夜歇景物澄廓星翻漢
迴曉月將落感寒鷄之早晨憐霜雁之違漠臨驚風之
蕭條對流光之照灼唳清響於丹墀舞飛容於金閣始

連軒以風踰終宛轉而龍躍躑躅徘徊振迅勝摧驚身
蓬集矯翅雲飛離綱別赴合緒相依將興中止若往而
歸颯沓矜顧遷延遲暮逸翮後塵翽翥先路指會規翔
臨岐矩步態有遺妍貌無停趣奔機逗節角睐分形長
揚緩鶩並翼連聲輕迹凌亂浮影交橫衆變繁姿參差
洊密煙交霧凝若無毛質風去雨還不可譚悉旣散魂
而盪目迷不知其所之忽星離而雲罷整神容而自持
仰天居之崇絕更惆悵以驚思當是時也燕姬色沮巴
童心耻巾拂兩停丸劍雙止雖邯鄲其敢倫豈陽阿之
能擬入衛國而乘軒出吳都而領市守馴養於千齡結

長悲於萬里

聖駕東巡詣闕里賦

謹序

王恆

臣聞帝王備君師之統握文武之樞上與天同符遠與
前聖合揆用能乂安海宇輯靖萬類故其茂烈豐功景
鑠於天壤猶必稽舊文舉典禮尊師敬祠升中名山以
省方觀民設教則三五之盛軌六經以後蓋罕聞焉我
皇上建極錫福仁育義正沛膏澤以綏和抗威稜之赫
濯光天之下日月出入之區罔不率俾惟是準夷小醜
恃遠弗共聖祖世宗屢申撻伐往歲達瓦齊播虐厥部
種人離叛皇上命將出師一舉而禽其酋定其地用以

蒼佑皇天告功清廟望秩山川徧於羣祀旣稽古者王
師奏凱受成於學之義勒碑太學永昭聖武天子穆然
東望聖人之居宮牆巋然八載於今其再將事爰以二
十一年春王正月巡幸山左薦虔至聖昭尊道之隆儀
示億兆之歸極乃覲羣牧陳詩問年禮樂大備然後六
龍南蹕躬臨河防吳越之民顛顛望風踴躍恐後湛恩
滲漉布濩乎江浙羣黎近光萬物休豫臣世居東土隸
版鄴邑昔蒙恩選入庶常三年仍叨葑菲之採俾待試
吏職高厚之德涓埃莫報今值曠典再行宸光賁於桑
梓不揣鄙陋敬拜稽首獻幸魯詣闕里賦一篇其辭曰

於皇德之純熙不合宙而天幬暢惠氣於中弼翔仁颺
於荒徹規九域而築八埏兮鑠威靈而訖聲教武節霆
砰文暉景歆纘謨烈而不忘思永言其惟孝合符節於
先聖穆迓衡乎至道協日月以巡方光上下其遠耀順
陰陽以時成利萬物而大造且夫天子漑執中而徧天
下所以法天行也天行健而不息幹帝車而運中央杓
自華以西南魁海岱以北東翺龍角而闕虎首玉繩殷
於厥中於焉開天門而出治緼地維其四張秋冬乘馬
春夏御龍屹乎泰山首乎五公暎日出而揚天光符大
備於再閏定五載以爲經執黃鍾之根本察勾萌於蒼

生遵河獄而陟降環瀛海而震疊求民瘼其躬親勞舟
車與樁橦登天目而觀太乙轅乎軒邗媯姬之轍矧夫
聖武布昭救定西羌右彎天弧殪彼封狼驅風輪兮揮
電鞭晞嵯峨曾冰之山而沸乎太陽靡一月而三捷曾
不破矢與缺旂篤保佑於皇穹揚祖烈而大光剪天下
其哀對截海外以爲疆皇帝旣已讓盛美而弗居答蕃
釐於天緯紹烈祖之用休告成功而肅祀用兩主於四
望徧岳瀆而遣使乃稽受成於戴禮咏獻馘於泮宮惟
軍行之奏愷必釋奠於辟廱虎敵龍笱鉤金噉竹我戰
必克祭則受福敷文德於萬年袞兕函而覆魚璣煥乎

天文般兮日月之沐浴星彪漢倬照曜邊濶穹碑特起
其文岫嶠狀神禹之刻劖飛螭蚴蠕其下蟠巨靈最夙
其上爨曾不數岐陽之石鼓兮執白澤而射豸蜀於是
天子淵然心儀翠然志遠曰我皇祖聖祖之平噶爾丹
也金石在學龍鸞幸堯華蓋五雲曲柄留繖示我萬世
煌哉鉅典粵予十有三年躬親壇墀以至於今闕焉未
展予其東將有事於薦盥焉爰詔有司練時日攻舊章
備法物滌牲牲簡珪璧隆享祀期不忒乘輿乃以獻歲
之春東方始巡駕蒼蚪之濩略張翠鳳之輪困豐隆警
蹕飛廉清塵旗絳天而霞舉馬欲野而雲屯沛艾兮怡

儼轆轤兮紛紜輶平龍豸析木之次躡乎昂畢天街之
梁而降婁是轸奏歡心於慈極扶大安之金根黃童白
叟都人士女近天顏於咫尺糾爛熳兮卿雲遂屆曲阜
言瞻闕里廓寢廟之穹隆抗瓌材而虹起光爛爛以飛
文燭雕榮而映玉卮朱鳥化帛蒼麟吐書岨端門而山
立翬兩楹其翼舒於是先期致齋羹膾墻企法駕鹵簿
日升星緯乃入大成之門而觀乎堂陛藉莞繅以下布
瓦煥黃而上燭金鋪玉球左右十六素琴朱瑟陰陽羽
穆尊彝三獻合樂九奏舞虞舜之韶韶薦文王之昌歆
享用太牢不虜不瘞奠以玉帛灌以鬯縮攬道德之精

剛侔神明於先覺更詣孔林肅兮瞻仰神光徘徊撫千
年之遺檜想聖賢之手栽靈蓍五十下有神螭作王者
之上瑞日雨暄潤豐其根芟爾乃登夫鳳凰而臨泗水
之濱殷地脉於雷澤呀玉龍而欲歎昔川上之發歎蝓
蝓灑泝元氣周流更萬古而日新聖心帝心先後一源
彼莊周之濠上伯牙之海濱渺河漢乎不可得而並論
况乎大庭之庫少昊之虛山瞻秦岱星分奎婁東海南
淮奄龜保鳧周禮盡在春秋權輿駟駢繼頌費誓列書
荒東陪啟乎周索至道於變於皇圖爰乃祀方明覲岳
牧察吏治區循酷詢遺風於絃歌樂百年之教育優耆

老而惠四民徧賜帛而給粟蓋自歲紀執徐越茲八年
而盛典之行再矚焉禮成天行巡於吳會吳會之民延
頸企踵望澤於江介大江之南漕輸灌漑淮海維揚黃
河如帶下三月之桃花屹金堤其夙戒皇帝握黃熊金
簡之符陋白馬玉璧之事鎖支祁於九馗鍛靈鼈于四
至運神謨與天範濶千年其不沸然後御龍舸揚鳳旌
凌浮玉之金景擷六代之華英隄南斗而渡牽牛攬吳
越之同星湖山竒窈潮汐鞣較瞰禹穴與舜江揖千聖
而降登是用循東南以周省慰誠心於兆庶戒供億之
豐繁禁行殿之修作稽巡狩於虞書蓋適符乎五數膏

澤洶漙以陽以雨所過之處民之懽欣鼓舞而呼萬歲者一似夫東土惟皇帝中正以觀天下而濮鉛祝栗太平太蒙之地莫不測晷而獻琛叩關而請吏德威所被五帝不足六而三王不足四焉唐哉皇哉豈非軒轅以來未有之盛紀乎小臣幸際昌期生長東國數鄰子之論官自龍鳥不足以紀德昔釋褐而登朝窺石渠之積策愧經濟之未優懼有歉乎吏職覩雲日之光輝擬形容於萬一抒忠敬而奏賦宣皇德於無極

補編

義士江泳傳

邑令張金城

卒巳之春三月上浣恭膺簡命蒞治郟城未旣政通人
和百廢皆興邑之諸生以前任王公諱植者所制邑誌
遺稿請余序而授之梓披拂之下則見夫巒翠流清萋
萋鬱鬱者古郟之山川草木也怪石奇葩梵宮瑤島者
古郟之勝境名區也或通博古今或徜徉泉石或致身
奉主或竭力事親者古郟之達士高人忠臣孝子也以
及夫義夫節婦名宦鄉賢三教九流百工技藝之可茲
可誦可述可傳者無不躍躍於楮墨之間予固序其首
毋容再喙矣雖然王公之稿形勝之奇人物之美一切
可志可傳之事無不周備而獨於扶危濟困尙義維風

之士似難概見予因訪諸文獻徵之問閭願得一士以
光志册以補逸遺而適逢司鐸王君更持一軸以請予
曰此義士行狀祈明公葑採焉予聞司鐸之請而卽按
義士之實斯義士者名之泳姓江氏雍進士也曾循例
考職平生博施濟衆杖義疏財邑有高册河圍溝河白
馬河橋梁道路要津通衢泳或鼎力獨成或捐資修築
鞏安磐石利濟行人凡遇水旱疾潦老穉將填溝壑壯
者欲散四方而泳則又散資給粟糜粥以救民飢製衣
以解民凍病則濟藥死則具棺澤及膏盲恩沾枯骨具
樂善好義之功不可枚舉而行之終身所費不下千萬

縉初無德色故爲縉紳推重者也前守土李公舉泳以
飲賓而終嗟呼最爾郟城有此義士民之福國之寶也
奈何王公之誌竟未之前聞乎余得泳以備其遺不禁
珥筆記其事一以樹斯民坊表之休風亦差可全王公
前稿之遺璧是爲之記云爾

沈孝子傳

蘭山縣廩生周 玫

孝子名楷字端生姓沈氏祖世昌沂郡庠生居蘭邑之
何家莊父開基娶郟邑處士鄭人文之長女生楷及檜
楷甫五齡開基病亡家貧往倚舅氏遂徙居郟之神山
集楷自童年孺慕異常人貧不能讀書稍壯卽率弟力

田採薪以養母母年老耳聾多病楮書盡色養夜皆宿
母榻前以奉涼燠臥起之節唯娶妻時與母異室夜聞
母呻吟聲必遽起往問一月後遂偕妻吳氏終身宿母
室中吳氏亦甚賢唯夫命是聽嘗一夜數起不稍怠楮
爲人忠直誠慤貌偉而膂力過人樵穫之事荷擔重數
百斤勤儉謀生中年家道稍康置宅一區地百餘畝楮
妻與姑不相得乃析居凡所以供母者楮獨任之拮据
承歡寢膳皆不離側溫席扇枕俸負撫摩委曲周到鄭
氏以楮爲耳目手足者三四年嘗患背疽醫藥無效
痛甚楮摘白楊葉以手擊熟貼之則痛止葉乾復痛楮

日夜擊楊葉換貼數日後疽竟愈鄭氏性頗嚴厲檜夫婦每被嗔責楛與妻得其歡心終身未加一惡言惡色乾隆十四年鄭氏八十九歲壽終楛哀毀骨立喪葬之費竭力營辦於弟一無需索九月內葬母於光山之陽伏墓側不歸或挽之則泣曰吾自有生以來唯昔年貿易南行五日不見母心動而歸其餘無一夕離膝下今委母荒山中吾安能獨歸次日楛三子佩琳佩珣佩珪遍求親友挽回皆不聽或曰廬墓亦古禮也三子乃就墓側結一草廬楛居之墓離家數里其地多狼佩珣恐父受驚往同父宿二夜楛力逐之回不容復往後問其

故則曰汝未來時吾閉目卽見汝祖母言笑如生及汝來則不見今汝去仍如故矣吾居此並未見狼亦不恐三子終不忍使父獨居曠山中而朝夕送飲食又甚艱月餘將家宅典於人就墓旁數十步外構屋數椽與母吳氏同往居之以奉養其父楷夜宿廬內晝則徘徊墓旁除棘礫植松柏朝夕焚香飲食泣奠外事皆不問其家產葬母時已典賣略盡廬墓年餘衣食無所出其子遂傭於人復不給時當荒春往往並日而食鄉黨有憐之者輒餽以糧米至三年後鄰里素懷其德共往山中勸楷回家楷以無宅辭鄉里乃代贖其舊宅勸之回楷

仍不聽將終身焉在共毀其屋廬迫之行楮不得已始
慟哭回家時乾隆十七年冬月也楮年已六十矣嗟呼
百行莫大於孝凡被服儒雅者亦執不知之然求其生
事死葬能如古所云者則未嘗一覩心竊怪之以爲古
今人何遽不相及迨閱歷以來返躬自省終不能當於
禮而愜於心然後知孝道難言而古禮之未易行也忽
聞沈孝子之事且愧且歎急往拜之見其人貌甚古語
質樸有味雖一室蕭然而老幼皆有雍和自得之意更
訪之里人得其生平事甚悉於是又知古今人未始無
相及者顧不得於詩書之子而得於目不識丁之人又

何故耶夫古聖王之取人也三物六行而孝居首漢代
猶舉孝廉後世亦有表里宅賜金帛之例我朝以孝治
天下明揚錫類屢昭盛典使沈孝子得以上達宸聰其
優崇不知當何如而今則半菽不飽一衣未完其三子
悉爲人傭雖沈孝子處之晏如而里中人多有謂沈姓
以行孝破家擲揄而笑之者嗚呼其何以勵人心維風
俗耶予維沈子之孝實末流之砥柱而其母之節妻之
賢子之順皆可傳故爲之傳將以告諸有風化之責者
旌孝官田碑記

邑令張金城

予自治郟以來嘗讀邑誌而獨羨竇孝娥之流芳千古

也乃不意千百年之後又有沈楷其人者亦以孝行著聞膾炙人口遙相輝映於郟墟古國之間按其平昔父早喪而奉母孝孺慕之誠七十餘年如同一日甲申暮春命其來署詢孝事答曰孝非楷所知也但不順於母知不安於心而已予曰噫有是哉聽其言而知其出乎天性大有古孝子順親解憂之風宜乎孝聲嘖嘖舉國同稱無間鄉黨昆弟也蘭陵周生爲之立傳而繡之誌郟邑丁生贈之詩歌而樹之珉但貧窶不能糊口所謂冬煖而號寒年豐而啼飢者然噫何其憊也或曰孝可格天天胡不以楷之孝而適之祿予曰不然貧富命也

孝親職也。楮之貧，楮之命，稟乎天。楮之孝，楮之職，盡乎子。安知煌煌者孝而冥冥之天不爲之嘿，相於無聲無臭之中，雖然予之爲民牧者，則又不忍望聽夫天而視綱常名教之人，日就於饑寒困苦之域，爰爲之躊躇爲之措置，必得楮之貧有可濟，予之心始得安也。且我朝以孝治天下，凡在孤老，猶蒙矜育，况楮之孝而貧不尤爲可憫乎？惜予兩袖清風，囊空祿薄，不克取之宮中而裕如，思維之下，適有芙青之閒，欵公田在也。乃集鄰之士，庶而告之曰：沈孝子，楮將以芙青之公田二百三十三畝，零給以旌孝，鄰之士庶皆曰：唯唯，惟使君之命。

是從予于是諭知徐生丈量段畝樹立界址俾孝子得藉以有資併勒諸碑珉且令其子孫世守不得分售鄰里豪強禁除兼併以垂千秋獎勵之休差可體我朝孝治之仁而俾斯民知孝乃天經地義無不以楮而是則是傲也若夫上達宸聰表旌錫命其有待於後之顯者嗟嗟楮之孝榮施夫生前賣之孝啣冤於昔日待二人者今古僉謂至孝後先炳耀鄰邦其亦乾坤之正氣相與磅礴於其間者也而言當時知遇之同不同則又有間矣是爲記

孝子行

邑庠丁允達

我朝孝治軼千古孝德薰蒸訖寰宇孝雖庸行行之難
况在顛愚兼貧窶孝子沈楮不知書家無擔石野無土
行傭將母甘勤苦至性無人堪比數時移境遷情易變
孺慕終身無兩念疾痛疴癢隱相關風雨寒暑不少間
母患背疽久不痊孤村地僻覓醫難楊葉摘敷終獲安
精誠到處可回天天爲孝子假母年八十鶴髮而童顏
終堂抱恨恨莫贖水米不入晝夜哭五日乃稍進清粥
面目黧黑形見骨嚙宅營葬謝家屬隻身隨母住山麓
三載墓側自結廬朝夕拜奠日無虛數行白楊幾株柳
涕淚沾來半已枯曠野荒山絕鄰比自爲食飲自臥起

服除兀自不忍歸誓伴孤墳至沒齒妻子共謀毀其居
號泣歸來塵市邸頻歷歲荒饑欲死天不問聞人坐視
蘭庠周生玫好義作傳懷揭謁當事十年千請總成虛
羸多匾額懸無地孝子今且過七旬誰憐衰老病中身
三子就養生計窘體無完袴婦無裙我侯北平張明府
披傳歛容驚且讀讀罷掩卷三太息前席殷勤爲生語
曾閱郡誌識沈名向惟料死不料生今有舜參寒至此
措置惟我亦惟卿邑有閒田三百畝坐落芙蓉青君知否
此田恰在孝子鄉當爲孝子計久長君同徐生促治裝
到彼按冊清丈量嘉名錫曰孝子莊除其徭役復其糧

更煩借吏賫錢帛半貫半種半贖宅多寡捐貲予不惜
還與君圖善後策須防豪強擅併吞亦慮子孫輕棄擲
君其治碑植田間予將爲記勒之石千秋義舉數語成
座間從容諭鯁生汝於孝子無寸功爲伊勉作孝子行
伏惟純孝今寡耦尤感盛德古希有兩美相得乃益彰
風世勵俗俗歸厚名言已苦形容難况無如椽燕許手
聊爲歌謠補傳後盛德純孝均不朽于嗟乎盛德純孝
均不朽

九日同張明府登馬陵山

郡伯李希賢

往來郊子國轉瞬入深秋策杖尋高處聯騎快勝遊馬

陵山色老沐岸水光浮纔進由吾洞旋登孔子樓羨君
如逸少愧我似狂叟放眼乾坤大古今不盡愁

文學徐歉菴傳

瓜涇徐陶璋

歲在乙酉之臘月予與張匠門先生公車北指道經郟
城偕訪吾宗文學名晟號歉菴之里居屛官道傍名蒼
煙村其間徑路紆回樹木縈帶極幽曠之致旣乃入其
門登其堂行相見禮畢卽設筵讌陪以親朋諸郎之成
立者令列末座歡談竟日始知歉菴之嶽崎歷落而議
論純粹有古君子風焉於時歉菴年過五十學成行立
屢躓于棘園鬱鬱無所試慨然有志于建祖碑修族譜

捐廬作祠置田供祭諸大事嗚呼歎菴可謂不忘其本者已自後踪跡疏闊二十年來罕得合并疑其大事之不果行行之而或者有不盡也及今令嗣仲略至吳知其事已次第就理而歎菴已歿嗚呼歎菴可謂果於敦本有志者事竟成矣歎菴之孝友少時遂見稱于人又能工文章嫻六藝慷慨好施樂育英俊教子以義方使之恪遵家法一生之善多矣何止于諸大事而諸大事乃晚年疲精力以成且敬祖睦族所關於世道人心匪細尤可貴也嗚呼人之溺志於富貴者止以一身之得失爲欣戚至本原之地漠然不以動于其心間有曠達之

士超脫塵俗而清談縱酒追效東晉風流其負疚于名教者不少二者均失聞歉菴之風可以激而奮矣予故樂道其梗概俾儒林之有以致他日采風使者過郟邑而遙望蒼煙之區知猶有敦本其人焉則地以人重矣惜乎匠門先生既往予不及與之賞歎歎菴之爲人也

邑教諭宋公傳

邑人謝汝梅

邑教諭宋公諱兆李字紫函號省菴濟南德州人也康熙三十八年己卯公以丙寅拔貢來司鐸於郟未數月學中之士舉欣欣然謹相告曰吾乃今知師道之立而吾輩得所以歸矣凡列於學及邑中讀書能文子弟願

瞻風采執業請教者甚衆蓋人人爭先覩之爲快也公年五十餘巖巖道貌長鬚飄然弟子員謁於門者靡不款言相接談及文藝雖娓娓終日弗倦然性情剛介然諾不苟阿諛曖昧之言或觸於耳不惜面折之且蘄其悔焉然後已嘗獨坐一小室四壁題詠始徧中懷坦蕩忘乎貧窶惟日繙閱書史鈎深提要條理秩如尤邃於經傳人以疑義質者無不爲之薈萃衆說劈析折衷咸使犁然有當於心郊之士子散處四鄉講學會文之事缺焉久矣公至則鼓舞勸興月有課時有稽手著爲學論制藝論會文說學藝發明以訓迪之又恭注御製訓

飭士子文爲標的，懃懃懇懇，歷年弗懈。當公始至之日，見學宮之荒廢也，自大成殿外無存者，而殿亦且就圯。慨然首事，自爲文詳請，學憲屢因謁見，時力言之。值邑宰弗常厥任，興起何由？至丁亥年，劉公來蒞，是邦始感公言，與紳士共議捐修之。雖鳩工構材費出自衆，而莫不謂公能始之，能終之也。公在郟十有二年，而丁母氏憂，囊橐索然，不能歸里。越明年五月，而公遂以疾卒於郟。郟之士子始悲公之居憂而反幸，公之不我去也。省問餽遺者，弗絕於門。及聞公之卒，莫不號慟悲哀。近者奔而視殮，當是時，公子不在側，又素貧乏，不克豫凶事。

然而一切棺衾需用之物邑宰荆公爲之刻期監備無有所缺又合邑紳士共爲資助俾其子奉兩世之柩北歸此固古道在人與吾等分誼所不得辭而公德澤難忘感人之深之效益昭著矣蓋至今人猶思慕不置云論曰宋公之德固有口者皆能嗟誦有心者皆能折服也獨余知公深性至孝雖寒氈如洗之窮而奉九十歲老母養志承顏無讓萊舞又嚴毅不能徇物燕朋暱友不至於側故推是以教人莫不諄諄于孝友崇德行誠懲小忿而敦大倫然後及其文藝焉嗚呼司鐸一邑豈苟而已哉

郟城縣志卷之十二

附餘志

歲有閏餘海有派分故經史之外呂覽世說新語之屬亦與正編相輔而行舊帙無年經月緯之筆今旣補之矣其爲耆舊所傳聞俗所艷稱者是曰雜記雜非正也附之於正卽所以別於正也至於人有化外之流教有道外之法可以志可以無志不志則不備且使後之人反新異而樂道且或以亂正焉則不知附而餘之勿溷而一焉可也纂附餘志

雜記

秦漢

黃公東海人少時爲術能制蛇御虎佩赤金刀以絳繒束髮立興雲霧坐成山河及衰老氣力羸憊飲酒過度不能復行其術秦未有白虎見於東海黃公乃以赤刀往厭之術旣不行遂爲虎所噬出西京雜記

王遠東海人卽方平舉孝廉歷官中散大夫後棄官入山修道旣成漢桓帝連徵不出俾郡國逼載至京閉口不語乃題四百餘字於宮門皆言方來事削去復見後還鄉居太守陳耽家四十餘年舉家無恙一日忽語耽曰吾期運當去矣耽知其化具棺衾殮之忽

失其屍衣冠不動如蟬脫然

三國

王肅爲魏光祿勳時有一魚長尺集武庫之屋有司以爲吉祥肅辨之曰魚生於水而見於屋介鱗之物失其所也邊將其殆有棄甲之變乎後果有東關之敗見沂州志

南北朝

南齊尙書令徐孝嗣初在率府齋中晝臥夢兩童子云移公牀孝嗣驚起聞壁有聲行數步壁崩壓其牀見舊志

陳徐孝克爲都官尙書其署多怪每夜昏無故有聲光
或見人從井中入或門戶自開居其中者率多死亡
孝克居之經兩載妖變頓息見舊志

隋

由吾道榮少爲道士常遊燕趙間聞晉陽有異人精於
法術乃往訪之得其傳凡符水禁呪陰陽律數與夫
天文藥材無不通解後隱於瑯琊山辟穀餌松朮求
長生之秘隋開皇初拜諫議大夫苦辭歸年八十五
卒通志

國朝

訓導王永熙初抵任以無學署寓居學宮右之孝弟祠
方採輯邑中忠孝節烈事蹟時乾隆癸亥年也六月
十三日午後忽見一婦人年可二十四五衣青衣抱
一兒攜一兒皆帶刀血痕哭立於前趣之出不聽曰
我徐氏婦也寇亂時城失守攜兒逃至此猝遇寇義
不辱而死學宮月臺下卽我母子絕命處徐有城南
胡生嘗識我憐而瘞之城南路旁且爲勒石久之劉
姓佔地毀石皆爲死難劉氏婦墓賴胡生力辦啓棺
驗之得白今知君採訪遺事故以告語畢冉冉而去
永熙遍訪數年竟無能言其家世者

廟寺

玉皇廟在城東南一里康熙十一年道人羅真延創建
真武廟一在舊城北門內醫士官蔣勸建一在馬頭集
三官廟一在縣城西門外一在縣北關西偏一在馬頭
集乾隆二十三年道人孫本瑞重修增建鍾鼓樓

泰山行宮一在縣城南一在馬頭集

二郎廟在縣南門內

東獄行祠在縣西三十里

三祐祠在縣北門外醫士官蔣勸建

二聖廟在縣西北十八里馬頭集東

火星廟在馬頭集街南門乾隆十八年道人孫本瑞重修

揭府君廟在縣南四十里嶸口社

南獄廟在縣西六十里長城鎮創建無考天順間通判王郁重修每歲三月十五大會

大覺寺在城裏東北隅僧人興懷創建僧人祖友重修康熙七年地震倒塌僧官洪端募緣重修

由吾寺在縣東南三十里由吾洞上

太平寺在西南二十里冷村社

延慶寺在縣西南十二里高册社

慈氏寺在縣東北九十里泉子埠社金大定間建

大慈寺在縣南四十里嶺口社金大定間建

清涼寺在縣西三十里高大社

清泉寺在縣東北三十里馬陵山

洪福寺在縣北二十里港口社

華嚴寺在縣西三十里高大社

朱呂寺在縣北九十里朱呂社后移建入城爲大明寺

興國寺在縣南五十里故縣社

開元寺在縣西北六十里長城社

釋迦寺在縣西北七十里道莊社

廣福寺又名觀竹寺在縣西南四十里新村

重興寺在縣北七十里化家橋社

萬福寺在縣西北八十里作城社康熙七年地震塌壞
僧人永貴重修

磨山觀在縣西八十里

玉清觀在舊城北門內路西成化四年知縣李楷創建
萬歷三年醫士官蔣勸移路東

仁威觀在舊城北門內路西醫士官蔣勸因玉清觀移
路東立此以祀玄天上帝

觀音庵在縣治東南隅

圓明庵在縣治西南隅

青山庵在縣北八十里王田社

生生庵在圓明庵東大街南

明覺庵在縣南四十里嶺口社

地藏廟在縣西二十里馬頭集僧人海湧創建

三官閣在馬頭集東南尼僧尹福德創建

關帝廟在馬頭鎮離城二十里自康熙五十九年晉商

置地基共二十二畝於雍正十一年魏泰來張魁昇

張豐隆高恆盛郭和盛高恆興蔣中和梁六合郭和

義江立聚劉新盛張廣佑等公建 關帝正殿一座

暨配殿門樓春秋閣東西禪院共七十餘間

天后宮在馬頭鎮於乾隆二十八年柏興盛高恆聚翁
人和周永興栢正盛等公建共大殿配房門樓二十
餘間

郟城縣志之四

建置志

夫州縣之治猶之千指之家庀家者垣墻欲固堂奧欲除
謁舍亭館欲修倉廩陳巷防圉諸里區欲肅以給而後一
家之政胥及於理縣令真撫萬室城池吾垣牆也廨宇吾
堂奧也公署傳遞吾謁舍亭館也府藏禁獄以及諸武之
區津梁之次吾倉廩陳巷防圉事也不有創置誰啓嗣來
而葺之於未圯新之於既頽令輪輪奕奕以無廢乎官守
用埤翼治行則存乎當事之賢矣作建置志

城池

城在古郟國之南舊爲土城元沂州守禦王信所築周圍五里八十步高一丈二尺闊八尺門三南曰通淮西曰瞻魯北曰拱極明正德五年知縣黃琮拆沐河西岸安塢穴石修北門建樓其上嘉靖二十一年知縣郎湘修南門西門各建樓視北門併鑿池深九尺闊三丈萬歷五年知縣趙蛟又建小角樓四座十一年大雨南門崩塌知縣顏若愚重修並創建祠於東城上供文昌帝君像二十二年知縣文廣始甃以磚四門各建重樓規制恢廠女牆鱗次巍然壯麗康熙七年地震四樓堞堞倒塌一空十七年沐水大至河

直隴城跟城隄餘地不能盈尺遂衝塌北城六十餘丈二十九年知縣方殿元修築東北角四十五丈五十二年知縣荆文康修築西北角十五丈城牆復完而門樓女牆迄今未修

公署

縣治在城東北隅正堂五間東西二間爲庫藏堂東幕廳二間堂前左右六房科司共二十間前正南爲儀門二間門左右角門二間外爲大門門上譙樓二間正堂之後穿堂二間後堂三間儀門外收糧草房東西共十二間縣治前爲馬廐馬廄折圍共十七間以

養遞馬儀門東偏土地神祠三間祠西寅賓館三間
西偏爲縣獄大門外申明旌善亭各一座縣堂北爲
知縣宅凡三重各有東西廂此原制也創建無考明
洪武二年知縣鄧昇重建正德四年知縣唐龍修廳
解兩廊庫舍祠獄如式崇禎十五年被兵破毀一空
國朝定鼎初任猶賃居民房順治六年縣丞史標始
建大堂二庫共五間十一年知縣張崇德建後堂三
間康熙七年六月地震東庫倒塌十一年知縣黃六
鴻始於官宅舊址建草堂三間東西廂並宅門各草
房三間三十一年知縣方殿元建六房科司左右廡

舍三十間三堂三間四十年知縣楊清政重修不堂
卷棚月臺四十六年知縣劉三異於二堂後建西樓
一座西書房三間今樓已圯乾隆十三年知縣王植
於署西偏空地建正廳三間後廳三間再後廚房三
間正廳前西廂三間俱草苦乾隆二十五年知縣牛
宗文於二堂西建草房三間二十六年知縣張金城
署西空地建草房三間將西通大街建門出入之地
築牆而公署益覺嚴備矣

縣丞宅在縣堂東北久廢遂賃居民舍而舊址改爲馬
廠

典史宅在縣堂西久廢康熙四十七年經兗東道批斷以故沂州吏目傅紹輔遺宅爲公署在縣治西南布政分司在文廟西久廢爲民舍

按察分司在縣治東大門二門正堂寢室各三間前後廂各三間已圯

府館在布政司西久廢

督捕同知署在縣東北九十里大興鎮康熙二十四年南巡因沂州生員王占奏建設同知李興祖建大堂二堂三堂東西廂大門儀門及書吏廳舍外有鼓樓及東西轅門

磨山巡檢司在磨山官裁署廢據舊志其設官奉裁年月俱無考

紅花埠驛丞在紅花埠後裁併歸縣據荆志公所

縣庫舊在縣堂東西各瓦房一間後圯康熙年間堂西重修草房二間

縣獄在儀門西獄神廟一間獄室二間外有女監外監共三間

教場廳二間旗臺一座外門一座在舊城外西偏久圯址存其地四十五畝康熙五十三年奉撫院批示四面立石爲地方官霜降操演鄉勇並歲考武童較射

之所永禁兵民耕種

養濟院在縣治西北隅內草房三間

今額設孤貧二十二名日歲支收養口糧冬衣花布
共銀七十九兩二錢外浮額孤貧五名日照孤貧例
日給銀一分由知縣墊給年終請領

普濟堂在治東按察司行署故址房二十二間舍三間
收養鰥寡孤獨共四十八名口每名日給米二升鹽
菜錢每月大錢一百文

義田十八頃三十四畝零始于雍正十二年紳衿謝
鏗等捐地十二頃十畝乾隆元年知縣謝鏗捐置義

田六頃二十四畝三分散在四鄉召佃耕種

紅花埠三頃五十六畝零

楊家集一頃七十四畝零

歸義一頃三十畝

重殷一頃五十畝

樂沙三頃三十四畝

牛家莊七十畝

港南北三頃九十六畝

神山三頃二十六畝

高埠四十二畝零

炎 城 縣 志 卷 之 一
龍門二十八畝零

長城四十二畝零

唐凡十畝

以上地較多於前數因地多沙鹵報上止以前數每年取租大錢九十四千零又監當規禮詳明留爲普濟之用監店一家當舖九家每年銀二百二十八兩官莊明萬歷間知縣趙蛟顏若愚相繼立官莊二百四十餘所設有官牛募民懇荒舊志稱當二尹現任時荒地之闢者僅十二三四官牛多影射冒領之弊其後遂廢

推惠田三頃康熙三十一年知縣方殿元捐俸置座落城東南二十里大路邊有碑記

漏澤園五一在城東二里成化間知縣李楷置

一在舊城北計地十六畝萬歷初邑人醫士官蔣勸施

一在馬頭集東計地五畝耆民魏戟施

一在馬頭集西計地八畝監生劉繪施

一在小埠村計地九畝六分庠生田登施

驛遞

郟城爲極衛邑里甲驛在城內縣治東里甲馬二十疋

馬夫三十名白夫四十名又增白夫六十名

紅花埠驛在縣南四十五里驛馬七十疋馬夫三十名

抄牌二名飛遞公文馬夫二名藥材醫獸一名其工

料糧簽錢糧增減緣由俱詳田賦內

遞舖十一座總舖在縣治前舖長一名

北路通沂州舖五曰北關曰官莊曰大埠曰殷家疇

曰黃山北接蘭山朱柏舖各相距十里各舖司一名

舖兵一名大埠殷家疇黃山三舖地屬蘭山工食則

支本縣

西路通嶧縣濟寧兗州舖五曰馬頭曰層山曰磨山

曰芙蓉曰柳莊北接蘭山十莊舖各相距二十里各舖司一名舖兵一名舊有南路通宿遷舖一曰劉馬莊在縣東南四十五里今廢

里社

縣有四鄉八十五里後併爲六十里明嘉靖二十一年併爲四十五里國朝順治十五年奉行磊社併爲三

十二里

一大安東鄉 計八社

坊廓社

近城之東

古城社

併從口社近城之西

歸義社

縣東北十二里

高册社

縣西南十里

高大社

縣西南二十里

解村社

併新汪社縣西二十里

港口社

縣西二十里

曲溝社

併尚莊社縣東南二十里

一大安西鄉

計八社

冷村社

縣西南三十里

出口社

縣西南四十里

歸昌社

縣西南二十五里

柘頭社

併曹村社縣西南三十里

故縣社

縣西三十里

澇溝社

併張家莊社縣西南四十五里

蒲汪社

併李馬莊社縣西二十里

杏塾社

縣南三十里

一長樂鄉

計八社

泉子埠社

併沈家埠社縣東北八十里

北陳社

併高埠社縣東北九十里

牛家莊社

併夏莊社縣東北七十里

朱呂社

縣西北七十里

和城社

併許莊社縣東北八十里

栗行社

縣東北八十里

重溝社

縣東北一百里

化家橋社

縣東北八十里

一芙東鄉

計八社

三峯社

縣西北七十里

道莊社

縣西北七十里

沙溝社

併頭間社縣西北八十里

王田社

併作城社縣北九十里

崔塚社

縣西北一百里

蘆作社

併沙堰社縣西北七十里

池頭社

縣西北四十里

磨山社

縣西北七十里

雍正二年以三十二里催糧不便詳明改編四十四里

分爲五鄉

東鄉八社

城裏社 北關附

太平土門社

歸義榆林社

龍門社

曹張社

重殷高尙社

西啗姚馬社

紅花埠社

西鄉八社

盛濟

圍站

港南北

大坊小馬

冷村

出北東李

蒲疇高桑林

馬頭

此社又分裡保林後緒
添南園新堰廟前六保

附西鄉八社

歸昌

蒲寨林

孫堰廟橋

鮑村新寺

唐凡

楊家集

張家集

重高栗楊

長樂鄉十一社

山前

重溝沙埠

高埠

曹醋

牛家莊

朱唐

樂沙

許橋

夏莊

青山禹城

石河

芙東鄉九社

河北池東

道莊

神山

柳莊

緒橋

四哨蘆作

長城

磨山

芙青

市集

城縣市集

南關集

北關集

馬頭集

三八大
五十二小

歸昌集

重興集

重坊集

紅花埠集

澇溝集

新村集

楊家集

神山集

磨山集

長城集

小沙河集

牛家莊集

褚墩集

賴溝集

作城集

芙蓉集

重溝集

夏莊集

許莊集

上舊集

大興鎮集

下新立

曹莊集

曹村集

冷村集

林後集

店頭集

石門集

新汪集

城鄉廟會

正月初七日馬頭

火神廟

正月初九日歸昌並龍門保

玉皇廟

二月初二日冷村並楊家集

冷雨廟

三月初三日馬頭

玉皇廟

三月十五日馬頭並望海樓及長城保

奶廟

三月二十八日城北並道莊保

天齊廟

四月初八日高大寺

五月十三日城南門外並馬頭 關聖廟

五月二十八日城隍廟

九月十七日馬頭 大王廟

道路

驛路由縣境紅花埠起南接江南宿遷縣峒嵒驛四十
五里至縣城再七十里至蘭山縣李家莊驛爲赴京

大路

由縣城經沂州費縣泗水赴兗州府爲北路

由縣城經馬頭磨山芙蓉由梁邱白彥關陽赴兗州府

爲中路

由縣城經重坊長城入嶧縣境赴兗州府爲南路
又水路由馬頭沂河舟行九十里達邳州徐塘口入運
河夏秋水漲小舟可行冬春水涸則難行

橋梁

迎恩橋在縣城北門外天啓七年六月沭水泛漲衝塌
後建小石橋

通淮橋在縣南門外通宿遷大路萬歷十一年知縣顏
若愚重建

平政橋在縣西門外通嶧縣大路萬歷四年知縣趙蛟
重修

新橋在長城集西八里邑人錦衣趙淮建

白挺橋在長城西十里亦趙淮建

顏子橋有二一在長城東三里一在磨山集西

樂濟橋在縣南二十里高埠頭東湖貢生侯芳登

白馬河橋在縣西五里

傾蓋橋在縣北十里跨白馬河通沂州府大臨

沙堰大橋在城西北六十里跨池頭河

雙石橋在縣西北三十里跨武河

圍溝橋在縣西北十里商人江之泳重建

荆公橋自馬頭集至芙蓉鄉石橋四十餘座康熙

年知縣荆文康捐俸建

廣濟橋在城南二十五里重興集

廣恩橋在城北三里舊城口

晒日橋在大興鎮康熙三十五年同知傅星建

高册橋在高册村西跨白馬河商人江之泳重建

坊表

問官坊在縣治前

布德坊在縣治大門左

彌教坊在縣治大門右

育賢坊在縣治大門前

忠孝坊在縣治南

迎恩坊在北門外迎恩橋北

通淮坊在南門外通淮橋北

羣英坊在縣治西

繡衣坊爲御史李驥建

憲副坊爲御史劉翔建

應奎坊爲進士李泰建

飛騰坊爲舉人田瑄建

步蟾坊爲舉人英俊建

鳴鳳坊爲進士任文獻建

繡衣坊在拱辰門外亦爲任文獻建

奎光坊爲舉人徐恭建

世美坊在縣治西爲舉人李搆謙建

進士坊在都憲坊西爲進士周舉建

進士坊在儒學門左爲進士張景華建

都憲坊在文廟門右亦爲張景華建

貞節坊在東城內城隍廟西大街北萬歷間爲徐貢士

妻宋氏建

以上各坊俱圯按舊志存其名

節孝坊在縣南門內大街康熙十四年爲張承諮妻楊

氏建

烈節坊在學宮前康熙三十六年爲張鶴年妻徐氏建
以上二坊現存

陵墓

郟子墓在縣南十里曹村西南郟子廟之東北巍然古
塚獨峙萬歷四十一年邑廩生蔣體道泐石表之

于公墓在縣西二里

于定國墓在于公墓前大溝南

何遜墓在縣西六十里長城社

王朗墓在縣西南高大社

竇建德墓在縣東北九十里夏莊社之蒼山今按唐獲建德至長安斬之墓不應在此蓋訛傳也

孝婦塚在縣東五里有碑記

今按于公墓孝婦塚海州亦有之必有一僞

古蹟

古郟子國卽城北舊墉也後移建于國南而城蹟尙存
傾蓋亭在縣北十里孔子之郟遇程子傾蓋而語命子
路以束帛贈之後人建亭以紀其處歲久亭壞萬歷
十一年知縣顏若愚重建康熙十一年知縣黃六鴻
重爲鼎新大門一間亭一間祠三間祠後又殿三間

祀觀音大士東西草屋各三間爲僧人住持地貢生
杜景炤等又施祠廟基並湖地二頃五十畝以爲贍
廟之資立碑以記其事

今按建祠是也祠後建觀音殿殊不可解

寨子閘在縣西南十五里寨子社鄰子嘗建閘于此通
皂河之水于宿遷以運糧儲今廢

帥軍臺在古城東北高埠舊傳鄰子閱軍處俗名曬金
臺蓋字音之訛

釣魚臺又名禹王臺在縣東北十里安塢穴世傳神禹

治水時因沭水在馬陵山東不能入海故鑿馬陵山

引水穿山而西築臺于此以鎮水勢及明正德間因
賊亂修拱極門毀臺取石用之有劍魚荷葉之異識
者以爲沭水衝害城池將爲後來必然之禍嗣後百
餘年間每至夏秋沭水泛漲而西壕塹衝決城覆于
隍者數見康熙二十八年始修竹絡壩乾隆八年又
重修並建禹王廟于石壩之北

于公宅在縣西二十里高大社因于公高大其門故社
以之名

駟馬亭在縣西十八里馬頭鎮爲漢于公建今廢
握節亭在縣北七十里爲何無忌建今廢世傳李家莊

公館處是也

憶梅亭在縣西北六十里爲何遜建今廢

由吾洞在望海樓迤北山有石洞洞有石門鐫四大字
曰有吾仙跡自然長城而不可開世傳由吾托迹于
此洞中有一穴可通數里洞旁又小洞四五可容十
人數十人不等洞前石壁峭聳壁際更有一洞攀藤
附木可入堪容數十人下臨深潭澗壑澌迴流水潺
湲最爲青奇

看花臺臺下有翫花池在古城內郊子翫花於此今廢

又一在歸昌集東南湖中僅存遺址大水不沒人以

爲異

勇士亭在郟境漢書地理志郟有勇士亭古勇士萬邱欣也

問官故里在縣治北

曾子故蹟縣西北七十里磨山世傳曾子授徒於此

紅花埠縣南四十里寰宇記梁天監二年僮縣人張高等鑿渠引沭水溉田二百餘頃俗名紅花水埠得名以此僮縣今在沭陽

郟子花園在城西至今莊名猶存

望海樓在馬陵山上詳山川

今按山中之馬陵羽山孔望山古蹟之望海樓海州亦有之山體廣大兩境共見可也而以馬陵爲馬嶺則海志訛已其孔望山望海樓則在州城之東竊謂孔子之郊問官未必遂至東海也

兵防

兵防舊志無考國朝自康熙元年始撥沂鎮營官一員馬步兵丁三十名防守城池又撥營官一員馬步兵丁七十名鎮守紅花埠繼於康熙六年郟城添設馬步兵丁一百二十名紅花埠添設馬步兵丁十名

舊志

今制臺莊營分防郟城縣汛把總一員外委把總一員

另駐馬頭鎮共兵七十八名內馬兵十八名步兵六十名

又分防紅花埠汛把總一員兵六十一名內馬兵十四名步兵四十七名

雍正四年大興鎮添設沂州營分防千總一員于東昌德州等營抽撥兵五十名內馬兵十名步兵四十名墩臺

墩臺十一座每墩相距五里各有營房十間馬棚二間雍正七年知縣馮爲桐承修營房每座銀一百兩墩臺每座銀九十二兩五錢零其營房俱磚牆草蓋乾

隆十三年奉文修葺知縣王植俱易草為瓦一切樑
檁椽柱改換堅固於營房十間外添建正房三間大
門一間前大牆一道周圍環以長垣外又榜棚一座
於原估共六百六十兩外捐墊銀一千四百餘兩

十五里墩

十里墩

五里墩

以上城北

黃家樓墩

以下城南

曹村墩

龍王廟墩

上六墩鄰城汛轄

重興墩

蒼煙墩

壯口墩

興花墩

界牌墩

上五墩紅花埠汛轄

郟城縣志卷之五

食貨志

夫支縣之承流也籍其戶口而撫之規其土田而征之蓋
惟是民生之日蕃而罔俾失業是故里社以收保也隰畛
以任忙也貢稅庸役以徵輸也民因是總總於殖常生供
禦常事以無憂我司牧郟在魯故稱殷阜之都浩穰視他
治爲劇乃其初未始不輯而其後稍耗敦陵夷也則必有
故矣纂食貨志

戶口

明初無考萬歷十三年至崇禎間郟城縣原額人丁共

四萬零二丁每丁徵銀一錢二分

崇禎十三年秋冬大饑人相食餓死流離者共三千五百四十丁十四年三月泰安州土賊入境焚燬馬頭各鎮集閣縣殺傷人丁二千七百三十四名旋又大疫挨戶染病死亡七百九十餘名俱申報有案旋經兵燹十存三四

國朝順治三年編審人丁除殺死逃絕三萬零七十五丁止存行差人丁九千九百二十七丁內有舉貢生員優免本身丁二百四十二丁

康熙七年地震壓死人丁一千五百五十二丁

十一年分合歷年除舊增新編審現在行差人丁九千四百九十八丁

二十三年編審人丁共一萬一千二百二十五丁除優免二百四十二丁外當差人丁一萬九百八十三丁五十四年編審除原額優免丁外當差人丁一萬一千四百七丁每丁銀一錢二分共徵銀一千三百六十八兩八錢四分五十二年欽奉恩詔自康熙五十一年爲始以後惟按年編增永不加賦

雍正四年奉文丁銀攤入地畝徵收

乾隆十一年分盛世滋生人丁四千一百四十七丁永

不加賦

又雍正四年奉文通省應徵丁銀攤入地銀徵收案內
本縣應攤徵人丁銀一千八百五十一兩九錢八分
七釐五毫一絲五忽五微八纖一沙九塵九渺二漠
七溟內除欽奉上諭事案內冲壓地畝奉文除豁人

丁銀二十六兩八錢三釐八毫七絲六忽八微六纖
實攤征入丁銀一千八百二十五兩一錢八分三厘
六毫三絲八忽七微二纖一沙七塵九渺二漠七溟
較原有丁銀實增銀四百五十六兩三錢四分七釐
六毫三絲八忽七微二纖一沙七塵九渺二漠七溟

自康熙五十一年至乾隆二十一年滋生人丁四千三百二十二丁欽奉五十一年恩詔永不加賦

田賦

明原額不分等則一例地二萬二千四百九十四頃一十一畝九分一釐九毫每畝徵正供雜辦併九釐四毫一絲七忽一微六纖三沙一塵七渺一漠七埃共徵銀三萬五千三百五十四兩二錢七分四釐一毫七絲一忽二微六纖內順治四釐等年題豁拋荒地一萬九千三百四十二頃二十二畝三分三釐九毫

又欽奉上諭事案內奉文除豁水冲沙壓地一百九十
七頃七畝一釐五毫

自順治十二年起至康熙六十一年節年新墾地七千
一百五十八頃三十一畝三分六釐五毫四絲

又欽奉上諭事案內雍正七八九等年勸墾乾隆四五
六等年起科地七十四頃五十九畝八分

又敬陳管見事案內雍正八九十年勸墾乾隆八九
十等年起科地三百四十五頃九十八畝五分

實共成熟地併新墾地一萬五百八十三頃七十二畝
二分三厘四絲共徵銀一萬六千六百三十四兩六

錢九釐四絲一忽五微七纖

原額外荒地四百一頃二十八畝三分三釐四毫二絲
八忽每畝徵銀九釐六毫八忽四微九纖九沙三塵
共徵銀三百八十五兩五錢七分二釐九毫七絲五
忽七微六纖內

豁除拋荒地三百八十九頃二十六畝六分二釐四
毫二絲八忽免徵外實成熟荒地一十二頃一畝七
分共徵銀一十一兩五錢四分六釐五毫三絲三忽
六微一纖

原額馬場租地八頃八十五畝二分七釐每畝徵銀照

不分等則地共徵銀一十三兩九錢一分三釐九毫
三絲三忽四纖內

豁除拋荒地六頃六十一畝八分免徵外實成熟馬
場租地二頃二十三畝四分七釐共徵銀三兩五錢
一分二釐三毫一絲四忽四微五纖

以上地畝加入丁銀一千三百六十八兩八錢四分共
徵銀一萬八千一十八兩五錢七釐八毫八絲九忽
六微三纖又運軍行月閏月銀米歷係閏月之年加
於地畝內徵閏月折色銀三十九兩六分六釐五毫

又欽遵悉心等事案內奉文自康熙四十二年爲始

班匠攤入地畝項下徵收銀三十六兩四錢五分又
敬陳管見事案內奉文通省應徵丁銀自雍正四年
爲始攤入地銀內徵收本縣除豁免沖壓地畝之人
丁外尙增攤丁銀四百五十六兩三錢四分七釐六
毫三絲八忽七微二纖一沙七塵九渺二漠七溟連
前通共實徵銀一萬八千五百十兩三錢六分八釐
二絲八忽三微五纖一沙七塵九渺二漠七溟內
一地丁起運銀一萬一千七百五十二兩七分七釐一
毫六絲五微七纖九沙二塵九渺二漠七溟
乾隆四五六八九十等年新增地銀六百三十九兩二

錢四分一釐七毫九絲五忽八微六纖

乾隆八年敬陳管見等事案內奉裁民壯工食歸入起
運銀四十兩

乾隆二年敬獻荔蕘等事案內奉文補給廩生廩糧歸
入存留銀一百一十五兩七錢三分三釐四毫

乾隆三年欽奉上諭事案內奉文添給孤貧口糧不敷
歸入存留銀一十九兩九錢一分二釐

乾隆七年請酌均祭銀以光祀典事案內改編文廟香
燭等項銀不敷奉文歸入存留銀九兩七錢四分四

釐二毫二絲六忽二微八纖三沙

實起運銀一萬二千二百八十五兩九錢二分九釐三毫三絲五纖六沙二塵九渺二漠七溟

又起運折色脚價銀三十四兩六錢四毫一絲五忽六微三纖

又歷科舉人車價銀一兩五錢一分二釐二毫八絲三忽六微五纖七沙

又本色京庫地畝棉花絨七斤一十四兩二錢三分五釐七毫六絲每斤徵銀七分共徵銀五錢五分二釐七毫一絲八忽九微五纖

鋪墊銀七分八釐九毫五絲九忽八微五纖

脚價銀四釐四毫二絲一忽七微五纖

狐狸皮三張八分一釐一毫一絲七忽三微每張價銀四錢二分共徵銀一兩六錢三分八釐八毫四忽三微九纖

乾隆四五六及八九十年新增狐狸皮一分八釐二

毫一絲二忽徵銀七分八釐三毫一絲一忽六微

實共狐狸皮三張九分九釐三毫二絲九忽三微共徵

銀一兩七錢一分七釐一毫一絲五忽九微九纖

牛角弓面三副八分二釐四毫八忽三微六纖每副價

銀七錢共徵銀二兩六錢七分六釐八毫五絲八忽

五微二纖

乾隆四五六及八九十年新增牛角弓面一分八釐
二毫一絲二忽七纖徵銀一錢二分七釐四毫八絲
四忽四微九纖

實共牛角弓面四副六毫二絲四微三纖共徵銀二兩
八錢四釐三毫四絲三忽一纖

運軍行糧本府廣盈倉粟米折色銀四百六十三兩七
錢一分七釐七絲六忽一微六纖

乾隆四五六及八九十年新增銀二十一兩五錢八
分九釐五毫七絲一忽八微八纖

實本府廣盈倉粟米折色銀四百八十五兩三錢六釐
六毫四絲八忽四纖

閏月銀三十九兩六分六釐五毫

以上起運本色正費四項共銀五百二十九兩五錢三分七毫七忽五微九纖

一地丁存留官俸役食銀一千五百五十四兩四錢五釐七毫

乾隆三年奉文添給孤貧口糧不敷銀一十九兩九錢一分二釐

乾隆八年奉裁民壯工食歸入起運銀四十兩

實官俸役食銀一千五百二十九兩九錢五分七釐七毫內

本縣知縣俸銀四十五兩

門子二名工食連閏銀一十一兩二錢一分

皂隸十三名工食連閏銀七十二兩八錢六分五釐

件作三名工食連閏銀十八兩八錢一分五釐

馬快八名工食連閏銀一百二十五兩五錢七分五釐

釐

民壯三十五名工食連閏銀二百八十兩

撥協大興鎮捕盜同知民壯四十名工食連閏銀三

百二十兩

看監禁卒八名工食連閏銀八十九兩五錢八分

轎傘扇夫七名工食連銀三十九兩二錢三分五釐

庫子四名工食連閏銀二十二兩四錢二分

斗級四名工食連閏銀二十二兩四錢二分

縣丞俸銀四十兩

門子一名工食連閏銀五兩六錢五釐

皂隸四名工食連閏銀二十一兩四錢二分

馬夫一名工食連閏銀五兩六錢五釐

典史俸銀三十一兩五錢二分

門子一名工食連閏銀五兩六錢五釐

皂隸四名工食連閏銀二十一兩四錢二分

馬夫一名工食連閏銀五兩六錢五釐

儒學復設教諭一員訓導一員俸銀八十兩

齋夫三名工食連閏銀三十七兩二錢

膳夫二名工食連閏銀十三兩七錢七分七釐七毫

門斗二名工食連閏銀十四兩八錢八分

遞鋪司兵二十一名工食連閏銀一百二十兩九錢

孤貧二十二名口連閏歲支月糧併冬衣布花銀七

十九兩二錢

又驛站里甲夫馬銀三千九百六十兩五錢七分六釐
六毫六絲六忽六微七纖八沙五塵內

紅花埠驛夫馬工料銀一千九百八兩三錢五分六釐
六毫六絲六忽六微七纖八沙五塵內

走遞馬七十匹草料連閏銀一千三百二兩

馬夫三十名工食連閏銀三百七十二兩

飛遞公文馬夫二名工食連閏銀二十四兩八錢

抄馬牌子二名銀食連閏錢二十四兩八錢

藥材醫獸一名工食連閏銀十二兩

鞍屨棚廠槽鋤等項銀六十七兩七錢五分六釐六

毫六絲六忽六微七纖八沙五塵

供應中伙廩糧支銷銀一百五兩

里甲夫馬工料銀二千五十二兩二錢二分內走遞馬
六十匹草料連閏銀一千一百一十六兩

馬夫三十名工食連閏銀三百七十二兩

白夫四十名工食連閏銀四百九十六兩

鞍屨棚廠槽鋤等項銀六十八兩二錢二分

又雜支銀八十二兩七錢八分三釐二毫九絲八忽三
微五纖七沙

乾隆二年奉文補給廩生廩糧銀一百一十五兩七錢

三分三釐四毫

又乾隆七年奉文添給

文廟香燭等項不敷銀九兩七錢四分四釐二毫二絲六忽
三微八纖三沙

實共雜支銀二百八兩二錢六分九毫二絲四忽七微
四纖內

修理龍亭帳幔銀四分三毫二絲七忽五微六纖五沙

祭祀

文廟銀十六兩三錢五分二釐八毫二絲七忽二微九纖二

沙

文廟香燭銀一兩二錢五分

啓聖鄉賢名宦祠銀四兩

山川社稷壇銀四兩

孤魂邑厲壇銀四兩三錢八分

鄉飲銀一兩二錢九釐八毫二絲六忽九微二纖

廩生廩糧銀一百七十三兩六錢一毫

歲貢生袍帽傘蓋等項銀二兩四錢一分九釐六毫五

絲三忽八微五纖五沙

歲貢生正副盤費銀四錢三釐二毫七絲五忽六微四

續

歲貢生迎賀旗匾花紅等銀六錢四釐九毫一絲三忽
四微五纖九沙

附

存留項下舊志載知縣有心紅銀二十兩上司出巡駐
劄協濟銀一兩六錢二分五釐零新官到任公宴祭
神酒席銀七錢七分一釐零年終造冊審編派徵刷
卷造冊共銀三兩六分六釐零修理祭祀

文廟壇所香燭等銀共十九兩七錢一分三釐零押囚官吏
盤費銀八錢一分七釐零修理監倉銀二十兩鞭春

土牛銀四錢八釐零儒學有喂馬草料銀十二兩縣役有燈夫四名工食連閏銀二十四兩八錢皆昔有今無之項其各役工食每名歲支銀六兩二錢今則歲支五兩六錢五釐乃昔多今少之項

驛站一項舊惟縣驛里甲走遞馬二十四匹每匹歲支草料銀三十七兩二錢自明天啓末徐州驛路受黃河水決郟邑遂當其衝國初始於涿州城南分東中兩路而郟當東路之什八閩浙江南皆取道焉路衝差繁勢不能支康熙三年知縣金煜始詳請奏允縣增驛馬四十匹共爲六十四匹又新設紅花埠驛走遞馬

七十匹而夫馬工料及青夫白夫等銀僅三千三百六十餘兩支用不敷康熙十年知縣黃六鴻爲昔僻今衝等事始詳允分劈中路糧僉銀兩驛共增一千四百五十六兩九錢五分三釐以備馬匹倒斃買補之價接任知縣張三俊與沂州知州邵士復各具請詳於李家莊另設腰站而途長馬乏之困亦得稍甦再縣驛原編夫馬工料連閏銀八千八百八十兩二錢四分九釐三毫六忽八微內縣驛原編銀三千三百六十二兩五錢三分三釐二毫九絲九忽八微紅花埠驛原編銀三千五百一十七兩七錢一分六釐

七忽遞年草料每匹支銀三十七兩二錢於康熙十四年酌議捐省錢糧等事案內裁縣驛草料一半銀一千一百一十兩

又本年欽奉上諭事案內裁紅驛草料銀三百八十六兩康熙十五年敬陳減差等事案內紅驛草料又裁四銀一千一百三十九兩三錢五分八釐零康熙二十年欽奉恩詔事案內縣驛減半准復二分銀六百四十兩六錢六分六釐六毫零紅驛裁四准復二分銀七百六十二兩六錢七分九釐零雍正六年嚴核驛站之糜費等事案內紅驛又裁減銀四百二十九

兩雍正十一年請旨奏銷等事案內馬匹草料雜項
照河南南例行縣驛核減銀五百四十九兩七錢八分
紅驛核減銀三百六十二兩四錢八分三毫零其馬
夫青夫白夫等役原編馬夫白夫每名工食銀十二
兩四錢青夫每名八兩二錢二分六釐於康熙十四
年欽奉上諭事案內裁縣驛青夫二十名工食銀一
百六十五兩二錢三分三釐二毫零雍正三年遵旨
另行詳議事案內縣驛裁撥馬牌子三名工食連閏
銀三十七兩二錢紅驛同又於本案內縣驛增添白
夫六十名工食連閏銀七百四十四兩雍正五年敬

陳管見事案內紅驛裁管夫一名工食銀十八兩雍正六年嚴飭核減夫役事案內縣驛裁青夫十名工食銀八十二兩六錢六分六釐六毫零以上各案縣驛共核減銀一千九百五十九兩九錢七分九釐九毫零共增添銀一千三百八十四兩六錢六分六釐六毫零除增外實減銀五百六十六兩三錢一分三釐三毫實徵銀二千七百九十六兩二錢二分紅驛共核減銀二千三百七十二兩三分八釐三毫零共增添銀七百六十二兩六錢七分九釐零除增外實減銀一千六百九兩三錢五分九釐三毫零實徵銀一

千九百八兩三錢五分六釐六毫六絲六忽六微七
纖八沙五塵

又糧簽銀縣驛七百二十八兩四錢九分六釐五毫紅
驛同康熙五十七年請酌定驛馬倒斃分數以杜冒
銷錢糧事案內奉文自本年爲始額設驛馬十分內
例斃不許過三分餘剩銀移交戶部等因今年縣
驛買馬糧僉銀一百七十七兩六錢餘剩銀五百五
十兩八錢九分六釐五毫紅驛買糧僉銀二百五兩
餘剩銀五百二十三兩四錢九分六釐五毫仍歸地
丁起解縣驛又每年解皮贓銀九兩紅驛十兩五錢

交司庫

鹽稅

國朝俱係土商小票累增額票至二千五百四十二張
課銀五百五十一兩九分一毫四絲至乾隆八年捐
粟法行商人焦際熙承辦郟城原議照下則計額票
二千五百四十二張該輸穀二千五百四十二石該
倉五間工料銀二百三兩三錢六分

倉儲

郟邑預備倉原在北城明成化間知縣李楷移建縣治
西後廢康熙二十一年知縣方殿元復建又圯五十

二年知縣荆文康於縣署後建倉五十一間土垣草
苦歲歲需修且不敷用乾隆十三年知縣王植詳請
改建瓦倉於郟城並馬頭水次旁用護板上開天窗
下空一尺用棚板可垂永久未奉批允而止

監穀倉乾隆三年奉文令捐穀俊秀并應捐倉費銀三
分知縣李可大建二座共十間共銀二百五十七兩
四錢零

鹽義倉乾隆八年奉文以縣屬鹽店係土商小粟令外
商承辦先捐穀貯倉并建瓦倉一座五間知縣王淳
承修用銀二百三兩三錢零上一二倉皆秫笆承瓦不

久卽至朽敗十三年知縣王植重修

倉穀乾隆十三年底實貯之數

常平倉額貯穀九百五十石一斗九升一合又元年至
十三年各有積穀等事案內官捐穀七十九石共一
千三十二石一斗九升一合內除賑動一千四石一
斗九升一合外存穀二十八石以上穀數年久無考
二十八年總核常平穀額實貯一萬四千石內截漕
易穀六百石監穀一千八十石

又常平溢額穀五萬八千四百六十石二斗八升一合
內歷年各官捐穀并截留撥運等項穀俱歸入

監穀原額一萬四千一百五十石一斗四升五合又乾隆三年再開捐起共捐穀二千一百六十石共一萬六千三百一十石一斗四升五合內除賑動穀一萬二千三百九十五石七斗七升三合外平糶穀三千六十五石五斗五升存穀八百四十八石八斗二升二合又十三年分東賑例內新捐麥五百四石以上新舊監穀查二十八年俱歸入常平倉內

截漕易穀乾隆九年原額六百石存倉已入常平倉

商輸穀乾隆十一年原額二千五百四十二石內除借出民欠未完穀二千一百七十八石九斗一升外存

穀三百六十三石九升二十八年已奉文歸人常平倉

社倉穀原額二千九十八石五斗九升六合又息穀一百二十六石四斗二合共二千二百二十四石七斗九升八合內除民借未完穀一千五百七十八石三斗四升八合外存穀六百六十八石九斗一升

義倉勸捐穀四千七百二十七石八斗二升

物產

穀之屬

麥

黍

稷

粟

稻

豆

稗

芝蔴

葛秫

果之屬

柿

栗

核桃

桃

杏

李

梅

梨

棗

山查

白果

蔬之屬

白菜

葱

蒜

韭

茄

芹

莧

芥

蒿苳

茼蒿

蘿蔔

蔓菁

芫荽

瓠子

菠菜

瓜之屬

西瓜

甜瓜

冬瓜

王瓜

絲瓜

南瓜

木瓜

花之屬

芍藥

蓮花

葵花

薔薇

萱草

菊花

木槿

茨紅

紫荊

月季

鳳仙

玫瑰

碧桃

合歡

海棠

迎春

臘梅

鷄冠

木之屬

松

柏

椿

樗

槐

榆

柳

楊

桑

楝

獸之屬

犬

兔

豕

牛

馬

羊

臚

鳥之屬

鴛鴦

鶯

鵲

鷹

鵲

水鴨

雉

鳩

鵲

貨之屬

繭紬

絹

絲

棉花

藥之屬

桔梗

蒼朮

防風

柴胡

牽牛

杏仁

薏苡

兔絲

地膚子

天門冬

酸棗仁

郁李仁

車前子

蒼耳子

白蒺藜

旋覆花

槐角

急性子

金銀花

郟城縣志卷之六上

秩祀志

夫郡邑之祀載在令甲有司歲舉而行之豈非篤於事神奉
上法哉是故首祀先聖饗之崇報功德於無斁也其次社稷
神祇壇而禋城隍經祠廟而食至矣哉立隆以爲極而九州萬
國莫之損益矣要以明德惟馨身競競於朝廷之訓則右教
化重民生之念有竦然其與存者纂秩祀

志

廟壇

文廟祭用春秋二仲上丁日

雍正二年部行

正位陳設 禮神制帛一 白色 白磁爵三 牛一

羊一 豕一 登一 鉶二 簋二 簠二 籩十

豆十 酒罇一

四配位陳設 每位禮神制帛一 白色 白磁爵三

羊一 豕一 鉶一 簋二 簠二 籩八 豆八

酒罇一

十哲陳設 東五位五案 又朱子一位一案 禮

神制帛一 白色 白磁爵各一 豕一 鉶各一 簋

各一 簠各一 籩各四 豆各四 豕首一

西五位五案陳設與東五位同

東廡陳設 禮神制帛一 白色 銅爵各一 豕一

每位簋一 簋一 籩四 豆四

西廡陳設與東廡同

兩廡不定案數以三豕觀之疑每廡三案也

崇聖祠祭日同文廟

雍正二年部行

正位陳設五案 每位禮神制帛一 白色 白磁爵三

羊一 豕一 鉶一 簋二 簋二 籩八 豆八

酒樽一

配位陳設 每位一案 禮神制帛二 白色 豕首

一 每位銅爵三 簋一 簋一 籩四 豆四

豕肉一

兩廡陳設 每位銅爵三 簋一 簋一 籩四
豆四 豕肉一

名宦祠

鄉賢祠祭日俱同

文廟

文昌閣在東城上祭用春秋二仲上戊日

魁星閣在城上東南隅祭日同文昌

忠義孝弟祠在

文廟西射圃之南

節孝祠在縣治東北祀漢孝婦以下至徐貢士妻宋氏二
十二人

社稷壇在城外北偏祭用春秋二仲上戊日雍正二年部行

祭物羊一 豕一 帛一黑色 鉶一 籩四 豆四

簠二 簋二

風雲雷雨

山川壇在城外西南祭用春秋二仲上戊日雍正二年部行

風雲雷雨之神居中 帛四白色

境內山川之神居左 帛二白色

城隍之神居右 帛一白色

祭物陳設與社稷同

先農壇在城東南每年祭日禮部行廟前有籍田四畝九分

邑厲壇每年清明日七月十五日十月朔日祭無祀鬼神

於城之北郊祭時有告城隍文

雍正二年部行

祭物羊三 豕三 飯米三石 香燭酒紙隨用

城隍廟在縣治東前有門二層俱三間後正殿五間左右廊各七間後寢三間穿廊三間清明七月望日十月朔日特請主祭於厲壇康熙七年地震倒塌殆盡道官徐和寶同邑人張家慶等募緣重修乾隆十八年

知縣李湖勸捐重修改寢宮三間爲樓廟宇一新
關聖廟在縣南門外正殿三楹大門三楹春秋致祭一在大
興鎮同知韓文煜建

八蜡廟在縣城外東北偏

土地祠在縣儀門外偏左

劉猛將軍廟在北門內有蝗災則祭

馬神廟在西門內儒學西後圮今在兩驛局內祭以春秋
二仲月上巳日

各祠

禹王廟在縣東禹王臺雍正十二年知縣馮爲桐領銀一

千五百六十一兩五錢零建

郊子廟在城南十五里寨子社創建無考萬曆三十二年鄉民朱運重修康熙七年地震倒塌道人楊守性募修

問官祠在縣治北門內堂三間知縣黃琮建邑監生張守宜重修康熙七年地震圯壞知縣黃六鴻重修

去思祠在縣治西北爲席唐二公建崇禎十五年兵火焚毀

康公祠在去思祠後爲典史康友惠建崇禎十五年焚毀

郟城縣志卷之六下

學校志

今天下郡邑所在皆置學官彬彬乎雅化作人矣是故歸之宮廟表聖宗也廣之堂宇便都授也列之齋舍䟽房專肄習也士抱藝而遊論秀髦而升焉彼其道德勳猷有裒然爲天下顯武而儲養作成之所自未始不於師友乎資之猶之鄧林懋植而文木以蕃礪諸切鏤而璧琬攸成其爲世教繫豈眇小哉纂學校志

文廟

文廟在縣治西大街元末兵毀明制前爲

文廟後爲儒學學門並路居

文廟之左

文廟前爲櫺星門門內爲泮池池北爲戟門三間門左右二

祠各三間左爲名宦右爲鄉賢戟門內

先師殿五間殿前爲月臺左右二廡共二十二間

儒學大門一間門內爲馳道爲禮門禮門亦一間入門

折而西又折而北爲中甬道道左右爲兩齋左曰博

文齋三間南連五間爲進德所右曰約禮齋三間南

連五間爲修業所甬道上爲明倫堂堂五間堂後爲

敬一亭三間中刻敬一箴左右刻四箴註亭前樹屏

堂前有指南二大字碑

廟學規制創自洪武二年知縣鄧昇永樂十五年知縣
邊傑成化四年知縣李楷相繼修葺宏治三年知縣
王洪拓地增修殿廡堂齋正德五年知縣唐龍正德
十六年知縣邵宗道皆修之隆慶元年知縣張應登
開闢學路體制恢廓視昔尤爲宏整國朝康熙七年
地震殿廡傾圮羣議遷學貢生杜景炤等具呈知縣
馮可參轉詳得允遂遷於城北舊城之中三十二年
知縣方殿元又申請遷還舊址四十五年知縣劉三
異重修正殿戟門視昔加崇並建兩廡明倫堂櫺星

門繚以墻垣規制略備五十二年知縣荆文康教諭
李殿魁又建

啓聖祠名宦鄉賢兩祠及齋房

啓聖祠在明倫堂東北環以繚垣前爲門後爲堂三間雍正
三年教諭杜文明於甬道兩旁各植柏樹二行今一
望蒼鬱十三年知縣謝鎰重修正殿戟門宮墻並重
建文昌閣奎星樓於城上東南隅乾隆十八年知縣
李湖勸捐重修增設御碑亭樂器庫神主龕

崇聖祠院門添月臺欄杆甬道磚砌又捐俸置神龕錦帳及
太和元氣坊規制聿新十九年教諭謝怡捐刻御書

聖經一章於明倫堂二十六年訓導杜天嘉於大成門兩旁增設欄杆二匝

配享從祀名位

雍正二年部行

四配 復聖顏子

述聖子思子東

宗聖曾子

亞聖孟子西

十哲 閔子損 冉子雍 端木子賜 仲子由

卜子商 有子若

次東

朱子熹

又次東

冉子耕

宰子予 冉子求

言子偃 顓孫子師

次西以上俱在殿內

東廡先賢 蘧瑗

澹臺滅明 原憲

南宮适

商瞿 滕雕開

司馬耕

巫馬施

顏辛

曹卹

公孫龍 秦商 顏高 壤駟赤 石作蜀

公夏首 后處 奚容蒧 顏祖 旬井疆 秦祖

縣成 公祖句茲 燕伋 樂欬 狄黑 孔忠

公西蒧 顏之僕 施之常 申棖 左邱明

秦冉 牧皮 公都子 公孫丑 張載 程頤以上

三十九人 俱先贊

先儒 公羊高 孔安國 毛萇 高堂生

鄭康成 諸葛亮 王通 司馬光 歐陽修

胡安國 尹焞 呂祖謙 蔡沈 陸九淵 陳淳

魏了翁 王栢 許衡 許謙 王守仁 薛瑄

羅欽順 陸隴其 以上二十三人俱先儒

西廡先賢 林放 宓不齊 公冶長 公皙哀

高柴 樊須 商澤 梁鱣 冉孺 伯虔 冉季

漆雕徒父 漆雕哆 公西赤 任不齊 公良孺

公肩定 鄒單 罕父黑 榮旂 左人郢 鄭國

原亢 廉潔 叔仲會 公西輿如 邾巽 陳亢

琴張 步叔乘 秦非 顏噲 顏何 縣亶

樂正克 萬章 周敦頤 程顥 邵雍 以上三十人俱先

賢

先儒 穀梁赤 伏勝 后蒼 董仲舒 杜子春

范甯 韓愈 范仲淹 胡瑗 楊時 羅從彥

李侗 張栻 黃幹 眞德秀 何基 趙復

金履祥 陳澥 陳憲章 胡居仁 蔡清 以上二人

俱先賢

崇聖祠配位

先賢 顏氏無繇 孔氏鯉 東

先賢 曾氏點 孟孫氏 西上俱在殿內

東廡先儒 周輔成 程珦 蔡元定 東

西廡先儒 張迪 朱松

學制自元魏初令郡國建孔子廟北齊初詔天下郡國

立學唐貞觀四年詔州縣學皆建孔子廟明嘉靖九年改大成殿爲先師廟仍卽廟旁起學舍以教習生徒廟有戟門自宋大觀中詔以王者制用戟二十四枝故名有櫺星門櫺取疏通之義凡壇壝俱有壇無宮用垣設櫺星門爲限闕以通神明之氣浩蕩宏濶雖別內外而實無內外也泮池者朱子泮宮圖說云諸侯之學鄉射之宮謂之泮宮其東西南北有水形如半壁以其半於辟雍故曰泮水

大興鎮文廟三間門一間在督捕廳署前同知李興祖建其說曰祀典非郡邑不得立孔子廟蓋廟制與學

宮相表裏春秋釋奠則有司臨之朔望講讀則師儒董之其典甚隆非若百神之祀各因其里俗一在田夫野叟絜豆登攜樽榼袒裼徒跣雜然閔堂而致私祝也大興立廟似非制然荒僻山野之區鮮知禮義求一向學籍弟子員者指難多屈廟之立也或亦示野人以禮教鄉人以學而且以昭秩官之有祀事也書院一舊在西縣北七十里磨山下世傳曾子遊學處元至正二年江西提舉管文通建名曰宗聖堂成化間移建縣北門內邑人張景華增修改題曰一貫書院萬歷四年醫士官蔣勸重修今廢

今按乾隆十九年前知縣李湖捐俸八十兩購宅一所於

文廟前街共草房三十八間匾曰一貫書院內撥入歷任捐置義田五頃三十六畝以爲膏火之貲余於二十八年攷取生童二十人延請邑紳戊辰科進士王恒訓課士子捐備修金膏火供給自春徂冬晦明風雨誦聲不輟庶幾文風士氣之一振歟

社學二一在縣治西一在北城總舖南成化十二年知縣田畊建各鄉亦各有社學今俱廢

義學二一在北城大街西正房三間教授童子內房三

間教讀寢居門面房六間出賃以贍師一在北門內
大街西正房三間內房三間門面房三間內草堂三
間皆萬歷初醫士官蔣勸建今俱廢

文會所在東城下正廳五間扁曰儲才華國兩廂室各
三間左曰礪峯右曰躍設前設大門一間俱草房萬
歷七年知縣趙蛟建士儒會文其中今廢趾存

射圃在儒學西長五十步濶十步內建觀德亭三間嘉
靖四十五年知縣張應登重建今廢

學田共二頃坐落城東孝婦塚左右隆慶初年知縣張
應登醫學蔣勸置

學額入學十二名文武同

學署原教諭宅一訓導宅二皆在儒學門內西向其宅俱三層內環以廂室各三間中為教諭宅北南為訓導宅嘉靖間裁訓導一員北宅廢萬歷二年復除寓於齋號後俱圮廢

祭器 乾隆六年司頒

登一 鏹二十二 瓦 簠四十四 木 簋四十四 木 籩一

百七十八 竹 豆一百七十八 木 罇十二 瓦 爵八十 銅

帛籩三十四 木 牲俎三十四 木

樂器舞器 乾隆六年司頒

麾一 旌節二 祝一 敔一 琴四 瑟二

壎二 箎二 編鐘十六 編磬十六 笙二

笛二 排簫二 應鼓一 搏拊二 羽三十六

籥三十六

乾隆七年頒行欽定文廟樂章

迎神咸平之章

尺凡六五 大哉孔子

尺上五六 先覺先知

凡六上五 與天地參

尺上五五 萬世之師

五上凡六 祥徵麟紱

凡上尺上 韻答金絲

凡六尺五 日月既揭

凡六凡尺 乾坤清夷

初獻寧平之章

予懷明德

玉振金聲

生民未有

展也大成

俎豆千古

春秋上丁

清酒既載

其香始升

亞獻安平之章

式禮莫愆

升堂再獻

響協鼓鏞

誠孚蠡廟

肅肅雍雍

譽髦斯彥

禮陶樂淑

相觀而善

終獻景平之章

自古在昔

先民有作

皮弁祭菜

於論斯樂

惟天牖民

惟聖時若

彝倫攸斝 五五上尺 至今木鐸 上五凡尺

徹饌咸平之章

先師有言 尺凡六五 祭則受福 尺上尺五 四海鬻宮 凡尺五上

疇敢不肅 凡六凡尺 禮成告徹 五上尺尺 毋疏毋瀆 凡六凡尺

樂所自生 五上尺尺 中原有菽 五六凡尺

送神咸平之章

鳧繹峨峨 尺凡六五 洙泗洋洋 上尺凡六 景行行止 上五五上

流澤無疆 凡六五六 聿昭祀事 五上凡尺 祀事孔明 尺上凡六

化我蒸民 尺五尺上 育我膠庠 凡六凡尺

右春祭夾鐘為宮倍應鐘起調

迎神咸平之章

大哉孔子

先覺先知

與天地參

萬世之師

祥徵麟紱

韻答金絲

日月既揭

乾坤清夷

初獻寧平之章

予懷明德

玉振金聲

生民未有

展也大成

俎豆千古

春秋上丁

清酒既載

其香始升

亞獻安平之章

式禮莫愆

升堂再獻

響協鼓鏞

誠孚鬯廟 尺凡尺尺六

肅肅雍雍 尺尺上上上

譽髦斯彥 乙六凡六六

禮陶樂淑 凡尺尺乙上

相觀而善 尺上乙六六

終獻景平之章

自古在昔 六乙尺上上

先民有作 凡尺乙上上

皮弁祭菜 尺凡乙六六

於論斯樂 凡尺上乙乙

惟天牖民 尺凡六尺尺

惟聖時若 乙凡乙上上

彝倫攸叙 尺尺凡六六

至今木鐸 凡尺乙六六

徹饌咸平之章

先師有言 六乙上尺尺

祭則受福 六凡六尺尺

四海饗宮 乙六尺上上

疇敢不肅 乙上乙六六

禮成告徹 尺凡六尺尺

毋疏毋瀆 乙上乙六六

樂所自生 尺凡乙六六

中原有菽 尺上乙六六

送神咸平之章

六乙上尺

鳧繹我我

凡六乙上

洙泗洋洋

凡尺尺凡

景行行止

乙上尺上

流澤無疆

尺凡乙六

聿昭祀事

六凡乙上

祀事孔明

六尺六凡

化我蒸民

乙上乙六

育我膠庠

右秋祭南呂為宮仲呂起調

部頒祭文

孔子先代五王祭文

維乾隆 年歲次 月 朔越 日某省某府某官致

祭於

肇聖王

裕聖王

詒聖王

昌聖王

啓聖王曰惟

王奕葉鍾祥光開聖緒盛德之後積久彌昌凡聲教所覃
敷率循源而溯本宜肅明禋之典用申守土之忱茲屆

仲春律修祀事配以

先賢顏氏

先賢曾氏

先賢孔氏

先賢孟孫氏尙

饗

孔子祭文

維乾隆 年歲次 月 朔越 日某省某府某官致
祭於

至聖先師孔子曰惟

先師德隆千聖道冠百王揭日月以常行自生民所未有
屬文教昌明之會正禮合樂節之時辟雍鐘鼓咸恪薦
於馨香泮水膠庠益致嚴於籩豆茲當仲春祇率彝章秋
肅展微忱聿將祀典以

復聖顏子

宗聖曾子

述聖子思子

亞聖孟子配尚

饗

忠孝祠祭文

維乾隆 年 歲次 月朔越 日某省某府某官
致祭於

忠孝老先生之神前曰大聖大賢固傳道統於百世全忠

全孝亦扶名教於千秋惟

先哲之品行既隆故聖朝之祀典必備春秋載祀俎豆維
新式陳明馨仰祈昭格尙

響

節孝祠祭文

維乾隆 年歲次 月朔越 日某省某府某官致祭
於

節孝祠之神前曰婦道克正著節烈於百世女德不爽表
孝行於千秋惟

淑闈之芳徽既隆故聖朝之典禮必備春秋載祀俎豆維
新式薦明馨仰祈昭格尙

饗

書籍

上諭二部

每部二十
四本

又上諭二部

每部
十本

訓飭士子文

一本

聖諭廣訓

一本

周易折衷二部

每部一
十本套

春秋傳說二部

每部二
十八本套

性理精義二部

每部
六本

明史一部

十二
十二本套一百一

通鑑綱目三編一部

四本

四書文一部

二十
二十本

詩經傳說

二部

每部二
十八本套

書經傳說二部

每部二
十二本套

鄒城縣志卷之七

秩官志

夫繭之性爲絲然非工女沃湯而抽之則統紀不振
化爲雛然非慈雌頡頏而導之則羽翮不成政也者
而昭其統紀也教也者養士而修其羽翮也從古以

上者觀名宦所錄亦足以自鏡矣乃若居後世繼往蹟
政教絀組尤當酌時規而爲之要束是以中谷有暎蒞之
嗟則賑恤當議埒敵有菑秦之聚則辟土當圖魯宮塞推
選之途則文會當督巽相觀德儀之善則射禮當求絲是
道也卽興黃蘇湖之烈可軼代而論世矣纂秩官志

郡守

漢

汲黯

東海太守詳見宦蹟

碭

魯東海太守詳見宦蹟

密

乘東海都尉

金

參東海太守

尹翁歸

東海太守詳見宦蹟

馮

立東海太守詳見宦蹟

魯

賜碭人東海太守

東漢

郭 竟 真定薊城人東海相

劉 寬 東海相詳見宦蹟

韋 著 扶風平陵人東海相

周子仲 汝南人東海太守

趙 咨 東海相詳見宦蹟

宋 均 南陽安衆人東海相

徐 球 廣陵海西人東海相

杜 喬 河內林慮人東海相

黃 浮 汝南人東海相

劉 廵 東海相

刁 避東海相詳見宦蹟

晉

王 承 東海太守詳見宦蹟

王 頤 之 臨沂東海內史

簫 誕 東海太守

南北朝

檀 韶 金鄉人東海太守

北魏

韋 台 宗 京兆杜陵人東海太守

今按舊志云郟在漢為縣而東海郡治在焉故汲

尹翁歸以東海太守入於縣志其義得之然自漢以後不止二人故依通志共以二十二人入志而宦蹟見於通志者共八人皆備錄之

沂鄒海贛同知

初設屬兗州乾隆元年奉文改爲沂州府同知管理七屬水利事宜仍兼管禹王臺竹絡壩工程并江南海州贛榆縣二處捕務

國朝

李興祖

康熙二十四年任詳見宦蹟

談允誠

人

由進士康熙二十八年任陞平樂府知府

傅星

人由

康熙二十九年任

施世驥

河南康縣人

康熙四十一年任陞廣東廉州

韓文煜

府知府

鑲藍旗廢生由太倉州知州康熙四十三年任

常建極

卒于官

正藍旗監生雍正二年任

吳象賢

浙江山陰人歲貢雍正四年任

范昌治

浙江鄞縣人監生雍正十一年由衛輝府通判

張潮

陞任陸興化府知府江南山陽縣舉人由合肥縣知縣卓異乾隆七

喻宏猷

湖廣人舉人乾隆十一年任卒于官

王汝礪

河南考城人監生乾隆十二年由洧河通判陞

李雲龍

河南祥符人監生乾隆十三年由東昌上河通

判陞任

邵隨龍 河南祥符人舉人乾隆二十年蒞事現任

知縣

元

張伯玉 至元五年任詳見宦蹟

明

鄧昇 洪武二年任鄉貫無據

歐陽義 洪武年任

劉敬 永樂元年任詳見宦蹟

邊傑 永樂三年任詳見宦蹟

秦冕 正統年任

李琦 天順四年任 詳見宦蹟

李楷 成化初年任 詳見宦蹟

宋讓 江南上元縣人 舉人 成化年任

田畊 河南儀封縣人 進士 成化年任

任義 山西沁水縣人 舉人 成化年任

蘇源 山西人 進士 成化年任

王洪 山西陽曲縣人 舉人 成化年任

郭濬 鄉貫無考 進士 宏治年任

席書 宏治五年任 詳見宦蹟

李隆 河南鈞州人 監生 宏治年任

韓玉 河南通許縣人舉人宏治年任

鄭繼宗 鄉貫無考舉人宏治年任

雷起東 河南人進士宏治年任

唐龍 正德五年任詳見宦蹟

黃琮 江南上元縣人進士正德年任歷陞知州左長史

曹琦 江南徽州人進士正德年任

洪暄 福建閩縣人舉人正德年任歷陞府同知

邵道宗 江南太平縣人舉人正德年任

林信 江南盱眙縣人舉人嘉靖年任

俞椿 浙江鄞縣人監生嘉靖年任

孫綸 直隸開州人舉人嘉靖年任

錢照 浙江慈谿縣人進士嘉靖年任調直隸南陵縣

朱光祖 山西人舉人嘉靖年任

丁介 河南陳留縣人舉人嘉靖年任

楊軫 湖廣武陵縣人舉人嘉靖年任

張芹 河南許州人舉人嘉靖年任

何崇信 直隸深州人監生嘉靖年任

鄖湘 浙江臨安縣人舉人嘉靖年任

張瓚 江南高淳縣人舉人嘉靖年任

陳鈿 江南懷遠縣人監生嘉靖年任致仕去

張應 河南光山縣人舉人嘉靖年任

董璟 江南徽州人由監生嘉靖年任

姚京 直隸南樂縣人監生嘉靖年任

嚴泰 江西新建縣人舉人嘉靖年任

王舟 直隸正定縣人舉人嘉靖年任

崇儉 江南天長縣人監生嘉靖年任

張應登 江南江都縣人舉人嘉靖年任

周廷陳 江南績溪縣人舉人隆慶年任

王栢 浙江仁利縣人舉人隆慶年任

陳志元 江南華亭縣人舉人隆慶年任詳見宦蹟

康一厚

直隸無極縣人監生萬歷年任

趙蛟

陝西藍田縣人由吏員歷官陞授萬歷三年任

李澹

直隸永平衛人由本縣縣丞擢爲令萬歷八年任

王邦彥

直隸長垣縣人恩貢萬歷九年任

顏若愚

湖廣攸縣人舉人萬歷十年任

文廣

鄉貫無考萬歷二十年任

柳烺

陝西永寧人舉人萬歷二十五年任

陳鬻生

浙江餘姚縣人進士萬歷三十年任

蒲蒙泰

鄉貫無考廕生萬歷三十五年任

馬甄

山西太原府人舉人萬歷三十七年任卒于官詳見宦蹟

趙 山西人舉人萬歷四十年任以疾去

李元春 鄉貫無考舉人萬歷四十一年任

薛一麟 陝西咸寧縣舉人萬歷二十八年任

王維聰 鄉貫無考

鄭大經 鄉貫無考舉人由教諭陞

蔡一熊 福建閩縣人由進士萬歷四十四年任

毛 芬 陝西漢中府人由舉人萬歷四十八年任

陳一元 鄉貫無考舉人天啓三年任陞豫州知州

孫國龍 湖廣承天府鐘祥縣人貢生天啓四年任以貪劾去

秦四器 陝西三原縣人舉人崇禎二年任

周官

順天府人舉人崇禎四年任

姚可崇

開原人貢生崇禎五年任以酷劾去

王承祚

陝西華州人貢士崇禎十年任

潘文燦

浙江金華人舉人崇禎十三年任

金三聘

順天府人貢士崇禎十四年任壬午兵破城死

吳聯仕

廣東雷州府人貢士崇禎十六年任

國朝

張夢白

文登縣人貢士順治元年任

潘維啟

山西汾陽縣人進士順治二年任

胡禹支

江南徽州人貢士順治六年任卒于官

文莊 遼東人生員順治六年任

南儀 陝西渭南縣人進士順治七年任以山寇失城去

張崇德 遼東人貢生順治八年任

張應瑞 遼東人進士順治十三年任行取禮部主事歷陞萊州府知府

張翼 順天府人貢生順治十五年任

鄧章甫 廣西全州人舉人順治十七年任

金煜 浙江會稽人進士康熙二年任

馮可參 福建邵武縣人由進士康熙七年任詳宦蹟

黃六鴻 江西新昌縣人由舉人康熙九年任詳宦蹟

張三俊 盛京寧遠州人舉人康熙十一年任

周邦鼎 江南吳縣人進士康熙十七年任

石麟義 江南如皋人監生康熙三十年任

方殿元 詳見宦蹟二十三年任

岳爾翼 四川南江縣人舉人康熙三十七年任卒于官

楊清政 直隸交河縣人由貢生內庭教習康熙三十九年任以憂解任又以水災未報奉旨罰俸新杜兩處

决口王竣乃去

劉三異 陝西鳳翔縣人進士康熙四十二年任行取吏部主事

荆文康 詳見宦蹟四十八年任

魏敬勝 直隸柏鄉縣人由教諭陞任捐陞同知五十五年任

陳昇 廣西桂林府人舉人康熙六十一年任以不及降調未去而卒

李悌

陝西韓城縣人甲子舉人由漢中教授陞任雍正四年任以年老劾去

鄧起宗

湖廣荊門州人己卯科舉人雍正五年任以陞調去

馮為桐

江南丹徒縣人例貢由清河縣教授雍正七年陞任

張杞

直隸景州人癸卯舉人由青城縣調補雍正十一年任

謝鏗

順天大興人庚戌科進士雍正十二任

李可大

順天文安人庚子舉人乾隆三年任

王淳

陝西蒲城縣人癸卯舉人乾隆五年任官蹟

張玉鼎

四川新都縣人監生由郫平縣縣丞卓異乾隆十一年任

王植

直隸深澤縣人辛丑科進士由霑化縣知縣調補乾隆十二年任官蹟

吳兆基

浙江錢塘縣人甲辰恩科舉人乾隆十五年任

李湖

江西南昌縣人己未科進士乾隆十七年任陞

鄧瑛

直隸宛平縣人戊午科舉人乾隆二十一年任

牛宗文

山西高平縣人乙丑科進士乾隆二十三年任
宦蹟

張金城

直隸南皮縣人癸酉科拔貢乾隆二十六年任

縣丞

舊設二員嘉靖間奉裁一員正統以前無考

明

劉昶

正統年任

張松

正德年任

羅萬鍾

正德年任

戴光

江西人監生嘉靖年任陞肥鄉知縣遷四川雅
州知州

郝讓 山西遼州人監生嘉靖年任

唐縉 直隸人嘉靖年任

聶光時 直隸人嘉靖年任

顧紳 江南臨淮縣人嘉靖年任

李瓘 嘉靖年任

梁鼎 湖廣人嘉靖年任

鄭璧 直隸人嘉靖年任

楊士先 陝西人嘉靖年任

鮑瓘 浙江人吏員嘉靖年任

曹繼業 河南人監生嘉靖年任

賈應龍

直隸人監生嘉靖年任

梁序

直隸人監生嘉靖年任

陳汝翼

福建莆田縣人吏員嘉靖年任

歐恩

江南桐城縣人吏員嘉靖年任

吳濬

廣東人吏員嘉靖年任

李尙賢

山西潞安衛人歲貢嘉靖年任陞昌邑縣知縣

齊宗道

直隸昌黎縣人例貢嘉靖年任

李若橘

陝西涇陽縣人吏員嘉靖年任

黎侍臣

江南清江縣人吏員嘉靖年任

劉嵩

江南寧國縣人吏員嘉靖年任

周學 浙江海寧縣吏員嘉靖年任

張學 河南鄧州人吏員嘉靖年任

牟坤 直隸吳橋縣人監生隆慶年任

王子耀 江南宜興縣人監生隆慶年任

趙應時 直隸密雲縣人監生隆慶年任

王應登 直隸遷安縣人吏員萬曆年任

李澹 直隸永平衛人恩貢萬曆四年任陞本縣知縣

劉世坊 河南羅山縣人恩貢萬曆六年任陞山西五台縣知縣

朱匡 浙江山陰縣人吏員萬曆十二年任

奚士選 鄉貫無考萬曆三十一年任

朱萬祚 鄉貫無考

范圍化 鄉貫無考

李之誠 鄉貫無考

劉講 鄉貫無考

趙會禎 浙江人貢生崇禎十三年任

國朝

胡應張 直隸人順治二年任

史標 浙江山陰人吏員順治七年任

許光璧 順治十年任

范士鎔 河南磁州人貢生順治十八年任陞新城縣知縣

楊應震 康熙三年任卒于官

史鑣 康熙五年任

王垓 康熙六年任

高燦 直隸清豐人例監康熙九年任

陳遵統 福建漳州府海澄縣人由推官投誠康熙十二年任

劉登陞 遼東人監生康熙十五年任陞河南郟城知縣

張應順 順天大興人內閣供事康熙三十二年任

華文振 江南宿州人監生康熙四十年任以憂去

王其慎 江南江甯縣人監生康熙四十六年任卒于官

張杞 正藍旗漢軍貢士効力河工康熙四十九年任陞浙江天台縣知縣

李燠 江南碭山人監生河工効力雍正十一年署

朱漢 江南寶應人監生河工効力雍正十三年署

彭理 正藍旗漢軍監生河工効力乾隆六年署

張士英 福建永定人監生考授州判乾隆二年任六年
調河院轅門巡捕九年回任

柯宜濬 正藍旗漢軍乾隆十七年任

吳孝曾 江蘇元和縣人監生考授州同乾隆二十一年
任

典史 正德以前無考

明

康友惠 正德五年任詳見宦蹟

尹裕 正德年任

張仁 嘉靖年任

楊得中 嘉靖年任

李珂 江西高安縣人吏員嘉靖年任

嚴鸞 江南含山縣人吏員嘉靖年任

王廷玘 山西徐溝縣人吏員嘉靖年任

胡必 江南石埭縣人吏員嘉靖年任

田蒲 直隸曲周縣人吏員嘉靖年任

王鷓 直隸霸州人吏員嘉靖年任

湯文相 湖廣桃源縣人吏員嘉靖年任

鍾鳳朝 浙江會稽縣人吏員嘉靖年任

炎 城 縣 志
戚紀 直隸人史員隆慶年任

曹秉哲 直隸藺城縣人吏員隆慶年以憂去

臧延辰 江南儀徵縣人吏員萬歷年任

羅聚 江南霍邱縣人吏員萬歷年任

魏鶴 直隸邯鄲縣人吏員萬歷年任陞遼東倉副使

姚信 江南高郵州人

楊克俊 鄉貫無考

劉文珙 鄉貫無考

焦允恭 鄉貫無考崇禎十五年任兵破城死

李景 鄉貫無考崇禎十六年任

唐季芳 鄉貫無考

國朝

胡自成 順治元年任

陳洪堡 順治五年任

王國芳 順治九年任

楊芳 順治十一年任

張一彥 直隸雄縣人吏員康熙元年任卒于官

茅芝 浙江山陰人康熙十一年任公材能練達推誠待人人多德之邑人公呈入祠未經詳請

倪文華 江南吳江縣人吏員康熙十八年任卒于官

傅翰屏 浙江山陰縣人吏員康熙三十六年任卒于官

胡煥 浙江蕭山人吏員康熙四十七年任陞四川東
觀場巡檢

李毓秀 順天大興人吏員雍正九年任

高斌 順天大興人吏員雍正十二年任

余宗焯 江南休寧人供事乾隆七年任

任肇元 浙江會稽縣人乾隆十五年任

錢國臣 浙江慈谿縣人閣供乾隆二十四年任

教諭

明

趙復春 直隸藁城縣人由歲貢天順八年任宦蹟

高俊 福建閩縣人由舉人成化年任宦蹟

江浴 常山縣人舉人成化年任

鄭紹 山西稷山縣人舉人成化年任

韓恭問 浙江紹興府人歲貢正德年任

張琦 浙江臨海縣人歲貢正德年任

王賢 江南臨淮縣人歲貢正德年任

胡琦 河南祥符縣人舉人嘉靖年任

陳階 河南登封縣人歲貢嘉靖年任

石巖 陝西灌陽縣人舉人嘉靖年任陞陵縣知縣

許守誼 廣東海陽縣人歲貢嘉靖年任陞長沙府學教

鄒國 河南人由歲貢嘉靖年任

王九韶 陝西人由歲貢嘉靖年任

王國賢 直隸晉州人歲貢嘉靖年任

潘瀚 江西豐城縣人歲貢嘉靖年任

趙書 河南滎澤縣人歲貢嘉靖年任

徐偉 江南太倉州人歲貢隆慶年任

陸萬鈞 江南沐陽縣人歲貢隆慶年任以憂去

楊官 直隸祁州人歲貢萬歷年任陞廣寧衛教授

張淪 直隸昌平州人舉人萬歷五年任以憂去

白資 陝西安定縣人歲貢萬歷六年任

邱問禮 福建長樂縣人舉人萬歷八年任問學該博修誌未畢以疾卒于官

徐來朝 濟南府歷城縣人歲貢萬歷十一年任

宋之崗 鄉貫無考天啓年任

唐之梁 遼東人歲貢天啓三年任陞廣平縣知縣

陳陞 鄉貫無考

史直筆 齊河縣人歲貢天啓七年任

郝鳴秋 鄉貫無考歲貢崇禎元年任陞河南商邱縣知縣

史元相 陝西安定人歲貢崇禎五年任

王庚 利津縣人舉人崇禎八年任

趙然 江南亳州人歲貢崇禎九年任

國朝

李希顏 臨淄縣人 歲貢

王國華 陵縣人 歲貢

邾王寵 臨邑縣人 歲貢

石汝介 德州人 歲貢

崔兆儒 益都縣人 舉人 順治十七年任 中丁未科進士

蓋肇元 德州人 歲貢 康熙十七年任

鍾加俊 益都縣人 歲貢 康熙十八年任

傅以履 東昌人 歲貢 康熙二十年任

楊應溥 蓬萊縣人 歲貢 二十二年任

王與韻 歷城縣人 舉人 二十八年任

王九湘 臨清州人 歲貢三十四年任

宋兆李 德州人 拔貢三十八年任 以憂解任 末去而卒

李殿魁 武定州人 歲貢五十一年任

孔興治 汶上縣人 拔貢雍正三年任 卒于官

杜文明 恩縣人 庚子舉人 雍正五年任

曹 柟 濱州人 拔貢乾隆十年任

謝 怡 魚台人 拔貢乾隆十年任

王述德 諸城人 乙卯科副榜 乾隆二十三年任

訓導

明

姚珪直隸通州人歲貢宏治年任

林福福建人歲貢宏治年任

張衡正德年任

黃裳正德年任

周鎬直隸安東縣人歲貢嘉靖年任

趙昱直隸永安縣人歲貢嘉靖年任

冀其楚河南葉縣人歲貢嘉靖年任

仝寶河南洧川縣人歲貢嘉靖年任

林應奎直隸深州人歲貢嘉靖年任

夏時中河南鄆陵縣人貢士嘉靖年任

趙文顯 河南考城縣人歲貢嘉靖年任

洪鑰 河南人歲貢嘉靖年任

張希巡 河南郟城縣人歲貢嘉靖年任

馮宗武 河南胙城縣人歲貢嘉靖年任

朱本重 直隸鎮鹿縣人歲貢嘉靖年任陞掖縣教諭

李績功 直隸東鹿縣人歲貢嘉靖年任陞積溪縣教諭

袁柳文 直隸清豐縣人歲貢隆慶年任陞周府教授

官學古 山東平度州人歲貢隆慶年任陞滋陽王府教

朱佩 江南山陽縣人歲貢萬歷年任陞楚府教授

唐憲 山東成山衛人恩貢萬歷三年任陞聊城縣教

唐宗堯

湖廣平溪衛人歲貢萬曆五年任陞武進縣

王一德

濟南府商河縣人歲貢萬曆八年任陞滋陽王

董崇正

青州府安邱縣人歲貢萬曆十年任

封汝才

江南沛縣人歲貢萬曆十一年任

馬安世

萬曆二十一年任

雷法軋

萬曆三十五年任

文苗

遼東人歲貢崇禎七年任

崔

平度州人歲貢崇禎十三年任

國朝

謝應奎

招遠縣人年任

劉入斗 蒲台縣人 歲貢

倪佳士 館陶縣人 歲貢

王運光 齊河縣人 歲貢

孫明義 東昌人

齊 駟 蒙陰縣人

陳纘緒 登州人

王吉人 范縣人

李 儀 平原縣人

黃 珀 卽墨縣人

楊德旭 臨淄縣人

蘇金生 安東衛人 歲貢 雍正四年任

吳翼成 金州衛人 歲貢

馬紹宗 范縣人 歲貢

初方 福山人 歲貢 乾隆二年任

唐文煒 靈山衛人 歲貢 乾隆

王永熙 福山人 歲貢 乾隆七年任

高永祺 青州府人 歲貢 乾隆十九年任

杜天嘉 高唐州人 歲貢 乾隆二十三年任

王續曾 海陽縣人 歲貢 乾隆二十九年任

主簿 嘉靖末年奉裁

明

孫蘭 陝西人宏治年任

陶傑 河南人監生正德年任

趙景和 山西人監生正德年任

張夢輔 鄉貫無考

胡淵 直隸人監生嘉靖年任

龔文郁 直隸遵化縣人嘉靖年任

張宗大 江南蒲城縣人嘉靖年任

張運 河南舞陽縣人嘉靖年任

侯潤 萬全都司人嘉靖年任

劉科 山西稷山縣人嘉靖年任

史廷器 山西寧鄉縣人監生嘉靖年任

大使 據舊誌當爲馬頭稅課司未詳何年奉裁

明

傅從弼 山西人嘉靖年任

梁萬倉 陝西人隆慶年任

田大用 江南鳳陽人吏員隆慶年任

李志道 直隸固安縣人吏員隆慶年任

李義 直隸阜城縣人吏員萬歷年任

孫淑禮 直隸樂亭縣人吏員萬歷年任

吳世寶 山西遼州人吏員萬歷年任

武秩

大興鎮汛千總

郭壽 曹州府鉅野縣人行伍雍正五年捧滿候推

李光彩 山西大同縣人行伍雍正九年陞德州守備

李虎 登州府蓬萊人行伍雍正九年任乾隆三年捧滿候推

劉琦 兗州府滋陽縣人行伍乾隆四年任十年捧滿候推

王承業 德州人行伍乾隆十一年任

郭榮 兗州府滋陽縣人行伍乾隆十二年任十五年調蒙陰

張秉鈞 山西汾陽縣人科甲乾隆十六年任十九年調蘭山

馬憲章

直隸河間南宮縣人科甲二十年任

王鈞

東昌府臨清州人行伍二十三年任

郟汎千總

劉運昌

北直保定府清苑縣人行伍康熙初年任沂州營千總撥守郟城縣城池

郟汎把總

李成龍

滕縣人行伍

徐順義

曹州人行伍

徐頂

嶧縣人行伍

劉吉

嶧縣人行伍

李文然

臨清人行伍

馬士湖 高唐人行伍

趙桂 兗州人行伍

馬士魁 滕縣人行伍

藍國柱 湖廣衡陽人行伍

紅汎把總

馬耀龍 嶧縣人 康熙六十一年

李成德 滋陽縣人行伍 雍正元年任

韓倫 益都縣人行伍 雍正十三年任

董紹先 直隸遷安人 舉人 乾隆十七年任 二十二年任

董代 高唐州人行伍 二十三年任

趙卜鳳 山西蔚縣人舉人乾隆二十六年任

宦蹟

漢

汲

黯

東郡濮陽人武帝時為東海太守黯學黃老言好清靜擇丞史任之責大指不細苛病臥閣內

歲餘不出東海大治

碭

魯

武帝為時東海太守治官蒞民以廉簡稱

尹翁歸

字子兄河東平陽人宣帝時為東海太守過辭廷尉于定國定國欲屬託邑子兩人終不敢言

其治明察郡中吏民賢不肖及奸邪罪名盡知之各有記籍披籍取人以一警百吏民皆恐懼改行時有大豪許仲孫為奸猾亂吏治二千石莫能制翁歸至論棄市一郡怖栗相戒莫敢犯禁東海大治

馮立

字聖卿上黨潞人元帝時為東海太守居職公廉多知有恩貸好為條教吏民嘉美時東海瑯

瑯各爲一郡立兒野王治瑯瑯有聲立能嫵美焉

劉寬

字文饒華陰人桓帝時爲東海相政多仁恕吏

學官諸生執經對講見父老勸以農桑勉以孝弟人

感德興行日有所化後入爲太尉

刁韞

字子榮彭城人桓靈時爲魯東海二相性亢厲

有明略所在稱神嘗以法度自整家人莫見其

趙咨

字文楚東郡燕人靈帝時爲東海相在官清簡

晉

王承

字安期太原人愍帝時爲東海太守政尚清靜

不爲苛細有小吏盜池魚綱紀惟之承曰文王

之囿與衆共之池魚何足惜耶有書生犯夜禁爲吏

所拘問乃之曰從師受書不覺日暮承令送還其家

其從容寬裕如此上五傳通志

今按舊志云郟在漢爲縣而東海郡治在焉故長孺子兄以東海太守入於縣志茲考通志自長孺以下八人皆東海名宦也故錄其傳又考海州志二人之外亦有趙咨其人云

元

張伯玉

至元五年任知縣持己以廉撫民以信抑強扶弱沮惡揚善興學勸農盜息賦均民懷其惠立碑城東北隅名曰清公德政碑後剝落不全失其鄉貫祀名宦

明

劉敬

武進縣人由人材永樂年任性寬厚公勤廉潔愛民如子田野闢賦役均秩滿陞刑部員外郎

祀名宦

邊傑 直隸保定府唐縣人由生員永樂三年任剛直
有守吏民懷服秩滿民詣闕保留復任九載祀
名宦

李琦

順天霸州人由舉人天順四年任郟城令莊肅
廉謹吏民畏服興學校勸農桑斷獄明允獄中
有死囚越獄琦禱於神其囚若有人縻之者遂獲焉
三載以疾告歸民老幼數千人泣送數十里祀名宦
直隸藁城縣人由歲貢天順八年任性剛毅凜
不可犯終日嚴衣冠坐堂上未嘗少易士志為
之振奮卒于官弟子服心喪者數人餘皆哭失聲

趙復春

李楷

江南華亭縣人由舉人成化初年任郟城令歲
飢開倉賑濟給以官廩全活甚衆捐俸市地十
畝為義塚以葬貧民開懇荒田千七百畝招撫流移
七千餘人去後民立碑頌德焉祀名宦

高俊

福建閩縣人由舉人成化年任明尚書士多宗
之邑憲副周舉費邑廉憲房瀛皆出門下
字文同四川遂寧人宏治三年進士授郟城知

席書

縣勸民懇荒流民皆復來歸作新塾舍以課諸

生值歲飢倡義民輸粟又擇民分地為粥以食之立保甲法盜賊無敢入境以政最入為工部主事進員外郎民立生詞祀之以議大禮受特知累官禮部尙書少保武英殿大學士卒贈太傅諡文襄祀邑名宦

唐龍

字虞佐浙江蘭谿縣人由進士正德五年任鄴城令性度豁達平易近民興學校均徭役一法

制不怵上官不墮吏詭當歲旱憂形於色屏去導從為庶民服旬旬四郊禱雨時流賊劉六等至城下攻圍數日公與民效死守之家入鬪而斃焉卒全其城加棒二等後以憂去民立生祠肖相累官至吏部尙書以劾罷後子汝楫狀元及第為修撰上疏辨詔復官贈少保諡文襄祀邑名宦祠

康友惠

江南全椒縣人由吏員正德五年任鄴城典史事上恭使下愛時值流賊攻城惠出死力捍禦

城保無虞民為肖相於唐席二公祠內此名宦

董璟

江南徽州人由監生嘉靖年任持身端謹為政愛惠值歲大飢公議請賑左右難之璟毅然曰

苟可活吾民吾何恤吾官乎竟得請民賴全活者甚眾及卒于官無以為殮至易內奩以備

王栢

浙江仁和县人舉人隆慶年任待士以禮馭下以情吏胥不敢作奸盜賊去之他邑一忤當道

謫州判去

陳志元

隆慶間知郟城冰蘖自持一塵不染

趙蛟

四藍田縣人吏員歷官陞授萬歷二年任沉有才善於取下開荒田招流移廣儲蓄郟嘉

賴之在巳年以憂去

李淪

直隸水平衛人由本縣縣丞擢為令萬歷八年任慈惠愛人清廉持己蒞令事未逾年即懇辭

致仕去庫有羨金百餘兩委而不取饋之贐亦不受前後凡五載始終冰操不易

文廣

鄉貫無考萬歷二十年任郟城舊係土城廣創砌磚城民不擾而績奏倉庫有守百姓賴安

陳蠶生

浙江餘姚縣人由進士萬歷三十年任才幹充裕聽訟明決恤民愛士恩威兼至陞府同知去

累官至四川副使

馬甄 萬曆三十七年知郟城為政嚴明人不敢以私

蔡一熊 福建閩縣人由進士萬曆四十四年任因郟城

文風否塞力濬文河明年戊午科即中舉人魏

毛芬 陝西漢中府人由舉人萬曆四十八年任清廉

有才幹至天啓二年白蓮教賊作亂失陷郟縣

潘文燦 浙江金華人舉人崇禎十三年任重士愛民為

政以寬清靜不擾後經流賊史二姚三之亂守

國朝

張夢白 文登縣人由貢士順治元年任時當定鼎之初

百務草創撫恤殘黎教育士子殫心瘁力片言

折獄俗化民安陞武昌府同知署贛州道事因版賊

之亂殉節死

馮可參

福建邵武縣人由進士康熙七年任仁惠清廉

嚴革火耗雜派到任甫兩月即遭地震之變參

詢問災傷撫恤殘黎施藥以救疾病民賴全活者甚

衆總督白特薦云清貞之品爽豁之資理訟一泓秋

水撫民四野春風允稱良吏以催科政拙錢糧拖欠

黃六鴻

號思湖江西新昌人由舉人康熙九年尹郟邑

時驛務廢弛鴻赴任時由中路經宿遷抵紅花

埠役人導人公館鴻日之驛局吏稟舊例三日視驛

叱之去閱驛僅殘疲十八騎有道快司驛事鴻責驛

書馬牌併道快重處之衆役聞風恐怖已查東路驛

站自順治戊戌間復設止有夫馬工料無買馬糧簽

銀乃具昔僻今衝等事請照西中諸路自齊河禹城

而南凡十三站每站撥糧簽銀七百餘兩得允永爲

定例驛累少甦鴻強幹能讞決有王可習父子大盜

也逃居郟邳接界之五丈溝仇殺李東振父子四人

鴻率丁壯以巡查爲名出不意捕擒之竟正法窩逃

禁方嚴一日捕壯獲逃至訊其窩供縣前酒店石文

玉家傭工三月舉其家內外屋室廚竈男女人數並

左鄰何木鐸右鄰王三無不歷歷如繪鴻疑之假如

廁密遣人喚文王等見石少年何肥而髯王三則一
老翁也訊之皆錯愕不知所從來因諭之曰吾卽喚
質對喚石則何前喚何則石前勿自悞乃陞座喚逃
人再問遂命押文王等入因喚石而何乃前問曰爾
窩逃人某有之乎何曰無有也逃輒指何曰我傭工
汝家三月何賴爲耶命石前問識此人否逃人曰石
之鄰佑不甚記清也鴻命石等退笑謂逃人曰豈有
傭工三月不識主人者也必捕壯教汝當實言逃人
慚謝首實重責捕壯而遣之歸昌民任姓者告高某
與其妻王氏有姦而又殺之屍在高近居休地旁拘
高至問之曰兩月前伊妻跟人逃去伊誣送歸之廟
祝且辱之我不平理責嘗批其頰故有怨如有姦何
爲殺之乎鴻往驗屍詣其家舖上一新虎邱席下截
有損裂長縫舖側有乾糞一塊人屎也時有一小女
孩旁看呼問之曰前晚任熾燈下縫衣夫婦相口後
則不知也已驗其屍穿軟底紅布舊鞋絕無泥土喉
左右有紫黑痕如指頂大者各一腹下青傷如杯大
者一乃歸託城隍禱訊密置一小僮神座後兩繫任
父子左右柱上是晚任父問媳何以死子皆不答但
捶胸曰總之我該死耳詰旦以告鴻乃帶犯証覆審

喚任曰死王氏者汝也何誣高乎任惟叩首無言鴻
笑曰神告我矣自汝妻逃歸汝已畜殺之之心是夜
氏爲汝縫衣汝猶詈之後汝乘其睡熟乃以左膝壓
其腹右手扼其吭氏聲不能出惟以兩足相撐登時
氣絕汝遂與穿衣挾置高之林間欲洩批頰之恨是
乎任大慟一一供如鴻言高遂得白所著有福惠全
書備載其事後以憂去
補任東光令內擢給諫

李興祖

廣寧縣人正黃旗漢軍由廕生初任慶雲知縣
康熙二十四年新設沂邳海贛捕盜同知以興

祖陞授蒞任初卽躬親相度於兩省接壤四山阨要
之地建立衙署又招降李二和尚餘黨予以自新同
入編戶爲良民乃於山中建文廟舉行飲射讀法之
禮聚俊秀者相與磨礪詩文不數年遂翕然有淳雅
之風化旋陞河間府
知府轉山東鹽運使

方殿元

廣東番禺縣人康熙二十三年由進士任郟城
縣廉靜而幹練不用幕賓不置家丁不賂上官

讞決精明庭無留獄甲子己巳兩值鸞輿南巡駐蹕
紅花埠從容支應官有餘閒民不屢累遠近稱其才

後以老致仕
有推惠田記

荆文康

山西猗氏縣人由進士康熙四十八年任郟城令沉靜莊樸催科有法修城垣建倉廩不勞民

而事集邑城至磨山一帶路汗下病行者文康于六
十里間捐俸五百金建石橋四十餘座民不病涉任

七年咨取
吏部主事

王淳

字興若關中蒲城人雍正癸卯舉人乾隆五年
尹郟邑公寬厚仁慈清廉縝密甫下車值水荒

輕裝儉騎遍省疾苦申請賑濟得額外蒙休民賴以
生全者甚衆斷獄詳慎民鮮冤抑後調任沂水父老

拜送依依涕
泣不忍釋云

王植

字槐三號懋思燕深澤人康熙辛丑進士乾隆
丁卯調郟邑公廉明果毅幹練有為愛士恤民

燭奸弭盜胥役不敢玩法盜賊不敢入境年七十精

神強健公餘手不釋卷所著韻學權衡性理註刊行
歷任三年頻值災傷逐戶履勘無濫無遺多方撫恤

全活者甚衆又慮郟邑水患難除三稟連疏源流洄

悉情形如畫遂修沂沐武兩岸堤功開濬墨河故道
其中委曲不能上達者輒捐俸增修民嘉賴之功竣
見郊誌簡略親筆訂正雖屬稿末竟而綱目釐然矣
經曰業廣惟勸公之志歎

李

湖

字又川號漫堂江右南昌人乾隆己未進士十
七年任郟邑精明果銳蒞事勇敢下車後清查
保甲嚴緝匪類遍悉邑中善惡記名袋中懲勸交施
黠猾者畏避遠颺捐俸修黌宮建一貫書院置學田
蒞任五年盜賊屏迹善良樂業奸邪改行以卓異陞
任上民思之

牛宗文

字吉人山西高平人乾隆乙丑進士二十三年
調郟邑公寬厚和平士有涉訟不直者當堂
命題隱切其事課文以愧厲之然邑有大事毅然敢
為二十四年秋被水公再三稟懇終得賑濟二十五
年告養回籍士民今立去思碑以誌不忘云

張杞

正藍旗漢軍貢生康熙四十九年任郟城縣丞
孤介自勵不以清宮易其操士民頌之陞浙江
天台縣尹

胡

煥

本性浙江蕭山人由吏員康熙四十七年任

雍正八年大水近郭百姓奔避高阜凡數晝夜不舉

火水落殍餓垂斃公施粥飼之者數日皆更甦九年

春陞四川東觀場巡檢

郟城縣志卷之九

人物志

魯人瞻岱而陟東山吳人觀海而浮震澤非謂其望於鄉
耶郟鄉祀之賢斌斌然質有其文哉卽進於聖道之海岱
未敢或知而尙論其世亦都人士之山東震澤也夫升高
者取捷於嶺隧絕遠者假便於舟航士誠以茲之俎豆者
爲嶺隧舟航此無論於岵嶽之巔惡沱之涯以之躡岱宗
而游渤澥亦宿春糧爾矣慎毋溟滓然第之而輒嚶嚶云
姑舍是也纂人物志

人物上

名賢

漢

于公

東海郟人爲獄吏決獄平允辦孝婦冤狀詳孝婦傳常曰吾治獄多陰德後世必有興者令高大其門可容駟馬車後子定國孫永皆封侯今西鄉有高社卽其故里也祀鄉賢

于定國

字曼倩于公子也少學法律于其父以材高舉侍御史宣帝時遷光祿大夫爲廷尉當時稱之曰張釋之爲廷尉天下無冤民于定國爲廷尉民自以不冤甘露中爲丞相封西平侯身爲列卿尙迎師執經北面備弟子禮卒謚曰安子永以素行聞官至御史大夫尙館陶公主定國祀鄉賢

薛宣

字韞君初爲長安令以明習文法詔補御史中丞數言政事便宜舉奏部刺史郡國二千石所貶退稱進白黑分明出守臨淮徙陳留皆著政績後爲丞相封高陽侯祀鄉賢

劉虞

字伯安東海恭王五世孫初遷幽州刺史獻帝卽位拜大司馬敝衣繩屨勸督農桑開上谷朝

市之利通漁陽鹽鐵之饒青徐士庶避難歸虞者百餘萬虞收視溫恤爲安立生業初平二年袁紹等議以朝廷幼冲逼於董卓欲共奉虞爲帝虞厲色叱之曰今天下崩亂主上蒙塵吾被重恩未能濟雪國恥諸君各據州郡宜共戮力王室而反造逆謀以相垢污耶欲犇匈奴以自絕紹等乃止後討公孫瓚不克見殺祀鄉賢

魏

王朗

字景興東海鄒人漢末爲會稽太守嘗降於孫策曹操表徵之拜諫議大夫參司空軍事魏國

初建以軍諮祭酒領魏郡太守遷少府奉常文帝卽王位遷御史大夫封安陵亭侯上疏勸育民省刑及文帝踐阼改爲司空進封樂平鄉侯上疏諫止遊獵帝深納其言明帝卽位進封蘭陵侯上疏諫止營造帝報曰忠至者辭篤愛重者言深君旣勞思慮又手筆將順三復德音欣然無量朗高才博雅多所著作卒諡曰成舊志曰朗旣仕漢室嘗降吳又臣篡魏非義人也

王恂

字子良朗之孫肅之子也景元四年以肅勳封蘭陵侯在朝正直居心公忠有匪躬之節鬲令袁毅餽以駿馬恂知其貪賄遂不受後毅果以贖貨致敗年四十餘卒贈車騎將軍

晉

劉超

字世瑜懷帝永嘉元年避亂江東瑯琊王睿表用之及睿即位是為元帝累遷右衛將軍成帝咸和二年蘇峻反舉兵犯闕朝士多避難超入衛峻兵上殿近御床超與侍中鍾雅步侍左右峻叱令下超曰冠軍來觀至尊軍人豈得侵逼峻兵不敢入宮及陶侃溫嶠討斬峻峻弟逸代將其眾閉城為守超雅謀奉帝出赴義軍事泄逸使任讓收超及雅帝抱持泣曰還我侍中右衛讓奪而殺之及逸誅贈超中書侍郎諡曰忠祀鄉賢

東晉

徐寧

東海郟人少知名為輿縣令廷尉桓彝有人倫識鑒嘗過輿縣乃造之寧清慧博涉相遇欣然

彝大賞之至都謂庚亮曰吾爲卿得一佳吏部亮既
奏帝用爲吏部郎累官至左將軍江州刺史卒於官

何無忌

東海郟人少有大志忠亮任氣人有不稱其心
者輒形於言色州辟從事轉太學博士鎮北將

軍劉牢之卽其舅也時鎮京口每有大事必與參議
牢之欲降桓元無忌屢諫詞旨甚切與劉裕起義兵
討元元聞之甚懼或謂劉裕烏合勢必不成元曰劉
裕勇冠三軍兼以何無忌酷似其舅何謂無成其見
憚如此及元潰走無忌與振武將軍劉道規同追之
元平奉帝還京師累遷會稽內史督江東五郡軍事
義熙二年封安成郡開國公後與盧循別帥徐道覆
戰失利厲聲曰取我蘇武節來節至執以督戰賊衆
雲集遂握節而死諡
曰忠肅祀鄉賢通志

宋

虞邱進

字豫之少隨謝元討苻堅有功封關內侯又從
宋武帝征伐有功除龍驤將軍封龍川縣侯時

盧循逼京邑廷議奉天子過江邱進不可面折孟昶
武帝嘉之除鄱陽太守擊破盧循別將斬首數百累

封望蔡縣男遷太子右衛
率卒進爵爲子祀鄉賢

南北朝

徐湛之

郟人幼孤事祖母及母至孝及長善尺牘音詞
流暢元嘉中由黃門侍郎拜秘書監後出爲兗
州刺史威惠並行累官至尙書僕射護軍將軍會二
兇巫蠱事發上欲廢劬而賜潛死與湛之密議每夜
使執燭慮有竊聽者及劬舉逆殺
之孝武卽位追贈司空諡忠烈

徐羨之

字宗文小字干木寧之孫也沉密寡言不以憂
喜見色初爲桓修參軍與宋武帝深相結武帝
起兵版爲領軍司馬封南昌縣公錄尙書事羨之起
自布衣直以志力局度一旦居廊廟朝野推服頗工
奕碁觀戲常若未解嘗與傅亮謝晦宴聚亮晦才學
辨博羨之風度詳整時然後言鄭鮮之歎曰觀徐傅
言論不復以學問爲長武帝不豫羨之與晦亮受遺
詔輔政旣而少帝失德羨之遂與謝晦廢而殺之并
殺其弟廬陵王義正文帝卽位以羨之等旬月間再
肆酖毒下詔暴其罪誅之舊志云羨之弑逆之徒通

志敘於外傳以崔杼冠其首而郟乃祀之鄉賢俎豆汚矣

鮑照

字明遠東海郟人官臨海王前軍參軍嘗為古樂府文甚遒麗有集傳於世通志

齊

徐孝嗣

東海郟人字始昌祖諶之父聿之皆為宋子邵所殺孝嗣在孕得免幼而風儀端簡八歲襲爵

縣公尙康樂公主歷御史中丞出為吳興太守在郡有能名復徵為五兵尙書臺閣事多委之從世祖幸方山上欲於山南為離宮孝嗣以勞民諫止齊明帝時累加中軍大將軍進爵公轉尙書令孝嗣好文學器量宏雅不以權勢自居永元初帝失德稍彰孝嗣不敢諫諍中郎將許準勸令廢立孝嗣終不決帝遂賜以藥酒卒

王僧儒

肅八代孫幼聰慧年五歲讀孝經問授者曰此書何所述曰論忠孝二事僧儒曰若爾願常讀

之七歲能誦十萬言及長家貧傭書以養母且寫且誦寫畢亦熟後任太學博士尙書僕射後梁天監中

出爲海南太守海南通外國市舶舊居官者多獲其利僧儒歎曰昔人爲蜀郡掌史終身無蜀物吾欲遺子孫不在粵裝一爲所取聲跡有聞詔徵拜中丞御史著述甚多並行於世祀鄉賢

王

謀

字仲和王雅元孫沈曇慶爲徐州辟謀爲主簿又爲州從事齊明帝卽位除司徒參軍帝所行慘僻謀屢諫不從請退坐此繫上方後拜中書侍郎歷太子中庶子徙征虜長史行南兗州府事卒

梁

何遠

字義方父慧炬齊尙書郎遠仕梁江夏王國侍郎永元中崔慧景圍官城遠預其事敗亡歸

桂陽王融渡江見高祖以爲建康令累遷武昌太守性剛嚴爲人所訟後起爲武昌令愈勵廉節毀淫祠

正身率職清操爲天下第一祀鄉賢

徐勉

字修仁東海郟人早勵清節篤志好學齊太尉王儉稱爲宰輔器量射策舉高第起王國侍郎

梁天監初拜中書侍郎入樞府糾舉稱職尋除給事

黃門侍郎參掌軍事劬勞夙夜經數旬始一還宅遷

吏部尚書典選事彝倫有序嘗與客夜集有求詹事
五官者勉正色曰今夕止談風月不可及公事進侍
中尚書右僕射盡心奉上知無不爲有表奏輒焚其
藁中大通三年卒贈光祿大夫開府議同三司諡簡
肅所著有別起居注六百卷
選品會林等書行世祀鄉賢

何遜

字仲言宋御史承天子八歲能賦詩弱冠州舉
秀才范雲見其對策大相稱賞結忘年交自是
一詞一詠雲輒嗟賞沈約亦愛其文仕至尚書水部
郎所著文集八卷上二傳通志今按舊志謂爲承

天曾孫以年
世考之誤矣

何敬叔

爲梁長城令清廉不受禮遺夏節忽榜門受餉
數日得米千二餘斛他物稱是悉貸貧民輸租

何思澄

字元靜父敬叔齊征東錄事參軍思澄少勤學
工文辭仕梁起家爲南康王侍郎遷治書侍御

史武陵王中錄事參軍與宗人遜及子朗俱擅文名
時人語曰東海三何子朗最多卒有文集五十卷朗
有才思嘗爲敗塚擬莊周馬捶其
文甚上歷官員外散騎侍郎

何子朗

字世明，郟人。與宗人遜及思澄並擅文名。時人語曰：東海三何子朗。最多歷官員外散騎常侍。

郎出令固山年二十四卒。有文集行於世。

徐摛

字士秀，東海郟人。幼好學，遍覽經史。後擢為待讀，應對明敏。高祖親策問五經大義，次問歷代

史及百家雜記，縱橫應答如響。後為新安太守，為治清靜，教人禮義，勸課農桑。期月化行，還為中庶子。侯景攻陷臺城，賊眾奔入，舉兵上殿侍衛，奔散。摛徑謂景曰：公當以禮見，何得如此！景乃拜太宗，後被幽閉，摛不獲朝謁，感氣疾卒。謚曰貞祀，鄉賢。

徐陵

字孝穆，摛子。八歲能屬文，長博涉史籍。仕梁為通直散騎常侍，陳世祖時除御史中丞。帝弟安

成王頊勢傾朝野，府屬官多不法。大臣莫敢言陵為彈章奏上前，安成王侍立流汗失色。陵即遣殿中御史引王下殿，自此朝廷肅然。遷更部尚書，提舉綱維。綜覈名實，人比之毛玠。太建初，除尚書左僕射。陵固讓，周宏正王勵曰：選賢與舊，微臣皆宜。處後會北伐，詔舉堪元帥任者。陵推吳明徹、裴忌，卒用其言。復淮

南數十州累官中書監左光祿大夫陵器局深遠性簡潔祿俸與親族共之詔策軍書多出其手爲一代文宗卒贈開國侯諡曰章通志

徐儉

陵之子梁太清初除行參軍侯景亂避江陵梁元帝召爲尚書郎歐陽純反高宗令儉持節諭之既而命監章昭達軍累遷尚書左丞以公事免復起爲潯陽內史爲政嚴明賊盜靜息入爲御史中丞無所阿附尚書令江總望重一時

徐伯陽

字隱忍幼而好學善事父母學春秋左氏策高第仕梁爲參軍出爲侯官令甚得民心侯景亂浮海而南累官都督王府咨議參軍嘗作辟雍頌與李爽等爲文會之友遊宴賦詩伯陽爲其集序傳於世

鮑泉

鄰人撰新儀四十卷行世

鮑宏

字潤身父機仕梁治書待御史宏善屬文爲湘東王繹記室遷通直散騎侍郎江陵平歸周明

帝禮之聘陳謀伐齊帝問取齊之策宏悉對帝從之及山東定除少御正賜爵平遙縣伯隋文明受禪進爵為公嘗修皇室譜三篇有集十卷今按宏歷仕三朝亦馮道之流不足稱也然南北朝率不知大節亦何譏焉

隋

徐曠

字文遠東海郟人博通五經尤明左氏春秋性方正舉動純重隋大業初為國子博士世稱左氏有文遠禮有褚徽詩有魯達易有陸德明皆一時之冠云文遠說經偏舉先孺異論分明是非乃出新意以折衷聽者忘勞入唐仍為國子博士高祖幸國學文遠發春秋題論難風生隨方占對莫能屈帝異之封東莞縣男通志

唐

徐有功

郟人初為蒲州司法參軍為政仁恕不忍杖罰民相約曰犯徐參軍杖者必斥之迄代不辱一

人累遷司刑丞武后僭位屢興大獄有功犯顏敢諍
時博州刺史王冲坐逆誅延及尉顏餘慶來俊臣鞠
治以反聞詔殊死籍其家有功援永昌赦力爭韓紀
孝受徐敬業僞官已物故推事使顧仲琰籍其家詔
已報可有功援律請減皆以更赦免竇孝謀妻龐爲
奴所告給事中薛季昶鞠當死有功明其枉季昶劾
有功黨惡逆當棄市后召詰對曰失出臣小過奸生
陛下大德后默然龐減死有功免爲民轉司刑少卿
皇甫文備嘗誣劾有功及文備下獄有功出之改司
僕少卿卒會昌中追諡中正今按自漢至唐舊志
所載名賢考通志俱爲東海郟人不佞曰東海而屬
之郟則邑產無疑近考海州志多與郟志同如后蒼
于公父子薛宣劉虞王朗父子王湛王僧儒徐寯徐
勉徐羨之徐攜父子徐儉徐伯錫徐孝克徐曠何無
忌何承天何遠何遜何思澄何敬叔虞邱進鮑照鮑
宏凡二十七人豈以海州爲故東海郡地故借才於
郟耶當核正史以訂其實

元

管文通

郟人任江西廬陵令有善政陞覆實司提舉致政歸興復曾子書院廷師孺以啓後學

韋成

爲人廉靜恬退任寧海州州同有善政惠於民晚引年告歸散俸金以濟鄉人不責其報

明

李驥

字尙德郟城人洪武癸酉舉人官戶科給事中時關市譏商旅發及囊篋驥奏止之尋坐事免

建文時薦起新鄉知縣會丁內艱士民詣闕奏留不

許永樂初補授東安令民有嫠婦子被殺驥驗之有

齒齧痕乃檄城隍神明曰有狼死於其所擢刑部郎

中仁宗時爲御史宣德五年巡視倉場有軍盜倉粟

驥執而鞫之其父訴刑部云驥得同盜某賄故置某

不論而獨坐其子侍郎施禮抵驥於法帝曰御史既

納賄則不擒盜矣改命都察院再訊果得其枉名遂

震加勅授河南府知府時河南多盜驥令州縣設火

甲法一戶被盜一甲償之自是人皆改行伊藩素虐

民驥每捕治其校卒蒞郡六年年七十卒於官祀鄉

賢通志

劉翔

坊廊社人永樂中入太學宏治間上疏陳時政得失上嘉納之除刑部主事決獄平恕累陞福

建副使舉刺部吏悉合輿論有詩集傳於世祀鄉賢

任文獻

字國光歸義社人少穎異詩賦援筆立就登宏治癸丑進士弟授監察御史出兩浙清戎政搜

匿索逃上下畏服後致仕隱居東莊日惟吟誦自樂

有東莊八景詩

周舉

字尙賓高冊社人初舉進士授戶部主事歷陞懷慶府知府先時年餘不雨舉到三日齊戒請

禱輒雨民立生祠祀之後丁內艱服闋補思南府知

府郡制舊無城廓虎晝噬人舉築磚城以衛之有擒

虎記民感其德亦立生祠祀焉尋陞雲南按察司副

使卒於官

張景華

字時美高冊社人性孝友幼侍父病憂籲輒廢寢食父以過撻長兄則號泣為之代責登正德

甲戌進士知吉水縣剖決如流民有鬼神破胆之謠

時甯濠蓄逆景華筴其必薄吉州請築磚城以固捍

禦其後賴以無虞入為御史武定侯怙寵驕恣衆莫

敢言景華抗疏論列聲震朝廷按三晉主鄉試事累

官至左都御史開闢薊遼總督漕運尤以加慎邊防
拯恤兵民爲先如處置三衛之民賑濟安東之飢奏
停海贛之逋皆國家大計所排羣譁而力爲之請者
時嚴嵩柄國賄通薦紳景華一無所餽嚴以雙縑通
問報之如其物數嚴氏大恨諷言官以蜚語中之遂
罷歸十餘年卒萬歷十一年入祀鄉賢

劉應兆

字淵徵王田社人嘉靖乙酉舉人性行正純居
家孝友初授慶雲令廉明愷悌吏民懷服三載

陞南京兵馬正慶人詣闕請留不報及至南都秉法
戢奸斷獄明決魏國弟私木椿格商課齟齬商人橫
甚應兆執之論如法權貴吐舌有兇賊誣指非辜脫
其舍匿豪家尙書郎爲之地應兆抱牒與郎面質尙
書所郎論屈寃獄竟得平反南都薦紳咸以爲有功
不死孝肅復生也陞隰州知州尤加意撫字政聲不
著當道屢疏薦循良第一以爲未究厥蘊云

張世則

字準齋鄴城人寄籍諸城縣博學能文萬歷二
年甲戌科成進士授寶坻知縣行取吏科給事

劾陝西撫臣貪劣人人以爲快又劾吏部尙書謫縣

丞稍遷南京戶部主事轉禮部主事累陞江西參政

以忤上官致政歸作治平
要覽欲上未竟卒通志

杜之棟

性至孝九歲父廩生杜豸病故泣血孺慕哀毀逾禮有如成人侍母曲盡孝道年二十三中天

啓甲子舉人制行高潔人不敢干以非禮見之者莫不悚然起敬曰此杜舉人也大兵破城同兄杜之格負母逃難大兵異而釋之仍指示方向及母疾湯藥嘗而後進與兄侍母頃刻不離衣不鮮帶者逾月及母卒哀毀骨立負土成墳築廬墓側者三年瑯琊逸民宋鳴珂爲之立傳以方正學擬之而以爲和平純篤殆愈方焉順治八年山寇王肖吾攻陷郟城義不爲屈罵賊而死康熙六年舉祀鄉賢

張印禎

都御史景華孫爲人孝友英敏弱冠卽有聲詞壇尤工臨池之技有冰玉堂稿行世崇禎二年

己巳廷試貢元授河南遂平縣令居官勤慎恤民愛士有穀麥兩歧之瑞節年再見後致任鄉居教子課孫動稱忠孝名節

闔邑推爲典型

王英

天啓時妖賊作亂守城有功三院申請獎賚賜把總崇禎十三年史賊作亂屢建奇功後至十

五年死於兵

變載府志

丁撫九

崇禎十三年歲貢任利津縣訓導十五年城破不屈死之載府志

郁明

字扶真以庠生歷任江南都司後致仕家居崇禎十四年土寇掠鄰城率兵拒賊身經戰而死

附錄

鄉賢

國朝

附錄鄉賢

郁純

字培真邑庠生省己之子秉性孝友父染足疾幾四載純侍湯藥朝夕不離父沒不圖仕進與

朱邑庠蔣戴二廣文交詩酒唱和時人擬為商山四

皓明季民荒艱於辦賦純為代納者不可勝數順治

初民多草竊不無梗化邑侯張公聞其賢邀純同往

安撫純諭以禮義勸其各安本業民皆感泣如受父

母命張公爰額其廬曰禮義之家東兗道李公嘉其

德康熙十年純已九十餘矣邑侯黃公舉以鄉飲大

賓褒之曰

者英碩德

杜立功

年三十卽遊庠二十七歲登國學授州同知之
職平生仗義疎財康熙四十九年歲大饑斗米
千錢功捐穀百石輸倉備賑邑侯荆公獎之曰濟衆
有功雍正八年邑嘗大水平地倏深丈餘功之宅獨
高因編木筏數十以渡溺渡歸復飲粥以顧其飢賴
以全活之人不下二百餘口及水息鄉里持券而奔
告者不可勝數功咸給以粟麥焚其
券不求其償壽至八十六歲而終

儒林

漢

后蒼

東海郟人字近君從孟卿受禮在曲臺校書因說禮數萬言號曰后氏曲臺記宣帝時為博士官至少傅蒼授沛人慶普梁人戴德及德從兄子聖初劉向考校經籍合二百十四篇戴德乃刪其煩重為八十五篇謂之大戴記戴聖又刪大戴之書為四十六篇謂之小戴記漢末馬融傳小戴之學又足月令一篇明堂位一篇樂記一篇合四十九篇今小戴記與周官六篇古經十七篇並傳蒼啓之也明嘉靖九年考求古禮以蒼為禮之宗詔從祀

魏

王肅

字子雍樂平鄉侯朗子黃初中為散騎黃門侍郎太和三年拜散騎常侍四年司馬曹真伐蜀肅上疏以雨水艱劇宜為休息于是罷兵景初問肅以常侍領祕書監兼文觀祭酒上疏勸帝省徭役重

稼穡敦信減刑帝每以事問肅肅皆以正對帝亦深
納其言正始元年為侍中遷太常時曹爽為大將軍
任用何晏鄧颺等肅正色曰此輩即宏恭石顯屬也
爽戒晏等曰當共慎之其畏憚有如此肅平六年白
氣經天景王問故肅曰蚩尤旂也東南當亂明年毋
邱儉文欽等反景王謂肅曰霍光感夏侯勝之言始
重文學士良有以也所傳尚書詩論語三禮左氏解
及撰定父朗所作易傳皆列於學官卒贈衛將軍諡
曰景祀鄉賢上二傳通志

宋

何承天

博通今古尤精歷數仕宋為尚書祠部郎撰朝
儀遷尚書殿中郎朝廷每有疑議必先訪之時

元武湖得古銅斗衆皆不識承天曰此新莽威斗三
公亡則賜之江左惟甄邯為大司徒此必邯之墓也
驗之果然累官至御史中丞時魏君南伐陳防禦之
略上安邊之策先是禮論有八百卷承天刪減并合
以類相從凡三百卷及
文集傳於世祀鄉賢

唐

顏師古

名籀以字行父思魯以儒學顯師古少博覽精

于訓詁武德初為中書舍人明習治體詔誥册

令皆出其手太宗即位拜中書侍郎帝以五經去聖

久遠傳習寢訛詔師古於祕書省考定釐正學者賴

之又撰五禮注漢書時人謂杜元凱顏師古為左邱

明班孟堅功臣官終祕書監宏文館學士今按通

志以師古為臨沂人而舊志入邑鄉賢

且謂名師古字籀之與通志異當再考

孝友

梁

徐孝克

性至孝通五經善屬文梁大冑中起家太學博士侯景亂歲饑百官廩祿不給孝克傭妻臧氏於富室假穀帛以供母且剃髮為沙門乞食以克給後歸俗高宗時為國子祭酒每侍宴取珍果還以饋母高宗嗟歎勅所司餉其母累官至太子洗馬祀鄉賢今按孝克通志以為臨沂人舊志謂陵之弟案之徐摛徐陵二傳時事皆未合俟再考

徐份

陵之子年九歲為夢賦陵奇之官太子洗馬出為海鹽令有治績性孝友陵嘗遇疾甚篤份焚香涕泣跪誦孝經晝夜不息者三日陵疾遂愈

宋

韓靈珍

東海郟人性至孝喪母三年貧不能葬與弟靈敏共種瓜半畝欲以營殮及瓜熟採賣每朝取

暮復生遂得克葬今按此傳通志不入之正志而列之雜記豈以瓜探復生涉於荒唐歟亦有見

明

郭秉

杏墩社人性純孝由歲貢歷任山西隰州州同父沒廬墓三年哀毀過禮時值雨雹之變草木摧折禽獸傷死惟秉所居方七里禾稼一無所傷人以爲孝感所致

李翥

古城社人早喪父奉母胡氏甚謹家貧力農爲養居母喪哀慟踰禮水漿不入口者數日極力經營以葬二親遂結廬墓側飲食必祭焉後值淫雨大水溢沒民居勢將及墓翥籲天號哭水忽分三派漫流廬墓一無所損人皆驚異成化四年邑大旱禱雨久不應馮縣丞請翥禱之未三日大雨霑足皆以爲孝感

梁酌奏

解村社人天啟甲子科副榜父庠生梁鎮乾病不起侍疾不假寐嘗糞甘苦進藥涕泣祈禱四十餘日而愈以爲孝感諸弟幼祖遺悉讓之崇禎十三年大饑人相食盜攫村舍牛獨弁奏牛數隻去奏

以償其村焚劫之甚者人以為難還之奏曰盜遺失耳衆人向隅我何獨完終不受縣令惡鄰宿接壤處為逋逃藪欲移文盡洗之奏力爭云此一方有為盜者非為盜盡一方也縣令悟全活甚衆

劉三益 高册社人崇禎元年由監生任光祿寺序班端介孝友父劉約夏月痢疾勤侍湯藥晝夜不寢禱茹長齋疾果得愈父故遺幼弟三錫扶恤成立遵遺囑三世不分施祭田七十畝以濟難民捐粟舍粥以救飢荒設義學以教衆

姓子弟縣尹為旌其門

國朝

宋詢普

生員事母至孝母病故廬墓三年躬親負土成墓始終無斃知縣黃六鴻具匾旌獎

仇憲言

原籍保定府新安縣前朝旌表孝子仇雪廬之孫隨父爾顯經商郟城性至孝母蔡氏順治十

八年

六月疾甚思肉脯言割股以進母病遂愈爾顯

曾經

割股事新安舉孝子人以為天性一徹云

楊韶

許莊社人父庠生楊士賢母徐氏未週歲而母亡娶繼母魯氏甫七歲而父亡子母孤孀年雖

幼卽知孝行出入必告凡百敬順及稍長每焚香自
祝不願功名顯達惟求母壽康寧母疾則衣不解帶
食不下咽祈天願以身代湯藥必親嘗母卒哭泣之
聲動天地自一日以至三年忘食廢寢枯瘦如柴親
眷勸之節哀其哀愈甚鄉鄰感勸皆曰正孝子

陳文美

順治十年母倪氏病篤遇異僧教美剃度則生
美許之母愈卽日隨僧渡海三月歸看母妻杜
氏送至誓不納命氏父嫁之鄉人稱異

蔣文學

李馬莊社人蔣成陽之子母吳氏有疾久不愈
文學無計可救遂割股點燈祈禱於神明不數
日間母病果瘥今按文美文學二人皆孝而愚者
也爲母出家何以侍養割股點燈毀傷尤甚且皆感
於異教亦何取焉姑在不妄勸且示戒焉耳

王應仕

馬頭鎮氏性孝友甫七齡而父卒又七年兄應
科析居沂城仕艱辛供母母病延醫以貧故親
爲炊爨役母憐之不肯飲藥仕跪床下哀泣以進得
愈康熙七年地震仕方奉母晚飯一子一女在側驚

惶問子牽衣呼號仕不顧遽踴身抱母奔出母已驚憤抱持慰問者竟夜時閣鎮盧宇盡傾壓斃者無算獨仕家無恙東兗道徐省災而異之聞之撫軍劉錫匾旌之兄相距百里常徒步往侯兄偶至事之恭脫履進巾皆躬親兄偶飲他所常中途伺接執燭牽轡以歸或以爲畏憚逾分仕曰吾少孤見兄猶見父也敢不敬時已踰五旬矣年八十五卒

汪應智

解村社人早喪父事母至孝嘗有羣盜持仗呼噪夜攻母寢門應智冒白刃奔至大呼曰賊奴敢驚吾母盜爲驚潰始自知手無寸兵也又夜遭火災應智走護其母餘置不問火近其母室頓息人以爲孝感妻李氏亦孝謹母性嚴至捶之不怨遂感而愛之亦型于之化也

梁宣

圍站社民菽水奉親能得歡心及親沒祭墓必哭雍正八年年已七旬矣夏六月沂沐兩河水交至漂沒戶口廬墓無算宣走視親墓已塹爲深淵痛悼無已乃肉袒冒炎日尋骨泥澤中無所得日夜悲號曰不得骸不獨生也延至七月十五日痛祭奠無所乘間投沂水死庠生王欽等公舉其事於邑令

馮爲桐乃泐石沂水之濱銘之曰莞變滄溟痛不留
身同葬江魚孺慕方巾至情血性萬古彌新上三傳
荆志

沈楷

童年孺慕既長母老病楷偕妻吳氏宿母室中
色養備至母終哀毀幾不能生既葬伏墓側不
歸其子就墓所結草廬居
之飲食必奠外事皆不問

蘭文勳

父早喪家甚貧奉母至孝母年八十有餘嘗臥
病六載勳事湯藥未嘗廢離一夕卒愈人皆謂
其孝德所感及母卒祭葬盡禮廬墓者三年且平生
行止均屬可風前令上公旌以額曰永言孝思

陳國玉

陳洪盛父子廬墓善作善述王前令公顏其廬
曰孝德相成噫虞廷帝豫尙難克肖之嗣草野
編氓竟有敬承之子至今白馬河東二孝子手築墳
塋隆然猶在也

義烈

明

王宗宏

邑諸生崇禎壬午之難創義守城其父囑之曰事不可知當與城存亡不可臨難苟免有玷名

教宏敬諾十二月

城遂陷死之荆志

姚剡

字雪芝紹興山陰人學問淹博尤工繪事琅邪李應期司理蠡郡與為布衣交遂挾之北遊因

家于郟之馬頭天啓六年魏璫飛札令繪壽屏剡不

可州司臨門催逼勢不容已乃索酒奮飲有盆梅一

株移案上相對曰吾心與君同清能為逆璫供媚耶

乃摘花併酒吞之至夜分俱盡和衣而寢越旦促行

者至剡已瞑目逝矣其子葬之沂州金雀

山蘭山廩生王欽為作傳文長不能備載

隱逸

隋

徐則

東海郟人沉靜寡慾懷棲隱之操常曰名者實之賓也吾豈爲賓乎隱於天台山通志

[The main body of the page is almost entirely black, indicating that the text is illegible due to the quality of the scan or the condition of the original document.]

藝術

醫

李淑欽

浙之蘭溪人父以醫傳國初徒鄰之馬頭鎮淑
 欽繩其業療治之法出人意料表釋縣張某者一
 旦目珠欲出頭欲倒置足欲上豎衆不克治淑欽曰
 此倒胆症也緣胆有積火橫發暴張胆倒懸而身欲
 逆因令掖之行數四旋劑以清涼即愈山西客吳某
 嚴冬患傷寒狂臥戶外赤身猶厭其熱均授涼藥其
 熱轉劇淑欽曰此極寒症也所謂水極似火者用參
 附桂者一劑而痊海州吳某之妻病久忽陰中有物
 突出蛇形尺許醫者見而却走淑欽知為陰挺婦人
 皆有但非虛憊勞極不下耳藥以黃耆五錢二服即
 收司馬蔣公子二十四月而生患痘頂陷皆為莫治
 淑欽視之謂胎毒大盛煎涸氣血用參耆等物提氣
 補血即瘳種種神術大多類此歷任鄰侯無不器重
 之前宰王公曰蘭鄰二邑良醫惟淑欽一人而已

鄴城縣志卷之十

人物下

列女

母儀

晉

文明皇后

諱元姬東海王肅女少聰慧祖朗甚愛異之曰興吾家者必此女也既笄歸於文帝生武

帝事舅姑有禮待賓御有序時鍾會以才能見任后每言于帝曰會見利忘義奸生事端寵過必亂不可大任後果反武帝受禪尊為皇太后雖居尊位躬執

紡績服御樸素言必典禮浸聞不行

劉氏

何無忌母也少有志節弟牢之為桓元所害氏每思報復及無忌與劉裕定謀氏察其舉措有

異喜而不言會無忌夜于屏風裏製檄文氏潛于屏上窺之泣而撫之曰汝能與裕同謀吾無雪矣乃說